

MARCI HIERONYMI
V I D Æ
CREMONENSIS ALBÆ EPISCOPI
POEMATA

Quæ extant Omnia.

Quibus nunc primum adjiciuntur ejusdem

D I A L O G I
D E

REI-PUBLICÆ DIGNITATE.

Ex collatione optimorum Exemplari-
um emendata :

Additis Indicibus accuratis.

T O M. II.



L O N D I N I :

apensis LAWTONI GILLIVER, & JOHAN-
NIS NOURSE, Bibliopolarum, 1732.

MARGHERITAE

V I D E

GRONINGENSIS ACADEMIAE

POE MAT A

QUE EXISTIT

QUIBUS

D I A L O G I

D E

REPUBLICAE DIGNITATE

COLLEGIO OPTIMORUM EXEMPLARI

UN EMENDATA

ADITIS INDICIBUS

T. Q. M. II.



L O N D I N I :

perpetua LAWTON GELIVER, & JON-
NIS NOURSE, Bibliopolarum, 1782.

MARCI HIERONYMI

V I D Æ

CREMONENSIS

ALBÆ EPISCOPI

H Y M N I

D E

REBUS DIVINIS.

P A R S III.



L O N D I N I :

A N N O M DCC XXXII.

MARCI HIERONYMI

V I D E

CREMONENSIS


ALBERTUS

HYMN I

P. E.

REBUS DIVINIS

P A R S III



L O N D I N I :

A N N O M D C C X X I I I



In P A R T E III. continentur.

H Y M N I de R E B U S D I V I N I S.

1.	D E O.	Pag. 4.
	2. Dei Filio, Deo opt. max.	28.
3.	Spiritu S. Deo opt. max.	42.
4.	Jesu Christo opt. max.	55.
5.	In Eucharistiam.	59.
6.	J. Christo opt. max. de Carolo V. Imp.	68.
7.	In J. Christi crucem.	70.
8.	Magnæ Matri Virgini.	74.
9.	Beato Michaeli.	86.
10.	De cantico Moſis.	88.
11.	Divo Davidæ regi prophetæ.	91.
12.	D. Joanni baptistæ.	95.
13.	D. Petro apoſtolo, de ejus cathedra.	98.
14.	D. Joanni apoſtolo.	101.
15.	D. Andreæ apoſtolo.	108.
16.	17. D. Paulo apoſtolo.	113.
17.	D. Infantibus Bethl. innocentibus.	129.
18.	D. Stephano proto-martyri.	ibid.
19.	21. 22. D. Laurentio martyri.	132.
20.	D. Dalmatio martyri.	144.
21.	D. Caſſiano martyri.	149.
22.	D. Chriſtophoro martyri.	ibid.
23.	D. Silveſtro Pont. max.	150.
24.	D. Aurelio Auguſtino, Hipponis epiſcopo.	152.
25.	D. Homobono Cremonenſi.	157.

C O N T E N T A:

29. D. Thomæ Aquinati.	159
30. 31. D. Margaritæ virgini.	164
32. D. Pelagiæ virgini.	167
33. Cœlitibus virginibus.	173
34. De Divis cœlitibus.	174
35. D. Cœlitibus.	177



E R R A T A

Pag. 4, l. 1, <i>Lege</i> HYMNUS I. H. I. 143, } — Cætera 281, } II. 56, — adire 319, — Objice III. 65, — animi 190, — è tenebris 383, — cursu in V 156, — omnipotenti VIII. 4S, — persentis	183, — Bethlen 226, — illac 231, — ne IX. 28, — fufis hostibus XVI. 50, — olliquifquar 441, — diffundere XVII. 4, — Solarioli XX. 76, — nova 188, — fudit XXI. 54, — suggerit
--	---



M. HIERONYMI
VIDÆ

HYMNI DE REBUS DIVINIS.

DEO OPT. MAX.

ACCIPE, summe Pater, summi fabricator
[Olympi,
Quæ tibi, quæ Nato, quæ amborum car-
[mina amor]

Sacra ferens cecini, cœlique Quiritibus olim;
Dum vacat, atque humiles juvat altè linquere terras,
Et fortunatas superûm percurrere sedes. 5
Ipse ego, tentatum multis opus antè, Camœnas
Vertice ab Aonio duxi Jordanis ad undas,
Perque Palæstinos saltus, super ardua sisto
Montis Idumæi; sæpe unde faventibus auris
Tollere se, & liquidas mecum juvat ire per oras, 10
Et cœlum peragrarè, adytisque insistere Divûm,
Atque tuos etiam non exhorrescere vultus.
Nulla erat antè via: prærupta, atque aspera saxa,
Et densi latè obducebant omnia vepres.

III.

A

Ipse manu validam quatiens utraque bipennem 15
 Latum limitem ago fruticum cedentibus umbris:
 Jamque aditus datur, atque via licet ire patenti.
 Sat ludo, scenæque datum: ludicra priorum,
 Fictaque sat vacuas tenuerunt carmina mentes.
 Nam quis non teneros molli pede lufit amores, 20
 Et nemora, & fontes, atque inter pocula lusus?
 Aut quis non divosque virosque in prælia miscet,
 Dum validos juvat arma, tubasque æquare canendo?
 Vana superstitio mentitos numina divos
 Jam fileat: pudeat scelerum, quæ plurima cœlo 25
 Affingunt; pudeat sedes scelerare beatas
 Versibus, & superos probris involvere nostris.
 Jam pia religio cœlo caput extulit, aurea
 Luce fugans tenebras, haud falsi numinis index.
 Carmina nunc mutanda; novo nunc ore canendum;
 Jamque alias sylvas, alios accedere fontes 30
 Edico: jam nunc polluto calle relicto
 Hac iter esto; huc Musarum revocantor alumni:
 Hac casti vates in religione manento.
 Jam teritur via facta recens, veniuntque vocati 35
 Certatim vates: nova cursu semita fervet.
 Quàm juvat interdum vestigia nostra legentes
 Cernere nos juxta juvenes per amœna vireta
 Eductos studio nostro decerpere flores,
 Quos capiti imponant plexa sibi quisque corona? 40
 Spero etiam fore, cùm, quæ nos extundimus ipsi
 Infabricata, acieque retusa, utcunque dolata,
 Dum me deficiunt aliis rupta otia curis,
 Dum populos mihi commissos pascoque regoque,
 Olim aliquis Divis, & Musis carior ipsis 45
 In melius feret, atque impensius arte polibit.
 Et quæ vi nostra primo patefacta labore est,
 Mollius ille viam solidabit marmore secto,

- 15 Auro addens etiam decus, & Gangetide gemma,
 Ut teneant oculos discrimina mille colorum. 50
 Mî sat erit specimen clari monstrâsse laboris;
 Ut superet mox ille, ut pulchræ præmia laudis
 Prima ferat, primos felix potiatur honores;
 20 Inde alii, atque alii semper melioribus auris. 54
 Hæc quæcunq; tamen tibi, qualiacunque sacramus,
 Summe Pater : cui nam hæc potiùs de more dicemus
 30 Mortali, in terris qui gratus digna rependat ?
 Præmia nulla hominû moror : haud me purpura regum
 25 Ulla movet : nullos nos supra inhiamus honores.
 Si terrena forent quidquam, aut mortalia cordi, 60
 Sat mihi TUSCORUM MEDYCUM persolvit honorum,
 Et sat opum ; rebus cùm maximus alter, & alter
 Præfesset, præstantesque viros ad digna vocando
 40 Munera, ad egregias pretiis accenderet artes.
 31 Nil ultrâ in terris quæro, par regibus ipsis 65
 Contemptu rerum, contemptu dives honorum.
 Tu mihi solus ades : mihi tu persolvere solus
 Præmia magna, meisque potes subscribere votis ;
 35 Nulla licet meritis abs te sint debita nostris
 Præmia, tu nisi quæ nobis victoribus offers 70
 Sponte tua bonus, at nil tale merentibus ipsis,
 Dum fontes, & adhuc dubia certamus arena.
 Nam licet humanæ non spernas munera vocis ;
 ? 4 Nil nostri tamen oris eges ; laudumque tuarum
 40 Omnia plena sonant cœlo, terraque, marique. 75
 Siqua mei tamen est ratio tibi habenda laboris,
 Quæ tua magna quidê in genus indulgentia nostrû est,
 Da Pater, extremæ cùm vitæ advenerit hora,
 Te præsentem mori, nil me terrentibus umbris,
 4 Inq; tuos animam amplexus effundere ovantem. 80
 Hoc tantum mihi, plura aliis optantibus adde.

D E O.

HOCCE quid est? ubi sum? quæ mentē infueta libido
 Sollicitat? solito longè mihi pectora major
 Arripuit calor, & labefactis ossibus hæsit;
 Insolitoque meas novus est vapor igne medullas.
 Quò rapior? quò vota trahunt? quæ tanta cupido;
 Sevocat abductam mortali à corpore mentem,
 Ignotasque vias latè jubet ire patentis
 Ætheris, & liquido mihi sedem figere cœlo?
 Terra, vale, curæque humiles, hominesque valete.
 Nulli audita cano: veterum omnibus obvia vatum
 Carmina jamdudum, & mortalia cuncta perosus
 Tollor humo, totusque levem prope vertor in auram;
 Aereasque plagas superare, & linquere nubes
 Sub pedibus, rapidoque viam conjungere soli
 Dulce mihi, summoque in vertice sistere mundi.
 Non iter occurrens nostrum tot motibus aer
 Detineat studio spectandi, & quæque legendi.
 Nil morer aut ventos, aut sævi fulminis alas,
 Nubesque, pluviasque, nivesque, albasque pruinas,
 Eque coloratis cœlestem nubibus arcum
 Fœderis antiqui monimentum insigne per ævum.
 Omnia jam vulgata: meas neque clara morentur
 Altra vias, non sideribus volventibus orbes
 Instabiles: gelidæ quis nescit cornua lunæ;
 Aut quibus indicta est radiantis regia solis?
 Ipse licet sol alta petat, totiesque profundi
 Impositus cœli dorso liquidum æthera tranet;
 Ille meis longè inferior tamen evolet alis.
 Altius ipse viam ingredior: quodcunque creatum,
 Infra me jacet: alituum gens incola cœli
 Ipsæ etiam subsunt acies post terga relictæ.

Supra axes mundi, supra mirantur euntem
 Sidera, vestigantem ecquid sit originis expers,
 Quodq; ut morte caret, pariter quoq; nesciat ortus,
 Quod semper fuerit, quod nunquam cœperit esse, 35
 Auctoremque sui se tantum noverit ipsum,
 Cætera cum penitus fuerint ipso omnia ab uno.
 Hoc molimur opus; voti hæc summa ardua nostri.

Ignotum, piceaque procul caligine septum
 Nubibus in mediis acie deprendere tendo, 40

Quicquid id est; magnum certè, & mirabile nosco
 Numen habere, licet lateat, fugiatque videri,

Quidve sit ignorem; cuncti tamen esse videmus,
 Clarius atque suo longè se lumine prodit.

Ac veluti, objectu nebulæ cum delitet olim, 45

Tum nemo potis est obductum cernere solem;

Non tamen ignorem qua cœli parte prematur

Obsessum jubar, immenso quod lumina mundo

Sic etiam positum, lucemque diemque ministrat;
 Æthereique, utcunque, ignis tralucet imago: 50

Haud secus id nostros sub sensus ire recusat,

Nec se oculis planè mortalibus explicat unquam;

Esse tamen scimus, mentisque indagine porro

Deprehsam largo sentimus pectoris haustu

Undique diffusum, nobisque in viscera lapsam, 55

Corde movens intus, non missæ murmure vocis,

Sed tacito impulsu, atque potenti numinis aura,

Qua nos usque mover. Quo verò id nomine dicam?

Aut nullum, aut prorsus non enarrabile nomen.

Illi nomine enim quid opus discriminis ergo; 60

Cum nullis penitus regnet consortibus unum;

Non animal, non res, non pars, non scœmina, non mas?

Quicquid es, o seu vis, seu mens, seu spiritus ille,

Qui mare, qui terras, qui cœlum numine comples,

Cuncta movens, mota amplectens, amplexa gubernans;

Primò te esse quidem cuncti sentimus, & unum, 66
 Inde bonum simul experti, verumque vocamus.
 Nec tamen es tantùm, verusque, unusque, bonusque,
 Cætera ceu possunt dici quoque pleraque: sed tu
 Ipsum esse, ipsum unum, verumq; bonumq; vocaris; 70
 Quæ tamen inter se haud distant diversa, sed usque
 Sunt connexa adedò, ut penitus sint quatuor unum.
 Nec confusa uno tamen involvuntur acervo,
 Singula sed propria ratione, & nomine distant;
 Inque vicem secreta suo se munere produnt. 75
 Mira quidem hæc: tibi sed nil est mirabile porrò.

Quod fieri nequit, ipse potes, potes omnia quando;
 Nec tibi vis ulla obstat: agis simul omnia; nec te
 Est opus antè animo, quod agis, versare sagaci.
 Quod vis id potes, idque simul molimine nullo 80
 Perficis: usque tuum sanè est opus ipsa voluntas.
 Quod loqueris, facis idem; opus & vox editur unà.
 Ut dixti, ut subito ad verbum emergere creata
 Omnia, & ex nihilo cœpit splendere mundus!

Tu rerum tu principium, tu terminus idem: 85
 Principium sine principio, sine fonte scatens fons:
 Tu tibi principium; tibimet tu terminus ipse.
 Incipis abs te, si incipis; in te desinis ipsum:
 Incipis idcirco nunquam; non desinis unquam.
 Ceu, se qui sequitur longis anfractibus usque 90
 Per sua decurrens vestigia labitur annus;
 Nec se sponte sua discedens deseret unquam,
 Donec tempus erit, donec qui tempora cœpit,
 Finiet idem, instantis origo, & terminus ævi,
 Cùm volet, haud idem sibi finis, & exitus ipsi. 95
 Non tibi heri, non cras, non quod fuit, aut erit olim
 Objicitur; sed nunc, hodieque haud labitur unquam.
 Quod factum, infectum facis; indictumque videri,
 Quod dictum est; penitusq; hominum de mente revellis.

- 66 Quod nunc est, tibi semper erit ; nec præterit ætas, 100
Nec te tempus habet: quæ nobis cunque futura,
ue, Sunt tibi facta, oculisque tuis subiecta, priusquam
Terra patens foret, aut cœli pulcherrimus ordo.
70 Tunc neque tempus erat, neque pòst, neque dicier antè.
e Omnia solus eras; in te omnia: tunc quoque te nos
a. Aut cœlo dignos, aut certè fontibus umbris 106
Transcripsisse ferunt, & jam sua præmia cuique
Pro meritis solvisse, vel ut tua certa voluntas ;
75 Quamvis hinc longo fuimus post tempore creti. 109
Proinde preces cum stat nobis tibi fundere, laudesve,
do, Antè audis, quàm sint conceptæ in pectore nostro ;
e Et benefacta hominum, & commissa piacula nôsti,
Antè homines dias veniant quàm lucis in oras.
80 Omnia scis, & cuncta vides: tibi lumina mille,
Mille acies: at parva loquor, tu lumina totus, 115
a. Totus & ipse acies; nec quidquam te latet horum
Quæ sunt, quæ fuerunt, quæ serò deinde futura.
Nec tibi opus luce ad visum, neque lumine; tu lux
85 Ipse tibi, tu cuncta illustrans lumina lumen.
Et latebras quærant mortales turpibus orsis, 120
Nec metuant oculos incurrere cuncta videntis?
Non usquam locus ullus, ubi non ipse quiescas,
Omnibus inque locis ades omni tempore præsens,
90 Diditus in partes omnes; tamen omnis ubique
Integer usque manes: nec te regio ulla prehensum, 125
Conclusumve usquam cohibent loca; liber ubique
Funderis, atque extrà nullus te terminus arcet.
Et si quid, mundus quod non circumambiat, usquam est,
95 Id nihil est, nisi tu, tuaque haud finita potestas.
m Non oneri tamen es rebus, quibus insitus hæres; 130
m. Ipse sed es tibimet sedes gratissima ubique.
i, In te uno requies tua: tute nixus in ipso es,
lis. Cuncta tua replens vi: es totus in omnibus usque

Tactum omnem supra, sine vi, motuve, situve:

Quod si adeò non sit, subito passim omnia casu 135

Cernere erit ruere, in nihilumque redacta referri.

Omnia sustentas, procuras omnia, alisque,

Dum præsens ades; ipsa tua est præsens vita,

Omnibus ipsa salus: agis omnia in omnibus, uno

Excepto tamē, ipse mali neq; enim auctor in ullo es, 140

Nec potis es sanctam noxæ ulli flectere mentem;

Quod cadit in nostros, simul ac te amissimus, ausus;

Cetera semper agis: non te tamen omnia agentem,

Exercet labor: at requies tibi summa, tibi alta

Otia, tranquillaque solutus mente quiescis. 145

Omnia fers; oneri tamen haud obnoxius ulli es:

Ceu quoque si fortè admissis irascere nostris;

Pace tamen tecum frueris, placidaque serenus

Mente sedes: varium sanè, & mutabile quidquam

In te non cadit, aut nostræ inconstantia mentis. 150

Utque novus nunquam, nunquam veter incipis esse;

Semper idem es, plenusque tui: procul externa quæque

Atque aliena tibi absistunt: quicquid potis esse,

Aut non esse, tibi non congruit: omnia firma

In te sunt, nullos hominum metuentia casus. 155

Quicquid habes, unus ditissimus, illud es ipsum;

Et nihil est in te penitus, te præter eundem;

Tuque tui pars ipse, tui pariter quoque totum es.

Accessus tibi sunt nulli, nullique recessus.

Quicquid habes, tibi fixū adeò atq; tenaciter hæret, 160

Ut nequeat traduci aliò, neque vertier unquam.

Dum lucet, lux ipsa quidem es: dum vivis, id ipsum es

Vivere: dum sapias, ipsa adeò sapientia tecum est,

Ut nusquam queat ab sese divellier ipsa.

Quandoquidem nihil es concreti, aptive secari 165

In partes, sed mens purissima corporis exors,

Ipse tuis pollens opibus, nihil indigus extrâ.

Idcirco usque tibi constas, & sedibus isdem es;
 135 Nec te operum piget auctorem, non pœnitet unquam.
 Et si quando opus inceptum non perficis, & te 170
 Subducis, non consilium immutabile vertis,
 In melius sed flectis opus: neque enim illa voluntas
 0 Tum primùm subit; à prima sed origine rerum
 Sic fixum stabat menti, immotumque sedebat.
 Nam veluti varios in ferta recentia flores 175
 Jungere nos juvat, & longo contexere tractu,
 Atque ita consertos Divûm suspendere templis:
 Æternas sic te in seriem connectere causas
 145 Æternam perhibent, ut firma lege sequatur
 Usque alia ex alia, stabilis neque desinat ordo. 180
 Has præter nihil in terris, cœlove, marive
 Evenit, eveniunt præeuntibus omnia causis;
 Ut non è nostro cadat ullus vertice crinis
 Te sine, non ullæ in sylvis ex arbore frondes:
 150 Unûs cuncta moves causarum maxima causa. 185
 Et nihil est fortuna, nihil quoque denique casus,
 Incertum quodcunque cadat, nisi nomina vana,
 Quæ sumus infirmis comæmenti sensibus ipsi.
 Quippe obscura licet sint pleraque & abdita nobis,
 155 Fit tamen haud quidquam quod non provideris antè,
 Quàm vasti æthereos mundi procuderis orbes, 191
 Seclorumque novus procedere cœperit ordo.
 Atque ideo nobis interdum siqua videntur
 Facta quidem temerè, & penitus ratione vacare;
 160 Non tamen eversæ te protinus accusamus 195
 Justitiæ, at potiùs nebulis adscribimus atris,
 Et tenebris, quibus indociles involvimur ipsi.
 Quis mentè abstrusam, quis numinis alta profundi
 Consilia exploret? latet inscrutabilis ordo,
 165 Et series longa tegitur conserta catena. 200
 Antè oculis alti mortalibus abdita ponti

Antra legam, penetremque imi sola operta profundi,
 Observata vagâ tua quàm vestigia mente,
 Occultasque vias penitus deprendere possim.
 Usque lates, gaudeſq; nigris obnubilus umbris, 20
 Nec toto appares usquam mortalibus ore.

Quas ego non latebras, quas non mundi impiger oras
 Nequicquam scrutatus, inacceſſosque recessus
 Sæpe adii; dum te per plana, per ardua quæro,
 Aëtus amore tui flagransque cupidine vultus, 210
 Nubila quo cœli, tempeſtatesque ſerenas!
 Nam quoniam in terra viſum te ſæpe recenti
 Audieram, priſciſque parentibus ore locutum;
 Primùm terram adii multum ſcitatus ab illa,
 Ecquid fortè ſuis latitantem viderit antris 215
 Teque, tuosque aditus, & inobſervabile porro
 Nôrit iter: nihil illa meo ſermone movetur,
 Sed circumfuſo ſe oſtendit in aere tantùm
 Pendentem, atque ſuis libratam nixibus offert.
 Tum pictos variis prætendit floribus agros, 220
 Tot ſylvas, tot de nullo quoque ſemine plantas,
 Pomaque, & haud uno nitidas è germine fruges,
 Tempore quæque ſuo vice provenientia certâ.
 Tum varias latè diverſo in corpore vitas,
 Alituum, pecudumque genus, genus omne ferarum,
 Quæque ſuam certo ſervantia foedere formam, 226
 Naturæ & ſtabili ſe propagantia lege.
 Hoc opus omne tuû, hæc manuû monimēta tuarum.
 Tu fator, atque opifex rerum, atque ipſius origo
 Naturæ, ſi quidquam illa eſt, niſi nomen inane. 230
 Te tamen haud ullis terrarum partibus usquam
 Aſpicio, tua nec coram fas ora tueri;
 Nec niſi ſeſe oculis præbent mortalia noſtris.

Inde abeo: & quoniam, cùm nondum luminis ortu
 Clara foret tellus, ſed adhuc in nocte lateret 235

di, Temida suffundens cæcæ caliginis umbras,
Jam tuus æquoreis innabat spiritus undis
Luce recens orti perfundens cœrula ponti;
20 Protinus immensi convertor ad æquora ponti,
ras Vestigans, liquidis ecquis Deus erret in undis. 240
Apparet vastus tumidarum gurgēs aquarum:
Nil nisi pontus adest, variæque sub æquore formæ,
Monstraque, deformes phocæ, atque immania cete;
210 Totque alii vitreo nitidi sub gurgite pisces, 244
Qui sese usque etiam generatim in secla propagant,
Quadrupedum ut genus omne, ut vitæ pennipotentum.
Nec minùs undisoni maris admirabile visum est
215 Ingenium, accessus tot certa lege, recessusque,
Et modò crescentis falsas superare lacunas
Littora, detecto modò se subducere fundo, 250
Bisque die id, dum sol semel undique circuit orbem.
Ista quidem auctorem longè super omnia magnum,
Artificem præ seque ferunt, ultroque fatentur:
220 At nihil hîc simplex nostris non sensibus haustum,
Subjectumve oculis video nil funeris experts, 255
Necdum oculos lux illa explet, lux maxima nostros
Lucis inaccessis habitans pulcherrima in oris.
Pòst hinc digrediens volucres quoque tollor in auras,
um, Aereasque plagas, si fors tu, Spiritus, auris
226 Misceris, gaudesque leves percurrere tractus. 260
Occurrunt mihi ventorum spirantia flabra,
um, Nimbique, & pluvix, atque nives, canæque pruina,
Et ros, concretique instar salis horrida grando,
230 Fulguraque, elisique corusci è nubibus ignes, 264
Quæque movent humiles audita tonitrua mentes.
Magna quidem hæc visu artificem testantia magnum.
Nam quis non Deus, humana sed stirpe creatus,
ortu, Alituumve etiam superum de gente voluci,
235 Tam varium excudat tanta arte coloribus arcum;

Mortalive manu opus haud imitabile fulmen?
Parva sed ista tuæ mihi sunt vestigia lucis.
Necdum se mihi vis auræ simplicis illa,
Spiritus ille offert replens nullo omnia tactu.
Nondum te teneo : qua te regione requiram?
Quò sequar? ut perhibent, tibi sedes arduus æther.
Æthera conscendam : quis quæso accommodet alas
Præpetis enanti mihi nunc super astra columbæ?
Astra sequar pennis, puraque in luce quiescam.
Jamque adeò immensi suprema volumina mundi
Intueor propius rapida vertigine volvi,
Cetera in obliquum adverso nitentia motu
Sidera per stabiles orbis, qui volvitur, axes;
Unde dies nocti semper succedit, & usque
Mensibus exactis in sese volvitur annus;
Verque suo rediens semper se tempore profert
Post hyemem, sequiturq; statim autumnus inhærens.
Vix oculis propiora fero mortalibus astra.
Admiror lucem, admiror rutilantia longè
Lumina, & inventi mihi spes accenditur ignis,
Quem cupio, quem dudum inhians toto æthere quær
Ut verò æthereæ lucis fontemque domumque
Longius aspexi medium inter sidera solem
Auricomum, & totum radiis vibrantibus aureum;
Lætitiâ exilui, neque tantum lucis in ullo,
Qui non longè esset supra omnia, credere quibam.
Lux tamen illa expers vitæ, & sine sensibus ignes;
Lux alia de luce, aliis deque ignibus ignis,
Artificemque suum ceu cetera sidera novit.
Necdum oculis sese præbet nitor aureus ille,
Qui cùm cuncta movet, non est obnoxius ulli,
Exterius qui se moveat : se conciet ipsum
Sponte sua exorians nunquam, ut neq; desinet unquam
Restabant unæ aligeræ toto æthere mentes,

- 27 *Æthereæ cœlestum animæ, vitæque volucres,*
Primorem stipant quæ mentem examine densò, 305
Usque ministerio intentæ, jussæque rotatu
Sidera perpetuo torquent volventia mundi.
- 27 *Accessi mediumque dedi me lætus in agmen.*
Hic choreæ, hic cantus hilares, thyasique, chorique,
Gaudiaque, & læti lusus, hic omnia læta. 310
- ? *Illum adeo, mihi qui visus præstantior omni*
Illorum è numero, sanctum ceu numen adoro.
- li *Inclamant omnes : in primis verba precantis*
 28 *Ipsè arcet, refugitque, humilis cui thura parabam ;*
Seque Deum negat, atque, Dei vix cernimus ipsi 315
Instar, ait ; simul ad laudes, & carmina lætus
Interrupta redit, cantusque instaurat, & illud
Sanctius, ac claris longè sublimius astris
- 28 *Cum sociis lumen canit indefessus, & usque*
 ens. *Læta cohors regem læto clamore salutans, 320*
Sanctus, Sanctus, ait, Sanctus, ter maxime, terque
Optime, quo melius nihil, at nihil omnia præ te.
Tu pater es, tu te fœcunda mente volutans
Ipsūmet te totum obiens, in teque reflexus
 quær. *Concipis ipsè tui exemplum, tuæ imaginis instar, 325*
 29 *Haud ulli visum, sed inobservabile prorsum :*
Ceu, cū secum aliquid mortales farier orsi
Concipiunt tacito antè latens in pectore verbum,
Quàm vox æreas audita edatur in auras.
- m. 29 *Sed quod tu tecum mente ingens concipis alta, 330*
 nes ; *Verborū hāud simile est hominū, dum corde premūtur,*
Sed sine principio dictu mirabile verbum,
Quod semper fuit, est, & erit sine fine, sine ullo
 30 *Interitu æternum, nulloque obnoxius ævo*
Fœtus, ab æterno genitus, sine matre parente 335
 nquar. *Filius, æterno proles æquæva parenti.*
Semper es, & nunquam tecum unicus ipse fuisti,

Quin fuerit tecum pariter quoque & unica proles.
 A vobis nunquam alter abest, regnatis uterque
 Omnipotens, & uterque ingens, immensus uterque,
 Et pariter Deus, æqualisque potentia utrique. 34
 Quin & concordēs, vosque inter mutua amantes
 Communi (nullis opus extricabile verbis)
 Afflatu æternum semper spiratis amorem.
 Quodque ab utroque fluit, conforti Spiritus aura 34
 Numen habet, pariterque Deus quoque; regnat ubique
 Omnipotens, ceu tu, omnipotens, ceu Filius ipse.
 Tres tamen esse Deos si quis putat, avius errat:
 Unum numen idem tribus est, tribus una voluntas,
 Una eademque tribus natura, atque una potestas, 35
 Majestasque eadem, atque Deum ter dicimus unum.
 Quandoquidem quod tu, sit quamvis alter, & alter,
 Haud tamen est qui tu, aut alius numeratur utervis,
 Nec Natus Pater est, nec Natus Spiritus, aut tu
 Alteruter, vestrum sua sunt discrimine certo 35
 Munera cuique: nihil confusum est inque volutum,
 Tergeminoque Deus polles cumulatus honore.
 Te nullus fuit ante Deus, neque post erit ullus.
 Unus es, æterno qui numine cuncta gubernas
 Abditus, ingens, omnipotens, ter ubique tremendus,
 Cuncta supercilio quatiens, cuncta igne corusco 36
 Terrificans, cœli superas dum concutis arces.

Hæc memini, atque alia alterni miranda canebant;
 Et mihi sublimem lucem eminus ostendebant,
 Lucem admirandam, quam cernunt clariùs ipsi, 36
 Cum sint æthereæ, & nullo prope corpore mentes,
 Dura quibus tristis præclusa est janua leti.
 At mihi mortali in medio caliginis atræ
 Visa est clausa, nigraque procul circumdata nocte.
 Incertum, possim nebulosam an dicere lucem, 37
 Lucentemne magis nebulam; jubar intus inesse

Dignosco tamen aurifluis fulgoribus ingens,
 Quodque omnem exuperat magno discrimine lucem,
 Si quidquam fas supremæ componere luci,
 Unde omnis ceu fonte fluit lux cætera largo. 375
 Terrenam ut superant cœlestia lumina lucem,
 Cetera ut ingenti concedunt sidera soli
 Lumine, solque animos cœlestes aureus infra est:
 Sic tibi non tantum assurgit lux omnis ubique
 Ætheris immensi; tibi sed collata repente 380
 Fit nox, & nigra pallens obducitur umbra.
 Inde mihi siquis quandoque eruperit ardens
 Per cœlum radius, mentique affulserit ignis;
 Præterit, & rutila cœli fugit ocior aura,
 Quæ cecidit, seu visa polo cecidisse sereno, 385
 Nec blando mihi fas oculos saturare nitore.
 Si mihi nunc siquis velamina nubis opacæ
 Demat, & exertum penitus det cernere lumen,
 Quod colimus, cui thura damus, cui ponimus aras,
 Ignotumque animis cupidis ardemus, & usque 390
 Flagrantes acri frustra tabescimus igni,
 Quove magis sensu comprehendere tendimus, ægrosq;
 Altiùs in cœlum visus attollimus, hoc tu
 Effugis, aspectuque magis tua subtrahis ora
 Nube tegens, picæque involvis nubis amictu: 395
 Exiguamque tuæ miramur imaginis umbram.
 Ac veluti siquis solis, lunæve labores
 Deficiente velit paulatim cernere luce;
 Non ille arrectos extollat ad æthera vultus;
 Verum aut subjectis cœlum speculetur in undis, 400
 Aut vitro lucente, ubi plurima ludit imago:
 Sic nobis altum spectantibus ora tueri
 Fas nunquam tua, nec veram prope cernere formam:
 Infirmi nequeunt humani luminis orbes.
 Maximus es; nemo quantū tamē expedit unquam. 405

Optimus es : nulli qualem tamen edere fas est.
 Credo equidem, faciem propius, tuaque ora tueri,
 Atq; uti es omnino potis est haud noscere quisquam,
 Terrenâ quàm mole diu membrisque prematur.
 Aversum te terga oculis vix cernimus ægris; 410
 Et potius, quid non sis quivis promere possit,
 Quàm vera valeat penitus te reddere forma :
 Quippe tuæ aspiciamus tantum vestigia dextræ.
 Quicquid habet tellus, mare, cœlū, quicquid & æther
 Latipatens, opus omne tuum : quodcunque videmus,
 Sentimusve, tuum est : nobis hæc reddit imago : 416
 Plurima te in speculo, liquidisque tuemur in undis.
 Terga tuæ sunt hæc, & posteriora figuræ.

Proinde quis amotâ te possit comminus umbrâ
 Ferre oculis, qualis, quantusve amplecteris omnia, 420
 Undique diffusus, nullo de lumine lumen,
 Lux nulla de luce, omnis sed lucis origo?
 Nemo equidem credo vim tantam luminis absque
 Interitu ferat, aut torrentis flumina lucis.
 Idcirco te mortales, metuuntque, tremuntque, 425
 Seque tuæ cupidos solantur imagine formæ;
 Atque aciem ad veros non audent tollere vultus.
 Omnibus es timor; unde Deum dixisse priores
 Te credunt aliqui veræ rationis egentes.
 Te vulgus tremat, & mortalis cætera turba, 430
 Sisque aliis metus, ut libet, ac formidinis horror.
 At mihi blandus amor, mihi sis placidissimus ardor:
 Noctes atque dies toto te pectore versem.
 Te sine sit mihi dulce nihil, te pro omnibus optem,
 Unum depeream : totis hunc sensibus æstum 435
 Implicitem; hunc imis exardens ossibus hauriam;
 Hoc mihi solvantur flagrantibus igne medullæ.
 Hos mihi mens unos semper suspiret amores,
 Nunquam operû, nunquam meritorû oblita tuorum.

Quòd sim, quòd vivā, quòd sensu, animoq; capaci 440
Præditus utar, uti sanctæ tuæ imaginis instar,
Muneris omne tui est: tibi gratia debita soli,
Cui nunquam dignas potis ullus solvere grates
410 Pro meritis, licet ille sacræ se destinet aræ
Sponte sua, & sævos torrendum jactet in ignes. 445
Sancte veni, neque te jam aspectu subtrahe nostro:
Lux nulla de luce, ullo haud de lumine lumen,
O nitor exoriens nostræ pulcherrime nocti,
Quo fugis? appare mihi tandem, & nube remota
416 Exerere, atque tuo flagrantem refice vultu; 450
Voxque meas age nunc primum tua personet aures.
Te semel inspecto vitam haud finire recusem,
Si nequeam insolitam vim lucis ferre profusæ.
420 Sed potero, atq; operum patiens amor omnia vincet,
Qui me jamdudum malè habet, totisque medullis
Urit, tabentique animo te suggerit unum: 456
Unum te noctu, te luce usque aucupor unum,
Usque tui desiderio perfixus amoris.
425 Ac veluti, ab nemorum quæ dudum algentibus umbris
Excivere canes, medioque egere sub æstu 460
Æquora per longo camporum libera cursu,
Cervus hians liquidæ fontem memor optat aquai,
Suetus ubi gelida sese perfundere lympha:
430 Haud aliter fontem mea te sitis arida vivum
Suspirat; coeloque cadentem demoror imbrem. 465
Rumpe moras, age, fons vivus, cœli aureus imber
Labere, & aurifluo labris sitientibus amne
tem, Affer opem, arentemque sitim ros imbrifer exple.
435 Jamdudum desiderio genibusque solutis
m; Deficio exanimis, tua dum frustra atria lustro, 470
Ostiaque insisto immensam claudencia lucem.
Pande fores: te pande mihi: per te datur unum
Ad te aditus, tuque ipse tuimet janua clausa es.

Suscipe me, & validas intranti suffice vires,
 Et mihi quicquid opum, quicquidve daturus honorū
 Tolle precor, mihi te solum, nudumque repende. 476

Es mihi pro rebus cupido satis omnibus unus.
 Egredere, optatos fulgur velut exere vultus,
 Et ferrugineum caliginis aufer amictum,
 Lumine sol oriens rigat ut cœli arva recenti. 480

Si verò, cum sis passim ingens, totus ubique,
 Respuis externos sine corpore spiritus haustus,
 Atque ipsi verè penitus tibi cerneris uni,
 Quòd nihil omnino præ te sit corporis exors,
 Quodve loco certis non insit partibus orbis; 485
 Saltem parva tuæ lucis scintilla corusco
 Emicet igne, meamque serenus discute noctem.
 Cernere si nequeo, temet sis quantus in ipso,
 Quod dabitur, simul orbem acri lustraveris igni;
 At saltem, qui sis in rebus, quantus abundes 490

In nobis, quantusque animis cœlestibus insis,
 Aspiciam, dulcique tuo fruar eminus ore:
 Tantum si mihi non pigeat te ostendere, qualem
 Affulxisse ferunt vacuis in saltibus olim
 Pastori Ifacidæ, soceri dum pasceret agnas, 495
 Collucente rubo, flammisque ardente coruscis,
 Cùm tamen illæso frondes cum stirpe virerent;
 Aut quale effusum per cornu rasile transit
 Lumen, & inclusus transpectu cernitur ignis:
 Quanquam ô, sed mea me graviora piacula tardant,
 Ne te ferre queam, qualem te legifer idem 501
 Palmiferi vidit nimbofo in vertice Sinæ
 Fulminibus crebris fumanti monte tonantem.

Da mihi te, eque rubo tua vox utcunque feratur,
 Meque voca, mea nec quidquam commissâ morentur;
 Si potuit quondam qui teque tuosque petebat 506
 Insidiis, sanctum de cœlo cernere lumen,

Teque audire, fuit postquam ad meliora, vocatus,
 Exutus veterem Paulus cum nomine mentem.
 Me quoq; verte: tuum est misereri, & parcere semper
 Subjectis, coramque admissa fatentibus ultro, 511
 Quos tuus ipse sui Natus lavit amne cruoris;
 Quando operis tibi cura tui, nec deseris unquam
 Quos semel in dias eduxti luminis oras,
 Sponte sua sibi ni defint, perdantque volentes. 515
 Mentibus in nostris semper seris aurea recti
 Semina: si quidquam ingredimur te iudice dignum,
 Tu nobis das velle prius; dein sufficis aptam,
 Qua fieri id possit, vim: nec te subtrahis unquam,
 Tramite ni recti malè suasi sponte relicto 520
 Labimur in scelus, & votis agitamur iniquis;
 Atque tuam oppositis animis avertimur auram:
 Tunc fugis, & foedis abes irrevocabilis orsis.
 Nam quamvis hominē admoneas, foveasq; tegasque;
 Quodlibet audendi est tamen omnibus æqua potestas,
 Et nobis laxas nostri usque relinquis habenas; 526
 Justitiæ tantum memores, rectique, piique,
 Esse jubes, atque ipse coli te præcipis unum.
 Et quamvis mortale genus nil promere possit
 Laude tua dignum, nec quidquam mente capaci 530
 Concipere egregium; neque enim te pingere veris
 Fas cuiquam dictis, sed inenarrabile numen
 Majestasque tua est; nostras tamen optime laudes
 Non refugis, gaudesq; hominum pietate benignus.
 Quippe tener simul emerfit per inania mundus,
 Cuncta tuas ora in laudes solvere repente, 536
 Artificemque agnovit opus; te lucidus æther,
 Te sancti volucres nova gens radiantis Olympi,
 Et numen sensere tuum polus alter, & alter,
 Lunaque, solque recens, & sidera matutina. 540
 Omnia plaudebant, supera omnia læta sonabant;

Et cecinere novum tibi carmen vesper & ortus.
 Interea aereis sua erat quoque plurima campis
 Lætitia, & toto strépue tonitrua cœlo,
 Continuoque ignes fulsere in nube corusci, 54
 Atque humiles rutila lustrârunt lampade terras.
 Nec vos immensi mora distulit æquora ponti :
 Exultâstis aquæ plausu, exultâstis arenâ,
 Et caudis nitidi planxistis marmora pisces.
 Cernere erat, quâ cæruleas supereminet undas, 55
 Omniferam dorso tellurem murmure læto
 Intremere, & celeri velut assultare chorea.
 Necdum quadrupedes gustârant pabula in arvis,
 Nec variæ volucres rostro se pascere acuto 56
 Assuerant : prius omne pecus, prius omne volantum
 Reptantumque genus mira te laude ferebant,
 Et rerum auctorem, servatoremque canebant.
 Ipse latens, mediisque in nubibus igne coruscus
 Gaudebas, operique tuo faber indulgebas :
 Qualis, cui crescit natorum plurima pubes, 56
 Omnes cum videt insignes pietate, sibique
 Subjectos, pater ille animum labefactus amore
 Lætatur secum, & tacito sub pectore gestit.
 Tandem natus homo est, cœpitque animata moveri
 Gleba recens, cœloque arrectos tollere vultus. 56
 Illi præ cunctis animantibus ipse dedisti
 Divinos altæ mentis divinitus haustus ;
 Ut nullum in terris propius te accedat, & undis,
 Ingenium haud veræ omnino rationis egenum.
 Muneris idcirco tanti memor ore canebat, 57
 Et meritas toto solvebat pectore grates,
 Cum consorte tori incedens per amœna vireta,
 Halantesque tibi flores, & ferta legebat.
 Felix ô nimium, tecum si foedere pacto
 Mansisset dictis, nec turpi jura resolvens 57

Arisset voto, vetitique cupidine pomi
Seque suumque genus veniens misisset in ævum,
Omnia suffundens mortis nigrore repentè.

- 54 Tu tamen, ô nostras nimium miserate ruinas,
(Suasit amor) demum nos ultrò in pristina reddis,
Nec finis in tenebris, altaque voragine volvi. 581
Nam tandem auxilium cœlo demittis ab alto,
Qui reduces noctis nos tantæ evolveret umbris,
55 Non tot veridicis olim de vatibus unum,
(Quod poteras) non alitibus de civibus unum, 585
Qui cœli supera alta colunt; sed munere tali
(Quæ pietas? qui tantus amor?) tuus unica proles
55 Fungitur ille, tui vera atque simillima imago,
tum Filius, æternum qui tecum vivit, & unum
Est, & idem tecum, tibi nec divellitur unquam. 590
Nascitur humana sub imagine, nascitur ille
Qui semper fuit, est, & erit, cui sidera parent;
Mortalique Deus tegitur sub mole, nec artus
56 Respuit humanos, nec vitæ incommoda nostræ
Factus homo, mortique etiam se subjicit ultro; 595
Ut nos æternæ mortis de faucibus haustos
Eriperet, claroque humiles inferret Olympo.
veri Ille etiam, mundo cùm venerit ultimus ævi
56 Terminus, antè nova quam flagrent omnia flamma;
Arce tuo missu ad terram descendet ab alta 600
Ætheris, ut vitas hominumque & crimina discat
Quæsitior, quem non bene vel malefacta latebunt,
Pro meritis statuet pœnas, & præmia cuique.
57 Cum vero ingenti flammâ arserit orbis ubique;
Continuò tellure nova, cœloque recenti 605
Cernere erit lustrata hominum volitare per auras
Corpora, clara magis cœli radiantibus astris,
Omniaque ætherei complere sedilia cœli.
57 Tu, Pater, in mediis tot millibus æthere summo

Totus collucens, radiisque micantibus ardens,
 Longè omnes supra pro maiestate sedebis,
 Cum Nato æquipotente, tuumque afflabis amorem
 Omnibus, atque tuo lætos dignabere vultu;
 Unde animis venit alma quies, sine fine voluptas.
 Tunc te sicut es, & sine nube videbimus atra,
 Et nil jam levibus speculi debebimus umbris,
 Felices omnes, & conditione beati,
 Quisque sua, haud animis tendent optantibus ultra,
 Alter & alterius non suspirabit honores.
 Omnibus unus erit jūctis amor, atq; fovebunt
 Mutua se, dulcique animis ardore liquefcent.
 Nec se ulli poterunt posthac summittere culpæ,
 Ut cœli volucres post prima pericula cives.
 Ter felix sine fine quies, sine fine voluptas.
 Tunc neq; erit finis, neq; tempus: desinet ævum,
 Quodq; est, quodq; olim fuit, & quod deinde sequetur,
 Unum erit: immensi requiescent sidera mundi,
 Mobilis & circum torqueri desinet orbis.
 Ipse etiam cursûsque sui assiduique laboris
 Oblitus sol stabit: iners nihil edet in auras
 Terra parens: nil jam gigni, nil crescere, alive
 Cernere erit, nil mutari, nil denique obire;
 Omnia semper erunt eadem: terra, æquora, cœlum,
 Sideraque ultrici mundi lustrata favilla,
 Haud infra ætherei fulgebunt lumina solis,
 Lumina, quæ solita mundo nunc luce ministrat.
 Tunc mage erit longo sol lucidus intervallo.
 Nullus erit nimbus, nullæ toto æthere nubes,
 Quæ sese objiciant, & opacum lumen obumbrent.
 Otia mundus aget: tu solus gignere prolem
 Unigenam perges fœcundo in secula verbo:
 Gignendi nec finis erit, & uterque beatam
 Concordi afflatu semper spirabitis auram,

61 Sol v
 Defin
 Om
 Unu
 In te
 61 Mira
 Eter
 Sa
 Siqu
 Si qu
 A te
 Hæfi
 Tu p
 Om
 Tu
 Spler
 Tu
 Cete
 Side
 Secu
 63 Ten
 Et l
 Atq
 Sic
 Tu
 63 Per
 Sus
 Et
 Atq
 Om
 64 Ne
 Ips
 Bra
 Uf

- 61 Sol uti inexhaustum nihil unquam mittere lumen
Definit, usque nova perfundens omnia luce, 645
rem Omnia perpetuo conservans fota calore.
Unus cuncta reges; eris omnia in omnibus unus.
s. In te unum converſi animis flagrantibus omnes,
61 Mirari, amplectique omnes, pascique, fruique;
Æternumque tuas reſonabunt omnia laudes. 650
Salve, ſumma boni, fons veri, lucis origo.
trâ, Siquid juſtitiaſt nobis, rectique, piique,
Si quidquam virtutis, id omne, id fluminis inſtar
t 61 A te fonte venit recti omnis: cum tibi juncti
Hæſimus, hanc trahimus tua per commercia partem.
Tu pietas, tu juſtitia es, tu cætera virtus 656
Omnis, & in noſtras emanas undique mentes.
Tu vigor es rerum, tu vis, tu lucidus ille
a, 61 Splendor, quo cœli regitur pulcherrimus ordo.
etur, Tu ſoli radios, tu præbes augmina lunæ, 660
Ceteraque accendis paſciſque micantia cœli
Sidera luce tua, & totum jubare æthera veſtis.
Secula tu reparas ſemper fugientia, mundo
63 Tempora diſpenſans, annos, menſeſque, dieſque,
Et lucis noctiſque pares tu dividis horas. 665
Atque orbis velut es ſator unicus, omnium origo,
lum, Sic etiam tu cunctarum concordia rerum,
Tu mundi tu concentus, tu conſona Muſa
63 Perpetuâ in ſeriem nectens elementa catenâ,
Suspendiſque gravem telluris in aere molem, 670
Et ſuspendis aquas, tot vaſti ſtagna profundi,
Atque pares orbis lati moderaris habenas.
ent. Omnia ſolus agis, ſolus pater omnia curas.
64 Nec te centimanum dicam tamen: es tibi totus
Ipſe manus, totuſque oculi, digitique, pedeſque, 675
Brachiaque, & mundo nova ſemina ſufficis unus.
Uſque novas animas in membra recentia fundis

Humani generis fâtor indefessus, & orbem
Finibus in cunctis variis animantibus imples :
Nec sine te it quidquam aerâs in luminis oras. 68
Per te concipiunt fœcundis imbribus agri ;
Seminaque educit dias calor almus in auras.
Gramine convestis sola ; versicoloribus arva
Floribus appingis, pictisque tapetibus ornas
Semper vere novo ; nec certus rumpitur ordo. 68
Spicea ferta gerens, maturaque semina curvâ
Falce legens, alimenta animantibus ingruit æstas.
Rore levi arentes reficis nocte humidus herbas :
Hinc varia arboribus pendentia poma coloras ;
Et nitidas lentis suspendis vitibus uvas. 69
Venit hyems : nive, & albeni regis arva pruina,
Telluremque gelu premis, & vaga flumina sistis.
Tu, quoties libuit, veluti deprompta reclusis
Thesauris profers ventorum immitia flabra
Imbripotens, nimbos, tempestatesque coerces. 69
Fulguribus terras, & fœvo fulmine terres.
Omnia mox cœli detecta luce serenas,
Aereas equitans nubes, lateque sonoris
Ventorum in vectus pennis cava nubila differs.
Das leges, & jura polo : tibi curia sancti 70
Ætheris obsequitur, nutusque observat heriles
Sanctorum chorus alituum : tibi in omnia summum
Imperium : tu rex regum : tibi sceptrâ, tibi ipsâ
Regna accepta ferunt reges, & numen adorant
Accurvi, votisque vocant, metuuntque, tremuntque,
Atque humiles uni tibi corda ferocia ponunt. 70
Infâni, tibi qui se frustra opponere signis
Infestis audent, atque irrita bella laceffunt ;
Quandoquidem ceu das, adimis quoque regna superbis.
Quanta tuæ sit vis, quàm fœva potentia dextræ, 71
Cœlestum volucrum scit quondam maximus ales,

Olim qui roseo ceu Lucifer ore nitebat,
 Et matutino præbebat lumina cœlo.
 Cum sociis, nunc in tenebris & nocte profunda,
 Sontibus, infelix æterno carpitur igni 715
 Noctipotens umbris terror crudelibus & fax;
 Lucifugisque animas miseras exercet in oris.
 Scit Babylon, superas educta turre sub auras
 Terrigenas quali disjeceris ense gigantes.
 Scit Segoris, scitque infelix Asphaltidos undæ 720
 Accola, quas urbes subito telluris hiatu
 Hauseris, & pluvio gentem deleveris igni
 Ausam immane nefas, vim cœli inferre ministris
 Aligeris teneræ juvenum sub imagine formæ:
 Tantus agit furor insanos, tam cæca cupido. 725
 Tu pedibus falsas das ire impunè per undas
 Suspensis genti, dum vim fugit hostis, amicæ,
 Et mare velivolum concreta dividis unda.
 Nec morâ : vorticibus pelagi in se deinde reversis,
 Arma inimica, viros, currusq; sub æquore mergis, 730
 Et duram Ægyptum luctu prosternis amaro;
 Quam non ulla priùs potuerunt edita cœlo
 Flectere signa iræ cœlestis nuncia monstra.
 Tu potes hostiles nullo ariete vertere muros,
 Ad solum clamorem hominum, sonitumq; tubarum.
 Tu, quoties opus, insolitis terroribus hosti 736
 Adverso immittis tenebrasque, metumque, fugamque,
 Et conversa adigis dare terga sequacibus umbris.
 Vox tua terribile est tonitru, tua dextera fulmen.
 Tu populum innumerum, deserta per invia vectum,
 Concreto cœli pavisti rore tot annos. 741
 Tu largum duris è rupibus elicis amnem.
 Tu dulces in aquas fontes convertis amaros.
 Tu rerum quandoque vices, & fœdera rumpis;
 Et quas fixisti leges, idem ipse refigis. 745

Hinc precibus validi herois, dum prælia tendit,
Sol cœlo stetit immotus, mirantibus astris;
Cæteraque assiduos requiêrunt fidera cursus.
Hinc conversâ retro quoque flumina subsedere;
Aut subitò obsceno manârunt rubra cruore; 75
Et segnis quadrupes humana voce locuta est.
Olim etiam pluviam multos innubilis annos
Haud aer dedit, & latices latuere reposti.
Antè haustum largis delêras imbris orbem.
Tu, cererem exigua Nati convertere in artus 75
Divinos, corpusque, potes, sacrantis ab ore.
Quid mirum, si ferrum etiam natet amne liquenti
Suspendum, nec mole gravi subsidat in ima?
Si vim sponte suam dediscat mitior ignis,
Nec pueros cremet in media fornace canentes? 76
Arida si nitido revirescens germine virga
Non expectatos det obusto cortice flores?
Per te etiam furdis penitus sæpe auribus orti
Sunt visi claras audire & reddere voces.
Necnon capti oculis & blanda luce carentes 76
Jucundum cœli potuerunt cernere lumen;
Ut fileam, quos in media jam morte jacentes
Incolumes servas, nutuque in pristina reddis.
Quin etiam extinctos, ima & tellure repostos,
Cum libet, amissæ revocas ad munera vitæ; 77
Idque aliis das posse, tuas qui pectore casto
Implorant vires, & sanctum numen adorant.
Nil adeò nostris tam viribus inconcessum,
Quod non evaleat, quisquis te pectore toto,
Toto corde colit, totis te sensibus haurit. 77
Ille etiam avulsos in falsas æquoris undas
Transferet, ac coget per inania currere, montes.
Ille etiam velut ante oculos ventura videbit
Vaticinans, populisque canet longè antè futura.
Largius ipse homini te sæpe infundis amico, 78

Cætera de nihilo quem propter cuncta creâsti.
 Illum etiam demum cœli dignaris honore.

Respice nos bonus, & nodo tibi nocte tenaci:

Nos facere id potis est unum, ac servare beatos.

75 Nam quicumque tibi se junxit, & altiùs hæret, 785

Teq; habet, omnia habet, nulliusq; indigus ultrà est.

Omnia sunt in te, per te omnia, te omnia ab uno.

Si quid opus, nulli dees, omniaque omnibus unus

Sufficis; & te, qui sis omnibus omnia, præbes.

75 Tu vigor es fessis; jactatis æquore vasto 790

Tu portus; tu fons liquidæ sitientibus undæ.

enti Tu requies, tu pax animis placidissima nostris.

Tu modus es rerum mensusque, & Dædala forma,

Metaque: tu pondus, numerusque, ordoque, decorque.

76 Tu cunctis communis honos, tu vita, salusque; 795

Tu cunctis communis amor, tu plena voluptas

Omnibus, & virtus: abs te sapientia, siqua est

Mortali: tu lex, tu spes certissima, tu lux,

Tu via, tu ratio.—Desunt mihi carmina, desunt

76 Verba: tibi quò plura cano, tibi plura canenda 800

Restant, mortali non evolvenda labore.

Non te orbes capiunt, non ampli semita cœli

Ardua, non ratio, non mens, non denique sensus.

Atque adeò maris immensi tot stagna, tor undas

77 Ebibere enitor, torumque haurire profundum. 805

Hic mihi si æternùm sonet immortalis ahenò

Gutturè vox, centumq; obeant hæc munera linguæ,

Seminaq; excudam laudum usque abstrusâ tuarum;

Haud equidem exiguam sperem comprehendere partem.

77 Sint ideo potiùs tibi nostra silentia laudi, 810

O decus, ô jubar æternum, inviolabile lumen.

Summū unumq; bonū, summarū maxima summa,

Si quid honos, si quid laus, si quid gloria, id omne

Unus habes: tibi honos, tibi laus, tibi gloria soli.

HYMNUS II.

DEI FILIO, DEO OPT. MAX.

Principio ante ævi primordia, & ante creata
 Omnia, Verbum erat æternum, immemorabile Verbum
 Usque Deum propter residens, haud numinis expers,
 Divinique haustus: sed erat quoque numen id ipsum
 Eque Deo Deus, & verum de numine numen;
 Quod Deus æterna produxit origine, nullo
 Temporis obsequio, se in semet mente reflectens,
 Concipiensque suæ proprium hinc sibi imaginis instar,
 Quo sine nil horum constat, quæcunque creata.
 Fons vitæ, fons lucis erat mortalibus ægris: 10
 Lux ea sed tenebris primò radiabat in altis;
 Nec claram cæcæ lucem agnovere tenebræ.
 Huc missus vates, lucem qui proderet almam
 Gentibus, & largo lustraret lumine mundum,
 Veridicoque rudes prænuncius ore moneret; 15
 Non lux ipse quidem, sed tanti luminis index.
 Lux erat ille autem, qui primo lumine semper
 Affulget primas mundi ingredientibus oras.
 Non aberat mundo mundi fabricator; at ipsum
 Auctorem haud agnovit opus: sed ei obstitit orbis, 20
 Inque sua advenientem alii excludere, neque illum
 Admisere sui: sed quotquot luce recepta
 Accepere, piis tum primùm oblata facultas,
 Et monstrata via est, qua cœli surgere ad auras
 Possent, seque Deo ceu pignora jungere cara, 25
 Lustrati velut, atque iterum divinitus orti.
 Nam Verbum omnipotens (agite, hîc assurgite dictis
 Mortales venerati animis) mirabile Verbum
 Dilapsum cœlo moribundos induit artus,
 Factus homo Deus, & nostris habitavit in oris; 30
 Unde salus omnis nobis est orta sepultis.

Tantane te pietas miserantem incommoda nostra,
 Tantus adegit amor, cœli ut de lumine claro
 Te nostris velles ultrò immiscere tenebris;
 Cùm sis æterni proles æterna Parentis, 35
 Luciferum ante satus roseum? tu Lucifer ipse,
 Cæteraque astra tuo tu lumine cuncta serenas;
 Qui gigni neque cœpisti, neque desinis unquam,
 Principio semper genitus, gignendus & usque,
 Principium de principio, de fonte oriens fons. 40
 Tu sol, atque idem splendor de sole refulgens;
 Splendor, qui solem illustras splendoribus ipsum;
 Lux de luce micans, clarum de lumine lumen.
 Sol, omnis fons justitiæ, pietatis origo;
 Splendor, qui totum illustras splendoribus orbem. 45
 Tu mortale hominum genus ipsa ab origine rerum
 Vidisti curas humiles, & vana fovere
 Consilia, accurvum terris, coelestium inane.
 Huc ideo accessi moribundo corpore septus,
 Te medium dans inter nos, interque Parentem; 50
 Ut nos erudiens nunquam antè audita moneres,
 Arcanis inscripta notis in codice clauso,
 Quem septem custodibant adamantina signa.
 Hic veterum coram evolvens oracula vatum
 Lustrâsti nos luce nova, ut concreta videntes, 55
 Atque oculis subjecta, etiam possemus adi e
 Quæ fugiunt hominum visus, vix pervia menti;
 Atque ita nos veheres tua per vestigia ad astra:
 Qualis avis, non jam implumes cum sedula natos
 Invitat, tenditque volatu educere in auras, 60
 Ipsa supervolat nidum alludentibus alis,
 Paulatimque levi se tollit in aera lapsu.
 Non aliâ humanum genus arte obtusâ tot annos
 Corda gerens poterat sublimi pectore digna
 Concipere, & volucris cœlum transmittere mente. 65

Nam tibi cuncta Pater, quæ sunt, quæve antè fuere
 Quæve dehinc ventura, uni detexit; & æquè
 Omnia scis, & cuncta vides, videt omnia ut ille.
 Te quamvis genuit Pater auctor, non tamè unquam
 Te fuit ante Pater: nunquam non ipse fuisti
 Filius æterno soboles æquæva Parenti.

Ceu, quamvis longè æternis pereuntia distant,
 Splendor ab igne oritur, splendorem non tamè ignis
 Ante iit; at simul atque ignis tum cœpit oriri,
 Ortus item pariter splendor diffulsit ab igni;
 Æternusque foret pariter, si æternus & ignis.
 Non Pater est te major: habes Patris omnia, & in te
 Est Pater, ut genitore itidem tu semper in ipso es.
 Quæque potest Pater, æquè eadem potes omnia ab illo.
 Tantùm te genuit Pater ampliùs, ipse neque illum
 Gignis, nec Pater es, sicut neque Filius ille.
 Tu Patris æterni æterna atque simillima imago;
 Tu Patris invicti robur, tu dextera, & ingens
 Brachium, inexhaustusque vigor, virtusque perennis.

Tu Patris æterni es sapientia cuncta videntis,
 Quâ maria, & terras, cœlum, æthera, cuncta creavit.
 Nam Deus æthereos cùm mundi excuderet orbes,
 Aereasque plagas conflaret, cumque liquores,
 Et circumfusas laticum suspenderet undas,
 Libraretque suo tellurem pondere nixam,
 Inque vicem validis connecteret omnia vinclis;
 Ipse aderas operi indulgens, nutu omnia firmans,
 Omnia componens: sine te nihil: omnis ubique
 Est per te decor, & rerum pulcherrimus ordo.
 Namque sinu Patris ipse aderas nova cuncta creantis,
 Ante mare, & terras, cœli ante patentia regna,
 Ante humiles colles, ante alta cacumina montes,
 Fluminaque, & fontes genitus; prærupta priusquam
 Fundamenta gravi telluris mole locaret,

fuere Filius extabas ante omnia secula natus, 100
 Amplexusque Patrem æterno devinctus amore
 Gaudebas tecum: torrens unde illa voluptas
 Illa immensa fluit, gaudent quâ cuncta creata,
 7 Quæ sensus hominû supra est, super omnia abundans;
 Auribus ut nemo hanc, nemo unquam mente capaci
 Hauserit in terris; animas ea sola beatas 106
 Efficit æthereis exemptas corpore in oris,
 Ut nihil ulterius quærant, nihil amplius optent.
 7 Tu tamen ô nostros adiisti sponte labores,
 Mortalesque auras hausisti, has noctis in umbras 110
 Editus, humanosque puer collectus in artus,
 Verus homo, verus pariter Deus, unus utrumque
 Nasceris, & cœli nostri non respuis oras;
 8 Eque sinu Patris in terras te dejicis imas
 Solis lucis egens, cùm sis fons lucis, & ipsum 115
 De nihilo extuderis, nullaque è lampade solem,
 Cæteraque illustrans cœli succenderis astra.
 nis. Nasceris, & subito aspectu cœlum omne ferenas,
 8 Editus in lucem pura de virginis alvo,
 vit. Quæ penitus thalami, tactûsque ignara virilis 120
 s, Numinis affantis sancta concepit ab aura.
 Nasceris: in terris pax nascitur aurea tecum,
 Pax omnem sensum exuperans, insueta voluptas.
 90 Nasceris; ut verni species patefacta diei,
 Omnia lætitia perfundis, gaudia ubique 125
 Plena feri: mira rorant dulcedine montes
 Undique; mellifluæque redundant nectare valles
 94 Undique; felici distillant omnia rore.
 atis, Nam cœlum omne liquens, cœlique volubilis orbes
 Desuper insolitis tunc imbribus irrorârunt, 130
 Et pluviam nubes felici rore dedere;
 Quo tellus imbri, Zephyrisque tepentibus alma
 Conceptit gravis, & gremio flos ortus aperto

Exeris os, campisque comas diffundis apricis
 Circùm suave rubens, & circumfusa coloras
 Gramina: divinos longè rus halat odores.
 Tu ros, tu pluvia, eque polo fluis aureus imber:
 Expectatus ades tot secula ab omnibus imber.
 Candida te excipiunt intactæ vellera lanæ;
 Nec tamen excepto maduit lana humida ab imbri.
 Porta æterna manet cœli alto in limine clausa, 14
 Per quam aditus nulli penitus fuit orbis ab ortu.
 Ipse sed ingrediens soli tibi sponte patentes
 Isque, redisque fores, nec claustra immota resignas.
 Quale vitrum radiis penitus sol transit adactis, 14
 Illæsoque domûs subit interiora metallo,
 Intimaque illustrans penetralia lumine vestit.

Plurima fortè olim serpens tabo atque venenis
 Fontesque, fluviosque, lacusque infecerat omnes;
 Omnes errabat mors passim infusa per undas. 15
 Circùm victa siti longas effusa jacebant
 Per ripas armenta, genus simul omne ferarum;
 Nullaque suspectas labris arentibus undas
 Libabat quadrupes, vicinaque flumina tantùm
 Spectabant veritæ cæcum sub gurgite virus. 15
 Ecce ferus, cervo assimilis, capreæve fugaci,
 Montis ab aerei decurrens vertice summo,
 Tramite declivi saltus prætervolat altos:
 Jamque fugam per plana tenens ingentiâ campi
 Transmittit spatia, & volucris volat ocior aura. 16
 Convertere oculos commota armenta repenti
 Ad sonitum, atque viam venienti abducta dedere.
 Ille lacum ingrediens longo ferit æquora cornu,
 Fronte quod in media solum gerit: ilicet omnis
 Ad tactum subitis fervoribus æstuat unda, 16
 Exultantque vada, spumisque incanuit amnis.
 Nec mora: profluere feræ simul undique in undas;

Securæque mali medicatum hausere liquorem.

13 Currite montanæ, vos huc accurrite, nymphæ,
Ferte rosas: legite alipedi candentia vestro 170

Lilia, narcissosque, & purpureos hyacinthos.

Texite odoratas vario de flore coronas,

Atque salutiferum fertis innectite cornu.

bri. Tu noster quadrupes, cœli ô lux clara sereni;

14 Vertice ab æthereo, tu nostræ causa salutis 175

Certa venis, tuaque omne abigit præsentia virus.

Grex lectarum ovium cæsis custodibus ibat

gnas. Omnis Idumæis passim dispersus in arvis.

14 In pecus omne feræ grassari impunè; fremebant
Hic illic miseris balatibus omnia circum. 180

Pastor ab adverso Carmeli vertice missus

Venisti tu cogere oves, oviumque mederi

Vulneribus pius, ingluviemque inhibere luporum;

15 Unius ut tandem pastor foret unus ovilis.

Currite, Idumææ, vos huc properate, puellæ; 185

Visite pastorem nunquam ante hæc secula visum:

Cernite, ut incessu gravis, ut spectabilis ore

Egregio, formaque viros supereminet omnes,

15 Cuncta Deo similis, vultum, vocemque, coloremque,

Haud spirans mortale: Dei quantum instar in illo! 190

Sternite humum venienti, & olentia spargite ubique

Graminaque, & flores, calathisque occurrите plenis;

Et patrio de more novum date gutture carmen.

16 Ecquis Idumæo venit ecce è tramite pastor,

Transiliens colles, montana cacumina tranans, 195

Divini specie juvenis pulcherrimus oris,

Undique divinum jactans de corpore amorem?

Ecquis, odorato ut thalamo novus ecce maritus

16 Egrediens, multo incedit sublimis honore,

Fragranti latos humeros adopertus amictu, 200

das. Atque ipsos blando montes exurit amore?

Omnia amant juxtâ, mitescunt omnia circùm.
 Currite, pastores, pastorem visite amantem :
 Currite, longinquis, reges, à finibus orbis,
 Dona parate opibus, regumque invisite regem. 20
 Sed quid ego aspicio textum illi informe rubore,
 Squalentem guttis tunicam? chlamys atra colorem
 Insolitum veluti calcata duxit ab uva;
 Compressique pedum maculârunt vincla racemi.
 Ah! tibi quis niveos tam foedè infecit amiçtus? 21
 Ah! tibi quò species evanuit illa repentè,
 Quâ sanctorum animæ in cœlo lætantur amorum,
 Alituum cœlestum acies, gens æthere nata?
 Tune ille æternæ splendor nitidissime lucis,
 Pulcher luce magis, roseo formosior astro, 21
 O cœli jubar, ô oriens, ô Lucifer alme,
 Lumine cuncta rigans, illustrans omnia luce?
 Lucis ubi nunc ille nitor? tun' Phosphorus ille,
 Præbebas mundo qui lumina matutinus?
 Quem quondam vario rerum ipsa in origine cantu
 Laudabant celeres mundi septemplex orbis, 22
 Laudabant elementa, tuum admirata decorem,
 Laudabant alternantes & vesper & ortus,
 Lunaque, solque, poloque orientia fidera utroque.
 Hei mihi! Lucifero quantum mutatus ab illo es! 22
 Hei mihi! mutato quam factus decolor ore!
 Quam niger aspectu, quam deformatus amiçtu!
 Quis te percoxit tantus calor? haud tibi vultus
 Sol æstu infuscat; non purpura tinxit amiçtus :
 Longè alius rubor, atque alii infecere calores. 23
 Solus amor nostri fuit horum causa malorum ;
 Solus amor fusci fuit idem causa ruboris.
 Unus tu nobis collectas comprimis uvas
 Suppositus trabe, mole gravi, sub pondere iniquo ;
 Deque tuo expressi tortu fluxere liquores, 23

- Et totum quæ vina hilarant dulcedine mundum.
Ast etiam quænam juvenili in corpore cerno
Vulnera? quàm lata patefactum molle fenestra
20 Pectus hiat! plantæ quàm dira cuspide fixæ?
ore, Ecce manus ambæ ferro quoque arantur acuto; 240
rem Vulnificisque caput redimitus sentibus horres;
Affixusq; trabi vitam heu! quoque denique fundis.
Cui hominum hoc de te licuit scelus? an Deus istis
21 Vulneribus, mortique etiam succumbit acerbæ?
Ipsi tunc etiam flêrunt tua funera montes; 245
m, Aspraque faxes tuo doluerunt fissa dolore.
Ipsa parens frugum sese mœstissima tellus
Planxit, & insolito tremuit succussa fragore;
21 Nec potuit lacrymas sol dissimulare, serenam
Cum ferrugineo faciem velavit amictu. 250
Ah dolor! admissi nullius conscius, insonsq;e
Occidis, & pœnas aliena ob crimina pendis;
Qui neque contraxti proavitam ab origine culpam,
Nec tenui ipse tuum maculâsti crimine nomen.
utu 21 Nos inconcessa decerpimus arbore poma; 255
Unde omnis spes nostra absumpta, salusque sepulta:
Ipse tuo cunctam solvisti sanguine noxam,
Arboris affixus plantas & brachia trunco.
21 Nostra tua de peste salus, de funere vita
Nostra oritur, lætique tuo languore valemus. 260
Namque licet mortale tibi & violabile corpus
Effet, mortali ut matris de sanguine cretum;
Nulla tamen furti obstabant contagia avari,
230 Antiquæve notæ suberant vestigia nusquam,
Quam generi princeps hominum generator inurens,
Heu! genus infelix transmisit in omne nepotum: 266
Quandoquidem intemerata parens genitricis in alvo
Ipsa suæ afflanti circumdata numine, labem
235 Vel non admisit, vel protinus eluit omnem.

Tu volucris foeta illa, tuo quæ sanguine natos
Pascis, & admoto terebras tibi pectora rostro.
Agnus eras facer ille, patri mactandus ad aram,
Victima morte obita qui nostra admissa piales,
Ablueresque tuo nos hostia sancta cruore.
Tantæ molis erat nos cœli in regna reponi;
Unde procul pulsi malefuadi fraude colubri
Sedibus ignotis tot longè erravimus annos,
Pellacis colubri, hamatæ qui agmine caudæ
Magnam etiam superûm detraxit ab æthere parte
Vincis io, atq; hydro tandem obluçtatus acerbo
Infernas penetras sedes, & morte subacta
Vivis adhuc vita meliore, animasque piorum
Carcere perfracto Erebi vastator ab umbris
Eripis, & tecum cœli alto in culmine sistis.

Tu leo promissus magni de sanguine Judæ
Nasceris ille, malisque venis occurrere nostris.
Vincis io, & magna vi vincula nostra refringis,
Vincula, queis sibi nos addictos hostis habebat;
Atque triumphatum compescis viribus orcum.
Quique modo informi leto sine honore jacebas,
Jam pulcher visu, jam formosissimus ore,
Pristina divini præ te fers signa decoris,
Atque agis insignem repetens supera alta triumphum
Qualis ubi exutus senium, nitidusque juvena,
Puniceis surgit Phoenix à funere plumis,
Jamque suos adit Æthiopes, Indosque revisit:
Circà illum volucres variæ comitantur euntem,
Et vario indulgent cantu, plausuque sequuntur.

Tu lapis, informi primò quem mole jacentem,
Projecere viri, neque eum inter levia saxa
Miscuerunt operi; mox ipsa in fronte locatus
Ædibus in summis, qua prominet angulus extrâ,
Parieti utrique datus, validis compagibus omne

Nectis opus, totaque nites spectabilis arce.
 Nec tamen hinc indefensos nos deseris unquam: 305
 Usque foves præsens, & amico numine firmas;
 Nosque mari in vasto tot tempestatibus arces,
 Nec finis abruptis victa rate obire procellis.

Tu pelagi velut in medio firmissima cautes,
 Quam neque convellunt venti, neque fluctibus undæ.
 Hac super alta novæ posuisti mœnia genti, 311
 Quæ totum daret aucta tuis sub legibus orbem.
 Hinc adeo fessis statio tutissima nautis:

Huc, quæ sæpe mari in medio nostra ardua puppis
 Æstuat infanis ventorum exercita flabris, 315
 Se recipit, temnitque minas, & murmura ponti.
 Usque invicta flix te sævis objicis undis:
 Impetus huc omnis, illisæque frangitur unda:
 Obice quo defensa, licet vi crebra fatiscat,
 Tuta tamen ponto nunquam cava mergitur alnus.

Tu nos, olim ut pollicitus, non deseris unquam: 321
 Tu nos de cœlo præsens pascisque, tegisque;
 Sæcis æternæ tu nobis pabula vitæ.
 Tu noster victus, tu nobis pabulum, & esca;
 Tu cœlo ros concretus demitteris alto 325
 Suavis, & optatos referens cuique ore saporos.
 Tu nobis liquidæ emanans fons vivus aquai:
 Flumine ab æthereo semper sitientia labra
 Nostra rigas, largumque in nobis efficis amnem;
 Cujus rursus aquæ salit usque ad sidera cursu 330
 Impetus, & superum lætantem temperat urbem.

Abs te omnis vis nostra oritur, vigor omnis abundat:
 Nostraque, siqua, tuo firma est in robore virtus.
 Tu velut in campis latis uberrima vitis
 Brachia protendens: nos ceu qui plurimus inde 335
 Palmes agit sese, laxisque effundit habenis,
 Et gravidus circum nitidis exuberat uvis.

Tu fortunati abstrusus thesaurus Olympi,
 Aurū ubi coelicolū & gemmæ servantur; & omnes
 Cœli claudis opes ditissimus, atque recludis.
 In nos usque etiam mortales largus inundas:
 Huc omnis pleno dimanas copia cornu:
 Abs te omnis auri vis, atque opulentia abundat.

Quod semel æterno longè ante exordia rerum
 Munere concessit Genitor tibi, conditor orbis,
 Semper habes; nec cū hīc terrenos induis artus,
 Amittis quidquam decoris cœlestis in æthra.
 Non te adeo intactæ claudebant viscera matris
 In terris, ut non quoque in æthere luce micares
 Idem eadem, æterno genitus sine matre Parenti.
 Nec minùs, ac priùs, æthereo Deus altus Olympo
 Regnabas cum Patre, licet terraque, marique,
 Errares homines inter mortalia curans,
 Verus ibi, hīc verus, nec nos ludebat imago.
 Et plagis cū te objiceres morti obuius ultrò,
 In te solus homo sensu tulit aspera morte,
 Nec Deus est quidquam lacero tum corpore passus.
 Nam divina quidem, quæ simplex, quæve tuentum
 Rejicit aspectum, complecti nescia sensu,
 Cū natura sibi applicuit mortalia membra,
 Naturamq; hominum; haud maculas contraxit ab illis
 Nullaque per talem admisit contagia nexum,
 Sed penitus seorsum pura atque intacta remansit,
 Cui nihil omnino terrenæ labis inhæsit:
 Dissimiles species naturæ utriusque repugnant.
 Sicut ubi immundas sol lambit lumine fossas,
 Tetra ubi proluvies gravè olet cœnoque fimoque;
 Non tamen effusi radij, dum fordibus errant,
 Infusas ducunt ea per commercia sordes.

Rursum igitur solito pariter sublimis honore
 Regnas: humani præ te fers corporis artus

Amplius, intacta quos traxi è virgine nascens,
 Filius omnipotens Patris omnipotentis, & hæres.
 Sed quod erat mortale olim, & violabile corpus,
 Nunc immune necis stellas super emicat omnes, 375
 Præfulgensque novo premit ipsum lumine solem.
 Quæque tuos anima accessit divinitus artus,
 Formari inciperes sanctæ cùm matris in alvo,
 34 Numinis insolito tecum dignatur honore,
 us, Felicesque animas longè supereminet omnes, 380
 Tecum unà imperium cœli omnipotentis adepta.
 Namque tibi, quæcunque usquam potis esse, potestas
 es Omnis ubique data est cœlo, terraque, marique,
 35 Omnia ut æterna ditione in secula frenes.
 apo Insuper insigni es Genitoris munere adeptus 385
 Præclarum, & dictis non enarrabile nomen,
 Insolitum, evectum super omnia nomina nomen,
 Quod cœlum tellusque tremunt, atque infera regna;
 35 Suppliciterque uni genua accurvantur ubique.
 Idem etiam effæto cùm venerit ultima mundo 390
 us. Tempestas, rapidis quâ flagrent omnia flammis;
 cum Mortales iterum missu Genitoris in oras
 Advenies, hominum ut vitas & crimina quæras,
 36 Pro meritisque voces ad poenam & præmia quemque.
 b illu Te genus humanum aspiciet fulgere per auras 395
 t, Aereas fulva in nebula, quem mille sequentur
 Sanctorum hinc, atque hinc acies, coetusque volucrum.
 Quatuor ære cavo ventos de partibus orbis
 36 Omnibus humanum genus huc excire jubebis.
 Omnibus innumeræ gentes à finibus ibunt 400
 te; Magnum ad concilium; non tantum corpora viva,
 Verum etiam quondam defuncta cadavera vitæ,
 Ossaque ab exesis surgent rediviva sepulcris,
 37 Atque iterum blandæ data inibunt limina lucis.
 Mille hominū hinc, illinc acies, novaque agmina ubique;

Occurrent tibi per volucres liquidi aeris auras. 406
 Interea magni simulator iudicis hostis,
 Seditione potens, multos sub imagine falsa
 Ludet, & abductos recto sub signa vocabit,
 Atque tibi infestas contrarius instruet alas: 410
 Quem verus mundi pro talibus arbiter ausis
 Turbine corripiens terræ ima in viscera condes.
 Ut verò genus humanum tot millia campis
 Institerint latis, victor medio ipse theatro
 Secernes, dextraque pios in parte locabis; 415
 Læta gregem ceu pastor agens in pascua mites
 Matutinus oves semper sejungit ab hœdis:
 Læva autem coges fontes miserabile vulgus.
 Tum cœlum quoque signa dabit, tum cardine rupto
 Axis uterque loco abfiliet, stellæque ferentur 420
 Æthere præcipites: tum sol ferrugine tectus
 Protinus amissa ceu mœrens luce latebit,
 Lunaque obisse suum mirabitur obruta lumen:
 Omnia noctescent tenebris caliginis atræ.
 Tum flammæ ultrices, vibrataque fulgura cœlo 425
 Corripient subitis mortalia cuncta favillis.
 Ardebunt fontes; ardebunt flumina, & alta
 Æquora; flammescetque auris candentibus aer,
 Et veter extremos confidet mundus in ignes.
 Tum cœlo lignum venerabile, sideris instar, 430
 Fulgebit nostræ monumentum insigne salutis,
 Æthere mixta comas ramis felicibus arbos.
 A læva fontes, & quos scelera impia damnant,
 Ibunt infernos Erebi flammantis in ignes,
 Omnes, ut sua quemq; prement commissa, cremandi.
 Dextra autem insontes, quorumve oblita piacula, 435
 Digrediens terris tecum ad tua regna vocabis,
 Felicem quemque in sedem, quam cuique paravit
 Protinus à prima Pater æquus origine rerum;

406 Insignique vehes victor super astra triumpho. 440
 Salve, vera Dei soboles, rex ætheris idem,
 Bis genite, humani generis certissima ubique
 Spes atque indubitata salus, lux aurea mundi,
 410 Nobiscum Deus, interpretes superûmque hominumque.
 Tu capitis nostri gemmis contexta corona, 445
 Ipsum tu caput, & decus omne, & gloria nostra.
 Tu rex, tu nostri dux agminis inclytus ille,
 Quem metuunt infernæ acies gens æthere pulsa.
 415 Tu custos, vigil, & magni tu pastor ovilis:
 Tu medica arte potens, qui vulnera nostra mederis:
 Tu via, tu veri vis, tu te vita secutis. 451
 Tu nostri fundamentum templi atque columna,
 420 Templum ipsum, & cœlo contermina vertice turris,
 425 Perque gradus ara assurgens, aræque sacerdos.
 Janua tu, ac referans cœli penetralia vectis. 455
 Tu ratis, & portus, tu lex, tu legifer ipse.
 Tu folia evolvis signato in codice clausa,
 Abstrusasque notas, septenaque claustra resignas.
 430 Tu nobis nostra aversum ob commissa parentem,
 Et mala pro meritis cuique haud toleranda parantem,
 Concilias bonus; atque tua pro gente precando 461
 Usque assurgenti te comminus objicis iræ;
 Vulneraque obtendis quæ quondam es corpore passus
 435 Deditus, & laceros pro nobis detegis artus.
 Tu Patris admotus dextræ, subnixus eodem 465
 In folio, immensum consorti numine mundum,
 Majestate eadem, paribus frenatis habenis:
 Omnia perpetuo afflantes recreatis amore:
 Omnia concordî reparatis secula nutu.
 440 A genitore fluit per te vis omnis amoris, 470
 Mutua quo inter sese & amant, redamantque beati
 Cœlicolæ, inque vicem mortales: spiritus ille,
 Qui mare, qui terras, qui cœlum numine complet,

Vobiscum Deus ipse etiam, tres ordine certo,
 Numen idem, tres tergemino Deus unus honore, 47
 Maximus, optimus, omnipotens in secula regnas.

HYMNUS III.

SPIRITUI SANCTO, DEO OPT. MAX.

AN Deus in nobis? quid nos mortalibus oris
 Sevocat ô, nostrasque rapit super æthera mentes
 Non ea vis opis humanæ, non pectoris hujus:
 Desuper extimulat numen: Deus insidet ipse,
 Intus agit Deus, & nostro se pectore versat.
 Hoc duce, mortales fines transcendimus, aptis
 Cognatisque animis cœlo supera alta tenentes.
 Hoc fine, prostratique solo in tenebrisque voluti
 Jactamur, nec mens nobis ignobilis altum
 Quidquam agitat. Quicquid recti sanctiq; movemus
 Hoc manat de fonte: boni hinc fluit omnis origo:
 Hoc de sole oritur lux, hoc de lumine lumen,
 Quo fruimur, quo nos supra nos tollimus acti:
 Hoc uno afflati præcordia ab igne calemus.
 Si nunc ille meis sese implicet ossibus ignis
 Plurimus, & sancto me cœli incendat amore:
 Si lux illa meis oculis se lumine largo
 Explicet, & nubem de pectore differat atram,
 Quò me tollere humo valeam, & sublimia cœli
 Rimari, quò fas acie sit cernere coram, 20
 Unde ea vis ipsa, unde calor, quo fonte redundet
 Indeprensus amor, qui tanti luminis ortus:
 Si mihi nunc ipsum referet se denique numen,
 Seque suumque initum, primumq; ab origine fontem
 Fallor? an ille ruit calor? ecce, mihi artubus ardor
 Ingruit: ante oculos lux en mihi plurima oberrat. 26
 Unde nova hæc species? unde hæc tam clara repente

Tempeſtas? jam tollor humo, jam plurima nubes
Rareſcit, ſolvitque aciem, tenebræque dehifcunt.
Jam videor (liceat dictis res pandere opertas, 30
Quifquis es, ore tuum fit fas recludere numen)
Jam videor, quâ fiderei plaga lucida cœli,
Vera ubi pax, ubi ſumma quies, ubi plena voluptas,
Cernere ſubluftri non enarrabile lumen
In nebula, immenſum radiis quæ circuit orbem. 35
Luminis in medio regem ipſum ardentis Olympi
Ingentem, immenſum, miro ſplendore prementem
Omnia, & humanos ſtringentem lumine viſus.
Omnia majeſtas replet; omnia gloria obumbrat.
Propter eum ſedet, en, Natus Patris unica proles 40
Æterni æternus, pariter ſine ſtirpe, ſine ullo
Semine, principioque carens, & temporis exors:
Quem Pater, uſque alta ſe in ſemet mente reflectens,
Ipſe ſuæ æternum concepit imaginis inſtar;
Arcanum ceu ſub tacito nos pectore verbum 45
Concipimus, quod mox linguaque ſonoque receptum
In vocem formetur, & extrâ rumpat in auras.
Ambobus par majeſtas, par gloria, & unum
Numē idēque, quod eſt Genitor, pariter quoq; Natus,
Unum ambo, æternus pariter, immenſus uterque, 50
Omnipotens & uterque, orbis fabricator uterque:
Nil Patris ſine, nil Nati ſine numine cretum.
Ecce autem ulterius: quis tanti luminis ardor?
Mira oculis mihi ſe facies nutantibus offert.
Hic ego totū aciem cuperem me vertere in ipſam, 55
Inque oculos, tenuemque in mentis ſimplicis auram,
Res incomprehenſas ſenſu quò cernere poſſem.
Quis porro tantis radiis globus igneus ille
Circuitu longo amplexus cœli aurea templa?
Ut procul abſiliunt flammæ hinc, atq; inde coruſcæ! 60
Ut porro abſiſtunt ſcintillæ, ut & ignis anhelat;

Et facibus crebro emissis fluit aureus imber!
Quàm placida mihi demulcet præcordia flamma!
Quàm mira mihi pertentat dulcedine pectus!
Aut me animus fallit, mentemque infomnia ludunt;
Aut domus hæc sancti, fornaxque, & fomes amoris.
Huc omnis conflatus amor, conflata voluptas
Omnis, & ex omni concessit gratia cælo.
Nam quis tertius ille, micat qui propter utrumque,
A Genitore fluens per Natum numine juncto?
In mediis vix apparet splendoribus aureâ
Nube, mea prohibet quæ lumina, circumfusus.
Quàm similis, parq; ambobus? quàm numine compar!
Hic Deus, hic, ni fallor, adest, quem denique quæro,
Quem sequor, humana quem tendo expromere voce,
Implentem maria, & terras, cœlique profunda
Numine, & amplivaga recreantem protinus aura.
Non factum, genitumve, nec ullo auctore creatum
Profluit, ecce, Patris Natique è numine eodem
Numen idem, semetque ideo procedit ab ipso
Numen idem, calor omnipotens, diffusilis aura
Perpetuò itque, reditque reciproca, mutuus ardor,
Amborum communis amor. Hic aureus ille
Halitus: hic Deus ille, hic amor, quo cuncta creata,
Omnia quo constant, quique omnia condita servat,
Et maria, & terras, aurasque, & sidera cœli,
Atque homines, & quæ sub cœlo animantia vivunt,
Quadrupedum genus, & volucrum, vitasq; natantum,
Graminaque, & stirpes, animaue carentia saxa,
Erutaque effossa tandem tellure metalla:
Omnia quæ in nihilum redeant collapsa repentè,
Sustentata fuant nisi tanti numinis aurâ.
Hic amor est, quo mortales regnator Olympi
Prosequitur bonus: hic idem, quo nos quoque contra
Grati illum ardemus; quo se superique, hominesque

Mutua amant inter sese pietate foventes. 96

Hic amor est cœli, terrarum hæc mutua flamma

Cuncta fovens, nodusque tenax, & amabile vinculum;

Cœlestum vis magna, Dei immemorabile donum.

Hinc omnis pietas, hinc omnis denique virtus. 100

Aura potens, amor ignipotens, spirabile numen,

Spiritus ipse, tui apparent vestigia ubique

Numinis ampla, tuū est quodcunq; ubicunq; videmus.

Tu Patris æterni virtus, tu dextera, & ipsi

Tu digiti, quibus immensū fabricavit Olympum 105

Rerum opifex, quibus ingentem per inania librat,

Et circumfuso suspendit in aere molem,

Cuncta tuis elementa ligans contraria vinclis;

Muneribusque tuis passim plena omnia abundant.

Cum Pater omnipotens cum Nato immania mundi 110

Mœnia constituens cœli procuderet orbes;

Tertius ipse aderas (neque enim distractus ab illis)

Omnia componens: jam tum aurea luce coruscus,

Summa equitans levibus mulcebas æquora flabris;

Jam tum purgatis liquentem fluctibus undam 115

Famine lustrâsti, quæ dehinc mortalibus ægris

Elueret prima contractam ab origine labem,

Unde salus animis proavita fraude sepultis.

Iade rudes illi prima illa à stirpe parentes,

Terrarum obliti, cœpere ad sidera mentes 120

Tollere, mortalemque hominem desuescere, puro

Pectore concepto per te jam desuper igni;

Et peragraræ acie cœli sublimia templa,

Admissi superæ depasce lumina lucis,

Vimque Dei paulatim animis sentire latentis 125

Occultam, ingentem; tum veri pectore pleno

Cernere venturos casus, longeque remotos

Veridica populis porrò prædicere voce.

Hinc sacri tripodes, hinc sancta oracula divum;

Hinc Solymi vates numeris arcana locuti,
 Carminaque ediderunt diæ præsaga Sibyllæ.
 Idem à stirpe feros, & duro pectore agrestes
 Erudiens subitò egregias divinitus artes,
 Instruis, atque loqui docto das ore repentè,
 Et causas orare, & sanctas condere leges.
 Nam genus humanum terris extollere ab imis
 Ad cœli jubar, & superis adjungere tendis,
 Nubiferoque vehis nos aere in æthera purum:
 Nec quisquam sanctis excluditur ætheris oris,
 Aut fato adverso, aut alicujus numinis ira,
 Debitus æternis mundi ante exordia pœnis.

Cùm primùm dias exorti luminis oras
 Visimus antiqua suffusi labe parentis,
 Qui seseque suumque genus corrumpit in ævum,
 Immemor heu! nimium promissi fœdere pacti;
 Indecores cœlo vix lumina tollimus ægrè,
 Prostratique solo sine spe, sine honore jacemus,
 Transcripti infernis Erebi post funera flammis:
 Usque adeò veteris serpunt contagia noxæ.
 Tu verò nostris ubi sensibus aspirare
 Incipis, auxilioque venis fera corda movendo;
 Admoniti incipimus paulatim agnoscere rerum
 Auctorem; regemque hominum superùmque fatentes
 Oramus nobis facilem; veterumque malorum
 Nos piget, & vitæ execramur facta prioris.
 Jam magis atque magis (neque enim tu deficis usquam
 Spe veniæ haud dubiâ audemus confidere rebus.
 Jamque juvat, quæcunque jubent oracula, legesque
 Explorare animis, & jussâ capeffimus ultro.
 Continuò ne sint nobis facis abdita fraudi
 Nostra admissa tegens, & crimina noxia deles
 Imbre tuo, veterumque malorum obliviam misces;
 Atque novam in nobis mentem, nova corda renatis

- 73 Sufficis, absterſaque nitent nova cuncta ſeneſcã;
 Et ſimul optato mentes ſuccendis amore, 165
 Quo cœlo placiti, quo digni evadimus aſtris.
 Hoc ſuperũm Pater inſigni nos munere donat
 Sponte ſua bonus, haud noſtra pietate merentes.
 13 Non opis id noſtræ, non nobis tanta facultas;
 Ni Pater omnipotens ad cari vulnera Nati 170
 Reſpiceret, qui morte obitã mala noſtra piavit,
 Humanumque ſuo lavit genus omne cruore:
 Inde ſalus, operum inde omnis fiducia noſtrũm.
 14 Ne qua tamen priſcæ ſubſint veſtigia labis,
 Sponte caput ſacris de more immærgimus undis, 175
 Præſenti quas illuſtras tu numine præſens,
 Et veluti inſtillas vitam hoc ſub gurgite merſis;
 Unde renideſcunt animæ, velut æra coruſca
 14 Deterſã prorſus priſcã rubigine ſcabrã.
 His opibus firmati animi, his radicibus actis, 180
 Tellunt ſe, in meliusque ſuis quoque viribus uſi
 Cæſcunt, & ſuperas per ſe nituntur ad auras;
 Dum, pietate ſuã meriti poſt funera cœlum,
 15 Concilio ſuperũm, atque æterna pace fruuntur.
 Hæc promiſſa piis animis uberrima merces; 185
 Præmia tanta manent* tam parvo parta labore.
 ntes Te ſine nil tamen audemus, nil poſſumus ipſi;
 Et benefacta parum valeant ſine numinis aura
 15 Noſtra tui: non tantũ animos impellere noſtros
 Incipis, à tenebris revocans in lumen apertum, 190
 Sponte tua, haud meritis noſtris (à te omnis opũ vis
 Noſtra oritur; noſtri tu fons, & cauſa vigoris)
 Verũ etiam mox ipſe juvas comes additus uſque,
 16 Fortunaſque tua noſtros virtute labores.
 Ac veluti areſcant herbæ, ſilvæque comantes 195
 Intereant, niſi mater alens, radicibus imis
 Sufficiat vires occultaque pabula, tellus:

Sic noster sine te vigor & vis desinat omnis,
Hauſta citò, incaſſumq; fluant ſine fruge labores.

Mille animis ſeſe objiciunt discrimina noſtris;
Mille nocent peſtes; occultuſque imminet hoſtis
Semper, & egregiis hominum invidet additus orbi
Quot ſclerum facies, tot nobis retia tendit,
Tot laqueos: quis enim queat hos evadere caſſes?
Aſt ubi noctipotens manus, haud ignara nocendi,
Incautos petit inferno ſummiſſa barathro,
Lucifugæ peſtes, tetra ſine corpore vitæ,
Intentantque dolos, nobiſque illudere doctæ
Nituntur recto captas abducere mentes;
Ilicet ipſe ades, & medio in certamine feſſis
Affulges, retegisque dolos, atque irrita frangis
Tentamenta, tuoque magis nos numine firmas.
Omnibus auxilio es, ſatis omnibus unus ubique
Diditus, & gentes paſſim diffuſus in omnes.
Nec quemquam tu muneribus bonus eximis ultro
Ipſe tuis: omnes invitas, allicis omnes,
Omnibus incutiens blandum in præcordia amore

Infelix, qui te non audit crebra vocantem,
Pulſantemque diu; duro ſed corde reluſtans,
Sed tua jūſſa negans clauſas dimittere in aures,
Ah! miſer oblato ſeſe ſubducit amori,
Ipſe ſuis obſtanſque bonis, lucemque perofuſus.
Quò monitus te quiſque libentiùs audit, eò illi
Semper ades propiorque, & numine largiùs imple
Et cui tu ſemel indulges, non deſeris unquam,
Seſe ſponte ſui niſi deſerat immemor ipſe,
Heu! nimiùm infelix, ab ſemet proditus ipſo.
Nam ſimul atque animus maculis ſe infecit aberrantibus
Curriculo huc illuc palanti corde, relictis
Limitibus, ſuperùm, ac recti contemptor, & ille
Continuò fugis, ac polluta ab ſede recedis.

Persentit miser ille tuum evanescere numen,
 Omniaque in pejus ruere, & retro acta referri,
 Et magis, ac magis usque obtusa rigescere corda.
 Qui modò sidereo tendebat lumina cœlo, 235
 Arrestus, penetrans acie sublimia Olympi,
 Colloquioque fruens superûm; nunc obsitus umbris
 Obscuris, atque ora solo teterrima pressus,
 Serpit humi, in cœnoque gravi sine honore volutat,
 Cunctaque se circum tenebris noctescere cernit. 240
 Qqualis, qui modò conspectis tendebat in armis
 Actus equo, primâ signans intonsâ juventâ
 Ora puer, formâ ante alios pulcherrimus omnes,
 Si, cum primùm castra subit, fortè acta sagitta
 Hostis ab aggeribus candentia pectora fixit, 245
 Volvitur; ora modis tabescunt pallida miris;
 Labitur omnis honos, fugit omnis gloria formæ;
 Et modò qui toto spirabat corpore amorem,
 Nunc gravis aspectu est, auræque incestat odore:
 Sic animus te præsentî nitidissimus olim, 250
 Te fugiente, situ ac tenebris involvitur atris
 Decolor, atque omni formæ spoliatus honore.
 Sic olim, qui matutini fideris instar
 Larga ministrabat radianti lumina cœlo,
 Lucifer ille chori caput alitis & jubar, alto 255
 Excussus cœlo, lucemque exutus, in ima
 Conjecit sese, & nigris immiscuit umbris.
 Fortunatus & ille, Dei quem Filius olim
 Unicus in partem regni, sortemque locârat,
 Bis senos inter procures lectissimus ibat; 260
 Verùm sponte sua dejectus culmine tanto
 In præceps ruit, abs tete sine luce relictus:
 Tanta tui immemorem ceperunt tædia amoris.
 Non tamen, ut primùm te quisque avertitur, illū
 Deseris omnino longa irrevocabilis ira: 265

Sed longè observas, tendat quocunque secutus,
 Atque iterum atq; iterum mulces, nec deficis unquam
 Ac veluti genitrix puerum, qui plurima fugit
 Consciis ob malefacta domi, seque abdidit altis
 In sylvis, nunc huc errans, nunc avius illuc,
 Prosequitur pia, & incassum vestigia ponè
 Observata legit; precibus nunc allicit illum,
 Nunc commota minas addit, si fortè latefcens
 Audiât, & voces incertas irrita jactat:

Quàm metuit neve esca feræ, neu præda latroni:
 Incomitatus eat, torrentisve incidat undis!
 Haud secus averfa siquis te mente relinquit
 Ah! miser, oblitusque sui, ingratusque salutis;
 Prosequeris, rursusque vocas, rursusque remulces
 Aversum, invitumque trahis: si fortè vocatus
 Audiit, indoluitque admissis crimina passus,
 Lustratusque sacerdoti commissa piavit;
 Protinus insinuas illi te, iterumque revisis,
 Sopitosque juvat rursus succendere sensus,
 Fœdera que ablutis maculis in prima reponis.
 Nec semel id fatis: at quoties te avertitur ille,
 Te toties ultro averso placabilis offers.

Est veniæ locus usque, & habent peccata regressum
 Nec requies, donec vitæ labentibus annis
 Ultima cuique dies moribundi advenerit ævi:
 Tantus amor nostri, tantæ custodia curæ.

Fortunatam animam! maculâ cui contigit omni
 Deterfâ afflari tam sancta desuper aura;
 Cui datur incendi tam sancto desuper igni;
 Semper & in dulci flagrando vivere flamma.
 Illa Deum, Deus illam ultro bonus ardet, amantique
 Indulgens ultro dulcem respondet amorem.
 Quicquid agit, fluit insolita dulcedine amoris:
 Semper amat tecum, dulcique in amore quiescit:

Tota in amore, parum curans mortalia, fixa est. 300

Nec potis est ipsum tam sanctum numen amare,

Quin quoque mortales juncto simul ardeat igni.

Ante alios tamen ô felices, terque beatos,

Atque quater, grvida qui te genitricis in alvo

Hanserunt, neque dehinc in dulces luminis oras 305

Exorti excussere tuum de pectore numen;

Sed culpæ exortes, & vita puriter acta,

Servavere tuum intacti sub funere munus.

Id paucis concessum autem, quos æquus amâsti,

Et quibus eximia indulxisti numinis aura. 310

Non tamen, excepto divini corpore Nati,

Te tam præsentis quisquam unquam numine passus,

Quàm quondam Judæa genus, pulcherrima virgo,

Quæ superûm puro concepit ab æthere regem,

Semine de nullo, nullis temerata hymenæis. 315

Munere tu solus functus thalamique, torique,

Virgineam implèsti fœcundis flatibus alvum.

Huc omnis vis, huc æstus profluxit amoris,

Rupitque ingens totis fornacibus ignis.

Quo verò aggrediar post matrem carmine, quanto

Numine, quàm largo torrente undaveris ipsos 321

In partus? mecum hic fandi vis victa laborat,

Verbaque res superat, majoraque viribus audeo,

Ardua, inaccessa, & nulli concessa priorum.

Quanto animus, qui numen erat, flagrâsse putandus

Ignem intus, toto cum dulcem corpore amorem 326

Jectaret: quacunque viam spectabilis ibat,

Huc, illuc circum ora ferens gratissima cœlo;

Omnia inundabant mira dulcedine, amabant

Omnia; non ipsi montes ardore vacabant. 330

Usque adeo occultos afflabas sensibus ignes,

Et lætos membris haud ulli visus honores.

Olim etiam apparens oculis mortalibus olli

Luce palam, cunctisque videntibus affulisti
Præpetis in faciem collectus, & alba columbæ
Ora gerens, mira de cœlo voce secuta.

Pòst iterum te mortales mortalibus ægri
Conspexere oculis manifesto numine ferri,
Cum sonitu cœlo illapsum sub imagine flammæ
Multifidæ, linguis veluti vibrantibus aureis;
Terrificisque locum implēsti splendoribus omnem:
Filius omnipotens Patris omnipotentis ut olim
Pollicitus fore, sidereas rediturus ad arces,
Ut pro se in terris sua deinceps munera obires,
Nec nos in tenebris volvi paterere relictos.
Protinus ecce viri calefacti numinis igni,
Qui modò morte ducis prostrati cuncta timebant
In latebris, nunc intrepidi mira ore loquuntur,
Mira sonant: varias linguis, longeque remotas
Inter se gentes imitantur munere vocis,
Uno eodemque sono diverso more locuti.
Agnoscent populi patriæ commercia linguæ,
Verbaque, quisque suæ, atque eadem discrimina vocum
Quique modò indociles vitam piscosâ secundum
Flumina venatu tenui sine more trahebant,
Edocti nunc mira canunt præcepta per urbes.
Continuò penetrant aulas, & limina regum,
Contra stare ausi soliorum edicta superba;
Bis senique, hominum genus id, te præside freti,
Extincti ducis, ac devicta à morte reducti,
Nobile per gentes omnes vexere trophæum,
Et factum egregium totum sparsere per orbem.
Inde alii, atque alii tanto pro nomine vitas
Effudere alacres in aperta pericula euntes.
Atque ita terrarum totius protinus orbis
Tam varias linguis gentes, quàm moribus omnes
Junxisti, ut populus isdem sub legibus unus

Extemplo fieret, studiisque, & amore coirent.

31 Hac homines tu pace ligas, iis nexibus unum
Efficis, & vinco nectis fera corda tenaci. 370

Infelix domus illa, urbes cœlestibus illæ

Invisæ, quas igne tuo non plurimus afflas.

na Tu placidam per corda seris mortalia pacem,

3 Blandaque mortali præbes solatia vitæ,

em: Lætitia ingentem perfundens undique mundum. 375

Per te odia, & lites, per te fera bella quiescunt.

3 Tu pacem regesque inter, populumque, patresque,
Concilias: das te in medium, & sacra fœdera sancis.

3 Tu thalamos focias, nova tu connubia jungis;

Quæq; homines pacta inter se, convētaq; firmant, 380

ant Ipse ligas, propria ut maneant compagibus arctis.

Quodcunque incipimus recti, quodcunque paramus,

Aspicias, & cursu medio nostra orsa secundas:

3 Nec quidquam ordimur, nisi nomine rite vocato

Antè tuo; fratique solo, genibusque voluti, 385

Auxilium, atque tui flammam imploramus amoris.

occur Ipse venis: tu pectoribus mala gaudia nostris

n Excutis, abstergisque animos, purosque revisis;

3 Et nos largus opum dono septemplex lætos

Insignis, nostrasque vehis super æthera mentes. 390

Tu matutinus, tu vespertinus & imber

Aureus ille venis cœlo, sitientia corda

ti, Nostra rigans, lætisque feracia frugibus explēs.

3 Cum sese objecit nobis res dura repentè,

Heremusque diu ancipites, animisque labantes 395

m. In tenebris versamur; ades lux protinus, & nos

Instruis, ac mentem pulsa caligine lustras.

Nec cunctaris, ubi tristis præcordia mœror

3 Nostra premit: solator ades, dulcemque profundis

es Lætitiā mœstis, & gaudia mentibus affers; 400

Terroresque animis arces, & numine amico

Pectora demulcens pulsâ formidine firmas.
Insuper & nobis quæcunque, ubicunque pericla
Objiciunt sese, nusquam nos deseris ipse,
Nusquam abes, & duce te casus evadimus omnes. 4

Salve hominum pax & requies, divina voluptas:
Huc ades, atque tuum populis innecte calorem.
Siquando validis hominum fera pectora flammis
Flagrâsti, & rapidis fervoribus indulgisti;
Nunc opus igne tuo, nostras succende medullas 4
Acrius, & totis nobis incumbere caminis.
Aspice, mortales quàm densâ nube premantur,
Aut quibus in tenebris jaceant, quo frigore segnes
Algescant animi priscæ pietatis inanes.
Incipiant flammis desueta calefcere corda, 4
Et cœlum aspicere, & jucundum cernere lumen;
Exutique dolos recti accendantur amore
Rursus, & ad priscas referant se moribus artes.

Præcipuè tamen obscurâ caligine mersa,
Quæ sanctum everfis Germania numen ab aris 4
Expulit, & cœlum sceleratis provocat armis,
Luce tuâ verum agnoscat lustrata, nec ultrâ
Sæviat; at veteri pietate resuscitet aras,
Unaque nobiscum sit ei sententia concors.
Quod si sponte tuis stimulis parere recusat, 4
Et lucem refugit, furiisque insistit in isdem;
Sit nostros saltem reges divinitus inter
Jamjam aliquis, pariter pietate insignis, & armis,
Cui largo infundas divinum numine robur,
Atqueabilem pariter membrisq; animisq; vigorem
Quo sese præstans animi, patiensque laborum, 4
Audeat indomitis urgenti opponere bello,
Atque armis petere, atque malo ad meliora vocare,
Ac ferro latè serpentem excindere pestem:
Ut coeant animi; & studiis communibus acta 4

Nobiscum tendat gens effera, sentiat unum.

Siqua tamen lapsis contagia moribus obstant,

Et vetus in nobis virtus elanguit illa,

Illâ, prior quâ famâ ætas super æthera adibat,

Irrepsitque situs dejectis legibus ater; 440

Rursus nostra tuâ recalescant pectora flammâ;

Huc jace, sancte, tuis tedam è fornacibus unam,

Quæ totum accendat sanctis ardoribus orbem.

Nos primùm pete, qui in sedem convenimus unam,

Saxa ubi depressum condunt prærupta Tridentum 445

Hinc atque hinc, variis acciti è sedibus orbis;

Ut studiis juncti, atque animis concordibus unâ

Tendamus duce te freti succurrere lapsis

Legibus, & versos revocare in pristina mores.

Teque ideo cœtu celebramus, & ore ciemus: 450

Sancte veni; penitus te mentibus inferere nostris,

Aura potens, amor omnipotens, cœli aurea flamma.

H Y M N U S IV.

JESU CHRISTO OPT. MAX.

ET solus latè locus est, & fletibus aptus;

Et rediit, quâ non mœstior ulla, dies.

Ipsi etiam montes, densæ hac in rupe cupressi

Ipsæ etiam querulo vertice flere jubent.

Tunc etiam filices durum sensere dolorem, 5

Et rupti ingenti dissiluisse sono.

Tunc etiam—Sed jam erumpit mihi pectore fletus,

Et lacrymas oculi fluminis instar agunt.

Flere juvet saltem, lacrymisque explere dolorem,

Quando aliud nil est, quod tibi persolüam; 10

Mutua nec fatis est, vitamque rependere vitæ,

Q qui nostra tuo funere damna levas.

Nos Patris æterni nostra irritavimus iras
 Fraude: cruore tuo tu probra nostra lavas.
 Nos dulces vetita decerpimus arbore foetus:
 Distentus dirâ tu trabe furta luis.
 O nimium nostros nimium miserate labores,
 O nostri nimium, nil memor ipse tui:
 Non genus humanum, non mundi machina tanti,
 Non tanto merces digna labore fuit.
 Scilicet æterni proles æterna Parentis
 Factus homo, fontes ne moriamur, obis?
 Quem Pater ipse sui, sine origine, concipit instar,
 Dum sese æterno cogitat usque animo.
 Me miserum! quæ te pietas, pulcherrime rerum,
 Tam nova; qui, quæso, tam novus egit amor?
 Ah! fat erat, te fidereis de sedibus actum
 Tædia virginei longa tulisse uteri;
 Aut hinc mortales eductum in luminis auras,
 Cum pecore, agresti delituisset casa;
 Inde vagum huc illuc nostros adiisse labores,
 Dum mundum ad leges & nova jura vocas:
 Neve ignominias memorem; aut quæ plurima inul-
 Passus es indigno corpore ludibria.
 Hei mihi! non avibusve, ferisve cubilia desunt;
 At rerum auctori defuit ubique locus.
 Sola fuit, tibi quæ nodosis roboribus crux
 Heu! nimium durum præbuit hospitium.
 Hæc fuerat servis poena olim, hæc furibus æqua,
 Quos tecum cerno mortem obiisse parem.
 Quæ tam dira manus? quænam tam barbara porro
 Gens tantum obtusis sensibus ausa nefas?
 Quò ruitis miseri? qui tantus mentibus error
 Insidet? in vestrum tenditis exitium.
 Me potius, me me, qui feci, hoc perdit ligno:
 Hic nihil admisit; fraus mea, furta mea.

Tene ita cum diris pendere latronibus, omnis
Vitæ cursus cui sine labe fuit?

Qui neque contactu intemeratæ virginis alvi
Contraxti antiquæ signa luenda notæ.

50

Sed genitrix pura cœli concepit ab aura,
Nec potuit facies dissimulare genus.

Ut fileam benefacta, tot & miracula rerum,
Quæ non humana perficiuntur ope;

Insigni poteras forma, & juvenilibus annis
Immissæ pectus reddere molle feræ:

55

Pulcher luce magis, vel fidere matutino,
Oceanus liquidis quod modò lavit aquis.

Sed quem hîc te aspicio? hæc facies tuane illa serena?
Hinc oculi? hic roseo gratus in ore color?

60

Aureane hæc menti lanugo? hoc verticis aurum
Propexum? hic toto corpore priscus honos?

Quà modo cunque ibas, blandi nova semina amoris
Jactabas; dulci in ore sedebat amor.

Huncne ego conspicio te, formosissime rerum?

65

Heu! color, heu! species quàm tua facta alia!
Squalidula ut facies, ut lassula lumina livent,

Languidula ut cervix, mortua ut ora jacent!
Non ea cæsaries, concretaque sanguine barba;

Non est is planè qui modo vultus erat.

70

Serta tamen capiti, regisque insignia cerno;
Sed quæ vulnificis sentibus hirta rigent.

Et pictum video corpus juvenile rubore;
Sed quem haustus flagris sparsit ubique cruor.

Ne palmas morer, aut terebratas cuspide plantas,

75

Hei mihi! quàm latum pectore vulnus hiat!
Quod tulit æs, quænam hasta tuo intepuisse cruore?

Nec tum æs deliquit? nec fuit hasta cinis?

Cum sol ipse caput nitidum abditus obscurârit;
Et vasto tellus sit tremefacta sinu?

80

Utque laboratam cererem, immedicataque liba
 Fregerit, & fociis dederit partitus in omnes ;
 Dilueritque merum patera libantibus eadem :
 Utque, omnes verbis extremum affatus amicis,
 Non illas de more dapes, non pocula fuenta
 Testatus dare, sed formam sua viscera in illam
 Vera, ac viva novis epulanda apponere mensis.
 Hoc est corpus, ait, meus hic de vulnere sanguis
 Fundendus, commissa hominum qui diluat omnia:
 Hoc este, hoc omnes haurite ex pocula fonte.
 Sic facite ; & posthac servate in secula morem,
 Et sacris moniti jam nunc assuescite mensis.
 Nam quoties hæc verba meo mea nomine docti
 Nota super sanctis repetetis frugibus ore ;
 Ipse adero, totoque epulis subito inserar almis
 Corpore ; visceribusque meis, & sanguine opimo
 Excipiam lætos, veteris solamen amoris ;
 Et nunquam nostri hinc abolefcet gratia leti.
 Infelix verò, his dapibus quicumque carebit
 Averfus, tanti meritique & muneris exors :
 Nulla illi post funus erunt commercia nostri.
 Vos tamen has lustrati animis accedite mensas,
 Et manibus puras puris contingite fruges.
 Este procul, quibus est foedi mens conscia facti:
 Vita piis erit, atque eadem mors fontibus esca ;
 Uno eodemque salus fluet atque è fonte venenum.

Sic ait, atque suis manibus sese ipse gerebat,
 Ipse onus, ipse oneris pariter moderator, & auctor,
 Omnes dum sacro libamine pavit ad unum,
 Factorum ac decorum monumentum insigne suorum
 Quem ritum moniti mox servavere minores ;
 Libamusque sacrum sacro cum sanguine corpus.
 Nam simul ante aram verba illa augusta sacerdos
 Protulit ore premens ; coelo dilapsus ab alto

Christus adest, vivoque epulis se corpore miscet. 65

Ma crediderim cœli ardua tecta sub hora

Fervere, stellatasque fores atque ostia pandi;

Plumipedesque acies læto descendere Olympo,

Et terras petere; atque aram se examina circum

Fundere, cœlestique dapes sepire corona, 70

Et totum effundi tanta ad spectacula cœlum;

Dum numen sese terrenis inferat escis.

Non tamen omnino manifesto corpore vulgo

Dat se in conspectum; visus, tactusque refugit,

Externa tectus forma: nec crede sapor, 75

Dum gustu exploras cererem, laticesque Lyæos,

Divinum in corpus, versosque in sanguinis undam.

Nam penitus re mutata manet ipsa figura,

Quæ fuit antè; manet faciesque, colorque, saporque

Pristinus: & quamvis id sit, quod non fuit antè; 80

Quale tamen fuit antè, manet, quantumque videtur,

Nil versum exteriùs; sed enim simile omnia priscæ

Naturæ, ut specie queat una fallere visus

Obtufos, dum sola oculis & sensibus ipsa

Objicitur species, frugumque occurrit imago, 85

Quæ gustum, visumque hominum, tactumque laceffit:

Intus Christus inest, & inobservabile numen.

Tum, quamvis animo, atque oculis diversa simul se

Objiciant, aliudque oculis, aliudque tuentes

Mente volutemus; tantùm tamen una subest res, 90

Unaque vis; neque enim coeunt duo corpora in uno;

Quod ratio vetat, & prorsum natura refellit.

Haud secus, exuvias indutus & ora leonis,

Incedat si fortè aliquis, plaudente theatro;

Non duo tunc pariter confidant pelle sub illa 95

Vir, feraque: at potiùs dicam exteriora leonis,

Interiora hominis: quid enim componere fando

Divina humanis prohibet, sublimibus ima?

Credite, mortales, mentesque abducite ab ægris
 Sensibus, atque animo cœlum peragrate volucris.
 Credite; ne titubate: hîc vera est corporis umbra;
 Hîc corpus verum: hîc est vera cruoris imago;
 Hîc verus cruor: ipse suimet Christus imago.
 Credite, mortales; animos adhibete, fidemque:
 Mortales, genus infirmum, confidite dictis
 Illius, qui nec fallit, neque fallitur unquam.
 Quandoquidem nihil externæ clarissima dicta
 Lucis egent, per seque suo se lumine produnt.
 Antè mare, & tellus, & cœli concidat axis,
 Illius quàm cassâ fide sint aurea dicta;
 Sanguine quæ moriens nobis testata reliquit.
 Non tamen ad nostras acies venit, hacque nigranti
 Stipat se veluti nebula, atque obducitur umbris;
 Quanta sit ut nostræ fidei indulgentia tectus
 Exploret, non visâ jubens nos credere, ceu quæ
 Luce palam sunt usque oculis obnoxia nostris.
 Cùm tener orbis adhuc foret, ac pubentibus annis,
 Jam tum religio hæc atavos incessit agrestes.
 Jam tum aliquis longè præfaga mente recludens
 Sacra abstrusa, rudem congesto cespite in aram
 Triticeos orbes, & liquida vina ferebat;
 Plurimamque orabat cœli conversus ad axem.

Quæ fieri humana nequeunt ope, cuncta Deo
 Pervia sunt, & plana, potest Deus omnia quando.
 Ille potis mediis pueros educere flammis
 Illæsos, nutuque ignem sopire furentem.
 Ille potis summis ferrum suspendere in undis,
 Ut natet, & non jam propria vi tendat ad ima.
 Ille etiam, quoties penuria adegit edendi,
 Millia multa hominum solis saturavit in agris;
 Et cerere è tenui ingentes conflavit acervos.
 Illius imperium pavet omnis victa potestas:

Assurgit rerum natura, elementaque parent,
In quamcunque jubet migrantia sæpe figuram.
Qui potuit liquidas in vinum vertere lymphas, 135
Aut virgam in colubri sinuosos flectere tortus,
Rursus & in veterem formam transferre colubrum;
Non poterat sanctum in sua viscera vertere crustum
Funditus, atque etiam forma ipsa pascere sensus,
Atque novam subito ecce oculis offerre figuram, 140
Nec se conjicere in miras tecto ore latebras?
Illi aliter visum, ne viscera fortè cruenta
Humanum horreret genus, attactusque paveret,
Dum premeret tremulam mandens sub dentibus escam.
Nam sicui veram in speciem manifestius olim 145
Ostendit sese, nudoque apparuit ore,
Ac tepido emicuit saliens cratere fugatis
Sanguis imaginibus; stetit, immotusque sacerdos
Abstenuit tactu, atque impasta altaria liquit,
In solitam donec redierunt omnia formam. 150
Haud secus, admota qui morbis arte medentur,
Ne gustu horrescat languens medicamen amarum,
Melle linunt super, & dulci sub cortice condunt.
Ne verò, quo liba modo, quove ordine, quære,
Tenuia divinos Christi conflentur in artus, 155
Vi sermonis, & omnipotentis numinis aura.
Nulli fas hominum mortali corpore septo
Scire ea; vix volucres nòrunt sine corpore mentes,
Aligerum genus, ætherei gens incola cœli.
Tantum agite; properate; sacris discumbite mensis:
Divinas libate dapes, libate beata 161
Pocula; velatumque dapis sub imagine numen
Concipite: intus inest numen; Deus insidet intus;
Christus adest, & nos invitat corpore vesco.
Ne dubitate: Deus simul hìc, simul æthere in alto: 165
Cunctus adest, simul hìc, simul & quocunque vocatur,

Rite tamen, templis in cunctis, omnibus aris,
 Divinum dum farre pio libamus honorem.
 Quodque hîc, est & ibi pariter discrimine nullo:
 Totus ibi, hîc totus; neq; eum tempusve, locusve
 Esse vetant, quibus haud divina obnoxia, ubique.

Quinetiam violare manu ne parcite liba
 Mystica, & in socios partiri protinus omnes.
 Nam fragilem quocunque in frusta incideris orbem
 Coelestis libi; Christi inviolabile corpus
 Restat idem in cunctis, orasque amplectitur omnes
 Nec findi in partes ullas divina potest vis.
 Nos tamen albertem frugemque, & fissile crustum
 Et liquidos latices veneramur numinis instar:
 Non quia sint ipsum numen color ille, saporque;
 Sed quia divini sint numinis argumenta;
 Significantque oculis, quod mens inde altiùs hauriat
 Quod nequeunt oculi, nequeunt deprehendere sensus.
 Atque ideo exiguo quovis in fragmine Christum
 Accipimus, quavis sacrati in parte liquoris:
 Namq; subest sanctû ut nûquam sine sanguine corpus
 Sic quoque non suberit sanctus sine corpore sanguis
 Nec toto hic majus, quàm quæ pars esse videtur
 Quantus ibi, hîc tantus. Deus haud includitur ullis
 In spatiis, nec fas metiri corpora sancta:
 Omnis ibi, hîc omnis; hîc integer, integer illic.
 Sicut ubi, quanquam ratio diversa, liquenti
 Sæpe lacu in noctem lunæ resplendet imago
 Plurima, & hîc illic sese speculantibus offert
 Omnibus usq; eadē, atq; sui ipsa simillima ubiq; est.
 Sicut item, speculi si in partes fregeris orbem,
 Quicquid ab adverso reddebat imaginis orbis
 Integer, illud idem pars quælibet undique reddet,
 Nec plura in toto quàm mox in parte videbis.

At verò, quanquam qui se sub frugibus offert, 20

Ille idem est, Patris ætherea qui regnat in aula;
Hic aliter tamen, atque illic, utcunque se habet res.
Ille idem est, etiam trabe qui pendebat ab alta.
Hic tamen, exemptus morti, vim haud accipit ullam
Artubus immortale atque impenetrabile corpus, 205
Cui morbi nihil officiant, algorve, fameſve.
Nec toties morti locus est in corpore Chriſti,
Qui ſemel admiſſis pro noſtris obtulit ultro
Ipſe ſuum caput æterno ſacra victima Patri:
Multa licèt ſanctis toties eat hoſtia ab aris, 210
Et matutinis renoventur funera ſacris.
Tum quamvis, dum languentum ſervantur in uſus
Sancta adytis occluſa, ſitu conſumpta vetuſto
Interdum aſpicias, ſqualentiaque exiguus muſ
Carpſerit, aut ſimiles tulerint libamina peſtes; 215
Vim nullam admittit tamen inviolabile corpus.
Nam, rerum ſpecies ubi cœptæ peſte teneri
Pollutæ, numen ſubito evaneſcit in auram,
Corporis exuvias laceras ſine honore relinquens:
Reliquiæ reſtant ambæſæ, ingloria ſigna. 220
Quæ pietas, qui tantus amor tibi, maxime rerum,
Ut Deus, æterni ſoboles æterna parentis,
Tam fragili ingrediens ultro pro fruge venires,
Atque homini fieres repetitis pabula menſis,
Et matutinis toties ſacra hoſtia in aris? 225
Hoc erat ille ſacer, qui quondam apparuit, agnus,
Suppoſitus pueri inſontis pro cæde parata.
Hoc erat ille, vetus quem gens epulata quotannis
Mandebat rite, ac ſolenni more ſacrorum,
Cum feſtinata cerere, atque agreſtibus herbis. 230
Feſtinata ceres tu nobis, tu mola adorea,
Farque pium; tu liba ſacros lectiſſima in uſus,
Liba, quibus nulli fas quondam aſſuēſſe profano.
Hoc erat illa atavis deſerta per inviâ noſtris

Protinus è cœlo veniens errantibus esca.
 Copia nil aliud tostæ tanta illa volucris,
 Desuper insolitum nidorem halantibus auris;
 Nil aliud ros concretus portenderat ille
 Dulcis, & optatos referens cuique ore sapores.
 Vescimur hoc verè nunc cœli rore, fugata
 Nube palàm : veros nunc ista è caute liquores
 Haurimus; laterisque tui nos irrigat unda,
 Mixta mero : suaves misces namque inde liquores,
 Et dulci ambrosia, dulci nos nectare pascis.

O hominum miserate famem, miserate labores, 24
 Uno cùm satures tot cœli examina verbo,
 Alituum cœlestum acies, tot millia millium;
 Quæ tibi tanta fuit, rerum pulcherrime, cura?
 Qui tibi tantus amor nostri, ut tua viscera nobis
 Objiceres epulanda, dares te in pocula, in escam; 25
 Quos tamen ex humili finxisti pulvere quondam
 Infirmos, decorisque tui nihil instar habentes?
 Tu volucris foeta illa, tuo quæ sanguine natos,
 Visceribusque tuis terebrato pectore, pascis.
 Tu, quoties facimus, teq; ultro in vota vocamus 26
 Verborum memores, cœli, ecce, allapsus ab aula
 Candidus ille venis agnus, viva hostia ad aram,
 Quam veterum portendebant oracula vatum;
 Cordaque nostra simul replet, ecce, inopina voluptas

Elicimus tenui liquidis te murmure ab astris, 26
 Visceribus non nostra tuis quò viscera alantur,
 Nec tuus ut sanguis nostri pars sanguinis haustus.
 Evadat; neque enim confuso corpore in unum
 Miscentur quæ morte carent, mortalibus addita.
 At potiùs veluti gemmæq; aurumq; medentur 26
 Corporibus sæpe affectis, morbisque resistunt;
 Non quòd ea stomachi rapido concocta calore
 Ravlatim sese languentum in viscera vertant;

Sed quia vi quadam inspergant admota latenti
Lætitiam, dulcique hilarent præcordia motu: 270
Sic quoque tu nostris animis & mentibus hærens,
Robur ades; vires, occultaque pabula præbes;
Nec quidquam in nostros tua viscera digeris artus;
Sed potius nos admotus te vertis in ipsum.

Hinc primû specimen degustant corpora nostra 275
Vitæ immortalis, superûmque assuescimus ævo.
Quippe, hominum sic diffusus per pectora ubique
Mutua, mortales concordēs fœdere jungis
Æterno: quos pascis, amas; quos corpore sancto
Refficis, uno eodemque repenti in amore caleſcunt,
Et dulci inter se nodo juncti usque tenentur: 281
Atque ita nobiscum Deus hic mortalibus oris
Usque manes, verti dum cœli desinat orbis,
Olim ut pollicitus; nec habent promissa regressum.

Te duce, securi gradimur per quæque viarum 285
Aspera; suscepto te, non deest copia victûs:
Tu dux, tu comes; æterni tu copia victûs:
Et quæ deficimus, tu nobis omnia suppleſ.
Siqua fortè labant in nobis spesque, fidesque, 290
Continuò tua nutantes præſentia firmat.
Teque omnis præſente viget fiducia nostra,
Solis nota piis, vulgo inconceſſa, voluptas.
Accedo has quoties epulas, subito æthera mente
Concipio, subito mihi ſenſus eripis omnes;
Inque tui aspectu liquido ardens corde quiesco, 295
Sanctum, augustum, alnum, cœli admirabile munus.
Qua te voce ſonem? quo te nunc nomine dicam?
Nullum te-dignum reperimus carmine nomen:
Nullum te dignum verbis molimur honorem. 300
Salve, vita hominum, non enarrabile donum,
Desuper illabens nova cœlo gratia aperto.
Per te melliflui rorant dulcedine montes:

Per te mellifluæ complentur nectare valles :
 Omnia inexhausto mellis torrente redundant.
 Omnia amant: sancti tu nobis pabula amoris
 Sufficis, æterni tu nobis pocula amoris,
 Ipse amor, ipsa animis nostris innexa voluptas.

HYMNUS VI.

I. CHRISTO OPT. MAX.

DE CAROLO V. IMP.

DE conjuratis Germanis hæc dicat arma,
 CHRISTE, tibi, has victor CAROLUS exuvias.
 Non hoc ille sibi tanto discrimine bellum est
 Aggessus; curæ sed tua causâ fuit:
 Quò gentem everfas victam revocaret ad aras,
 Ne caderet priscus religionis honos,
 Objecit sese furiis Aquilonis iniquis,
 Nec timuit sævis obvius ire feris.
 Vicit io, & fusos disjecit montibus hostes:
 Gens fera procubuit Cæsaris ante pedes.
 Jamque adeò ille, animo sibi qui promiserat alto
 Imperia atque Aquilas, cernitur ire minor.
 Qui gentem in regem regni spe captus inani,
 Inque suum armavit membra coacta caput.
 Quò ruis ah! demens? quæ te tam dira cupido
 Impulit? ipse tuum tendis in exitium.
 Sic adeò virtus, sic magni Cæsaris arma
 Nota tibi, & nusquam cedere docta manus?
 Non Aquilæ imbellis forti contendit hirundo:
 Non metuit cervi cornua longa leo.
 Cùm pugná abstinuit, tua demens arma timori
 Esse ratus, subitò tu tibi victor eras;

Tellebasque animos vento tumefactus inani,

Jam meditans ipsi demere sceptrâ Jovi.

Ille autem, parcens cùm praelia detractaret,

25

Horrebat gentis cæde madere suâ.

Contigit en nullâ tandem victoriâ cæde:

Victus es; & nusquam sanguine inundat humus.

Hac opus arte fuit, cognatæ ita parcere genti:

Hoc decuit cives vincere Marte pium.

30

Haud minor invitos cives servâsse putandus,

Quàm foret externos sternere cæde, labor.

Sed quoties renuit collatis cernere signis,

Te toties vicit: ter tua causâ jacet.

Terque piam Deus hac causâ ratione probavit: 35

Pro vero steterunt numina; cede Deo:

Cede; animisque tumentibus altos exue fastus,

Et patrum sanctis legibus obsequere.

Nos tantum in te possit amor sceleratus habendi:

Define sacrilega carpere sacra manu.

40

Jam redeat versâ ad ritus Germania avitos

Armipotens: prisco vivere more juvet.

Sentiat unanimis nobiscum nube remota:

Sit nobis eadem religio, & pietas.

Siqua tamen lapsis contagia moribus obsunt;

45

Mutua communi probra lavemus aquâ:

Et quæ de spatio palantia deflexere,

Priscorum ad rectum nos revocemus iter.

Interea, Cæsar, clavis assuete triumphis,

Qua jam cœpisti tendere, perge via.

50

Hac iter ad cœlum: duri clarique labores

Exemptum morti te super astra vehent.

Jamque tibi longè cedit superata vetustas:

Jam tua Romulidum gloria obumbrat avos.

Et majora manent, licet hæc sint maxima: de te 55

Sidera venturi nuncia mira parant.

Grata tua est cœlo pietas, mensque optima: nil

Quod metuat virtus præside tuta Deo.

I præstans animi, majoraque mente capeffe:

I decus, I veræ gloria militiæ.

Ille eris, immensum qui Christi legibus orbem

Subjicias, ubi sol cunque colorat humum.

Jamjam unum duce te reget unus pastor ovile;

Disjectas cogi te duce oportet oves.

CHRISTE, gregis pastor tanti, rex maxime regum,

Huic tua pugnanti prælia dexter ades.

Cumque tua intrepidus subeat tot ubique pericla

Pro causa, objectis da superare malis.

Atque diu incolumem serva mortalibus oris:

Hoc tuta in terris vindice sit pietas.

H Y M N U S VII.

IN J. CHRISTI CRUCEM.

NAm quod te memorẽ? quo cæsũ è vertice lignum
Dulce optanti animo mihi robur, amabilis arbor

Te, bona crux, nimbi, tempestateſque coruſcæ,

Infernæque poteſtates fugiuntque, tremuntque,

Inque tuos aciem nequeunt intendere ramos.

Infelix olim fueras, feraleque lignum

Supplicii genus, informis trabs hospita leti.

Nunc prope numẽ habes, ſancta & venerabilis arbor

Cœlo mixta comas caput inter ſidera condis,

Hospitis ingentis pulcherrima reddita tactu.

Te tulit antè humeris, quem tu mox ipſa tulifti,

Rex hominum, ſuperũmque, Dei certiffima proles.

Depoſiti ingentis, capitis tibi credita cura

Tam cari: tanti tu pignoris unica cuſtos.

Fortunata, tibi divinos contigit artus

Tangere, tam sanctique inspergi rore cruoris.
Fortunata, salus in te omnis nostra pependit;
In te meta fuit nostrorum extrema malorum.
Per te jam Pater omnipotens mortalibus agris
Dat veniam, & veteres bonus obliviscitur iras. 20
Pro nobis stetit, atque reis pro fontibus ipse
Filius oravit causam, & nece diluit ultro
Crimina: tu sedes oranti grata fuisti.
Victima pro nobis magno sese ille Parenti
Obtulit: oblato tu nobilis ara fuisti. 25
Illum afflictum atro sudantem sanguine præsens
Vidisti, & vitam per cuncta exempla trahentem,
Tandem animam longis singultibus expirantem.
Fortunata arbos, in te ille ille unicus ales
Deposuit senium, moribundosque exuit artus, 30
Ut novus exurgens rursus, nitidusque juvena,
Æthereas pennis cœli remearet ad auras,
Omnigenum volucrum cantu, & plaudentibus alis.
Fortunata arbos, in te foeta illa volucris
Molle sibi rostro pectus terebravit acuto; 35
Atque suo implumes saturavit sanguine natos.
Quæ pietas? qui tantus amor? nos crimine nostro
Occidimus: moriens nos ille à morte reduxit,
Delevitque notas, quas non contraxerat ipse.
Nos ideo nunquam è stratis consurgimus orta 40
Luce, vel ingressa jam nocte ad strata redimus,
Nostra tuo quin nos armemus pectora signo,
Et tua lustratæ imprimimus vestigia fronti.
Nil agimus, nil incipimus, nil pectore magnum
Molimur, non antè tuo munimine tecti. 45
Auspiciis tu nostra tuis incepta secundas;
Tu nostrum augurium, tu fors, tu præpetis omen.
Quinetiam ad quosvis motus, ad murmura quæque,
Et strepitus improvisos noctuque, dieque,

Ad tua confugimus tremefacti protinus arma,
Queis freti vanum revocamus corde timorem.

Proinde tibi magni curvato poplite reges
Oscula dant proni, positisque insignibus ultro
Assurgunt, testamque auro, gemmisque micantem
Suspendunt inter baccata monilia collo:

Et, duce te, audentes in aperta pericula vadunt,
Præmittuntque tuum pugnanda in prælia signum
Jamque Aquilis tua Romulidum mage nota figura
Hoc signo dux in campis pugnavit opertis
Inclytus, infernas acies, obscœnaque contra
Castra, Erebiq̃ue plagas victor penetravit ad ima
Exemitq̃ue pios vinclis, & carcere cœco,
Quos secum spoliis veheret super æthera opimis.
Nobile tu signum, tu pompæ insigne præibas
Semper, & egregii testis prænuncia facti.

Templorum te culminibus, te turribus altis
Erigimus; tu summa tenes fastigia; ubique
Turres, tecta tua sunt omnia tuta sub umbra.
Cumque omnes nos extremo sub tempore vitæ
Deferuere, comes remanes tu sola, nec unquam
Amplexu, dum spiramus, divellere nostro.
Nec tantum vivos, sed & auræ munere cassos
Tutaris, positosque cavis impressa sepulcris.
Quid mirum, summo si te veneramur honore?

Ipsi etiam pueri læti, immixtæque puellæ
Serta tibi, & flores nectunt, tibi carmina dicunt,
Te celebrant cœtu, te festa fronde coronant.
Jamque adeò latè in terris tibi templa, tibi aras
Mortales statuunt; tibi cerea dona cremantur,
Et pia thura; diemque tuo de nomine dicunt:
Ac prope divinos orbis largitur honores.
Haud quia sit numen, quia sit tibi sensus, at olli
Ista ferunt, cujus leto tibi gloria parta est.

Quin, suprema dies arfuro ubi venerit orbi,
 Sideris in morem fulgebis, & æthere toto 85
 Flagrantem insolita lustrabis lampade mundum.
 Luce piis addes animos; at fontibus ingens
 Horror eris: cupient retro transacta referri
 Lustra, suis frustra orantes oblivia factis.

Tu lignum porrò illud eras, medicabile lignum, 90
 Tactu cujus aquam in dulcem fons versus amarus.
 Tu lignū, genus in quo hominū, genus omne animantū,
 Servatum quondam immensis evasit ab undis.
 Tunc etiam malus, tunc ille altissimus olim,
 In quo sublatus pendebat aheneus anguis? 95
 In te oculos conversi omnes, conversa tenebant
 Ora: salus id erat serpentum moribus ictis.
 Quippe hominū infernus genus omne momorderat
 Tu nobis tu complexo serpente mederis [anguis.
 Omnibus, & validos in pristina sospita reddis. 100
 Tu nos infernis penè haustos eripis undis:
 Tu dulces in aquas fontes convertis amaros;
 Et lacrymas tandem nostras in gaudia vertis.

Salve, hominum indubitata salus, spes certa quietis
 Æternæ: per te patet alti janua cœli. 105
 Utque orbi quondam ingressa est mors arbore ab illa;
 Per te hominum generi sic tandem reddita vita est.
 Effice, mortales curis mortalibus omnes
 Oblitis per te divina luce fruamur;
 Amplexique tuos tollamur in ardua ramos. 110
 Vitam autem quia non datur omnibus exhalare
 Tali in sede, ipsumque imitari funere regem;
 Ut pueri infirmo nequeunt medicamina ferre
 Corpore, & altrices ipsæ acria pocula sumunt,
 Ad pueros virtus tamen hausto in lacte redundat:
 Sic fluat extincti divino è corpore regis 116
 In nos transfusus dolor, & præcordia tangat.

Saltem animo, saltem mœsto doleamus amore,
 Noctes atque dies, neque nos conturbet amaror;
 Verùm ea amarities nobis medeatur; & ægra
 Quæ nunc nostra jacent recreentur corda; necesse
 Illius emanet nostra in præcordia virtus,
 Sponte suo nostras qui solvit sanguine pœnas.

HYMNUS VIII.

MAGNÆ MATRI VIRGINI.

AT quo, Diva, tuas mortali carmine laudes
 Ingrediar, quas cœlestes cœlestibus oris
 Vix audent tentare chori? nec mole gravantur
 Corporea, atque tuos coram mirantur honores.
 Ipse, mihi quoties animum tua vivida imago
 Impulit, atque aciem te contra tollere tendo,
 Obruor, & nimia perfundor luce, nec absens
 Ferre tui valeo radios aut spicula vultûs.
 Nam tu sole velut divinum corpus amicta
 Incedis regina, caput redimita coronis
 Sidereis: tibi sub pedibus micat aurea luna,
 Igneaque astra premis subterlabentia mundi.

Mente olim Pater omnipotens te legerat alta
 (Nondum mundus erat) multis de millibus unan
 Quæ cœli regem pareres enixa sub auras.
 Atque ideo, postquam, divino foedere rupto,
 Primus in orbe parens hominum se perdidit ipse,
 Seque suumque genus veniens corrumpit in ævum;
 Sola malo exorta es, veterique impervia noxæ:
 Seu tua te genitrix intactam, & prorsus avitæ
 Secretam maculæ gravis conceptit in alvo;
 Seu simul atque utero concreta es, coelicolum rex
 Communem exemit labem, puramque reliquit;
 Ne tuus exorients pura dilapsus ab æthra

re, Parte olim foetus foret insincerus ab ulla; 25
 ror, Nec priscam traheret materno à sanguine labem.
 ra Teque dehinc crescens procul omni innoxia culpâ
 ecisq; Sanctam, incorruptam servâsti præside amico
 s. Tutâ Deo: ac veluti latis nitidissima campis
 Virga oritur, primosque novo dans vertice flores 30
 In regum fortunatos traducitur hortos;
 Continuò sedes liquisti parvula avitas,
 Templi adytis oblata, parentum debita votis;
 Sancta ubi priscorum vatum monimenta revolvens,
 Sensisti superùm regem tot vocibus olim 35
 Promissum terris mortali matre oriturum.
 Jam tum lætitia, dulcique cupidine pectus
 Captâ, Deum casta versabas mente propinquum;
 Et venerans matri foetæ pia dona parabas,
 Si fors ô vestris ea fors contingeret oris, 40
 Si vestro concessa forent ea munera sæclo.
 Nescia venturi nondum tua gaudia cernis;
 Nondum, Nympha, tuos præsentis pectore honores.
 Jamjam, nulla mora, adveniet demissus ab astris
 Nuncius: ille tuas quàm lætis vocibus aures 45
 Mulcebit? quanto implebit præcordia amore
 Pennipotens? tu cœlicolùm acceptissima regi,
 Plena Deo, nuribus felix magis omnibus illa es.
 Parce metu: humanum, Virgo, obliviscere morem:
 Concipe divinos haustus, teque infere cœlo: 50
 Non aliam porrò manet hujus gloria partûs.
 Tu rerum auctorem tactûs ignara virilis
 Concipies, gravis æthereâ divinitus aurâ,
 Solaque virgineum servabis foeta pudorem;
 Vellus uti lanæ impenetrabile restitit imbri, 55
 Cætera cùm madeant gravibus circû humida nimbis.
 Tu porta clausa æternùm; superùm ipse per illam
 Ingreditur rector, nec claustra immota resignat.

Tu rubus ille oculis flamma crepitante cremari
 Visus; at illæ sæ mansere in stipite frondes.
 Hinc etiam pueris media in fornace pepercit
 Ignis, & innocuæ lambebant corpora flammæ.
 Hæc te monstra petunt unam, hæc miracula tangunt
 Promissis nec sera fides: simul, ecce, repentè
 Cum tonitru medium veluti discedere cœlum
 Vidisti; simul auricoma circumdata nube
 Sensisti præsens in te descendere numen,
 Desuper afflatam leviter spirantibus auris.
 Quis tibi tunc sensus? qui, Virgo, in pectore motus
 Credo equidem, tibi cor dulci flagrabat amore,
 Et penitus totis ardebas suave medullis.

Tum quoque lætitia, ac mira dulcedine pectus
 Delicuisse reor, tibi cùm montana petenti
 Læta occurrit anus cognato à sanguine juncta;
 Atque utero exultante tuos præsensit honores;
 Felicemque uteri te terque quaterque vocavit.
 Tu verò, teneri qualis rosa plena pudoris,
 Ore rubens cœlo referebas carmine grates,
 Teque adedò indignam & meritam nil tale canebas.

Parva sed hæc; majora manent: date lilia plenis
 Virginei date thura chori, date festa canistris.
 Nascitur humana sub imagine, nascitur infans,
 Qui semper fuit, est, & erit, sine fine, sine ullis
 Principiis Deus, immensi quem moenia mundi
 Non capiunt, visusq; hominum, tactusq; refugit.

Sæpe mihi videor te poplite cernere, Virgo,
 Subnixam, infantemque recens mirarier ortum
 Flagrantem, & radiis latè vibrantibus aureum;
 Teque tuos pronò venerantem pectore foetus;
 Attonitumque senem tantis vix hiscere monstris.
 Felices nimium pastores ô! quibus olim
 Contigit in stabulis insuetos cernere partus.

Tantùm ô si quoque me si secula vestra tulissent,
 Pavissẽmque meas vestris in saltibus agnas.
 Me sine monstratum vos nunquam issetis ad antrum
 Carminibus moniti cœlestibus; ipse ego primus 96
 Speluncæ foribus virides sylvestria myrtos
 Munera suspendissem, & florea ferta tulissem;
 Insuper & canna cecinissem carmina agresti,
 Carmina, quæ tibi nunc, regina, utcunque laboro, 100
 Nec me felici quisquam extrusisset ab antro
 Amplius: usque tibi famulari dulce fuisset,
 Infantique, senique tuo: tum me neque vestro
 Indignum viles stipulas substernere aſello.
 Hic ego vidissem reges, puero ampla ferentes 105
 Munera ab Æthiopum terris duce fidere vectos,
 Ante tuos, carique pedes procumbere nati.
 Vidissem volucres te mira in veste ministros
 Sæpius affari, curasque avertere dictis,
 Solarique inopem vario in discrimine rerum, 110
 Dum puero metuis, capitique pericula caro
 Longè arces animo semper suspensa labanti.

Usque aded senis in templo morientis inhærent
 Sensibus extremæ voces, cùm jussa recenti
 Pro partu geminas aris fers dona columbas, 115
 Affore, cùm tibi, Virgo, animũ dolor occupet ingens,
 Et quasi cor gelidum pertranseat ensis adaetus.
 Nec veterum deerant responsa horrentia vatum,
 Natum pro multis mactandum funere acerbo.
 Jamque minis tum facta fides, jam nuncius ales 120
 Nocte senem monet in somnis consurgere, tecumque
 Accelerare fugam, patriæ neque fidere terræ;
 Ne rex, dum sceptris cavet haud securus avitis,
 Divinam sobolem crudo necet efferus ense.
 Impie, mentis ubi es? quò te rerum impulit error?
 Quid pueros jugulas cunis & ab ubere raptos? 126

Tene putas posse æternis occurrere Olympi
Consiliis? morti nondum est obnoxius infans;
Nondum jussâ Patris supremi munera obivit
In terris; nondum factis se ingentibus orbi
Supra hominem ostendit per tot miracula rerum,
Quæ non humanis opibus, non artibus, edet.
Antè novas condet leges, nova fœdera mundo:
Ante salis sicco pede cœrula percurrenta:
Sedandi imperio fluctus, canæque procellæ.
Antè graves linquent languentia corpora morbi
Illius ad nutum; rursusque ad munera vitæ
Consurgent, quorum tellus jam texerat ossa.
Ille etiam prius exigua, mirabile, fruge
Millia multa hominum desertis pascet in oris.
Ille etiam tacitas hominum intra pectora curas
Inspiciet: sylvæ arebunt; terræque dehiscunt;
Nec gravia ora ferent, verbis dum fulminat, hostes
Omnia quæ coram admirans lætabere, Virgo.

In primis tibi cor mira dulcedine tanget,
Cum puer in templis, adolens dum sacra, relictus,
Quæsitusque diu, velut ecce repentè oriens sol
Lucidus, ore oculisque nitentibus apparebit.
Illum de magnis mirabere rebus agentem,
Et veterum dictis referantem oracula vatum,
Primores inter procures, juvenumque magistros:
Quos omnes jam tum bis sex vix messibus actis
Erudiet puer, atque rudes docto arguet ore,
Aureus, immortale sonans (mirabile dictu).
Sensibus illapsus penitus præcordia tanget,
Et dulcem toto jacet de corpore amorem,
Luce recens orta, vel fidere pulchrior aureo.
Tunc illam circumfusæ longo ordine matres
Laudibus attollent, quæ tales optima partus
Ediderit, tenerisque immulserit ubera labris.

Illum amplexa sinu, toto illi pectore inhærens
 Oscula fragranti capiti, dabis oscula fronti
 Sidereæ, stellisque pares libabis ocellos
 Ore alterna flagrans dulci præcordia amore.

Nec minùs inde etiam tacita lætabere mente, 165
 Fontis aquam latices cum Bacchi vertet in atros,
 Te mandante; tuo promet liquentia vina
 Munere, & insolitos hospes mirabitur haustus.

Hæc tibi, mater, erunt: oberit nihil antè tyranni
 Vesani furor: ipsa tamen cœlestibus ultro 170
 Consiliis pare, quæ fidus detulit ales.

Tolle moras: pete Niliacas interrita sedes:
 Cuncta favent: tibi nox nigrantes explicat alas,
 Et te sublustri gradientem amplectitur umbra.
 Cernis, ut intonsi prærupta cacumina montes 175

Demittant, plaudantque comis nemora alta coruscis,
 Et solitum præter varios humus afflet odores?

Illæ, credo, etiam noctu volucresque, feræque
 Adventante Deo numen sensere propinquum;
 Obviaque abrupto stupuerunt flumina cursu; 180
 Donec lætanti vos Nilus condidit alveo:

Fama ubi jam totam non læta impleverat oram,
 Bethlem largifluo puerorum undâsse cruore,
 Dum tuus ante omnes nequicquam quæritur infans.
 Quid tibi tunc animi? toto hæsit pectore sanguis,
 Et tua ceu gelidus subiit præcordia mucro. 186

At non hæc, Virgo, vestrorum hæc meta laborum
 Hæserat, ingentis neque erant ea debita luctûs
 Tempora; verùm olim longè majora manebant.
 O dolor! horrendæ quis morti crederet illum 190

Deberi, Pater est cui clari rector Olympi,
 Cui mare, cui tellus, cui cœlum paret, & æther?
 Verùm sponte neci caput obvius obtulit ipse,
 Primi hominum ut lueret scelus exitiale cruore

Ipse suo, moriensque genus mortale piaret.
 Id placitum Patri æternum, cœloque sedebat:
 Id quoque venturi, Virgo, tu præscia nôras;
 Cuncta oblita velut tamen, atque ignara malorum
 (Tantus amor matris) crudeli victa dolore es.
 Fama tuas simul ac sævissima perculit aures,
 Heu! natum scelere exceptum, insidiisque suorum
 Unigenam, summos fœdatum immaniter artus,
 Trudi ad suppliciũ, atq; trabem jam stare nefande
 Exiliisse ferunt subito extra mœnia, & omnes
 Te plangore vias, queruloque implẽsse ululatu.
 Qualis avis pastu rediens, cui pastor ab alta
 Arbore suspensum nidum dejecit, & aufert
 Implumes fœtus etiam nunc ore querentes;
 Illa volat circum; vix se raptoris ab ore
 Temperat, & querulis latè loca vocibus implet.
 Tunc tua inhumanæ miseratæ incommoda rupes;
 Atque tuo aeræ sylvæ doluere dolore.
 Ast ubi pendentem ferali robore porro
 Vidisti approperans, mediaque in morte teneri
 Jactantem huc, illuc oculos, si fortè suorum
 Siquem fortè alas inimicas cerneret inter;
 Deficis, & fessos ægrè collaberis artus.
 Quos gemitus! quas deinde trabem complexa querens
 Ore dabas! non hæc olim tibi gaudia cœlo,
 Non promissa tibi hæc divino pignore dona.
 Sic nuribus te felicem magis omnibus unam?
 Sic ventura tuos florere in secula honores?
 Felices illas fortunatasque vocabas,
 Pignora cara quibus flere ipso in limine vitæ
 Contigit, & longo paulatim assuescere luctu.
 Parcite, mortales, iter illuc fortè tenentes,
 Quos omnes in sese, atque in sua funera, mater
 Victa animi armatos lacrymosis vocibus exci-

Ipsa quoque ut simul in trunco moriatur eodem.
Parcite, & aerei nimboſa cacumina montes, 230
Nec cadite in matrem ſubita convulſa ruina,
Exorata licèt, licèt ultro ſæpe vocata,
Dum juvat immitem ſic ſaltem explere dolorem.
At non ſic etiam poſitus caræ genitricis
Filius oblitus media te in morte ſupremùm eſt 235
Affatus: quas ô voces! quæ verba vel ipſi
Pectore ab invalido rupit miſerabilis hoſti!
Tandem in te ah! moriens morientia lumina liquit,
Et dulcem, ut potuit, vultu ſervavit amorem.
Hic tu muta files, lacrymiſq; abſumpta profuſis 240
Non jam ullos gemitus, non jam ullos ampliùs edis
Singultus: tacito dolor intus pectore ſævit.
Ipſa parens frugum pro te mœſtiſſima tellus
Planxit, & ingenti tremuit ſuccuſſa fragore:
Et ſilices erat hìc nulla vi cernere apertos 245
Findere ſe, & mœſti, ut poterant, dare ſigna doloris.
Palluit aſpectu cœlum, atque illuſtre repentè
Deſuper inſolitis umbris caput alta petens ſol
Occuluit, medioque die nox plurima oborta eſt;
Et populi æternas mundo timuere tenebras. 250
At non te longo, Virgo, intabescere luctu
Paſſus: ubi primos lux tertia protulit ortus,
Jam nigras Erebi ſedes populatus, & umbris
Educens furſum manes, animasque piorum,
Evaſit tumulo, faxumque reliquit inane; 255
Atque tibi primùm divino apparuit ore;
Poſt aliis, ſibi quos lectos ſubjunxerat olim
Conſortes tantorum operum, ſocioſque laborum.
Quas lacrymas tibi crediderim excuſſiſſe repentem
Lætitiâ! quali tibi tum præcordia motu 260
Exultâſſe! fides tua quæ præſenſerat uſque,
Nunc oculis adapertha vides: nunc clara liquet res.

Aspice, ut exutus moribundos filius artus
 Divinam induerit speciem, inviolabile corpus,
 Insolitis radiis, infueta luce coruscum.
 Parva mora: hinc terris illum supera alta relictis
 Vidisti petere, atque cava se condere nube,
 Ad cœlumque aperire viam mortalibus ægris.
 Nec tamen in terris desertam, inopemque reliquit
 Dum mortalis adhuc vitali vesceris aura:
 Ipse sed omnipotens tibi plurimus infidet, & te
 Noctes atque dies præsentî numine servat.
 Præside quo, quæcunque premant, secura malorum
 Cœlestum degis moribundo corpore vitam;
 Nunc veterum relegens latebrosa oracula vatum;
 Nunc animo cœlum peragrans, totaque volatans
 Mente Deum, frueris nati omnipotentis amico
 Numine; perpetuum tibi qui tuus afflat amorem,
 Desuper ambrosia hac, dulci hoc te nectare pascit.

Jamque dies aderat lætissima, quâ tibi terras
 Linquere fas erat, & claro succedere cœlo.
 Vix placido moriens clausisti lumina leto,
 Turbine corripere rapido, veherisque per auras
 Solis inardescens radiis; te lucida nubes
 Purpurea longè fulgentem amplectitur aura.
 Te circumvolitant dextra, lævaque frequentes
 Alituum coetus, cœli stellantis alumni;
 Subvectamque ministerio te præpetis alæ
 In sublime ferunt: sanctæ de vertice Idumes
 Pastores admirati videre sub auras
 Enantem, & claro signantem tramite cœlum.
 Talis ab Eois aurora attollitur undis;
 Talis luna recens roseo caput exerit ortu:
 Utraque sed longè obtuso tibi lumine cedit.
 Sed neque te primo jubare æquet maximus ipse;
 Sol lucis fons exorîens comitantibus horis.

Sic cœlum expectata subis, thyasque, chorique
 Te circum, & liquidi resonant per nubila cantus,
 Castrorum in morem, nitidis cùm exercitus armis
 Pulcher it, ære acies de monte adversa refulget. 300
 Antiqui proceres gentis decora alta vetustæ
 Occurrunt, vatesque pii ventura locuti
 Excipiunt lætam, & summa ad fastigia ducunt,
 Lætitiæque fremunt superi. MARIAM alta beati
 Ingeminant per tēpla chori, MARIAMQUE frequentant;
 Ingentique procul reboant superâ ardua plausu, 306
 Et totum exercent intus nova gaudia cœlum.
 Filius hîc etiam sancti regnator Olympi,
 Qui dextræ æterni Patris assidet æthera torquens,
 Optatos dedit amplexus, tibi que oscula fixit 310
 Pronus, & æterno matrem devinxit amore.
 At Pater insignem folio sublimis ab alto
 Eterna capiti implicuit de fronde coronam;
 Affixitque tuæ gemmantia sidera fronti;
 Et super alituum superûm templum omne locavit
 Sublimem, rerum dominam, cœlique potentem: 316
 Unde humiles mundi labentis despicias orbes,
 Lunamque, stellasque, videntemque omnia solem;
 Angustæque procul telluris inertia rides
 Pondera, & insanis exercita pectora curis. 320
 Salve, sancta parens: eadem salve innuba Virgo,
 Regia progenies, genus alto à sanguine Judæ,
 Cui Pater omnipotens pleno se numine fudit,
 Gratiaque acceptam matres super extulit omnes.
 Qua primùm dias prodisti in luminis auras, 326
 Luce eadem nostræ spes est exorta salutis.
 Fœmineos lapsus, ignominiamque pudendam
 Ulta tui generis, genus ipsum ad sidera tollis.
 Prisca hominum genitrix, & matrum maxima mater,
 Prima tulit generi tristis contagia leti: 330

Tu, Virgo, longo pòst tempore prima salutem
Felici peperisti utero mortalibus ægris.
Illa dedit mërso lacrymas; tu gaudia mundo.
Illa homini invexit poenas; tu præmia: per te
Janua aperta piis cœli, quam clauferat illa,
Circumventa dolis malesuadi & fraude colubri.
Ipsum tu valido victrix pede proteris anguem,
Frustra insultantemque, & sibila colla moventem.
Munere quo superas cœli regina per oras
Inveheris, cœlique nurus te mille sequuntur,
Mille chori celebrant, servatricemque frequentant
Cœlicolæ assurgunt omnes: tibi regia paret
Ætheris immensi: quodcunque, ubicunque creatur
Infra te longè jacet, & tua jussû faceffit.
Nos quoque divinos, ut cuique est copia, honores
Largimur: tibi centum aræ, tibi maxima centum
Thure calent delubra: tuis pia munera templis
Afferimus, casiasque, & nardi halantis aristas.
Ipse te matres adeunt, peplumque ferentes
Textilibus donis augent, & templa coronant
Primitiis florum, ac suspensis frondibus umbrant
Ut primùm fari incipiunt, te nomine jussû
Compellant, primaque sonant te voce, minores.
Omnis ubique tuis indulget laudibus ætas;
Omaïs ubique domus: totæ de turribus urbes
Te veniente die, te decedente salutant;
Plurimaque auratis resonat tibi tibia templis.
Tu laudes bonâ mortales, tu munera vocis
Humanæ non spernis, opis nihil indiga nostræ.
Vota hominumque precesque audis, ubicunque vocat
Rite tamen, nostrosque levas miserata labores.
Tu bellum, morbosque graves, pestemque, famem
Avertis, cœlique minas, tot sospita mortes,
Tot clades, tot das miseris evadere casus.

Utque mari magno jactatos turbine nautas 365

Servat stella, polo si tandem affulserit alto:

Sic tua lux, quæcunque insent, quæcunq; premantve,

Nos regit, inque omni tuto discrimine reddit.

Nunc, ô stella maris nostri, nos aspice præsens :

Eripe tot pelagi penè haustos fluctibus atris. 370

Nunc lucem, lucisque tuæ jubar exere, & orbi

Exorere, ac radiis nigrantem discute nubem.

Ne, quæso, ne nos inopes hîc defere : siquid

Dulce tibi fuit in terris, & amabile quidquam,

Per te, per carum oramus tua pignora natum; 375

Perque sinus illos, quibus hærens vagiit infans,

Brachiaque implicuit collo, innexusque pependit

Dulce onus interdum; perque ubera, quæ tener hausit;

Per pueri dulces risus, perque oscula blanda,

Perteneros lusus; per quicquid denique in illo 380

Dulce fuit tibi curarum gratumque levamen;

Ipsam illum Patris ad solium complexa precando

Da, genitrix, facilem : & si fortè piacula nostra

Aversum terris faciunt, tu sedula nobis

Concilia, ut justas Patris in nos leniat iras; 385

Et quæcunque suis merito miscetve, paratve,

Diluat ille sui præsentis rore cruoris.

Mille procul cerno nobis instare pericla,

Mille neces, rebus prope versis, mille ruinas.

In nos Turca ferox toto ruit agmine, & armis 390

Cuncta movens nos extremis conatibus urget;

Jamque sibi ingentes orbis promittit habenas.

Interea nostri, quos huic se opponere monstro

Equum erat, inter se reges fera bella moventes

Confligunt; totoque (nefas) concurritur orbe. 395

Tu tantum terrorem animis labentibus aufer :

Tu nobis, tu, Diva, pios miserata, quietem

Redde petens; placida mitescant secula pace.

HYMNUS IX.

BEATO MICHAELI.

QUE M te esse dicam, præpetum pulcherrime,
 Quo te profectum ex agmine,
 Cœli volatu qui pererras atria
 Armis coruscus aureis?
 Tune ille cœlitum inclytus princeps ducum,
 Dux alitum ales mentium ;
 Quas ipse in orbis maximus primordio
 Creavit omnium fator,
 Aulæque præposuit beatos incolas
 Felicioris ætheris ?
 Ut te ferocem intueor ense, ut ænea
 Hosti imminentem cuspide ;
 Simul juventæ flore, & impubi gena,
 Et ore dulci amabilem !
 Ut arma pectus masculum fulgentia ;
 Plumæ ut leves humeros decent !
 Salve, volucris alme ductor agminis,
 Cui creditæ cœli fores.
 Tu contudisti insanientis Phosphori
 Bellator insolentiam.
 Contaminata cum manu ille corrui
 Inhospitale sub chaos ;
 Ubi silentes territat remugiens
 Umbras tremendo murmure.
 Satis superque debitas pœnas luit
 Inefficax superbia,
 Ultore te. Referre militaria
 Te signa, fufis, hostibus

Videre ovantem sidera admirantia :

Uterque te vidit polus.

30

Et ipse summus civium in medio Pater

Laudavit alitum choro ;

Post quem tibi omnis aula cœli militat

Secreta cœtus in novem.

me Regi ipse semper affides propinquior

35

Reconditorum particeps ;

Quæ deinde subsequētibz tu detegis ;

Mox alter aperit alteri ;

Ad infimum descenderit donec gradum

Semper minor scientia :

40

Nec alter alteri invidet præstantiam ;

Sed forte quisque amplus sua est.

O plurimùm beata gens cœlestium !

Felix genus volatile !

Vos solis usque illius intuemini

45

O, quo beantur omnia ;

Metus nec ullus vellicat, ne fortè sit

Perennis hæc felicitas,

Quæ fixa clavo firmiùs adamantino

Hæret moveri nescia.

50

Vos ætheris regis ministri sidera

Torquetis, & cœli vagos

Orbes rotatis, unde tempus & die,

Et noctis immotæ vices.

Vos temperatis aeris flatus truces,

55

Imbres, pruinas, & nives ;

Et fulminum sævas coercetis faces,

Ne mundus ingens conflagret.

Vobis profundum in æquor est imperium aquas

Volubiles regentibus ;

60

Globumque terræ sustinetis pendulæ,

Et quicquid in terra viger.

Vos alites Hero ab supremo crebriùs
 Ad nos venitis nuncii;
 Deique nostra afflatis almi pectora
 Inusitato numine;
 Animisque nostris infidelis additi,
 Ducesque adestis in via;
 Nos donec exemptos humo nil invidi in
 Vestros adoptetis choros.
 Adeste nobis: namque, quos vos prælio
 Fregistis, hostes nos premunt;
 In nosque victi virus omne colligunt;
 Et tutò inermes provocant:
 Adeste: diris pestibus resistite
 Non insuèti laureis.
 Tuque ô supremo ductor agminis die
 Princeps ades certantibus;
 Cùm falsâ veris addita exprobrant probra,
 Absolve nos calumniæ;
 Vitæque corpus exuentes suscipe,
 Hasta procacem arcens manum!

HYMNUS X.

EX CANTICO MOSIS.

CANtemus inclyto ætheris regi Deo,
 Deo omnium fortissimo.
 Incomparabili extulit se gloria
 Suam hic potentiam explicans;
 Equos & equites hostium sub æquore
 Vorticibus involvit rubro.
 Deus ille virtus mea, Deus potentia,
 Mei & triumphî gloria,

Deus salutis auctor effectus meæ
 Servat sua me dextera. 10
 Deus hic meus, præ omnibus diis mihi:
 Ejus canam usque gloriam.
 Deus hic parentum meorum antiquitus:
 Ejus canam potentiam.
 Deus, velut bellator, arma Pharaonis, 15
 Currus, & omnem exercitum
 Nos insequentem, fluctibus maris asperi
 Inhospitalibus obruit.
 Huic nomen omnipotens: potentes hostium
 Demersit alto principes. 20
 Illos profunda ponti inexplicabili
 Haussit vorago gurgite:
 In ima desedere, ceu moles gravis
 Excisa monte ab arduo.
 Dextera tua, Deus, omnium pulcherrimo 25
 Sese trophæo insigniit.
 Dextera tua hostem contudit validissima:
 Tuos es ultus æmulos.
 Excanduiſti: absumpsit ira eos tua,
 Flamma aridam ut stipulam vorat. 30
 Excanduiſti iratus: in eos æquoris
 Opes coegisti humidas.
 Nobis recessit unda, & alti gurgites
 Lato relicto limite,
 Fundum ut per imum de manu insequentium 35
 Elaberemur hostium.
 Videns propinquus hostis, omnibus mare
 Patere concavum ratus,
 Alensque inanes spes, ait secum: Insequar;
 Concludam eos; spolia auferam: 40
 In hostium pecunias grassabimur;
 Auro potiti explebimur:

Stricto dehinc ferro irruemus acriter,
Totum genus delebimus.
Hæc colloquentes irriti falsas vias
Medio tenebant æquore.
Tuus, ecce, spiritus repentè insibilat;
Concretaque unda solvitur;
Nec æreas fert humido tergo rotas:
Omnes in ima, plumbum uti,
Pelagi profunda corruere protinus:
Nos jam recepti littore.
Ejecta porrò vidimus cadavera
Virûm, atque equorum, fluctibus.
Quis tibi queat bellantium fortissimus
Virtute compararier?
Tu sanctitate incomparabili inclytus:
Tu fortitudine unicus
Orbi usque maximâ exhibes miracula,
Quæ nullus alter audeat.
Dextram tuam excitâsti, & hausit terra hians
Repentè vires hostium.
Genti tuæ verò dedisti te ducem
Jam servitute liberæ,
Nostri misertus; nos ut in pinguissimum
Traduceres manu solum.
Hæc audientes undique populos pavor
Invasit, ac simul dolor.
Fama hac Palæstina omnis attonita jacet,
Et ora Chananeitis tremunt,
Cum regibus, populisque barbaris. Tu eos
Metu coactos illiga;
Pertranseat donec tuorum exercitus,
Immobiles stent, ceu filex;
Nobis nec obstant. Sed tibi placitum genus
Super aquilarum alis vehes

Montem ad beatum ; hæreditario in solo
 Ut furculos lectissimos
 Nos inferas, domumque in altam transferas ;
 Quam fabricâsti tu tibi 80
 Sacrarium, Deus, tuum, quod affabrè
 Tuæ expoliverunt manus.
 Regnans, io triumphe, victor imperat
 Æternùm, & ampliùs Deus.
 Ingressus eques Ægyptius mare invium 85
 Tot curruum rex millibus:
 Rex ætheris eum immerfit æquoris rubri
 Sub vorticosis fluctibus:
 Ast Isâci nepotibus tendentibus
 In medio iter stravit mari. 90

H Y M N U S XI.

DIVO DAVIDÆ REGI PROPHETÆ.

FAccessite hinc, vani Poetarum greges,
 Auferte vestra hinc somnia.
 Non est quòd audiam, quòd ampliùs legam
 Diserta vestra carmina ;
 Seu Græca, seu Latina sint ea, ut lubet. 5
 Me Musa detinet altior:
 Inusitata dulcior citharæ sonor
 Meis inerrat auribus ;
 Et intimis altè insidens præcordiis
 Totum mihi me surripit. 10
 Jordanis usque ab algida cyeni audio
 Ripa canori carmina ;
 Ut ille luce, ut nocte de multa canit,
 Quæ nullus antea audiit.

Cui te sacrorum conferam vatū parem?

Cui regum eundem comparem?

Quid majus in te mirer? an peritiam

Belli, an canendi gloriam?

Artēse, quas callere reges addecet

Clavum tenentes urbium?

Pastoris ultimus Ephrathæi è liberis,

Oves paternas pauculas

Pascens puer, jam tum imperabas omnibus

Amabilis pastoribus.

Jam te supremus ætheris rex legerat,

Cui regni habenas crederet.

Pascente te nihil timebant pascua:

Feræ abstinebant saltibus.

Fremens supremum graviter ursus in tuis

Efflavit ulnis halitum;

Tuoque pressu vastificus olim leo

Discerptus ingens occidit.

Tu mole vasta corporis teterrimum

Puer gigantem, ab hostium

Vallo superbis provocantem vocibus,

Vellet sibi qui congregari,

Et insolenter exprobrantem civibus

Turpem tuis ignaviam;

Cum muta legio omnis tuorum abfisteret,

Nec quisquam adire comminus

Auderet; ipse aggressus ultro fortiter

Neci dedisti: protinus

Insonuit ad cælum graviter immanibus

Percussa tellus artubus.

Tum facto in hostes impetu, innumerabiles

Invictus ensē demetis:

Nec sustinere versa possunt agmina

In terga dextræ vim tuæ.

Quotiesque confecto redibas prælio,
 Multis peremptis millibus;
 Aureo coruscus, omnium pulcherrimus;
 Ipsos amore urens agros;
 Victori ab oppidis puellæ ubique obviam
 Tibi canebant carmina;
 Supraque regem ipsum efferebant laudibus
 Ter inclytum, ter amabilem.
 Quid mox? ubi ætas firma venit, regiis
 Elapsus infidiis quater
 Ut regis inimici necem defleveris,
 Cui sponte bis peperceras;
 Manu in tua cùm esset, tot ense injurias
 Ulcisci, & hostem perdere:
 Hinc regnum adeptus pace ut alta rexeris
 Latè subactis hostibus:
 Deo ut tot ædem sumptibus paraveris,
 Quam filius mox conderet.
 Tu luce pugnabas manu, noctu fide
 Arguta agebas gratias.
 Deo usque grata concinebas carmina,
 Haud munerum tot immemor,
 Quibus tuos evexit ad sidera atavos,
 Ab orbis usque exordio.
 Tot hîc triumphos, tot canis miracula,
 Antiqua gentis prælia.
 Quin & futura prævidens longè refers
 Coram velut præsentia;
 Et nasciturum prædicas mortalibus
 Heroa de Deo Deum,
 Qui nostra penitus demeret piacula,
 Cruore nos lavans suo:
 Nobisque nostra ostendis fidem tempora;
 Et nosmet ipsis indicas.

Salve, procul videntium vatum optime:

Regum idem ave lectissime:

Nobis ab alto dexter ades, & nos tua

Prece junge summo numini.

Nobis tuis innitier vestigiis

Detur: imitentur te duces

In præliis; reges sequantur formulam

Tuam in regendis urbibus.

Sat mihi foret tua æmulari carmina,

Dum fila percurro citharæ.

Quòd si neque id penitus datum est accedere,

Nec pluma tam alta volat mea;

Abstrusa mitto versibus mysteria,

Divina mitto evolvere,

Quibus alta cœli transilis cacumina,

Quibus inferum penetras chaos.

Unum erudiri aveo: doce saltem meis

Orare veniam noxiis.

Unis mihi his te præbeas saltem rogo

In versibus imitabilem,

Quibus juventæ errata deprecans studes

Placare regem cœlitum.

Ut flebilibus, atque miserabilibus modis

Nostros in animos influis!

Miserere, miserere ô mei Deus, iterans,

Mecum tua age clementia.

Ego enim piacula mea novi: quod malè

Feci, mihi est usque in oculis.

Soli tibi peccavi, iniquè egi, Pater,

Tuis sub oculis impius.

Contaminatis sum parentibus fatus,

Conceptus ipso in crimine.

Tu, quicquid admissum est, tua indulgentia

Ignosce noxiæ immemor.

Delicta dele ; nequiter facta occule ;
 Meas remitte amentias ;
 Et, inquinatum quicquid in me est, dilue,
 Me rore respergens tuo ; 120
 Novamque mentem in me, novum cor suffice,
 Virumque verte in alterum.
 Affla tui aura numinis mirabili,
 Hilara tuo me spiritu.
 Demum ita priori restitutum gratiæ 125
 Aspice benigno lumine.
 Laudes aperies ita mihi labia ad tuas,
 Flestantur ut tibi impii.
 Mæ tibi hæ sint victimæ : hos immolem
 Super tuum altare vitulos. 130

H Y M N U S XII.

D I V O J O A N N I B A P T I S T Æ.

QUÆso, quid id negotii? quamobrem boni
 Semper premuntur improbis obnoxii?
 Quo nullus ortus major unquam gentium,
 Dei loquentis vera testimonio,
 Perit, perit vates ter ille maximus,
 Insanientis mulieris libidine;
 Quod abdicari is tenderet regem illico
 Oportuisse inauspicatis nuptiis,
 Fratrique reddi clamitaret conjugem;
 Ipsa ferente incesta animo id ægerrimo, 10
 Vatiq; pestem interminante pessimam.
 Tantumne mulieri uspiam licentiæ?
 Indignus ille qui satus sit masculus,
 Qui serio imperat mulier, & arduis

In rebus advocata semper consulit;
Cum procreandos conjuges ob liberos
Tantum viris sint additæ imperantibus;
Nec foeminæ ingenio suo pte pessimæ,
Sed sint equorum sicut optimum genus,
Eumque quem vult fessor, incedant gradum.
Freno viri si uti sciant, quisque in suas,
Possit carere mundus hac molestia;
Nec tot fuissent gentibus tragœdiæ.
Mandavit illa saltitanti filia
Incesta, regem posceret sibi aurei
Tradi amputatum vatis in disco caput.
Mero ille, ludo, amore captus annuit
Juratus: in patina sacrum affertur caput;
Squalore fuscum, tabo, & atro sanguine,
Horrentibus quotquot aderant convivio.
Convivium incestum! efferum spectaculum!
Insane, cæce, brute rex, tun' optimi
Viri muliebri offers caput libidini?
Tun' inclytum, sanctum, Deoque proximum,
A solis almo aspellis almi lumine,
Quem tu colebas, expetebas pessima
Tua exprobrantem probra confidentius?
Lugete valles, antra, solitudines;
Et quicquid est ubique montium avii
Lamenta, flebilesque voces rumpite,
Tam destituta amabili solatio.
Non audietis amplius vocis sonum
Felicitis ævi nunciæ, Venisse jam,
Quem nesciebat nocte mundus obrutus;
Deum Patri futurum, ut agnum, victimam,
Mortalibus qui tolleret piacula;
Coelique clausas panderet nobis fores.
O pessimè factum! adeon' innocentia

Cessit subacta? vicit impotens furor?
 Nec sol repente lucidum abdidit caput? 50
 Nec terra ruptis dissilivit vinculis?
 Nec ignibus coruscus orbis arbiter
 Mortalia in cineres redegit omnia?
 At at quievit ira, credo, cœlitum,
 Cœli quod omnis curia id providerat, 55
 Vates ut esset ille, non modò voce qui
 Deum indicaret editum mortalibus,
 Vitâ sed ipsum moribusque redderet,
 Et morte dira præviùs præcurreret:
 Quod tu sciebas ipsemet præfagio, 60
 Pestus futuri plene, IOANNES, sacrum;
 Lubensque morti te obtulisti fortiter.
 O morte felix non minùs natalibus!
 Quibus tibi queat nemo compararier.
 Tu regis index cœlitum prænuncius, 65
 Tu matre sterili, anu satus divinitus,
 In matris alvo labe communi omnium
 Antè expiatus, quàm fores luci editus;
 Nec noxiæ ulli mox fuisti obnoxius.
 Ne te inquinarent civium commercia, 70
 Sylvis latebas victitans in abditis.
 Sylvestre mel stillans vetusta ab ilice,
 Nucesque, & unguibus revulsa gramina,
 Regale erat semper tibi convivium.
 Præbebat ultro viva flumen pocula, 75
 Pelles ferarum delicatam purpuram.
 Hic nationes perluebas flumine,
 Suadens probrorum voce pœnitentiam;
 Monstransque ad altas ætheris viam domos.
 Felix ter ô, & ampliùs! qui venerat 80
 Maculas lavare, & omnium piacula,
 Dei regentis cuncta ubique filium

Tu proluisti vulgus inter cæterum :
 Sanctum lavacrum ! balneum admirabile !
 Nec te fefellit artubus mortalibus ;
 Sed, nare ceu canis procul odora feram,
 Numen sagaci deprehensti pectore.
 Repentè gurgite aureo resplenduit
 Igni fluentum ceu flagrantibus vadis,
 Tuis simul vox insonuit ampla auribus,
 Ruptis ut olim cælum ubi tonat nubibus,
 Quem proluebas, quis foret, denunciâns.
 Salve orientis alme solis lucifer
 Jubar propinquum gentibus prænunciâns :
 Ades : & adhuc quicquid potes, nos erudi,
 Et rectam ad astra errantibus viam indica,
 Nostriſque abolitis nos piaculis lava.

HYMNUS XIII.

DIVO PETRO APOSTOLO,

DE EJUS CATHEDRA.

PApæ ! potestate uspiam mortalium
 Diis proxima adeò quemquam in altum subve
 Ut summus unus cæteris mortalibus
 Præscribat, illi nemo prorsus omnium :
 Muſſent ſed omnes, ſponteque uni pareant,
 Pietate ſola adducti in animis inſita
 Suapte vi parentiumque ritibus ?
 Porrò, ille mortales adhuc apud manens
 Quæcunque de hominum conſtituerit noxiis,
 Sunt rata apud ipſos cœlites, arbitria :
 Animæque corporum expeditæ nexibus,
 Sive illigârit idem eas, ſeu ſolverit,
 Hærent ligatæ, & inferis fornacibus

Cremantur igne, vel solutæ devolant
 Feliciores cœlitum invectæ domos; 15
 Recto modò arbitrio, nec errore id fuit.
 Dei hæc potestas maximi, Dei optimi, est
 Communicata filio unigenæ optimo,
 Et maximo, de virginis utero edito;
 Mortalibus cùm se artubus mundo obtulit 20
 Spectabilem, doloribusque obnoxium,
 Mortique acerbæ pro salute publica.
 Ille inde tibi mortalibus præ omnibus
 Eam reliquit ætheris repetens domos,
 Hereditario velut jure caperes; 25
 Tibique concessit suas prorsus vices,
 Petre, five Cephas, seu Simon dici eligis.
 Quid hoc negoti? quo tuo istuc facinore
 Meritum esse dicam, quave gratia rear?
 Tu, pisculento natus in gurgustio, 30
 Parentibus sanè satus pauperrimis,
 Nulla inclytus nisi arte piscatoria,
 Nil patrâsti gloriosi facinoris:
 Nonnulla potiùs, si merita perpendimus,
 Malefacta te planè arguunt, & pessima 35
 Quidem, ferenda neque gregario in homine.
 Tunc ille, qui tutus, proculque periculo,
 Magnifica verba prolocutus ampliter
 Sponderas, Te mille subituro neces,
 Si opus fuisset, pro duce meritissimo? 40
 At mox ubi usus venit, in discrimine
 Deferere eum haud puditum est, ab hostium globo
 Obsessum, inermem, dum metu perterritus
 Fuga saluti consulis turpissima;
 Ecceque dissimulans tibi usquam cognitum, 45
 Eum ter abjurâsti amicus optimus.
 Convincimus se habere ita hæc, nec quispiam

Potest negare: poenitentia hanc tamen
 Mœrens luiti noxiam celerrima.
 Factum putamus providè divinitus,
 Deo volente, scilicet, quò fontibus.
 Expertus hinc ignòsse disceres reis,
 Statim futurus arbiter mortalium.
 Quod deinde factum est: namque tibi concreditas
 Tot civium vitas fovens humanitus,
 Nullo usus imperio, acerbitateve,
 Benignitate temperabas unica.
 Demum, quod olim perperam peccaveras
 Morte expiasti gloriosa, occubans
 Pulchrè pro eodem, quem antea fefelleras.
 Atque is fuisti tam ardua in provincia,
 Nunquam ut pigritū eum sit, tibi hanc qui credidit
 Tibique succedere adeò innumerabiles,
 Alium, deinde alium, instituit in secula,
 Eadem ut potestate pariter præcellerent,
 Sella sedentes in tua, eodemque folio;
 Consultum ut hominum generi ita deinceps foret
 Omnes ut unum agnoscerent ultrò caput.
 Periculosum fortè si quis dixerit,
 Tandem hæc potestas ne in potentiam exeat,
 Merumque regnum hominis soluti legibus,
 Latissimè patenti adeò licentia,
 Tua, PETRE, cautio hæc: tuum est, succurrere
 Gregi tuo olim, ne unquam id ei mali accidat.
 Es ubi caveri id detur, es apud quem omnia
 Orare possis, facileque istuc assequi.
 Quare, quod hominum legibus fieri est nefas,
 Saltem impetrato, ita ipse, qui solus potest,
 Tantæ potestati modum statuatur Deus,
 Nobis ut usque præsit optimus pater,
 Pietate sanctus re magis, quàm nomine;

Castis initiis qui ad honores repserit,
 Non imperandi cupidus, aut sitiens opum:
 Qui non oves deferat, ubi lupum aspexerit,
 Eviscerandâs, dum timet rebus suis; 85
 Ut cavit olim pastor omnium optimus:
 Nihil sibi arroget, nisi id jure optimo;
 Sed ipse sibi sit sponte lex, & terminus,
 Quem præterire peste pejus censeat;
 Et, quam rogârit ipse, legi obtemperet, 90
 Mente ætheri semper quàm humo propinquior.
 Privata penitus missa faciat omnia,
 Domûs suæ oblitus, suûmque liberûm.
 Primum procuret publica, æquus proximos
 Sibi remotosque eodem habeat omnes loco, 95
 Dum Christiano censeantur nomine.
 Sitiât & omnium salutem æquè ac suam;
 Ac, pastor ut sibi traditas oves domum
 Reducere omnes satagit, una ne abfuat,
 Sic creditas animas sibi mortalium 100
 Deo optimo resignet ultimo is die,
 Pro singulis paratus, haud tibi degener,
 Mortem, si opus sit, oppetere pulcherrimam.
 Talem usque nobis, si merebimus, patrem
 Dabit, nec unquam negliget suos, Deus. 105

H Y M N U S XIV.

DIVO JOANNI APOSTOLO

E Cqua leves adeò se cœli ardentis in auras
 Tollit avis? videntur ut celeri super æthera pennas
 Enârît, liquidique secet supera ardua mundi?
 Ut nostris ablata oculis, vix denique visa
 Radit iter facili lapsu, neque conciet alas? 5

Stare putes, nec gressum usquam proferre volando
 Æthereis cœli libratam corpus in auris;
 Sed tacitam secum cœlesti in lumine pura
 Luce frui, propiusque vago succedere soli.
 Gaudentem, & liquidos oculis depascier ignes, 10
 Obtutu hærentem, lucis dulcedine mira.

Quod genus hoc volucrum? neq; enim regina volan-
 Quæve altam præpes supra volat ardea nubem. [tum,
 Fortunate ales! qua te de gente volucrum,
 Qua de stirpe rear? neq; enim te præpete pluma 15
 Credo equidem fretum, neque enim pernicipibus alis;
 Humano sed te potius de semine cretum,
 Quisquis es, auguror, haud nostræ rationis inanem.
 Nec tamen agnosco, corpusne, an corporis expers,
 Quicquid id est, sese liquidas super efferat auras. 20
 Quales sæpe hominum mentes, animique volucres,
 Corporis in terris terræna mole relicta,
 Tollunt se, & superi peragrant confinia cœli
 Summa leves, celsaque diu regione fruuntur.

Quis verò ille adeò felix, cui contigit uni 25
 Longè alios supra sese alite tollere sensu;
 Rimarique acie nostros fugientia visus;
 Sanctaque cœlestum penitus penetralia adire,
 Et cœli insueto libare è fontibus haustu?
 Quid fuerit vasti longè ante exordia mundi, 30
 Omnia quo consent, quo cuncta auctore creata,
 Quæ sunt, quæ fuerunt, & quæ ventura sequentur.
 Mira quidem hæc: nam cuncta sibi jam redditus ales
 Ore canit, nostrosque vehit super æthera sensus,
 Insolitas rumpens voces, insueta locutus: 35
 Ut Verbum omnipotens, dictu mirabile Verbum,
 Illapsum cœlo, moribundos corporis artus
 Induerit Deus, & nostris habitârit in oris,
 Factus homo: Illius decus, & facta inclyta testes

Vidimus, illius, inquit, uti stellantis Olympi 40
Rege sati: omnipotens, non enarrabile Verbum
Vidimus, ac veros geniti attrectavimus artus;
Gratia cui comes, & nudi vis plurima veri.

Quis canat hæc, nisi divino qui numine plenus;
Cuive olim rege ipse satus radiantis Olympi 45
Eximio præsens eadem instillârit amore?

Quis canat hæc, nisi IOANNES; quem maximus heros
Unigena in terris socium sibi pectore toto
Junxit, præque aliis miro dilexit amore,
Atque unum erudiit, superûmque arcana retexit? 50

Ales, IOANNES, tu certè, ille inclytus ales,
Alta petens sensu, coelique abstrusa recludens.
Felix! è tali cui talia plurima fonte
Haurire, & largo perdiscere contigit haustu.
Felix! quem tanto sancti rex ætheris ipse est 55

Complexus præsens mortali in corpore amore,
Et juvenem juvenis dilexit, amicus amicum.

Non genus ista tibi præclarum, aut ulla parentum
Nobilitas dedit, exigua Bessâide creto;

Ars ubi erat tibi, per ripas muscosa secundum 60
Flumina deceptos in retia trudere pisces.

Is tamen unus eras, generosis omnibus illi
Posthabitis, cui præcipuo indulgeret amore,

Quique parem sibi responderes gratus amorem.
Dulcis amor! dulces animi super omnia curæ! 65

Prædulces nexus amborum, & amabilis ardor!
Quænam mente rear tum gaudia vestra fuisse

Mutua, quasve vices flagrantis pectora amoris
Utraque, quàm dulces subter præcordia flammæ!

Te tamen ô certe felicem, terque beatum! 70
Evenit cui talis amor, cui qualis amicus.

Nusquam aliàs inter mortalia corpora visus,
Gratus luce magis, vel fidere pulchrior aureo.

Aspiceres quoties oculos, pulcherrimaque ora,
 Insolitumque decus, totoque in corpore honores 77
 Divinos, visu dulcem jaculantis amorem;
 An poteras totis non exaruisse medullis?
 Audires quoties voces, & verba loquentis,
 Divinas juvenis voces, divinaque verba,
 Lætitiæ æthereæ instillantia mentibus aulæ;
 An poteras totis non deliquisse medullis?
 O certè te felicem quater, atque beatum!
 Cui se talis amans, soboles æterna Parentis
 Æterni, interdum est solitus committere seorsum
 Omnibus ab caris, tutoque affarier unum, 87
 Inque omnes socium curarum admittere casus,
 Et tibi divinos animi concedere sensus.
 Testis eras, cùm, cœlestem clam sæpe Parentem
 Affatus, miras hauriret ab æthere voces;
 Interdumque suas divino redderet ore 97
 Illustris radiis, & clara luce coruscus,
 Confessusque Deum se toto corpore verso.
 O quoties illum, supra radiantia cœli
 Lamina fulgentem solis septempace luce,
 Miratus, subitis fulgoribus expavisti! 99
 O quoties rupto velut acta tonitrua cœlo
 Territus ad voces divinas contremuisti!
 Ipse tibi placidis firmabat pectora dictis,
 Arcebatque metus juvenili victus amore,
 Consilia æterni referans æterna Parentis. 100

Cumque alios omnes sua per vestigia cœlum
 Ingressos perimi sit funere passus acerbo,
 Unum te ferro exemit, plagisque cruentis;
 Annis qui placida centum actis morte jaceres,
 Si tamen absumpto defunctus corpore obisti. 105
 Nam perhibent vulgò, comperto corpore nusquam,
 Degere adhuc vitam Syriæ felicibus hortis;

Nec te posse mori, donec flammantibus auris.

Undique supremos mundus confidat in ignes.

Atque ideo, immitis cum te vis effera regis 110

Ureret, impositum gremio exultantis aheni,

Nil æstus nocuit flammis stridentis olivi;

Molliter unde unctus tantum, haud exustus abisti.

Nec tibi supplicio exilium fuit: æquore vasto

Inclusus, sylvas & inhospita littora circum 115

Ibas, ac veteres repetebas carmine amores;

Atque Deo plenus foliis inscripta notabas,

Quæ ventura forent labenti secula mundo

Clara videns, sed cuncta tegens obducta sub umbra:

Sublustrî tamen è nebula undique tralucebant. 120

At non passus amor, tibi erat qui plurimus oris

Ethereis, pelagi arceri te semper ab undis

Extorrem: merita sublato morte tyranno,

Redditus in patriam vicinis gaudia terris.

Quanta repente refers? tunc ad tua vota, precesque;

Fama canit, nuper defunctos munere vitæ 125

Aereas blandi rediisse ad luminis oras:

Et tibi plus heros devinctus amore rependit,

Quàm pro te, ac pro fratre parens malè cauta poposcit.

Ille etiam tibi supremo sub funere pendens, 130

Ut poterat, solitum ex oculis respondit amorem;

Et tibi dilectam genitricem credidit uni,

Dulcibus extremum verbis affatus utrumque,

100 Illa tibi ut genitrix, illi ut tu filius esses.

Pro sese post hinc, dum in terris vita maneret: 135

Tantus amor, tanto cumulatam liquit honore.

Tantum in te potuit supremum munus amici,

Ne tibi quam velles teda sociare jugali

105 Ignarusque experisue tori, dum visus in orbe es.

Scilicet addecuit custodem Virginis esse, 140

Qui neque connubia, Veneris neque munera nôllet.

Sanctior intus amor, fax gravior intus edebat,
 Noctes atque dies, veniens illius ab ore,
 Qui cœlum vultu tempestatelque serenat,
 Sole oriente recens, vel Eoo pulchrior astro. 149

Antè ferunt hesternò etiam te vespere amico
 Incubuisse sinu, somno ac mœrore gravatum
 Cui positus caput hærebas, sublimia cœli
 Arcana hinc, sensusque Deum traxisse per omnes.
 Hic tibi præcipuè divini pabula amoris 150
 Largiùs hausta reor; quæ verbis te inde juvabat
 Suavidicis latè mortales spargere in omnes.
 Nil nisi prædulcem, quæcunque effatus, amorem
 Ore loquebaris: tibi erat, tibi dulcis in ore
 Semper amor: blandum spirabas semper amorem;
 Mutua concilians hominum fera pectora dictis 151
 Inter se, placidæque ferens bona semina pacis,
 Unus paciferi fator atque hortator amoris,
 Unus amans, unum nil curans præter amorem.
 Omnia amor tibi: vivus adhuc in corde vigeat 160
 Priscus enim calor ille Deo abscedente relictus.
 Vivus adhuc residebat amans in sensibus heros,
 Et veterem innexus cordi integrabat amorem.
 Ac veluti, ut faxis liquefactis plurima fornax
 Incensa est, longoque ardens incanduit æstu, 165
 Materies subducta licèt sit, pabulaque igni,
 Ignis adhuc tamen intus inest, & flamma supernè
 Luxuriat, vivaxque diu furit ardor ad auras.

Felices ô mortales! si mutua sese
 Conjuncti pariter nullo discrimine amarent, 170
 Inque vicem mites animis sine fraude foverent.
 Aurea conversis irent nova secula rebus:
 Nil cuiquam desit, nec opum ulli defuat uber:
 Divitiæ fluerent vulgo: omnes omnia haberent:
 Quandoquidè unū animis omnes concordibus essent.

Auri dira fames, & habendi sacra cupido, 176
Fraudesque, insidiæque, & furta latentia abessent.
Omnibus una etenim lætandi causa, dolendique
Esset, & una salus, unum & commune periculum,
Et labor, & lætis accedat gloria rebus. 180
Tot curis hominum careat genus: omnibus omnia
Tuta forent: degant sine vi, sine cædibus ævum
Mortales securi, altaque in pace quiescant;
Et passim pleno fluat aurea copia cornu:
Hic fructus, placidi sunt hæc commercia amoris. 185
Aureus hic hominum generi omnia sufficit unus:
Hoc uno sumus, hoc orimur, hoc vivimus uno.
Unus amor nobis præsentem numinis auram
Conciliat: quin ipse favor, quin gratia & ipsa,
Qua fruimur, qua nos sibi jungit numen amicū, 190
Lustratosque iterum qua nos in pristina reddit,
Nil nisi amor pius est: ipsum quoq; deniq; numen
Est amor ille Deus, Deus ille affusus ubique
Regnat amor, cælumque movet, terrasq; fretumq;
Omnipotēs, requies hominū, superūmq; voluptas. 195
Talìa suaviloquo per gentes ore canebas,
Omnibus inque locis miscebas pocula amoris,
Omnia demulcens: discebant omnia amare:
Omnia largiflua dulcedine distillabant.
Cum verò solus sola sub nocte relictus 200
Errares, ubi corda sopor mortalia solvit,
Nulla quies animo tibi erat: sub pectore semper
Versabas, quali fueris dejectus amico,
Et dulces nunquam insomni discedere curæ.
Illum absens oculis absentem cernere coram 205
Usque videbaris, blandosque agnoscere vultus,
Optatosque oculos, & gratæ frontis honores;
Cujus ab aspectu jucundo lumine cassi
Sæpe resurgebant repetitas lucis in auras.

Usque videbaris dulces haurire loquelas;
 Cujus ab eloquio jam vitæ munere functi
 Sæpe resurgēbant in blandas luminis oras,
 Atque iterum dulcis visēbant limina lucis.
 Usque animo tibi fixus erat: tibi dulcis imago
 Ante oculos, blandum obversari nomen ad aures;
 Quo superi cœtus, atque omnis curia cœli
 Audito lætantur, & infera regna tremiscunt.
 Illum per nemora, & sylvas, perque alta canebas
 Littora, & in solis per noctem montibus ibas.
 Reddebant valles tibi IESON; undique IESON
 Saxa resultabant: iterabant omnia IESON.
 Hæc placidam semper duxti per munera vitam
 Dulce querens, dulci fallens ingrata querela
 Tempora, confectus donec membra ægra senectæ
 Corpore paulatim absumpto, lux sola remansti,
 Et somus, in nostras qui nunc quoque laberis auribus
 Huc ades ô, seu te jam functum corpore cœli
 Regia habet, seu vivus adhuc, spiransque sub arboribus
 Felices Arabum saltus, & amœna peragras
 Rura, canens, felix utcunque, utcunque beatus,
 Huc ades, & præsens te sensibus insere nostris.
 Te referante, acie nostros superantia captus
 Cernamus, quæ tu Ægæis vallatus ab undis,
 Obscuris vera obducens, ventura canebas;
 Atque Deum colere, & nos assuescamus amare
 Mutua, te monstrante, piumque bibamus amorem.

HYMNUS XV.

DIVO ANDRÆ APOSTOLO.

QUAM veteres nulla arte tuo de nomine dictæ
 Coelicolum regi quondam posuere parentes,
 Labentem victamque situ renovavimus ædem,

ANDREA, tibi, conspicuoque polivimus ære,
 Marmoreque è niveo candentem creximus aram: 5
 Hæc, quicquid nobis bellum exitiale reliquit,
 Contulimus, tibi nec pro tempore rebus egenis
 Defuimus: si fortunæ foret illa prioris
 Copia nunc, nec opes nostras fera bella tulissent,
 Forsitan hic lento templi quoque plurimus auro 10
 Fulgeret tholus, & rigui plebs læta Ticengi
 Dives te dignos aris inferret honores.
 Illa Deum te post unum veneratur, & omnem
 In te spem locat: iratum tu sæpe tonantem
 Concillas nobis, & justæ te objicis iræ. 15
 Quandoquidem nihil omnipotens non annuit ultro
 Devinctus tibi, nil veteri non donat amori:
 Quæque olim in terris fuerat tibi gratia vivo,
 Hæc eadem te consequitur cœli arce receptum;
 Cœlestumque choros inter spectabilis omnes 20
 Incedis bis sex procerum non ultimus unus,
 Quos Deus humanos indutus corporis artus
 Subjunxit sibi delectos ex omnibus unos,
 Retiaque, & pisces, & flumina linquere jussit.
 Fortunati omnes! vobis pro retibus, hamisque, 25
 Æthereus vigor est menti divinitus altæ
 Additus; unde animas hominum pro piscibus ipsas
 Venari datur, & superum conjungere regi,
 Ad superosque aperire viam mortalibus ægris.
 Piscosis pro fluminibus, pro fluctibus alti 30
 Aquoris, ætherci vobis data regia cœli;
 Ventorum flabra unde absunt violenta, nec ulla
 Tempestas metuenda, feri neque prælia ponti:
 Sed placida, & sine fine quies, secura voluptas,
 Potaque plena; omnisque animis exempta cupido est.
 Jam quid enim cupiant æterna luce fruantes, 36
 Atque bonis saturati omnes, & sorte beati

Quisque sua, dulci complexi mutua amore?

Sed vos præcipuo Pater insignivit honore

Omnipotens longè ante alios ; quos scilicet omne

Cùm suprema dies perituro illuxerit orbi,

Atque iterum Natum cœlo demiserit alto,

Arbiter ut vitas hominumque, & crimina quærat,

Addet ei arbitrii socios : bis feno sedentes

Vos folia accipient bis feno ardua : ibi omnis

Vos tremet, atque metu mussans venerabitur orbi

Fortunate! domûs sub tecto pauperis ortus

Craticeo, ad patrias pauper Bessâidos undas

Piscator, tu sublimi conspectus honore

Judicis æterni lateri subjunctus amico

Hærebis ; neque te sociorum anteiverit alter

Post fratrem, quem præfecit mortalibus olim

Arbiter ipse heros, terrasque hominesque relinque

Tu prior accêsti divina voce vocatus

Ad lucem, verumq; datum est tibi cernere lumen

Ante alios ; Petrus ipse tua est post voce secutus

Fortunate! datum est tibi cœli cernere regem

Mortali, & sanctos manibus mortalibus artus

Tangere ; tum veras voces, divinaque verba

Haurire, & sociis toties accumbere mensis.

O ego tunc illas cur non sum natus ad undas

Piscator ? quos non hamos, quæ non cava lactus

Retia liquissem, & lembum, & cum flumine piscis

Nassasque, cratesque, & vimineos calathiscos,

Et tectû, & patriam, & caros ? me deniq; & ipsos

Omnibus adjiciens, hæsissem protinus uni,

Omnia qui superat, quique omnibus est satis unum

Quæ qui habet omnia habet, nulliusq; indigus ultra

Quæ tu præfagi sensisti pectoris haustu :

Omnia despexti ; præque uno nil ratus esse

Cætera, flagrabas ardenti unius amore.

Illam animo suspirabas noctesque diesque:

Et dulcem cupido pascebas pectore curam.

Præcipue postquam moriens terrena reliquit
Sponte sua, & nostram delevit sanguine labem. 75

Protinus ætherea afflatus divinitus aura

Cum sociis, miroque animum inflammatus amore,

Quos casus, quæ non discrimina sponte subisti

Intrepidus, totum quò ferres facta per orbem

Illius, & sanctas vulgares undique leges, 80

Mortalesque novo lustrares luminis ortu!

Cumque alias alius purgandas isset ad oras,

Cura tibi Scythiæ cecidit concedita forti:

Quam postquam insolitæ recreâsti lumine lucis,

Atque omnem factis implêsti ingentibus oram; 85

Græcia restabat divinæ impervia luci,

Dum nimum freta humanis sese artibus effert,

Nec cedit nisi fallaci ratione subacta;

Divinæque potestati nihil arrogat ultro,

Quæ sensus hominum longè prævertitur ægros, 90

Et refugit tardos animorum obnubila captus.

Protinus Argolicas perrexti gnâvus ad urbes;

Nec te ullæ tenuere moræ, quòd multa piorum

Corpora missa neci Danaïs acceperis oris,

Præsidis Argivi invidia, cæcoque furore. 95

Ut faciles omnis tibi Achaia præbuit aures!

Audiit ut mira rerum novitate loquentem,

Atque animis verum lucemque volentibus hausit!

Impie quid furis Ægea, lucique repugnas?

Tene putas posse illustres abscondere cœli 100

Anticomi flammæ, ipsumque extinguere solem

Undantem luce, ac toto res orbe rigantem?

Forsthan humentem nebulam proflare, brevemque

Obsessis poteris radiis obtendere nubem?

Erumpet lux, erumpet rutilantibus auris 105

Lampas, & auriflua face nubila differet omnia.
 Nempe pium nihil obstantem, nulla arma moventem
 Pro se vim contra, sed mortis amore ruentem,
 Optatæ infando potuisti perdere leto
 Efferus: at clarum vis nulla extinguere nomen 110
 Evaleat, quod per populos magno ore sonabat:
 Sed quò tu magis obstabas, hoc latius illud
 Serpebat, penitusque animis hærebat adaectum.

Id potuere, quibus præeras, ostendere Patræ:
 Felices Patræ, quibus almam cernere lucem 115
 Hoc monstrante datum, & certam sperare salutem
 Pignore tam certo: quis enim non se eximat ultro
 Protinus abruptis, si detur copia, vinculis?
 Sed tibi dulce, senex, (etenim ad te, sancte, revertor)
 Vilem per mortes omnes effundere vitam 120
 Pro duce, qui sese nostra ob commissâ necandum
 Obtulit, infamique trabi suffixus obivit.
 Quod mortis genus efferres cùm multus ad astra
 Laudibus, & nostram hinc caneres prodisse salutem,
 Supplicio, obsequium simulans, te affecit eodem 125
 Impius, ingentique parem dedit esse magistro.
 Te poteras tam crudeli subducere morti,
 Cùm subito tota urbe ruens manus omnis in arma
 Arsisset, dirique faces in tecta tulissent
 Præsidis, infanti tibi ni vincla arcta levâisset. 130
 Tu, vitæ magno æternæ correptus amore,
 Mortalem optabas quàm primùm effundere vitam:
 Atque ideo, tendens exutas vincula palmas,
 Obvius orabas populum pietate furem,
 Ne faceret, studio tibi ne malè amicus obesset, 135
 Ne prope jam partum eriperet sub fine triumphum,
 Atque adeò sævis qui tempestatibus ætus
 Per maria, Arcturi dubio sub fidere iniqui,
 Si quibus impegit ventorum munere tandem

Littoribus, cumuloque ratem subjecit arenæ, 140

Non tam avido ficcum arripiat telluris amore,

Quàm tu tunc procul aspiciens feralia ligni

Brachia flagrabas; miraue cupidine captus,

Impatiensque moræ orabas dispendia tolli;

Utque obiturus olor moriens insueta canebas, 145

Et dulcem amplectens inhiabas pectore truncum.

Ut te conspicio, ut te animo, crux alma, volenti

Accipio, inscendoque libens, & pectore glisco!

Suscipe me: dignare tuo mea viscera fulcro,

Quæ prius ingentis divinos hospitis artus, 150

Læta onere insolito, felici sede tulisti;

Unde decus tibi per gentes, & gloria parta est:

Nunc ducis ingredior tanti vestigia longè;

Nec fuerit mihi rex tantum, dum vita manebat.

Me me etiam, quamvis longè inferiora sequutum, 155

Suscipe, & oprato sublatum redde magistro.

Nam veluti angustas duplicis per roboris oras

Vere novo ingrediens renovat se lubrica serpens:

Sic tua dulce mihi est nunc inter robora molem

Linquere, & exuvias moribundi corporis hujus; 160

Liberiusque poli volucris petere ardua lapsu.

Hæc repetens, robur tandem es sublatus in altum,

Heu nimium duos perpeffus morte dolores!

Nunc frueris placida felix in secula pace.

Salve, bis senos inter, pater optime, patres: 165

Aspice nos bonus, atque tuo nos junge magistro.

H Y M N U S · XVI.

DIVO PAULO APOSTOLO.

ET sunt, qui tendant cœli explorare profunda

Consilia, ac penitus tectas deprendere causas;

Nec dubitent in jus prope sacra voce vocare

Regem ipsum cœli, si fortè quid evenit usquam,
Legibus à nostris quod longè ac moribus absit,
Obductum nube, ac picea caligine opertum?

Non equidem meritis præsentem numinis auram

Assequimur freti nostris: nostrique labores,

Aut benefacta parum profint, ni desuper adsit

Auxilium prius, & favor omnipotentis Olympi. 10

Ecquibus egregiè factis, quo munere Saulus,

Qua pietate Deum sibi conciliavit, ut ultro

Tam nigra mentis de nocte repentè vocatus

Tam claram in lucem, tantisque ereptus ab undis,

Tam tuta, pelagi securus, in arce sederet? 11

Ille quidem, primis veri contemptor ab annis,

Gaudebat Christo infestis se opponere signis;

Ne nova religio surgens se ferret in auras,

Quam Pater omnipotens tandem mortalibus ægris

Ostendit placitam sibi prisca nube remota, 12

Legiferi adventu Nati, qui cuncta novaret:

Quoque magis sancti cultores incumbabant

Hanc veluti eductam struere, atque attollere cœlo,

Atque recens latas orbi diffundere leges;

Acriùs hoc urgens animis hostilibus ille 13

Omnia deturbare, piisque obistere cœptis:

Tantus amor patrias inerat defendere leges.

Ille etiam, cùm penè puer pubescere primùm

Inciperet, mollique genas vestire juvena,

Sacrilegis sese adjunxit socia arma secutus; 14

Dum Solymi infontem saxorum grandine dira

Obruerent juvenem, qui primus sanguine fuso,

Post cœli indigno mulctatum funere regem,

Purpurea meruit caput insignire corona.

Nec dehinc ille etiam crescens juvenilibus annis 15

Destitit incepto, usque piis minùs æquus, ad unum

Omnibus intentans letum, genus omne perosus;

Donec præcipitem altitonans, & ad ima ruentem
Suscipit Pater, eximioque evexit honore.

Pro cœli obscuras latebras, noctemque profundam!

Sensibus à nostris quantum summota recedunt 41

Cœlicolũ arbitria, & sortes! abstrusaque jura

Juribus humanis quanto discrimine abhorrent!

Omnibus horror erat Saulus meliora secutis,

Cæde madens multa infandum, plenusque minarum,

Terrorumque potens Solymũ sævibat in oris. 46

Fortè olim missu primorum gentis ab urbe

Arduus ibat equo, galea, cristisque superbus,

Esse minax, hastaque, & athena luce coruscus.

Haud impunè illi quisquam pius obvius esset. 50

Quippe magistratũ jussu discrimine nullo

Correptos omnes atrox in vincla petebat,

Quos pietas nova religioque incepta tenebat.

Jamque advectus erat prope opimæ antiqua Damasci

Mœnia, jam summas spectans de vertice turres; 55

Et jam se cædi spirans immane parabat,

Terribiles acuens animos, irasque, manusque:

Qualis nocte lupus, quem dudum insana libido

Faucibus errantem ficcis exercet edendi,

Cum caulas videt, & balatus haud procul audit, 60

Incaustum fremit, ac rictus frustratur hiantes.

Protinus ætherea superũ regnator ab arce

(Qui cœli tantus favor!) hæc speculatus, amico

Lamine respexit juvenem in sua damna ruentem;

Supposuitq; manum dexter, mentemq; benignam 65

Concipiens in eum præsentis numine fovit.

Namque improvise vibratus fulgor ab æthra

Tendenti venit, ecce, repens, & luminis aura

35 Afflatum ætherea lux plurima circumfulsit.

Illicet actus equo ad terram ruit, atque relictis 70

Calce petens auras jacuit resupinus habenis.

Audiit hinc vocem horrificam, Quid, Saule, quid ultra
 Saule, furis, mihi que adversis opponere castris?
 Nequicquam cœlo arma moves, stimuloque repugnas.
 Saulus ad hæc, tenebris sustollens lumina obortis, 77
 Quæsit lucem frustra, extimuitque negata.
 Demum hæc summissō vix hiscens pectore fatur:
 Sancte, edice: mones quæcunque, ego iussa capeſſam.
 Vix ea, cū volucres vox rursū audita per auras:
 Surge age, solve metus, urbi succede propinquæ: 80
 Hinc responsa feres, quæ porro obeunda tibi instant;
 Qui te hac dehinc maneant pro religione labores.
 Quæ pariter comitum juxta manus audiit omnis:
 Obstupere viri: nam vox veniebat ad aures
 Omnibus hausta quidem: sed vocis comminus auctor
 Nusquam apparebat vocalibus abditus auris. 86
 Vix ægrè sese attollens furrexit, iterque
 Ingrediens frustra tenebris tentavit in atris:
 Lapsantem, & dubios nitenti cuspide gressus
 Firmantem, manibus focii intra mœnia ducunt. 90
 Jam tres in tenebris exegerat urbe receptus,
 Et frugum & laticum penitus sine munere, soles;
 Cū subito Ananias, quō non servantior æqui
 Tunc illa urbe fuit, nec cœlo gratior alter,
 Hospitis antiqui penetrati in sede jacenti 95
 Improvisus adest, jussis cœlestibus actus,
 Compellatque virum, & divino pignore firmat.

Saule, ades huc animo: tibi amico ab numine veni,
 Luminis amissi jucunda ut luce recepta
 Desuper affleris cœli omnipotentibus auris. 100
 Haud ignota audis: eadem scio nam modò, qui me
 Huc adigit, tibi detexit manifestius idem.
 Ille tuos etiam mihi porro ostendit honores,
 Quanta tuæ faveat cœli indulgentia laudi;
 Quàm junctus superūm sis regi, præ omnibus ugu^s

Delectus jam, qui totum nova sacra per orbem 106
Divulges verborum opifex, uberrimus oris.
Oæ furiis modò carpebas agitatus iniquis,
Omnibus hæc propter caput objectare periclis
Haud renues, ultroque insigni occumbere leto. 110
Hæc fatus, liquida accurvum lustravit in unda;
Unde animis scelus eluitur, veterumque parentum
Crimine contractæ excedunt contagia labis.
Inde manum superimposuit, templisque sacratis
Præposuit, populisq; ducem dedit esse docendis. 115
Interea afflato visi cava lumina circum
Scintillare ignes, velutique erumpere ahenæ
Squamæ oculis; lucemque hausit, visusque recepit;
Aque suæ victu rediere in pristina vires.
Continuò Saulo planè mutatus ab illo, 120
Qui modò ubique pios ferro vinculisque petebat,
Longè alios verso accepit cum nomine sensus;
Et jam PAULUS erat. Subitò illi copia fandi
Verborum, rerumque potens prudentia venit,
Orta magis, studio quàm aut ullo parta labore. 125
Jam claros hominum fandi fabricator adibat
Conventus, medioque foro divina loquutus
Pendentem populum insueto sermone tenebat :
Semine ab æthereo terris venisse virum, quem
Venturum toties vates cecinere per orbem, 130
Quò veterum lueret scelus exitiale parentum
Proditus, & læsum placaret sanguine numen
Ipse suo, morti pro cunctis deditus unus.
Atq; hæc crebra quidem; populosque ad sacra vocabat,
Multa querens super extincto, super arbore multa 135
Infami, & pœnas fando integrabat acerbis.
Obstupere omnes, nimiumque ea mira videri :
Unde nova hæc species, tam versâ repentè cupido;
Et veterem in PAULI quærebant pectore Saulum.

Haud aliter suadente fame implacabilis, ingens, 140
 Exitium pecori modò qui cædemque parabat,
 Ille lupo, pleno si fortè receptus ovili
 Mitescat, jamque inter oves innoxius erret,
 Et pavidos lambat, linguaque remulceat agnos.

Nec mora ; jam Solymùm magnæ quoq; redditus urbi
 Commovit totam monstrosis ingentibus oram. 146
 Vix oculis credunt: nec primùm fiditur illi;
 Insidiasque pii metuunt: vix ducere amicum
 Possunt, quem tot erant experti cædibus hostem.
 Parte alia, patriis trepidi pro legibus omnes 150
 Concurrunt urbis primi, durique resistunt,
 Et se certatim contra exhortantur ad arma:
 Bella cient, & saxa fremunt, rapit arma juvenus.
 Ille autem nullisve minis, nullisve periculis
 Territus, inceptis perstat, nec flectitur usquam. 155
 Quove magis pugnant acres, hoc ampliùs ore
 Fulminat, atque aperit vetiti nova lumina veri;
 Præfatus, sanctas nil se convellere leges,
 Sed legum arcanos penitus recludere sensus,
 Amotisque palam nebulis ostendere solem. 160
 Dum loquitur, circum ora silent, & sensibus imis
 Illapsus faciles animos, ac mollia fando
 Fingit corda premens; vivæque loquentis ab ore
 Visæ exire faces, labrisque erumpere flammæ,
 Et vibrans rupto velut æthere lingua tonare. 165

Jamque Palæstinam monitis impleverat oram,
 Atque omnes, genus Isacicum quas incolit, urbes,
 Cornigeri degens sub vatis legibus ævum;
 Cum Pater omnipotens templi in penetralibus altis
 Astitit oranti, atque alias quoque luce carentes 170
 Jussit adire plagas, aliasque capeffere gentes,
 Barbaricas, Graiasque, Italoque è sanguine cretas,
 Quas coleret, lucisque novæ splendore rigaret;

Nil veritus, fidens nil se præsente timeret.
 Ergo animi intrepidus nil ille horrebât acerbi;
 Omnes per mortes mente imperterritus ibat
 Sponte sua: quas ærumnas, quos mente labores
 Invieta tulit, huc illuc, terraque, marique,
 Jactatus! non ille dapis, non ille quietis,
 Aut somni memor, instabat, placitoque labori
 Indulgere odiis primorum objectus iniquis.
 Ille etiam insidias muro demissus ab alto
 Per funem evasit, nocti & se credidit atræ.
 Ille etiam saxi quoties jactante petitus
 Plebe tulit diros lapidum sub grandine jactus
 Terque magistratûs virgis per compita sectus,
 Contempsitque minas, ignominiaque pudenda
 Verbera, divini facibus succensus amoris.
 Jamque illi carcer requies erat, usque aded omnes
 Pertulerat leti securus vincla per urbes.
 Quid referam, quoties, veluti contagia secum
 Dira ferens, fuerit muris exclusus, & atræ
 Nocte graves tulerit cœli intractabilis iras,
 Inter faxa jacens pernox, sociusque ferarum
 Montibus aut gelidis, aut horrifera speluncis
 Flumina non illum ab studio torrentibus undis,
 Aut objecta feri tardârunt æquora ponti;
 Terque mari in medio fracta rate navit, & haustus
 Noctem omnem, totumque diem sub gurgitis imo
 Deerravit leti parvo discrimine fundo.
 Ut fileam insidiasq; hominum, incurfusque ferarum,
 Et quæ mille die non parva pericula adivit;
 Hic illic quod mortales in nocte jacentes
 Obscura erigeret bonus, in lucemque vocaret,
 Palantesque, proculque errantes tramite recto,
 Inveheret cœlo sibi per divortia nota.
 Cernere erat latè hic illic per regna, per urbes,

Atque hos, atque illos ad veræ surgere lucis
Lumina, lustrarique undis, & credere dictis.
Felices, PAULUM magno quibus ore tonantem,
Mulcentemque iras, invictaque corda prementem
Coram audisse datum est; quantus scelera impia sua
Invectus quateret, quantis assurgeret undis;
Vel cum rege satum superum omnipotente referre
Morte sua nostris ultro cavisse periculis,
Quanta animos mœsti afficeret dulcedine amoris
Egregius linguæ, foecundo pectore veri;
Quantove ipse loquens intus flagraret amore.
Frustra eadem seri optabunt vidisse nepotes,
Et votis hoc in summis numerabitur unum.

Jamque ea Grajugenum regnabat lingua per urbes
Altitonans, victrixque animos ducebat hiantes.
Jamque novis Asiam sacris permoverat omnem:
Resque illi externis melius successit in oris;
Verus ubi penitus Deus omnipotentis Olympi
Rex ignotus erat, sed diis simulata colebant
Saxa, hominum multo manuum fabricata labore.
Jamque opibus quondam Romæ suspecta Corinthi
Penè omnis nutare; suæ & diffusa Dianæ
Alta Ephesus celebri paulatim absistere templo;
Miratæque virum doctæ narrantur Athenæ
Orantem, ignotique Dei nova sacra canentem;
Carminibus quo capti è primoribus Actæorum
Nonnulli ad verum properârunt surgere lumen,
Signorum memores, quæ quondam maxima sole
Viderunt nulla cœli ratione subactis,
Cernere dum piget æterni fera funera regis.

His actis, venit in mentem Solyma alta redire,
Quamvis multa palam vatibus responsa minentur,
Vinculaq; ipse sibi vulgò canat inde, futurumque
Exitium, sua nec Graiis ultrà ora videnda.

Hic circumfusi nequicquam plurima amici
Orabant, fletuque amplexi genua tenebant,
Parceret, infensæ ne se committeret urbi
Barbus, ubi nuper perpeßu haud mollia passus. 245
Te autem precibus nequicquam flectitur ullis :
Ceptum tendit iter : nec quæ tulit aspera quondam
Nunc subeunt ; sed quò graviora instare pericla
Sentit, eò major semper furit ardor eundi.
Qualis nocturni pingues ad luminis ignes 250
Plurimus illectus volitans fert tangere flammam
Jucundam visu, propiusque accedere lucem,
Usque sibi admotam licèt experiatur iniquam,
Urat & extremas in amatis ignibus alas ;
Non tamen absistit ludo, sed lumina circum 255
Uque, reditque, vagoque assultat plurima gyro,
Dum cadat, & moriens crepitanti pendeat igne :
Tantus amor lucis, flammæ tam dira cupido.
Talis abire fuga, PAULE, imperterritus ardes.
Nulla quies animo : non mentem horrentia vatum
Dicta movent, coeliq; minæ, quæq; ipse videbas 261
Præscius Isacidum tibi tendi vincula in oris,
Primorum scelere, invidia flagrantis Idumes,
Denique Romulea portendi funera in urbe.
Noctes atque dies optanti pectore versas, 265
Instent quanta tibi capto discrimina terra,
Quanta mari, Ausonias ibis cùm vinctus ad urbes ;
Littora Graiorum subeunt relegenda, tot oræ,
Tot maria, atque urbes, pelagoq; tot insulæ in alto,
Bellæque ventorum, tempestatesque futuræ ; 270
Italix tandem portus, Laviniaque arva,
Et pulcher Tybris : tibi enim super omnia in ipsis
Roma oculis, dirusque Nero est, & Romulus ensis.
Felix Roma, ducum non tantùm elata trophæis,
Quantùm morte tua, felicique inclyta busto. 275

Scilicet huic uni cœlum concefferat urbi,
 Ut Cilicas inter natus Perseide Tarso,
 Quam vastum procul à nostris mare dividit oris,
 Hic spoliis moriens peteres supera alta relictis.
 Illa tuos obitus vidit miserata cadentem,
 Explentem regis crudeles sanguine pœnas,
 Regis inhumani materna cæde madentis.
 Illa tuum vidit caput à cervice recisum,
 Dum caderet, resilire icta ter pondere terra,
 Atque solum undanti toties signâsse cruore;
 Ad signum subitos laticum erupisse liquores,
 Tresque adeò, ut fama est, secretos margine fontes
 Dissiluisse, nova & maduisse aspergine terram.
 Nunc etiam sanctas venerati visimus undas.

Teque illi socium donis, & honoribus addunt
 Usque parem, cui rex cœli mortalia linguens
 Credidit arbitrium, ac rerum commisit habenas.
 Utque tibi confors fuit hic necis, atque laborum:
 Sic aræ, sic sacrorum tibi junctus honore est;
 Ossaque vestra tegit pariter commune sepulcrum.
 Vos ambos pariter juvat altæ mœnia Romæ
 Tutari, atque Italas studiis confortibus urbes.

Tu regis superum interpres lectissimus unus
 Ante alios, vatunque potens, orbisque magister
 Terrarum: edoctæ tibi debent undique gentes,
 Acceptamque ferunt veram tibi secula lucem.
 Ipsi bis seni, rerum queis credita cura,
 Mirati proceres te mira arcana canentem,
 Linquentem terras, atque æthera voce sequentem;
 Inter quos ipsum, qui sese primus agebat,
 Cum veri specie deceptus tramite recto
 Digrediens dubia inciperet regione vagari,
 Corripere, in meliusq; ausus revocare magistrum es
 Tu falso Argolicæ delusum numine pectus

Virginis, atque illam rabido actam sæpe furore 310
Solâsti, veroque implêsti numine versam.
Te falsum magicis vatem artibus illudentem,
Et tibi nequicquam verbis certare parantem,
Obortu solo terres; & lumen obortis
Visto adimis tenebris, cæcumque in nocte relinquis,
Quærentem tenues manibus prensantibus auras, 316
Quò nitens trepida regeret vestigia dextra.
Taus amor tibi fixus erat, cura una sepultas
Nocte animas revocare novæ ad nova lumina lucis.
Diq; novam semper traheres ad retia prædam, 320
Omnibus omnia eras: tu civis civibus ipsis,
Inter & externos externi verba sonabas.
Romanis Romanus eras, Argivus Achivis,
Omnes obsequio, simulatis moribus omnes
Concilians: sic credentem circumvenit auceps, 325
Et volucrem fictæ deludit imagine vocis.
Nemo adedò vacuis Gallorum in saltibus olim
Venatu assiduo indulgens tot retibus apros
Implicat, aut canibus tot agit de vertice capros,
Quot tu hominum tibi corda die devincta trahebas.
Tu lupus ille die primo nascentis in ortu 331
Cæde madens toto multùm grassatus ovili,
Vespere dein prædam socios partitus in omnes;
His senùm ut procerum moriens pater ipse minori
Prædixit nato, unde tibi descendit origo. 335
Jam tunc ille tuos spe percipiebat honores,
Quæ secum tulit ad manes solatia leti.
Quos verò semel illectos sub signa vocâras,
Hærebant validis tibi juncti nexibus usque,
Certi animo te ardente sequi, quocunque juberis. 340
Illi etiam, quò liberiùs coelestia obirent
Mente, alacres rebus spretis mortalibus agros
Vendebant, pretiumque tuos æs grande ferebant

Ante pedes, tecum læti omnes rebus egenis.
 Tu verò placita tibi paupertate fluebas
 Tecum dives opum, rerum licèt omnium egenus;
 Atque inopum potiùs vertebas omnia in usus;
 Et tibi dulce famem manuum tolerare labore.

Per populos ideo gressum quocunque ferebas,
 Ceu lux gratus eras, & magni numinis instar:
 Digredientem ægrè semper dimittere cives,
 Cum natisque domoque ad littora curva sequuti,
 Mutuaque amplexi, noctemque diemque morati
 Mærebant; totoque erat ingens littore fletus;
 Remivagamque ratem, quò fluctibus usque dabatur
 Spectabant, donec pelago evanesceret alto:
 Vixque inde avelli poterant bona verba precati.
 Rex etenim omnipotens, quò se nova tolleret astris
 Te duce religio, sensusque ut flectere quires
 Spectantum huc illuc, decus ori, oculisque decorant
 Addiderat speciem, diumque afflârat honorem,
 Tecum habitans, intus diffusus pectore toto.
 Altior hinc, majorque homine haud mortale sonabat
 Nam tibi sufficere ille animo præsentia semper
 Verba nivis ritu, toto cùm ex æthere ningit.

Ille tibi occultam quoq; vim inspirare, nec usquam
 Deferere, ut tanto posses superare labori:
 Claraque signa dabat cœlo mortalibus, & te
 Casibus eripere interdum, variisque periclis
 Illæsum; ut quondam, cùm carceris ima teneres
 Nil opis expectans humanæ, protinus, ecce,
 Sub pedibus tota cœpta omnia in urbe moveri
 Ingenti terræ motu, quo cuncta soluta
 Vincula parietibus patefactis carceris ultro.
 Olim etiam egressum navi te viperâ ab igni
 Experrecta petens morfu nihil obfuit acri.
 Vipereum hinc parere tibi genus omne, tuosque

Atrectare ferunt diras impunè colubras.

Ille tuis etiam precibus, quæcunque petebas,
Annueret, humanis & nunquam viribus ausa 380

Esse tibi dabat, atque tuo indulgebat honori.

Hinc quibus impositis umbrabas tempora palmis,

Protinus afflati cœli divinitus aura

Tollebant actas ab humo super æthera mentes.

Teque etiam orabant omnes, quibus ægra jacebant
Corpora; tu miseratus ope auxilioque levabas. 386

Et quoniam haud omnes poteras accitus adire,

Sepe tuis ipsos operibant vestibus ægros:

Ad tactum pulsi linquebant corpora morbi.

Tu longo jam depositum languore parentem 390

Præsidis Ausonii, morbo de corpore abactò,

Servasti, revocans ad priscæ munera vitæ.

Tu miserum incurvis plantis genua ægra trahentem

Stare jubes, pedibusque suis consistere nixum:

Continuò ad vocem erigitur, mirabile visu, 395

Successu properata ferens vestigia recto.

Tu puerum in somnis dejectum pariete ab alto,

Quassatumque artus, crepitantiaque ossa refractum,

Morte obita luci reddis, flentique parenti

Incolumem, utque priùs valido se robore agentem.

Tu tempestatem cœlo multo antè sereno 400

Prædixisti fociis nil tale timentibus augur;

Sed tamen è numero fracta rate defore nullum.

Hæc propter tibi divinos manus omnis honores

Cùm ferrent, struerentque aras, & thura pararent;

Tu fugis, inspecto veluti qui fortè colubro 406

Horruit, inque Deum oblatos traducis honores,

Qui mare, qui terras, cœlum, æthera, cuncta creavit;

Nos animas viles, mortalia corpora passus,

Pulveris exiguum partem, nil tale merentes. 410

Cuncta accepta refert illi, cui gratia, & omnis

Debetur cui laus, & honos, & gloria soli;
 Quem propter tantos gaudebas ferre labores;
 Præque uno, unius tantum inflammatus amore
 Omnia fastidis, cupis hunc, nil cætera curas,
 Hunc unum tibi cor, tibi mens hunc deperit unum
 Quem semel expertus hausisti pectore toto,
 Toto animo, tota seclusus corpore mente.

Fortunate animi! quod paucis contigit olim,
 Hausisti mortalis adhuc mortalibus oris
 Lucis inaccessæ jubar, immemorabile lumen.
 Illa tibi vivo sublata nube tueri
 Ora datum est, quorum aspectu illustrata beantur
 Omnia, quæ superæ vix possunt cernere mentes,
 Alituum coelestium acies, gens incola cœli.
 Fortunate animi! quàm dulci pectus amore
 Tunc tibi flagrabat! quanta dulcedine! quali
 Nectare perfusus præcordia distillabas!
 O ego cur illo infelix, si fontibus ista
 Præmia erant ipsis, non sum quoq; tempore natus,
 Servatus sterile, extremumque relictus in ævum?
 Scita tamen cœli alta latent, penitusque reposita
 Arbitria, ad nostros non pervenientia sensus:
 Omnia quæ te tunc oculis vidisse putârim.
 Hæc adeò sunt illa, nefas quæ ferre sub auras
 Mortali aiebas, sed religione premenda.
 Hinc largum epotus mortali pectore flumen
 Hausisti, quò corda rigas, quo plenus inundas.
 Hinc largam effulgens mortali lumine lucem
 Hausisti, qua corda reples, qua nubila differs.
 Et licet omne ipsum vulgo defundere flumen,
 Arcanamque tibi vetitum sit prodere lucem;
 Attamen ipse adeò torrens fluis undique, ut ad nos
 Stillantes veniant transfusim in pectora guttæ,
 Atque tuo erupti radii de sole redundant.

Timotheus bibit inde, bibit Titus, iade Philemon,
Et Solymi in primis hausere, humilisque Colosse,
Cumq; Epheso, solo nunc nomine clara Corinthus,
Et Galatæ, & Macedum populi, Æmathiiq; Philippi,
q; potens Latiū, ac rerum pulcherrima Roma. 450
Felicis, quæ partis tuis ea gloria dictis:

Nunc etiam monumenta manent, semperq; manebūt.

Salve, hominū interpres, lux gentibus addite ubique:

Nunc ades, obtentas hominum de cordibus umbras
Lumine pelle, tua lustrati luce fruamur; 455

Nec tua quosdam adeò dubios oracula reddant,

In partesque animos varias obnubila raptent,

Ne rem discerpens latè discordia turbet.

aspice, ut hinc illinc studia in contraria passim

Oppositæ inter se placitis discordibus urbes 460

Confligant, sua dum studiis inventa tueri

Adversis tendunt certi non cedere utrique;

Unque suas certent hostes deducere partes,

Conversos: prò quanta animis discordia gliscit!

Quàm tenui, quàm raptim ingens exorta favilla, 465

Undique seditio coelo caput extulit altum

Protinus, & terras regnat bacchata per omnes!

Illinc nos contra totis Germania castris

Invehitur, veterumque audet patrum aurea scita

Oblinere, & sanctas dictis evertere leges; 470

Sive errore novo capti, tenebrisque sepulti;

Seu potius scelus est, animisque volentibus errant.

Nos contra hinc tegimus priscorum jura, tuisque

Responsis freti leges tutamur avitas;

Frustramurque feros, vanosque eludimus ictus. 475

Illis affer opem, tuaque alta ediffere sensa:

Ipse ades, atque animis te protinus inferre captis,

Ut tandem nebula lucem mirentur abacta.

At nobis, nostris si quidquam moribus obstat,

Si nostris quidquam insinceri mentibus hæsit,
 Sit fas diluere; & precibus nos effice, & illos
 Unum omnes; simul infusa quò luce fruamur
 Unanimes positis odiis, eademque foventes,
 Lucis inextinctæ jubar, inviolabile lumen
 Quæramus, vitamque inhiemus sine carentem.
 Interea pietas ea nos, is mutuus ardor
 Tantus edat, quanto te olim flagrare canebas,
 Ut cuperes aliis præ lætis omnibus unus,
 Æternùm miser ipse amplexu, atque ore carere,
 Illius ore (ah! ne sit fas mihi credere tantum)
 Cujus ab aspectu fluit illa immensa voluptas,
 Qua saturati animi cœlestium in secula gaudent.
 Hunc tu, oro, hunc nobis innecte argentibus ignem
 Hæ flammæ nostro vivæ usque in pectore alantur,
 Dum tua fixi animis depascimur aurea dicta.
 Tende preces ideo, nostrisque occurre periclis.
 Ille tibi orandus pro nobis, qui tibi sese
 Ostendit coram, tenebrisque evolvit ab atris;
 Ut, quoniam quos vult liber damnatæ, probatæ,
 Hos acuens, illos permixta nube retundens,
 Ut libet, ipse operum dominusque potensq; fuorum,
 Nobis corda sinens non asperet ipse, sed ultro
 Molliat, atque sua præsens nos subvehat aura.

HYMNUS XVII.

DIVO PAULO APOSTOLO.

HOC, PAULE, Christi ad optimi divinitus
 Conversæ partes, Vida tibi fanum addicat;
 Haud passus obsoleta in æde tuum ampliùs
 Solari olli nomen implorariæ,
 Places ut iram sæpe læsi numinis.

Quicquid est, tu muneris lubens capē;
 Pro & datorem sub patrocinio tege;
 Teosque ab alto spiritus ei suffice:
 Mei ut suæ docere queat accreditos,
 Numque cum illis nōsse verum, & assequi,
 Doctor orbis, institutor gentium.

10

H Y M N U S XVIII.

DIVIS INFANTIBUS BETHL.

INNOCENTIBUS.

BEATÆ animulæ, parvuli integelluli,
 Quos hausit immanissimi regis furor
 Ab ubere abreptos, parentium ab sinu;
 Cum perdere simul autumat, regno cavens,
 Incognitum sibi aureum puellulum,
 Quem nunciabat fiderum præsencia
 Regem universis nuper ortum gentibus;
 Vos, vere veluti gemmulæ quas primulo
 Adussit albicans pruina primulas,
 Etatulæ ipso concidistis fosculo.
 Pro illo antè vobis contigit pulchrè mori,
 Qui pro omnium vita immolandus venerat,
 Beatæ animulæ, fosculi cœlestium.

S

10

H Y M N U S XIX.

DIVO STEPHANO PROTOMARTYRI.

D I I S alii laudes aliis, & carmina dicant:
 Tete ego, sancte puer, qui, post fera funera regis
 Cœlicolū, insignem meruisti morte coronam
 Primus, & effuso tinxisti faxes cruore,

Dum juvenem immerita testaris cæde peremptum
 Te, STEPHANE, ipse canam: tu, dū mihi vita manebat
 Muneribus, semperque meo celebrabere honore.
 Non tua nequicquam Leo mī delubra tuenda
 Crediderit pater, atque tuæ præfecerit aræ.

Huc ades ô: seu felicitis te regia coeli
 Nunc habet, & superūm regis juvat ora tueri;
 Seu juvat interdum mortalia visere templa,
 Et patrias Solymorum arces lustrare, ubi quondam
 Te perhibent sese indigenæ vidisse per altas
 Jordanis ripas prima sub luce sedentem,
 Dum liquido solus sacrum lavis amne cruorem.
 Huc ades, indignæ linquens loca conscia cædis.
 Hic tibi digna domus, melior (ne despice) sedes:
 Hanc patrio antiqui Ligures in littore molem
 Ingentem posuere, tibi que hæc templa sacrârunt.
 Hic tibi thure calent, æternisque ignibus, aræ:
 Hic patrio de more canunt tua maxima facta;
 Alternique tuas jactant ad sidera laudes.
 Ipse audis, tacitusque lates, nec cerneris ulli;
 Et tibi tranquillam demulcent gaudia mentem.
 Huc olim quicumque tuam miser imploratum
 Venit opem supplex, voti reus usque recessit;
 Dona que servati tibi solvunt debita nautæ.

Salve, sancte puer, coeli decus, haud tibi quisquam
 Coelicolas inter divos certârit honore.
 Tu proceres longè ante omnes, qui sanguine fuso
 Ante diem veræ pro relligionis amore
 Projecere animas, meriti post funera cœlum,
 Incedis Tyrio chlamydem spectabilis ostro,
 Purpureamque aciem ducis per lucida Olympi
 Atria: ductorem te cuncti sponte sequuntur,
 Et tibi præcipuum non invidet alter honorem.
 Nam quis non magno te afflatum numine quondam

stinus obstupuit, mira atque insueta loquentem;
Nam patrum intrepidus semper mandata faceffis, 40
Sed olim comitesque viæ, sociosque laborum
Sænos numero ipse omni delegerat heros?
Etiam tua sæpe aded tua maxima facta
Mirati stupuere, sacro dum numine plenus
Illa audeſque poteſque puer, quæ ſcilicet æquè 45
Pauis poſſe datum eſt cœlo divinitus antè.
Non ullus potuit tua contra tendere dicta,
Dum canis invictumque ducem ſine crimine morti
Dimiſſum, regemque ipſum teſtaris Olympi.
Fortunate puer! tibi ſeſe regia cœli 50
Omniſ, cœlicolûmque domus patefacta recluſit.
Mortali tibi faſ ſuperûm vidiffè parentem
Imenſum, ingentem, qualis diis cernitur unis,
Et quantus, rutilans flammis, radiiſque coruſcuſ.
Ecce autem, invidiæ ſtimuliſ exercita iniquiſ, 55
Eſſera te inſurgit ſubitò Solyma omniſ in unum.
Saxa, fremitque, rapitque ſimul commota juventuſ;
Præcipitemque agitant, atque extra moenia pellunt
Inſontem, & meritiſ non præmia digna ferentem.
Hinc atq; inde ſonat circum cava ſaxeuſ imber 60
Tempora, & inſcribunt ſacram fera marmora frontem.
Ipſæ te rupes, ipſa & te flumina mœſta
Labentem videre, animæque extrema trahentem.
Tunc & te Libani flêrunt palmeta propinqui,
Eque ſacro aereæ lacr ymârunt vertice cedri. 65
Tu tamen attollens paſſaſ ad ſidera palmas,
Immotuſque oculoſ, media ipſa in morte rogabaſ.
Cœlicolûm regem, crudeli parceret hoſti;
Cum feruſ interea non ille abſiſteret ictu,
Sed magiſ atque magiſ ſtimuliſ agitaruſ iniquiſ 70
Sevirer, donec lapidum ſub grandine dira
Efflaſti felicem animam, cœlûmque perſiſti:

Unde hominum curas rides miseratus inanes,
Supplicibusque faves, tua qui prece nomina poscunt

Me nunc, qui novus ingredior tua templa sacerdos

Et tibi sacra fero puero puer, aspice præsens :

Da fraudis, scelerumque, exortem ducere vitam;

Da contemnere opes, & vulgi gaudia honores;

Et casto usque tuis operari pectore sacris.

H Y M N U S XX.

DIVO LAURENTIO MARTYRI.

TAntane te, juvenū quondam pulcherrime, virtus
Impulit, ut, facibus flagrans melioribus intus

In mediis diros tuleris fornacibus æstus

Impavidus; regemque ferum irritaveris ultro

Instaurantem ignes, incendiaque igne novantem?

Me si bella mea paterentur vivere sede,

Pulcher ubi Tanarus rigat arva Ligustidis Albæ;

Sacra tibi sacer hæc hodie rite annua ferrem,

Longè omnes supra in mediis penetralibus astans;

Solennemq; tibi, ut mihi mos, præferar honorem,

Tectum auro caput effulgens, & vestibus aureus,

Prosequererque tuas haud ficto carmine laudes:

Ut genere haud humili terra prognatus Ibera,

Parvulus, & dulcem patriam, carosque parentes

Liqueris, Italiæ captus florentis amore:

Ut flavū ad Tyberim, magnamq; investus ad urbes

Æneadum, cunctas quæ se super extulit urbes,

Hæseris Aetæo Xysto; cui tempora fulgens

Insula tergemina redimibat sacra corona.

Ut dehinc ille tua virtute inductus, & acri

Pectore, divūm adytis post se præfecerit unum,

Qui secum sanctæ libares frugis honorem

Semper, & in templis populos peragenda moneres.

Et demum ille neci pro religione parentum

Evotus, trucidis invidia furiisque tyranni,

25

Ille tibi instantes prædixerit ore labores

Veridico. Ad mortem senior lætissimus ibat

Vasibus in mediis : morituri ponè magistri,

Actus amore pio, sequeris vestigia ; nec te

Asterrere queunt edicta immitia regis.

30

Sed te luce palam mediis in millibus offers.

Me me etiam (quò tractus abis ? quò proripis ?) inquis,

sancte, audi ; casus quoq; me tecum arripe in omnes.

Est hoc, est etiam præsens in corpore virtus :

Est animus lucis contemptor, lucis amore

35

Asterius, toto quò dudum pectore tendo.

Me sine nulla tuis accedat gloria rebus :

Omnia constitui : quæ me ad majora reservas ?

Tecum tolle, tuisque volentem adjuuge periclis.

Talia vociferas : quæ verò deinde sequuntur 40

Mens refugit luctu, atq; animus meminisse perhorrens

Deficit, & victi torpent ad carmina sensus.

Quæ (prò sancta fides, quæso, superûmq; hominûque !)

Quæ quadrupes sacris viva unquâ est tradita flammis

Victima ? quis memoret lacrymis sine talia sacra ? 45

Summa tamen sequar, & rerum fastigia tangam.

Mox te digna canam, positis si tempora bellis

Mitescent, reddentque meas mihi denique sedes,

Templaque, quæ surgunt tibi coeli educta sub auras.

Urbis Romanæ imperio sceptrisque potitus, 50

audierat, Decius, Xysti post funera, Iberum

Divitias templi juvenem occuluisse repostas ;

agens argentum, præscorum munera regum,

crateras magnos, lanceisque, urnasque, scyphosque,

Cymbiaque, & lychnos, vectesq; crucesq; lebetesq; 55

tripodas, mensasque, & cladem thuris acerras,

Effigiesque sacras, simulacraque grandia divum;
 Hæc super, & vestes ostroque auroque nitentes,
 Inclusasque auro gemmas, aurique talenta
 Plurima; quæ cuncta, hisq; etiam majora tyrannus
 Pectore dudum inhians sibi jam spondebat avaro.

Continuò tota id propter LAURENTIUS urbe
 Quæritur: ille die rerum haud ignarus agebat
 Occultus vitam in latebris; sed nocte per umbras
 Ibat, & huc illuc inopum cava tecta subibat,
 Quos omnes larga miserans ope sustentabat;
 Donec, quicquid opum fuit, hos absumpsit in usus.
 Hinc tunica ad talos demissa inducitur aurea,
 Sericaque ex humero dependet tænia lævo,
 Fibula quam lateri dextro subnectit eburna,
 Muneris ante aras commissi insignia nota.
 Atque ita conspicuus, sacraque in veste coruscus
 Emicat, & recto ad regem se tramite confert,
 Divini jaculis haud mollibus ictus amoris.

Ibat ovans, cupidus ceu pactæ it conjugis olim
 In thalamos juvenis primæ ad novæ gaudia noctis.

Si quando tamen in ripa subsistit amœni
 Tybridis, aspectans auras, cœlique profunda,
 Solis ad occasum versus, Non te ampliùs, inquit,
 Aspiciam dives regnis Hispania opimis,
 Nec vos, ô patriæ fluvii, carique parentes,
 Qui spem fortè mei reductus agitat in inanem.
 Tuque, ô Tybri, vale: colles salvete Latini,
 Quos colui, heroum tumuli, sacrataque busta;
 Nec me, sancta urbis delubra, videbitis ultra:

Me terris meliora vocant nunc templa relictis.
 Hæc ait; unigenamque flagranti pectore Christum
 Versabat memor: hunc amor ingerit ossibus ignem.

Cui rex: Tune sacrum furatus comprimis aurum,
 Contemnisque Deos omnes, novaq; orgia templis

Inducis, vana sub religione dicatis?

Aut aurum huc deprome, Deumq; hîc numen adora;

Aut Xysto inferias merita te morte remittam.

Ille autem intrepidè vultu immutabilis infit,

Iritatque virum dictis, & voce laceffit.

95

Quid Xysto me prærepto, sævissime, terres,

Aurea quem jam nunc stellantis regia cœli

Accipit, & divûm numerum non ultimus auget?

Tone auri quam dudum animo spem pascis inanem.

Quicquid erat, quod quæris, inops, miserandaq; turba

Abstulit, & cœli penetralibus abdidit imis.

101

Nec tua frigida saxa colo simulacra Deorum :

Est unus mundi omnipotens fabricator, & auctor,

Qui mare, qui terras, qui cœlum numine complet;

Hunc colimus : huc fas est omnia nostra referri.

105

His rex auditis curarum carpitur æstu;

Irarum cæcos tamen abdit pectore fluctus.

Stat cunctis priùs artibus omnia pertentare :

Sive illum abstrusi tenet auri extrema cupido;

Seu speciem egregii juvenis miseratur, & annos.

110

Quippe erat ante alios forma spectabilis omnes

Vix primâ ora puer signans intonsa juventâ;

Atque illum hic vultu gratum mage fecerat ignis,

Quem sparsus rubor accenso subjecerat ori.

Nunc hos, atque illos aditus, blandisque retentat

115

Vocibus oppugnans ; nunc sæva territat ira

Infrendens, variisque incassum assultibus urget.

At juvenis, magno cœli percussus amore,

Obstat inaccessus, penitusque immobilis hæret,

Contemptu vitæ, & mortis amore superbus.

120

Hîc rex, se nihil ut vidit multa irritus arte

Profecisse, omnes irarum effudit habenas.

Continuò loris corpus juvenile, flagrisque

Horrificis plumbo infuso, atque hærentibus hamis

Subjecit, pulchrosque jubet foedarier artus;
 Sic cordi affixum sperans divellere Christum.
 Omnia quæ superans animo, ingratusque salutis,
 Perpesu gravia, & sensu aspera pertulit, heros.
 Quem demum fessis lacerum tortoribus imas
 Trudunt in latebras, & retro carcere claudunt.

Postera vix aderat lux, & jam nuncius ardens
 Evolat ad regem, monstrisque ingentibus implet:
 Nil agimus rex: moliris frustra omnia porro.
 Carceris ut limen subiit LAURENTIUS, ecce,
 Terrifica subitò visa omnia luce cremari.
 Respicimus: lacero puer actus ab æthere præpes
 Pulcher adest, miroque absterfit rore cruorem
 Immundum, & priscum membris afflavuit honorem
 Hic lucem jucundam oculis Lucillius hausit,
 Quem penitus cæcum jamdudū lumine adempto
 Vidimus; Hippolytusque, omnis cui credita cura
 Vincetorum, foedè mutato pectore versus
 Detrectat tua jussa, fidemque oblitus, & omnia
 Vincula, longè alio jactat se numine haberi;
 Vana superstitio socios quæ serpit in omnes:
 Quos simul allata lavit LAURENTIUS unda,
 Religione nova, & magicis ligat artibus, omnes.
 Talibus accenso gliscit violentia regi:
 Æstuat, & stimulis furiarum haud mollibus actus,
 Magna parat; medioque foro jubet ilice secta
 Ingentem struxisse pyram; juvenemque superbum,
 Ni cedat, flammis vivum torrere minatur.
 Protinus undanti cœli alta ad culmina fumo
 Ingens erigitur, dum robora pascitur, ignis.

O qui res hominum mortaliaque omnia summis
 Imperiis regis, atque tuo sub numine torques,
 Hæcne vides, paterisque? adeon' te deficit ignis,
 Fessaque dextra tua est? cur cœli innubila cerno

Atria, & aereos piceo sine turbine campos?
Cur tonitru ingenti cessas cœlum omne ciere? 160
Disjice crudeles cœlestibus ignibus ignes.
Hic nihil iste suos nisi nomina vana tyrannus
Sentiat esse deos: tremat unum cuncta videntem,
Cuncta gubernantemq; & nutu cuncta moventem.
Vosque adeò maria alta voco, pelagiq; profunda, 165
Quæ siccam assiduis tellurem tunditis undis;
Fontesque, fluviiq; lacusque huc ite liquentes;
Et plenis diras rivis restinguite flammæ.
Aut vos ô gravidæ pluvia succurrite nubes,
Et sancto infamem juveni defendite pestem. 170
Jam superans altè congestam exhauserat ignis
Materiem, & multa stabant sola fervida pruna.
Huc statuunt fulcrum infandum, exitiale cubile
Vestibus intextum ferreis, atque ære rigenti
Compactæ in morem cratis, cui plurimus ater 175
Subjicitur fumus, semustaque robora subdunt.
Ecce autem egregius juvenis, miserabile visu,
Haud dubiam ad mortem rapitur: hinc comminus atq;
Spectantes animis cuncti miserantur euntem. [hinc
Adjuvat insignem formam pudor: haud metus olli
Dejecit vultus pallentes morte propinqua: 181
Non aliàs grato magis unquam apparuit ore.
Illum suprema Deus ille afflaverat hora,
Quem propter tantos libuit perferre labores;
Impressitque genis divini signa decoris; 185
Et totum multo corpus perfudit honore.
Ut passim circumstantum rorantia vidit
Ora puer lacrymis, has fundit ad æthera voces.
Non mihi ob admissum foedè tam dira parantur
Supplicia: hæc cœlo jam pridem me sacra debent: 190
Hic mihi erit requies, cunctorum hic meta laborum.
Quique ferus vitam mortalem auferre tyrannus

Nunc tendit, meliorem affert mihi sine carentem.
 Ille prius, cui sponte mea nunc immolor igni,
 Pro nobis graviora tulit: nos crimine nostro
 Æterni justas Patris irritavimus iras:
 Ille luit diras infonti sanguine pœnas.
 Ipse mihi hos ignes infuso protinus imbri
 Desuper, aut solo posset restinguere nutu;
 Cujus ad imperium pueris infontibus olim
 Abstenuit vapor in mediis fornacibus ardens.
 Ipse egomet precibus flexi illū, ne mihi mortem haud
 Demeret haudquaquam indecorem, auxilioq; levaret:
 Meq; ideo indefensū, inopem, atq; reliquit inermem.
 Totus adest animo tamen, & mentem erigit altam.
 Olim tempus erit, cū corda ferocia ponent
 Romulidæ, & magnæ Christus dominabitur urbi.
 Tum neque per gentes erit hoc sine nomine letum.

Hæc memorans medios per cœtus flebilis ibat.
 Ut verò infandos perventū est denique ad ignes,
 Rursus ait, cœlum aspectans, solemque cadentem,
 Ardua cœli equitans sol, splendorque alme diei,
 Quandoquidem properas te gurgite tingere Ibero,
 Funera uterq; parens mea per te, hunc nesciat ignem
 Quos nunc longinquis Hispania dividit oris.
 Fama incerta malum prius illis mitiget; & se
 Spemque metumque inter dubio solentur amore,
 Atque ita, quicquid id est, assuescant ferre timendo.

Hæc fatus, sacros humeris rejecit amictus:
 Diffulsit roseos lumen juvenile per artus;
 Et dulcem toto jaculatus corpore amorem
 Spectantum molli labefecit corda dolore.
 Porrectum duro tandem extendere cubili,
 Quod dudum impositum subjecto incanduit igni,
 Avertere oculos ipsi, visuque ministri
 Abstinuere, feri execrantes iussu tyranni.

Horruit aspectu cœlum : perterrita toto
Sidera clara polo faciem abduxere serenam ;
Lunaque sublustri latuit circumdata nimbo :
Atque adedò fortunatum, nimiumque beatum 230
Mundi oculum illustrem solem, cui talia sacra
Contigit haud vidisse, infra dum circuit orbem,
Iamque vapor serpens per viscera viva, per artus,
Erinxerat expresso pingui sudantia membra.
Ast heros superans animis, patiensque dolorum 235
Cassulit, ut potuit, turgentia lumina fumo,
Ætheraque aspectans, tanti velut immemor ignis,
Oblitusque sui, cœlestium gaudia versat,
Quò properat leti securus : pectore toto
Vivus inest amor : unum animo volvitque, tenetque
Mærentem, quantos obita morte ille dolores 240
Pertulerit Deus, atque Dei indubitata propago,
Quò clausum generi humano referaret Olympum.
Illiusque graves dum versat pectore poenas,
Ipse suas contemnit ; obustisque artubus ardens 245
Iucundo fruitur sensu ; lætusque dolorum
Ipse per æstatem gelida sibi valle videtur,
Propter aquæ rivum, vel fontem propter amœnum,
Aut flores varios legere, aut viridantibus herbis
Mollibus in pratis prædulces carpere somnos. 250
Iam magis ac magis ambusto de corpore sensus
Undique diffugiens, & vitæ lumina linquens,
Cesserat, & totos prope mors immissa per artus
Vaserat : irridens hostem tamen, Ociùs, inquit,
Viscera tosta viri epulanda apponite regi : 255
Hæc dicens vitæ morientia claustra reliquit.
Projiciunt corpus, campique in pulvere linquunt
Deserto : admotus medium perstrinxerat ignis ;
Servat adhuc medium priscæ vestigia formæ.
Quale rubens, roseo malum plerumque colore, 260

Cum cadit ante diem, maternaque brachia linquit,
Sole sub ardenti coquitur qua parte per æstum
Tabescens, pulchrum cutis almæ amisit honorem;
Cætera pars veteri manet inspoliata nitore,

Impie, mentis inops furiis, sævissimæ regum, 26
Qui potes infontes, & corpora viva cremare,
Non scelus hoc Tybris, non tota plurimus unda
Proluet Eridanus. Nil ô, nil proficis: olim
Adveniet lustris mundo labentibus ætas,
Cum domus Æneæ præstans Romana propago 27
Infanti juveni, flammis extrema sequuto,
Centum aras, centum magnis penetralia templis
Eriget, & tumulo divinum imponet honorem.

Tu verò, venerande puer, sanctissima cœlo
Digna anima, informi quæsitos morte triumphos 27
Lætus adis. Potuit mortalia membra tyrannus,
Et corpus sævis tibi vivum exurere flammis:
Non valuit te fidereis avertere regnis,
Est ubi vera quies, nunquam peritura voluptas.
Ille avido infontem dum fert te perdere corde, 28
Servavit, cupidusque nocendi profuit igni.
Nam tibi fine carens parta est in funere vita,
Partus honos ignominia, atque in cæde triumphus.
Sic flammis ultro senium exuit unicus ales;
Purius & multo sic aurum redditur igni. 28
Nunc tibi adepta quies cœli in penetralibus altis
Purpureos inter proceres, qui sanguine fuso
Per varia æternam meruerunt funera palmam;
Atque humiles celso mutârunt æthere sedes.

Respice nos inde, & nostri miserere laboris: 29
Quandoquidem regnant quot nostro in pectore curæ,
Undique quas nobis acuit non una libido;
Noltra tot incendunt intus præcordia flammæ,
Quæ nos sæpe ipsis nobis furantur, aguntque

Præcipites, nostri oblitos, rationis inanes. 295

Auri hinc sacra fames, & amor sceleratus habendi,

Hinc laudum, hinc plausus, & honorum immensa cupido;

Et Veneris curæ, & cæcæ mala gaudia mentis,

Inæque, invidia, atque odium, studiumque nocendi;

Vnde tot & cædes, fraudesque, & plurima quæ nos

Crimina foeda premunt, coeliq; à sedibus arcent 301

Indignis nimium succensos pectora flammis.

Tu nobis miseratus opem flagrantibus affer :

Nil tibi (credo equidem) meritò negat optimus ille,

Cujus amor sævas suasit tibi temnere flammæ. 305

Ille faces diras, facito; hos nos exuat æstus;

Atque tuum nostris bonus implicet ossibus ignem.

Me verò jam nullus opum; jam nullus honorum

Tentet amor, nec tantum aliis ambita fatiget

Purpura; sed placida contentus pace quiescam; 310

Nec mihi commissis usquam regionibus absim,

Dum sedet hic multos opibus, monitisque juvare.

Tantum compositis rebus fera bella quiescant,

Nec ferus in nostris dominetur finibus hostis.

Si nos nostra premunt commissæ, suosque relinquens

Damnavit Deus, & victor ruet omnia Turca; 316

Me nemo indecorem victori tendere inermes.

Aspiciat palmas, sacrataque solvere jura,

Et numen violare nova sub religione.

Sit mihi dulce, aras dextra legesque tuendo 320

Oppetere; & calidus mihi linea texta per artus

Inficiat cruor: hæc capitis sit purpura nostri:

Hoc sacer incedam sacro conspectus in ostro;

Purpureosque petam tua per vestigia honores..

HYMNUS XXI.

DIVO LAURENTIO MARTYRI.

HUC ades, clarum jubar inter omnes
 Coelites, partam nece qui coronam
 Induunt, pictasque suo colorant
 Sanguine palmas.

Huc ades, dum te canimus frequenti
 Æde, LAURENTI; tua dum quotannis
 Dicimus læti redeunte certa

Luce trophæa:

Seu Tagus te nunc, patriæque fines
 Detinent dulcis; sacra seu Quiritum,
 Quæ tuos olim miserata vidit,

Terra, labores.

Nos quoque alternos adeas vocatus
 Rite solenni prece; ne vocantem
 Femne non queisvis minùs addicatam hanc

Urbibus oram:

Post Deum quæ te venerans secundum,
 Spes suas in te locat advocato;
 Et tuo hæc regi superûm dicavit

Nomine templa.

Tu potes, nostris mala molientem
 Multa peccatis, prece flectere ipsum
 Maximum cœli superûmque regem

Numine læso:

Asperas pro quo puer horruisti
 Nec minas regis nimis efferati,
 Prodigus vitæ, nec acerba spretis
 Funera flammis.

Tu levas omni, fera jussa contra,
Pauperum cœtus ope destitutos,
Queis sacrum templi bonus erogasti

30

Divitis aurum.

Tu, rosas inter velut in viretis,
Ustus in prunis mediis triumphas:
Despicias flammæ, meliore tostus

35

Intus ab igne.

Nunc pii fructu frueris laboris,
Cœlitum gaudens vagus in rosetis:
Hic tuis spirant Zephyri perennem

Ignibus auram.

40

Civium hinc dexter varios tuorum
Aspicias casus, & in omne tutos
Protegis tempus, tibi nil negante

Numine fretus.

Hujus in primis tibi cura tractus
Adsit, & nostros tueare fines:

45

Sint fames pestisque procul, quiescant

Aspera bella:

Sint nurus castæ: valeat juvenus
Optimas artes studio æmulata:
Et senum cœtus potiora callens

50

Consulat urbi.

Utque nil obsit, face quos libido
Surgerit menti excutiamus ignes;
Et tuas nostris animis salubres

55

Injice flammæ.

Ut Deo regi superum canamus
Gratias, à quo bona cuncta, qui ter
Optimus, ter maximus, omne ubique

Regnat in ævum.

60

HYMNUS XXII.

DIVO LAURENTIO MARTYRI.

QUÆ Vida cecinit, ediditque carmina,
 Commissa chartis, laudibus Christi optimi
 Et maximi indulgens, caduca fore ratus,
 Sibique diffusus, tua has in æde tibus
 Syringa multifonoram, & omnifariam
 Factam organis è musicis, versuum loco,
 Erexit; & commendat has quàm maximè,
 Beate LAURENTI, tibi, qui præfides
 Albæ advocatus plurimum Ligustidi.
 En ut coruscæ, ut templum ubique illuminent!
 Argenteas dicas, vel argento pares.
 Discriminatæ auro ut nitent interlito!
 Expressam ubi hæc de follibus tumentibus
 Auram hauriunt, prædulcibus sonant modis;
 Neque simul omnes, sed vocatæ scilicet,
 Jussæque solum: cætera interim silent.
 Hic musicorum omne audias prorsum genus,
 Seu tibus veras velis, seu barbiton,
 Seu fistulam, seu tympanum, seu cornua,
 Tubamve bellicam, lyram quoque, & lituum;
 Quæ cuncta Syrinx, aliaque refert plurima,
 Modò hoc, modò illud, musici ad libidinem.
 His Vida saltem concinet Christum modis,
 Chartæ & caduca si peribunt carmina.

HYMNUS XXIII.

DIVO DALMATIO MARTYRI.

NEC te nos tacitū indictumve relinquere fas est,
 Nec finire ire tuos sine carmine, DALMATI, ho-
 Quos tibi rite die memores redeunte novamus. [nores]

Huc ades, ô quondam clarum jubar, addite cœlo,
 Post tantas vitæ ærumnas, post mille labores, 5
 Et quos insigni es perpeſſus morte dolores
 Pro Chriſti decore, & veræ pietatis amore.
 Huc ades, & feſtas quas læti ereximus aras,
 Inter & Eridani ripas, & fluminis Ollii,
 Dexter adi, populique tua prece vota ſecunda: 10
 Seu Rhodani te gens halantibus invocat aris
 Accola, quam quondam in tenebris & nocte jacentem
 Erexti, verumque dedisti cernere lumen,
 Omnem luce nova radiſque recentibus oram
 Perfundens, dictiſq; hominû fera pectora luſtrans: 15
 Seu Ligurum extremis tenet inclyta finibus Alba;
 Quandoquidem haud procul inde ferunt te lucis iniſſe
 Limina, & in Tanari ripa vagiſſe ſonantis;
 Mox caram implēſti meritis ingentibus urbem,
 Celſa docens rectas ad fidera tollere mentes. 20

Nec potiùs te Ticini liquidiffimus amnis
 Derineat, ſedeſve juvet cognominis urbis;
 Quam pater imperiis ſacris placidiſſimus olim
 Rexiſti, gentis cuſtos, templique ſacerdos.
 Illic, credo equidem, ſumant majoribus aris 25
 Tempſa tibi; quæ quondam atavi eduxere ſub aſtra
 Indigenæ, tua mirati immortalia facta.
 Illi jure quidem hæc memores, viſuque coacti.

Nos verò, quos longè alia regione remotos
 Vix tantorum operum tenuis famæ attigit aura, 30
 Ad nomen tibi præcipuos largimur honores;
 Sponte autem: non dives opum, non æris abundans
 Stat pagus; ſed enîm pietate in teque fideque,
 Nulla faſelifero certaverit ora Paderno;
 Nulla tuas tendat meliùs gens dicere laudes. 35
 Nam ſimul ac lætum in cœtum convenimus omnes,
 Semina, virque, choros agimus, tuaque inclyta facta

Æquamus cœlo : responsant densa salicta
Undique, & aerea recinit de turre Cremona
Armipotens, gaudetque procul pietate suorum. 49

Primus ego ante aras vates, vicique sacerdos,
Carmina mille cano : totidem plebs consona reddit.
Primùm, ipsam ut meritis præsens devinxis Albam,
Expulerisque adytis mentitos numina divos
Indigetes, verumque Deum detexeris urbi, 49
Implementem maria, ac terras, cœlumque profundum,
Concinimus : tum, ut tota tuis ultroque citroque
Gallia præbuerit faciles hortatibus aures,
Admirata hominem supra te plurima ubique
Possè Deo plenum ; vanasque reliquerit aras, 50
Et simulacra Deùm falsos reddentia vultus :
Sparseris ut veri divinos numinis haustus
Per populos in corda, animosque in nube jacentes
Obscura illustrans monitis erexeris aureis
Ad sanctum jubar, immensique ad luminis ignes : 51
Omnia per terras quæ latè fama canebat.

Hoc te Ticini gens accola nomine tanto
Præfecit divùmque adytis, morumque magistrum
Haud urbi indecorem summo insignivit honore :
Multa ubi mira olim superùm regnator ab alto, 60
Te poscente, hominùm solitas superantia vires
Edidit : obstupuit regio ad miracula rerum.
Tu variis ope divina de casibus ægros
Mortales nulla eripuisti præditus arte.
Tu vocem surdis, tu lucem lumine cassis 61
Reddis, & in media positos jam morte, relictosque
Erigis : elatos tu priscæ ad munera vitæ
Restituïs, animasque in frigida membra reponis.
Tu ductori Italò, cùm te miser imploratum
Finibus æquoreæ venisset ab usque Ravennæ, 70
Incolumem ac validum prædixisti vivere natum ;

Quem modò discedens ægrum, mortique propinquæ
Luctantem, & superis prope functum liquerat auris.

Addimus innumeros, quos nocte dieque, labores,
Pro superum decore, & vera pietate, tulisti: 75

Quot casus, quot per mortes, per quanta pericla
Iveris, aut diros quoties evaseris enses.

Ipse aderat Pater omnipotens, teque ociùs usque,
Ceu fulvarum avium subvectum insignibus alis,
Omnibus eripiens servabat casibus ultro. 80

Hujus ope instantem fugeres cum protinus hostem,
Ticinum, pleno tibi qui se objecerat alveo,
Transisti suspensus, iterque impune tulisti

Aera per, fluctusque supra, sine ponte, sine ullis
Navigiis, rapidæ correptus turbine nubis, 85

Ociò aut Euri pennis, aut fulminis igni:
Nec te oculis potuere sequi trans flumina, donec

Conspexere amnis ripa ulteriore canentem
Coelicolum tanto grates pro munere regi.

Talia frustrati viderunt multa, nec unquam 90

Gens infesta tuum potuit contingere corpus;

Donec purpurea meritum insignire corona

Omnipotens statuit Pater, è tenebrisque vocare

Jucundam ad lucem semper florentis Olympi.

Tum demum ipsius Ticini in litore captum 95

Sponte ferunt gladio colla objecisse secunda,

Et nil mutato lætum ipse ad funera vultu.

Nec commune tamen fuit, aut sine numine letum:

Nam caput exectum penitus cervice cadendo

Blandum nomen adhuc servantis cuncta sonabat; 100

Et longo erectus tenuit se tempore truncus,

Vivus adhuc veluti vigor, & vis pristina adestet.

Quo monstro attoniti crudeli cæde madentes

Agnovere Deum, veniamque immanibus ausis

Orantes verum tenebris hausere fugatis. 105

Omnia quæ in numerum memores altaria circum
Dicimus: hîc nullus, qui non mihi succinat ordo est,
Nulla tuis quæ non titulis indulgeat ætas.

Nempe tibi primos pueri, mixtæque puellæ
Semper vere legunt flores; & cerea cantu
Dona ferunt, variisque onerant altaria frugum
Primitiis de more viri; matresque suorum
Ipsæ etiam tibi dant operum testantia fructum
Munera, bombycum folles, linique maniplos
Enodis, albumque oculo nigrante faselum.

Tu populi præsens vota audis rite vocatus,
Avertisque tuis precibus mala plurima genti,
Concilians nobis aversum crimine nostro
Cœlestium regem; & quodcunque piacula pubes
Infecere, tuo tu diluis ipse favore;
Et tua, qua multum polles, nos gratia servat.

Nunc verò, si nostræ unquam fuit ulla salutis
Cura tibi, aut nostri si te movere labores,
Nunc ò nunc, Pater, auxilio, nunc munere nobis
Est opus alme tuo; tantis occurre periclis,
Quæ nostris, nisi pulsa vetes, cervicibus instant.

Inter se reges aduersi bella laceffunt:
Militis ipsi inopes nos semper prætereuntis
Præda sumus: nostros manus est externa labores.
Aspice nos, & tanta tuis dispendia pelle:

Vitam inopem nostro liceat tolerare labore,
Solarique famem, parvosque educere natos.
Si quid præterea in nostris fraudisve, dolive est,
Corrige tu; & meliorem animum prece suffice genti
Nos furto nihil inter nos carpamus avari,
Dives quisque suo: pateant noctesque diesque
Prædia nostra: domus nullo custodè relictæ
Nullos nocturno metuant neque tempore fures.
Ipsi jam culmis sint tuti arentibus agri,

Prataque, sylvæque, & pictis vineta racemis. 140
 Surripiant nec iusta avidi plus parte coloni:
 Assuescantque satis dominorum inhibere juvencos,
 Sponte sua pactos nec agro subducere fulcos.

H Y M N U S XXIV.

DIVO CASSIANO MARTYRI.

Commendo tibi, CASSIANE, nostros
 Hic quoscunque vides virere agellos.
 Non frustra hoc pia struxerit vetustas
 Dictum nomine de tuo sacellum:
 Quo matres pueros gravedinosos
 Albenses querulis ferunt grabatis;
 Et plerique tua levantur aura,
 Morbus quos diuturnior peredit.
 Idcirco id vetus, erutumque bellis,
 Nuper Vida tibi tuus refectum
 Forma reddidit elegantiore.
 Hinc nos aspice: plurimumque nostros
 Commendo tibi, CASSIANE, agellos.

H Y M N U S XXV.

DIVO CHRISTOPHORO MARTYRI.

CHRISTOPHORE, infixū quodd eū usq; in corde gerebas,
 Pictores Christum dant tibi ferre humeris:
 Quem gestans quoniam multa es perpeffus amara,
 Te pedibus faciunt ire per alta mari.
 Id quia non poteras, nisi vasti corporis usu,
 Dant membra, immanis quanta gigantis erant;

150 M. HIERON, VIDÆ

Ut te non capiant, quamvis ingentia, templa;
 Cogeries & rigidas sub Jove ferre hyemes.
 Omnia quodd victor superâsti dura, virentem
 Dant manibus palmam, qua regis altus iter. 10
 Quodd potis, ars tibi dat, nequeat cum fingere vera:
 Accipe cuncta bono tu bonus ista animo.

H Y M N U S XXVL

DIVO SILVESTRO PONT. MAX.

URbis sacerdos maxime Romulæ,
 SILVESTER, olim cum fugeres opes,
 Causam malorum, victitabas
 Urbe procul latitans superba,
 Soractis antro sive sub horrido,
 Seu Tusculanæ rupis in angulo;
 Ubi tuo hoc extat dicatum
 Nomine nunc etiam facellum.
 Ubi morari me quoque nunc iuvat,
 Regis canentem coelituum aspera,
 Majore plectro personanda,
 Funera, carminibus Latinis.
 Hic tu beata pauperie potens,
 Parvoque latus coelitibus parem
 Vitam actitabas: non tibi aurum, aut
 Purpura, non triplices coronæ
 Gemmis nitentes multicoloribus,
 Tanti ut decebat Pontificis caput;
 Præstans sed alta mente regum
 Altior omnium eras coronis.
 Opes perosum te tamen occupant
 Opes, & usque iis juncta potentia:

Repente dives fis, potensque,
 Urbis ad imperium vocatus.
 Cœli secutus prodigia optimus
 Cæsar, relicta sede Quiritium,
 Tellure decessit Latina,
 Sedem aliis positurus oris.
 Urbem potentem Romulidum tibi,
 Lateque regnandum Latium ferox,
 Concessit ultro, posterisque
 Perpetua serie insecutis.
 Non tantum ut esset religio suis
 Vallata muris, tutaque viribus;
 Vique abstinerent, atque cæde,
 Hac ratione truces tyranni :
 Sed rex id egit maximus ætheris,
 Periclitatus, dives an is fores
 Qui pauper olim, nec tibi æquus
 Divitiis animus labaret;
 Utque eniteret conspicuo tua
 Virtus theatro maxima, posteri
 Quam deinde possent æmulari
 Haud tibi degeneres futuri.
 Non horruisti munera Cæsaris :
 Non hæret ipsis divitiis malum,
 Nobis sed ipsis : dantur æquæ
 Nempe bonisque malisque habendæ.
 Tu, sicut ipsa pauperie prius
 Dives fuisti, divitiis item
 Pauper fuisti mox adeptis,
 Plurima egentibus erogando.
 Non cruda duri robora militis;
 Decebat ut tantum imperii caput,
 Non arma formidanda terrâ,
 Non tibi erant metuenda ponto.

Non proferendi cura erat imperi,
 Urbesve captas adjicere urbibus:

Te sceptrâ regum nil movebant;
 Nil perituum animo extruebas.

Mens fixa cœlo sed penitus tua
 Regnabat alto exercita in æthere:

Ibi locabas regna, & urbes;
 Quosque ageres alacer triumphos.

Ibi beatus nunc ideo viges:

Curas inanes, & studia irrita

Mortalium spectas ab alto,

Continuos miserans labores.

Tuis adesto: ne officiant opes,

Quas per te adepti sunt humiles, face:

Tuamque mentem illis precare;

Sintque tuis studiis potentes.

Mens prisca nostris, & pietas tamen

Resurgat antè in regibus; ii sacra,

Olim ut solebant, absque fraude

Mente pii tueantur ipsi.

HYMNUS XXVII.

DIVO AURELIO AUGUSTINO

HIPPONIS EPISCOPO.

UT te, dive potens Libyæ, nunc pectore toto
 Accipio, patiorque libens! me lumine quando
 Lustrâsti vates olim, divûmque sacerdos;
 Nunc ipsos inter divos stellantis Olympi
 Tempa tenens: audi, atque tuas ne despice laudes,
 Dum nos mortali facta immortalia voce
 Libamus, sacrosque aris adolemus honores,

Huc omnis chorus, huc pariter juvenesq; senesq;
 Ferte pedem, lætoque faventes agmine adeste.
 Hæc est illa dies, penitus caligine mersis 10
 Quæ claram rebus lucem attulit, atque nigrantem
 Eloquio noctem insigni, tenebrasque resolvit.
 Nam cui non notum, quanta perculsa jacerent
 Olim corda patrum formidine, queis pia cordi
 Religio? quem non Tyriæ telluris alumnus 15
 Terruerat, linguæ confusus fallere doctæ?
 Cui non audacis, cui non audita furentis
 In superos, superùmque ipsum convitia regem?
 Non tulit omnipotens Genitor, miseratus ab alto,
 Et juveni immisit mentem, se pectore toto 20
 Diffundens: subitò est oculis densissima nubes
 Discussa, & ratio manifesta in luce refulsit.
 Quos ah! tum gemitus, quæ tum suspiria ab imo
 Pectore, jam culpam fassus, dedit! haud mora, victus
 Exuit hostilesque animos; mentemque benignam 25
 Accipit in veros divos, divùmque Parentem,
 Jam melior, jam noster, amans quos oderat antè.
 Protinus illa animi vis vivida, & aurea lingua,
 Quæ modò coelicolas toties exercita contra est,
 Invigilat veterum pro religione parentum. 30
 Ille quidem in mediis hominum conventibus ore
 Incipit effari, immortalis gaudia vitæ
 Ostendens, altique acie penetralia coeli
 Mentis adir.—Sed quæ nunc prima exordia sumam?
 Nam modò nascentis canit incunabula mundi, 35
 Quis rerum sator, immensum per inane quis auctor
 Terrarum validis vinclis libraverit orbem.
 Nunc docet obliquos solis lunæque meatus,
 Astrorumque vices, pascentiaque æthera dium
 Sidera inexhaustis flammis, laticesque coactos 40
 Astra super, quæ dehinc liquidi ignis semina, quæ vis

Torqueat immensi irrequieta volumina mundi.
 Addit cœlicolûm sedesque, domosque quietas,
 Agminaque alituum superûm ter terna recenset.
 Quinetiam ulterius solertis lumina mentis 49
 Sustollit, figitque oculos in luce suprema.
 Qua ratione animæ nascentibus insinuentur,
 Quæve animis natura, quis & vigor, omnia dictis
 Illustrans. Tum nescio qua dulcedine mentem
 Captus, vitam aliam post secula fera futuram, 50
 Atque alios populos, nova regna, nova arva, novum
 Aeraque, stellasque alias, renovandaque lunæ [æquor,
 Lumina, nec motu volvendos ætheris orbes
 Perpetuo, canit: at tempus jamjam affore, cùm sol
 Aureus, atque suos dediscent sidera cursus. 55

Tum canit, ut multum miserans incommoda nostra,
 Vera Dei soboles, cœlo divinitus olim.
 Demissus Deus, intemeratæ virginis alvum
 Implêrit clausus: mox ut mortalis in auras
 Prodierit puer; utque patres eduxerit antris 60
 Morte obita infernis, magna & vi straverit hostem
 Regnatorem Erebi; spoliisque animosus opimis
 Victor ovans rursum astra petiverit: addit & olim
 Affore, cùm terras iterum idem viset ab aula
 Siderea, ut vitas hominumque & crimina discat. 65
 Quæsitior, damnetque Erebo (miserabile) fontes,
 Atque pios cœli vocet alta ad sidera manes:
 Nempe iterum vita functis, ac lumine cassis,
 Pristina deberi sua corpora cuique ferebat.

Atque ideo contemnere opes, & gaudia vitæ 70
 Mortalis lapsu subito peritura monebat;
 Justitiamque, animisque Deum, & virtutis amorem
 Infundens, veris purgabat pectora dictis.
 Continuo in melius mores formavit, & artes
 Humanas, legesque dedit, quas mille sequuntur 75

Nunc etiam gentes, observabuntque minores,
 Dum circum astringeri volvetur machina mundi.
 Quid mirum, illius si, sol quacunq; recurrens
 Aspicit extremum Oceanum, cita didita porro
 Exiit immensum terrarum fama per orbem? 80

Quis nescit, quantos etiam mox ille labores
 Pertulerit sacra pro re, pro regis amore
 Coelicolū obijciens certis sese usque periclis?
 Ut formidatos toties superaverit hostes
 Fandi ope: ut aversumq; Deum mortalibus agris 85
 Assidua supplex prece conciliaverit: utque
 Excidium patriæ, belli flagrantibus armis,
 Inconcusso animo tulerit, plebemque, patresque
 Solatus. Neque enim quisquam certaverit unquam
 Laudibus, AUGUSTINE, tuis: tu maximus ille es, 90
 Nobis labentem qui verbis restituis rem.

Templa tibi, tibi religio non perdita debet.

Te nunquam ullius fando violentia vicit;

Te nulla incautum veri sub imagine fugit
 Pellacis hostis fallacia: solvere nodos 95

Tu bonus, atque dolos verborum aperire latentes,

Se tibi se ratio ostendit: tibi sæpe futura

Nōsse datum, & vera populi prædicere voce.

Tu mulcere potens hominum fera pectora dictis
 Exacuens, animosque rudes formare colendo. 100

Nunc merito coelum mortali corpore functus

Incolis, æthereæque plagæ juga læta: tibi omnis

Astrorum chorus affurgit: tibi lucidus æthra

Stiderea applaudit polus: altum nubila longè

Te nigra, te fugiunt, nimbiq; Austrique madentes,

Terroresque, metusque; & inexorabile letum 106

Sub pedibus jacet. Aereis tibi carmina campis,

Perpetuasque canunt laudes vatū chorus omnis;

Cœlestū vatū chorus omnis, amœna per arva

Qui te incedentem medium comitantur ovantes;
 Sublimemque humeris attollunt, atque beatos 111
 Per cœli populos alacres arcana canentem

Magna ferunt, sistuntque supremi ante ora Parentis.

Salve, inter summos lumen venerabile divos,
 Magne pater: facilis precibus nunc annue nostris; 115
 Dum tibi solemnem de more novamus honorem,
 Et cœtum celebramus. Adi hæc tibi sacra secundo
 Templâ pede, & proprias tibi quas creximus aras:
 Seu Libyam patriæ captus telluris amore
 Nunc colis, atq; Hippona tuam; seu propter amœni
 Ticini ripas Insubrum respicis urbes. 121

Ossa ubi marmoreo tua sunt tumulata sepulcro.
 Da deinde auxilium, pater: en nunc aspice quantis
 Degitur hoc ævi in tenebris, vitæque periclis;
 Ut curæ nostra assiduæ præcordia carpant, 125
 Utque auri malefuada fames, & dirus habendi
 Ducat amor captos, veræ & rationis egentes.
 Eripe nos his, sancte, malis: fit nescia vita
 Culpæque, fraudisque, & prorsus criminis experts.
 Suffice dehinc animis visum: da tollere mentes 130
 Ad cœleste jubar, fontemque ad lucis; ut, artus
 Exuerimus ubi moribundos, tartara fontes
 Impia non subeamus, & illætabile regnum.
 Hoc precibus, pater, hoc prohibe, per siqua parentis
 Longævæ est pietas, quæ te terraque marique 135
 Sola anus ausa sequi per mille pericula quondam,
 Finibus excessit Libycis, patriaque relicta
 Littoris Ausonii ignotas penetravit ad oras:
 Nostraque nunc etiam tellus complectitur ossa
 Illius, & proprias divæ sacravimus aras. 140

B
 Ju
 Car
 I
 Ma
 No
 Col
 S
 Tua
 Dur
 Nol
 T
 Ira
 Nec
 Savi
 N
 Aras
 Vetu
 Dica
 Ha
 Tui
 Dum
 Vitar
 Tu
 Deun
 Quen
 Rerun
 Tu
 Eras
 III

H Y M N U S XXVIII.

DIVO HOMOBONO CREMONENSI.

BEATE pauperum pater,
Decus Cremonæ, HOMOBONE,

Juva tuos cives tuis
Cantu vacantes laudibus.

Nil post Deum, Deique post
Magnam parentem virginem,
Noster chorus te sanctius
Colit sacra tibi die.

Sensere nostri sæpius
Tuam patres præsentiam,
Dum supplicum victus prece
Nostri ades periculis.

Tu sæpe nobis percitum
Ira tonantem mitigas;
Nec in merentes nos finis

Sævire pœnis debitis.
Non templa frustra ponimus;
Arasve dictas de tuo
Vetusta rite nomine
Dicavit olim civitas.

Hæc consecuti nobiles
Tui labores præmia,
Dum more divûm degeres
Vitam caduco corpore.

Tu mente cœlum cogitans
Deum gerebas pectore;
Quem deperibas unicè,
Rerum tuarum nil memor.

Tu largus indigentibus
Eras profundens omnibus,

III.

O

Parvum tuo quod prædium
Vix suppetebat victui.

Quod erogabas, largius
Supplebat illico Deus;
Et tosta liba crescere
Sunt sponte visa in arcula.

Quid? obvio cùm pauperum
Non abnuisti cœtui,
Quod afferebas vineæ
Fossoribus pactum merum;

Cados inanes prodigus
Lympha replēsti fluminis,
Quæ visa mox bibentibus
Merum colonis nobile.

Per se tibi templi fores
Ultero patebant vi sua,
Dum nocte concinentium
Choros adires flaminum.

Ascriptus inde cœlitum
Choris beatis, indicas
Apud Deum qua polleas
Rerum satorem gratia.

Funus venit ad tuum:
Cæci vident; claudi meant;
Muti loquuntur; audiunt
Surdi; levantur languidi.

Quin & sepulcrum sub tuum
Ducunt furore percitos,
Nunc usque cedit protinus
Vis inferæ potentæ.

Regi tamen sit gloria,
Horum datori munerum,
Qui trinus unus omnia
Regnat Deus per secula.

H Y M N U S XXIX.

DIVO THOMÆ AQUINATI.

LÆTA dies nobis rediit volventibus astris,
 Qua Volsci THOMAS decus & lux unica Aquini,
 Digressus terris, cœli aurea templa petiit.
 Ferte rosas: date thura, pio date carmina vati.
 Ille Deo ante diem plenus, puerilibus annis 5
 Mortales contempsit opes, contempsit honores.
 Quicquid opis potuit miseris partitus egenis,
 Quos exercebant morbique, aliorque, famesque,
 Nobilium longè fugit tecta ampla parentum,
 Fortunamque domûs: inopem traducere vitam 10
 Maluit, atque humiles cœtu cum paupere sedes
 Antetulit habitare; rudi malè tectus amictu.

Fortunate puer, non hæc sine numine venit
 Mens tibi; sed teneris jam tum Deus affuit annis.
 Fortunas fragiles, perituraque gaudia vulgi 15
 Despiciens, sequeris longè meliora, supernisque
 Aspiras opibus divûm, regnisque beatis;
 Nulla tibi quæ vis unquam, nulla auferat ætas.
 Si non regifico hîc tibi dives regia cultu
 Luxuriat, si non ostro fulgens comitatus; 20
 Ac secura quies, & raris nota voluptas.
 At tibi tranquillam permulcent otia mentem,
 Otia læta, quibus mortales pectore curas
 Exutus vacuo egregias amplecteris artes;
 Atque choris prope par degis cœlestibus ævum, 25
 Regum sceptrâ animo superans, ipsaque beatus
 Pauperie, duris dum pares legibus ultro.

Fortunate animi! egregias divinitus artes
 Hîc haurisque, colisque: tibi se recta loquendi

Ostendit ratio in dubiis veri omnibus index;
 Ne quis fallaci tenebras offunderet astu
 Verborum, & nigram lucis sub imagine noctem.
 Hic etiam penitus sese omni ex parte videndam
 Ostendit natura parens tibi dædala rerum;
 Et causas penitus dedit altè accessse repostas.
 Insuper & cœli numeros, mensusque, viasque,
 Et superos aperis motus ratione; nec ulla est
 Ars usquam, docto quam non vulgaveris ore:
 Pectore nil intentatum, nil linquis inausum.

Quid, recti mox per populos præcepta canentem,
 Unigenæque Dei, veterumque oracula vatum
 Pandentem, referam? mortalia pectora veri
 Implēsti, accendens lucis cœlestis amorem.
 Tu quoque divina pro re, pro religione
 Pugnando, in populis ubi plurima sæpe coorta est
 Seditio, aversas revocāsti in pristina mentes;
 Auctoresque mali multa ratione subactos
 Urges voce, adigisque invitos vera fateri.
 Aurea adhuc monimenta manent, divina reperta,
 Thesauris sensa orando è cœlestibus hausta;
 Pro quibus optabas (tibi veri tanta cupido,
 Tantus amor cœli) mortalem effundere vitam
 Fortiter, atque tuo testari vera cruore,
 Et petere insignem palma è victrice coronam.

Atque ideo in terris tibi sæpe affulsit ab alto
 Coelicolūm Pater, ac pleno se numine fudit:
 Quo præsentē, datum tibi sæpe micantia divūm
 Templā animo peragrarē, polique arcana referre.
 Sæpe hominū tacitas simulato in pectore curas
 Detexti: sæpe instantes morbosque, famemque,
 Præliaque, cladesque, & funera prædixisti.
 Te nulla inferni potuit vis vertere monstri;
 Nil animi nocuere truces, sine corpore vulgus

Nubivagum, aereas quos clam volitare per auras,
Atque hominum perhibent mentes abducere recto.
Pestibus his magna invictus virtute resistis; 66
Et puram puro servasti corpore mentem
Integer: intactum flexit te nulla cupido,
Nulla Venus, nulli subierunt pectus amores.
Unus amor coeli supero tibi venit ab axe. 70
Ipse sator rerum rex omnipotentis Olympi
Usque amor, usque tibi dignis fuit ignibus ardor.
Hunc unum captus sequeris, hunc faucius unum
Noctes atque dies flagranti pectore versas. 74
Hoc sine dulce nihil tibi erat, nec amabile quidquam:
Quicquid agis, quicquid moliris, ad æthera versus
Usque adeò hunc supplex ante omnia consulis unum.
Ipse tibi afflatam manifesto numine mentem
Firmabat, votisque tuis nihil abnuit unquam.
Te vario hinc illine positi in discrimine adibant 80
Suppliciter: tu dexter opem præsensque ferebas
Omnibus; atque tuo servati munere abibant.
Te, quoq; fama refert, prece dum vim tendis Olympo,
Funere jam elatos revocasse ad munera vitæ.
Hæc adeò ætherei tibi erant commercia coeli 85
In terris: quoties socii te nocte silenti
Deprendere, tuos dum in templo affaris amores?
Ara vetus stabat, stabat venerabile saxum
Supra aram, nostræ servans simulacra salutis,
Pendentem coeli ferali è stipite regem. 90
Hic tibi, consuleres tacitus dum numen amicum
Multa super Christi latitanti corpore in almis
Frugibus arcana vi, quæ libamus ad aras,
Pro veterum tauris, pro sanguine quadrupedantum;
Reddita vox coelo, templūq; audita per omne est, 95
Macte animo insigni; mortali corpore, THOMA,
Septus adhuc, habili hausisti mysteria mente,

Quæ vix cœlestes animi cœlestibus oris
 Securi nôrunt : sed quæ fatis ampla tuarum
 Præmia erunt laudû? quæ merces grata laborû? 109
 Tu mihi solus, ais, magna, atque uberrima merces
 Tu mihi solus eris : nihil ô nihil apprecor ultra.
 Hac vice sermonum oblitum mortalia cuncta
 Te perhibent, cœlique oculis adiisse profunda.
 Namque ab humo te sublatum (mirabile visu) 109
 Cernebant, ea dum fierent, pendere per auras,
 Libratumque solo nil jam debere relicto.
 Qualis avis, liquido dum captat flumine piscem,
 Stat super, & levibus vix aera conciet alis.
 Qualis item volucrum regina, liquentibus auris 110
 Summa tenet, radiis oculos dum explorat acutis.
 Quanta tuam hîc porrò mulcebant gaudia mentem!
 Quantus amor! te ô felicem! quanta voluptas!
 Tunc tibi lætitia liquefacta in pectore corda
 Crediderim, & membris penitus stillâsse solutis, 111
 Molleque prædulci flagrâsse cupidine pectus.

Quas ego opes regû his! quos victo ex hoste triûphos
 Contulerim! quos non mortales sanus honores
 Posthabeam! tantum istius me tenuis amoris
 Corripiat scintilla, tuo de fomite lapsa; 120
 Et rapido argentes mihi torreat igne medullas.
 Tu, Pater, hæc tu nos divinæ incendia flammæ
 Erudias bonus; has felices suggere tædas :
 Ut versi in melius renovatis moribus ultro
 Placemus superûm regem, quem crimine nostro 125
 Læsimus, & justas crebri irritavimus iras.

Sancte, veni, precibusque tuas, mitissime, nostris
 Junge preces, nobisque tuo placabile numen
 Concilia adventu, nostrisque occurre periclis :
 Respice nos duris attritos undique bellis. 130
 Hinc atque hinc hostes fessis crudele minantur

Exitium: jam capta Rhodos, jam Pannonia omnis
Debellata jugum subiit. Quin nuper ab Afris
Infestis vis ventorum pia reppulit arma:
Pro trucibus mare pugnavit prædonibus in nos 135
Iratum, cœlumque piam intractabile causam
Damnavit, nostra hostiles præ! classe per undas
Disjecta: evasit raro cum milite Cæsar,
Ah dolor! & laceras vix legimus æquore puppes.
Tende, pijs redeat vigor in præcordia priscus; 140
Et nostris rursum affuescat victoria dextris.
Nunc ô, si vestro sit quisquam è sanguine ductor,
Qui decus antiquum, laudesque imitatus avorum,
Obvius amplexis magno sub Cæsare rebus
Succurrat, patriisque avertat sedibus hostem. 145
Sit vestræ tibi cura domûs, sit cura tuorum,
O Avalæ gentis decus: utque ex orbe tenebras
Unus tu sola quondam ratione fugâsti,
Gentibus & clarum potuisti ostendere lumen;
Sic eadem quoq; nunc aliquis de stirpe nepotum 150
Terrorum has tenebras victricibus auferat armis.
Atque aded hunc juvenem pietate & fortibus ausis
Insignem, modò qui generi superaverat unus,
Omnipotens Pater his velit aspirare trophæis.
Non ille ignarus decorum, non ille triumphis 155
Infuetus, veterum sed famam egressus avorum
Tanto operi sat erit, nec onus detrectat iniquum.
Hunc olim Italiæ portus lætantis & urbes
Excipiant redeuntem, armis felicibus ultum
Argolicas arces, Solymamque, & nobile bustum. 160
Vix prædam ingentem capiant, Turcasque frementes,
Regia Parthenope, Prochyteque latrantibus undis
Cincta, Pythecusæque, & vestri moenia Aquini.
Quod si perstat adhuc cœli tamen ira, malisque
Non dum finis desit, etiamque admissa luendum, 165

Nec malè amica viro hanc permittūt tēpora laudem,
 Huic peperit sobolem egregiam pulcherrima conjux,
 Qui pueri! quantum ostentant virtutis amorem!
 Nec jam ullū occasum metuit domus alta, nec ullum
 Progenies finem: spes fulsit tanta nepotum. 170
 Hæc saltem de tot natis crescentibus uni
 Debita suspensis maneat victoria bellis;
 Si tibi nunc intra Sirenum mœnia templa
 Alfonsus dicat, & propriam pater erigit aram:
 Ille suis laudem eximiam concesserit ultrò, 175
 Nec pulchris genitor natorum inviderit ausis:
 Tolle tuum cœlo genus, & res aspice nostras.

HYMNUS XXX.

DIVÆ MARGARITÆ VIRGINI.

NUNC te, Diva, canam, quando tua templa sacerdos
 Ingredior, custosque tuæ novus addicor aræ.
 Nympha, decus cœli; quam latè fama sequuta est
 Per gentes sævum non expavisse draconem
 Squamigerū, ingentem, & cristis capita alta ferentem.
 Non te vesani valuit vis ulla tyranni 6
 Vertere, non diræve minæ flexere, precesve,
 Non ingens auri pondus, non munera opima.
 Ille tuo ardebat nimium crudeliter igni,
 Optabatque tuos thalamos accensus amore; 10
 Quandoquidem Armenias par forma inventa per urbes
 Nulla, tamen multæ Armenias viguere per urbes.
 Mortales sed enim tu non dignata Hymenæos
 Cœlesti face flagrabas, & regis amore
 Cœlicolū; cui formam uni, mentemque sacrâras; 15
 Pro quo etiam tantos voluisti ferre labores.
 Huac unum suspirabas, hunc scilicet unum

Noctes atque dies infixum corde gerebas.
 Quinetiam vera pro religione, pudoreque,
 Ultro læta dares gladio cùm colla secanda, 20
 Hunc unum exiliens caput à cervice vocabat.
 Ille igitur tibi, conditio ut mortalis adempta est,
 Pro vita moribunda, & pro spretis Hymenæis,
 Continuò dedit æthereas regnare per oras ;
 Felices populi degunt ubi morte carentes 25
 Æternùm, pascuntque optato lumina vultu
 Numinis immensi, superùm quæ immensâ voluptas.
 Hic tibi celsa domus : molemque & corporis artus
 Hic habitas exuta : tibi mortalia regna
 Sub pedibus : tu, cœlivagis immixta puellis, 30
 Æthera per superique incedis fidera Olympi.
 Nempe choros cùm sæpe vocat, festasque choreas,
 Siderei regina poli ; veniuntque vocatæ
 Mille nurus, cinctæque olea felice puellæ,
 Secreti quâ læta magis plaga lucida cœli ; 35
 Ipsa venis, forma ante alias spectabilis omnes,
 Nympha, decus cœli, ô pulcherrima MARGARITA.
 Omnis te sequitur chorus : omnes lilia matres
 Cana tibi sternunt, tibi narcissosque rubentes
 Sub pedibus, capitique addunt redolentia ferta. 40
 Ipsa suas tibi partitur sanctissima curas
 Æterni regis genitrix, domina ætheris alti ;
 Cùm mortale genus cœli miseratur ab arce,
 Atque iras nati meditatur flectere iustas.
 Nos ambæ aspicitis simul, arcetisque periclis ; 45
 Nec te compellat nequicquam nomine quisquam.
 Te matres facilem partûs jam mensibus actis
 Implorant, mediaque vocant in morte jacentes ;
 Ipsa faves, Lucina ; tuo se munere lætæ
 Incolumes testantur : adit tua protinus omnis 50
 Hinc delubra chorus matrum, & tibi sacra quotannis.

Dona ferunt; nataque docent connubia nondum
Expertas, primis tua templa invisere ab annis,
Et votis venerari, & sacras dicere laudes.

Salve, coelicolūm, virgo, decus innuptarum: 55
Huc ades: & quamvis alibi majoribus aris
Templa tibi fumant, cœloque minantia tecta,
Ne tamen ex longo addictam tibi sperne Cremonam.
Sed quoties hanc thura tibi incendemus ad aram,
Læta veni, & facilis nostris, diva, annue votis. 60
Aspice, ut Italiæ felicem hanc divitis oram
Servitio usque premant externi: ut finibus hostes
Nunc hi, nunc illi in nostris æterna fatigent
Bella, nec Italia possunt decedere victa.
Nos fessi rerum interea victoris iniqui. 65
Præda sumus; coram aspicimus populatibus arva.
Nostra rapi, nostros maculari cæde penates.
Pinguia jam squallent abductis arva juvencis.
Undique, præcipientesque fugam petiere coloni.
Civibus ô tandem lucem da cernere nostris; 70
Et populis redeat vetus in præcordia virtus:
Inter se, positis ultro civilibus armis,
Pacem agitent; unaque velint occurrere pesti
Communi, atque ferum divellere finibus hostem.

H Y M N U S XXXI.

DIVÆ MARGARITÆ VIRGINI.

MARGARITA, tuam, senium quam everterat, ædem
Vida tibi è patrio marmore restituit.
Pro qua, si pietate ulla est ei gratia apud te
Parta, sacerdotem respice, diva, tuum.
Non aurum, non, quos vulgus suspirat, honores,
Non, longa in terris sit sibi vita, petit:

Verum illum sibi concilies, cui sanguine fuso,
 Cui simul æterna virginitate places:
 Numen ut illius in morte experiatur amicum;
 Illius inque piis sit pius usque choris.

H Y M N U S XXXII.

DIVÆ PELAGIÆ VIRGINI.

TU quoq; carminibus, PELAGE, memoraber nostris,
 Parva meis cui flore halat penetralibus ara,
 Diva, olim Armenias inter celeberrima nymphas
 Fax juvenum: neque enim melior fuit altera forma,
 Ornatuque prior: gressum quacunque ferebas
 Antiochi mediam pube stipante per urbem,
 Gemmiferum caput attollens, auroque relucens,
 Ore, oculisque faces jactabas; unde juvenus
 Pestem animis malè cauta, acremque bibebat amorem:
 Et tibi ludus erat, cupidos suspendere amantes,
 Ac torquere diu: foribus tibi pendula sorta
 Semper erant, querulumque iterabat janua carmen:
 Nec tua erant stratis sine limina amantibus unquam,
 Quæ miseris durum præbebant nocte cubile.
 Hæ tibi erant artes, primæ hæc commercia vitæ.
 Ast ubi verus amor cœlo te cepit ab alto,
 Corque tibi omnipotens divinitus attigit aura
 Ad miras vatis voces, & verba loquentis;
 Continuo totis tota es resoluta medullis,
 Et tibi delicuit, glacies ceu, mobile pectus.
 Atque ubi sublata est oculis, quæ plurima nubes
 Te circum caligabarque, aciemque premebat,
 Ne cœli quires jucundum cernere lumen;
 Quæ facies rerum horribilis, quæ noctis imago est
 Visa tibi! quantus tibi pectus perculit horror!

Vidisti, fueris quàm tetro obnoxia monstro :
Vidisti, quibus in tenebris, quantisque periclis
Expositam certæ morti te sponte ferebas.

Ah nimium secura mali, secura pericli!

Ni tibi dexter opem supera Deus arce tulisset.
Ac veluti, pelagi in medio, pugnantibus austris,
Si quis fortè, gravi qui vinctus membra sopore
Nil sensit, dum sævit hyems; mox fluctibus actus
In ficcum, somno excitus quanto æquora motu
Turbentur videat, quantas evaserit undas,

Syrtesque, scopulosque & navifragos Euripos;
Horreat, & tutum vix sese in littore credat :
Sic tu, Nympha, mali admonita, instantisque pericli,
Quos pelagi fluctus, quantos enaveris æstus,
Horrebas, vitæ studia illaudata peractæ
Incusans; tendensque ambas ad sidera palmas,
Flebas, purpureasque genas largo imbre rigabas,
Pacem orans, imoque trahens suspiria corde.

Jamque animos penitus, sensusque oblita priores,
Rejicis ornatus veteres, corpusque superbum
Frigore vix prohibens hirsuto involvis amictu ;
Fortunasque omnes, quarum tibi copia larga,
Venturi secura, inopum partiris in usus.

Jam tibi lucentes gemmæ, jam purpura, & aurum,
Tectaque marmoreis sordent subnixa columnis.

Jam species vilis, jam vilia munera formæ,
Et solitum tibi dulce nihil: mortalia temnis
Omnia, sublimique animum defigis Olympo.

Ille sibi æterno te captam junxit amore,
Qui nos morte sua tenebris eduxit ab atris,
Criminaque effuso delevit nostra cruore.

Huic uni te, Nympha, colis ; huic pectus uni ;
Hos unos tacito suspiras pectore amores.

Atque ideo vitas hominum vestigia, & urbem

Effugis incomitata, petis loca sola; nec horres 60
 Præside freta Deo sævarum lustra ferarum.
 Non tamen omne solum cordi tibi: sed placet unus
 Montis oliviferi, Solymorum qui imminet urbi,
 Altus apex; quem sæpe tuos audimus amores
 Cum sociis lustrâsse Deum sub mole latentem 65
 Corporea, fessumque oleis jacuisse sub altis.
 Quove pudicitia incolumi vis omnis abesset,
 Veste genus mentita, virumque imitata latebas.
 Fortunata, amplis opibus, rebusque relictis,
 Sede sub angusta, tugurique in pauperis antro, 70
 Pauper agis duram non paupere pectore vitam.
 Vincis opes animo, nuper quibus ampla fluebas;
 Nec quidquam tibi deficit, habes quando omnia in uno;
 Quò frueris, quo cuncta refers: ille omnia solus
 Est tibi: nil illum præter tibi, quem cupis unum 75
 Sæucia, suspirasque, imisque è sensibus ardes;
 Noctes atque dies animo hæc una addita cura.
 Sæpe ideo terris subvectâ mente relictis
 Tolleris alta petens, liquidumque per æra vecta
 Carpis iter, superas nubes, atque æthera tranas; 80
 Sanctorumque acies volucrum ter terna pererras
 Concilia, hac illac vestigans lumine passim,
 Quem sine fine ardes, quem cor tibi deperit unum,
 Donec eum teneas: tandem complexa repertum
 Illum animo, totâ illum hauris lætissima mente, 85
 Totum obiens acie (neque enim dimittis) acutâ:
 Nec tibi divinâ labefiunt lumina luce,
 Qua frueris, mira que animum dulcedine pascis.
 Interea exanimum leti ceu frigore corpus
 Labitur, & dulci torpent tibi membra sopore. 90
 Et pigeat castas post vincula sacra puellas
 Pernere mortales ignem unum propter amores?
 Non tamen invidia volucer tibi defuit hostis

Noctipotens, pulchris semper contrarius oris.
 Ille tibi memorabat opes, memorabat amores,
 Quos fugeres; priscæ & revocabat ad otia vitæ
 Mollia, desidiaſque, animum convellere nixus.
 Tu saxo veluti turris fundata vetusto
 Stas contrà, & fractas objectu rejicis undas,
 Illius objectu, cui toto pectore flagras.
 Te quoties petiit, toties certamine victus
 Cessit, & exutus, fidit quibus, arma reliquit;
 Usque adeò, ut pugnae fugeret se credere iniquæ,
 Et tremeret nigris manus importuna sub oris.

At nonnulla etiam duræ solatia vitæ
 Hic tibi erant aliunde; cohors neque deerat amanti.
 Nam vulgò, tugurî ante fores examina fera
 Sæpe audita, ferunt, superûm sub nocte volucrum
 Ludere, & in numerum liquidos tibi fundere cantus.
 Tunc etiam quandoque, antro cùm exire juvabat,
 Ibas, & loca plena Deo, sola sancta legebas,
 Et fortunatas lustrabas lumine sedes,
 Unde salus hominum infandâ trabe nexa pependit.

O illis mihi si quoque detur degere in oris,
 Quod superest hujus moribundo in corpore vitæ;
 Dulce foret sacrâ vestigia ponere terrâ,
 Atque vias legere interdum, quas ille per olim
 Sæpius audirem regem omnipotentis Olympi;
 Quando (humiles nã me retrahunt onera invida curæ)
 Pressus humi nequeo sublimem tollere mentem
 Ad cœli jubar, & superas percurrere sedes.
 Sic animum saltem dulci solarer amore,
 Inspiciens tantorum operum monimenta per agros,
 Felices agros nimium, felicia rura;
 Felices montes, pedibus quos presserit ille;
 Felices fontes, queis labra admoverit ille.
 Nullum manè mihi, nullus mihi vesper abiret,

Quin tumulo accumbens venerarer nobile bustum,
 Saxa lavans lacrymis, fortunatumque sepulcrum
 Amplectens, cui divinos tegere obtigit artus, 130
 Donec ad æthereas redivivus surgeret auras.

Tum si quis mihi demonstret, quo pulvere fusus
 Divinus cruor; ore legam, terræque beatæ
 Sæpius accurvus nunquam satis oscula figam.
 O saltem si, cum mihi venerit ultimus ævi 135

Finis, ibi fessæ vitæ claustra relinquens
 Sensibus extremas auras fugientibus hauriam,
 Quas moriens heros posito capite expiravit;
 Tum mihi felici quàm molliter ossa quiescant!

Hæc tibi sæper erant: nec te ulla avertere, Nympha,
 Tempestas potuit tam turbida, quin loca adires 141

Ardua quotidie, lacrymarumque imbre rigares;
 Donec languentes te mors fera exuit artus,
 Et superas animâ petiisti præpete sedes;
 Is ubi in amplexus nunquam fallentis amantis 145
 Sæpius, & dulci frueris per secula amore.

Ille tibi, spretis pro gemmis, murice, & auro,
 Indutæ cœli æternâ dat luce nitere.

Pro juvenum cœtuque, & pro nuruum famulatu,
 Aligeris immixta choris, immixta puellis 150

Cœlivagis plaudis choreas, & carmina promis.

Ipsa tibi consors patriæ non immemor olim

Usque comes graditur pulcherrima Margarite;

Nec sine te juvat æternæ indulgere choreæ.

Salve, Diva, Erebi terror, decus addita cœlo: 155

Accipe, nunc tibi quos utcunque novamus honores.

Promeritæ tibi templa damus, tibi ponimus aras;

Atque tuo frumentiferos de nomine campos

Diximus: ipsi etiam nôrunt tua sacra coloni.

Serta tibi è primis suspendunt spicea aristis, 160

Pomaque, mellaque, purpureosque è vite racemos;

Præsentemque vocant agris, pecorique, fatisque,
 Arboribusque: rogant, ne culmos aspera adurat
 Rubigo, grandoque leves terat horrida aristas;
 Neve nemus lætum vites coquat alba pruina, 165
 Decutiatque novos exusta ex arbore flores;
 Neu pyrus arescat, foliisve uberrima morus;
 Neve apibus noceant longæ mala frigora brumæ.
 Plurima præcipuè volitans lactentibus absit
 Messibus, heu! nostris nunc primùm cognita terris;
 Prataque ne nigro viridantia demetat ore. 171
 Sit lætum pecus omne: lupus procul absit acernis
 A stabulis; valeantque canes: sit rustica proles
 Vivida: ne pubes sit turpi obnoxia morbo,
 Nec fleat infirmi lapsos de vertice crines. 175

Nos verò, humani generis quos invidus hostis
 Insidiis petit, & recto deducere tendit,
 Respice, Diva: vides, quibus undique pectora capter
 Nostra dolis, quot se in facies, quot vertat in ora
 Additus, incautosque occultâ indagine cingat. 180
 Nunc Veneris curis paulatim innectit amaris;
 Illecebrasque animis, atque otia inertia suadet;
 Adque epulas vocat, & nocturnæ pocula mensæ.
 Nunc petit injecto ventosæ laudis amore;
 Sæpe ostendit opes; interdum ostendit honores; 185
 Invidiaque, odiisque animos inflammat acerbis.
 Quot scelerum facies, illi tot retia, queis nos
 Implicet, & variâ deludat imagine captos.
 Eripe nos; precibusque tuis evadere casses
 Detur, & occultas hostis deprendere fraudes. 190
 Quandoquidem testis potuit te fallere nunquam
 Irritus ille dolis, semperque irrisus abivit.
 Hos tu non ignara modos nos instrue, & artes:
 Et tibi sit pietas nostra, ô pulcherrima, cordi;
 Te quamvis parvo colimus PELAGIA sacello. 195

H Y M N U S XXXIII.

COELITIBUS VIRGINIBUS.

COELI delitiæ beatioris,
 Quid vos in superum domo, puellæ,
 Tam multis rear actitare seclis?
 Vos mi dicite: vosne sempiterna
 Juvant otia, & usque feriatis
 Cordi est perpetuâ frui quiete;
 Dum vestros animos alit voluptas
 Illa illa illius affluens ab ore,
 Aspectu omnia qui beat vel uno?
 An vos ô potius juvat choreis
 Indulgere, chorosque ducitare
 Ad cœli numerum usque concinentes?
 Vos, ô vos videor videre molli
 Stellatis pede lufitare in hortis
 Molles, lacteolas, venustulasque.
 Quàm vos, quàm juvat insequi usque amantem
 Formosum placitæ arbitrum choreæ!
 Quàm vos carmina dicere usque amanti
 Ductori placitæ juvat choreæ;
 Qui quocunque oculos, & ora vertit,
 Haustis omnia amant repentè flammis!
 Quàm vos, quàm juvat undique expetitas
 Huic nescisse virum, huic necem subisse,
 Pro vobis quoque qui integer peremptus!
 Hunc ut sensibus intimis amatis;
 Toto ut pectore deperitis unum;
 Et vestro est in amore nil amarum:
 Hæc mi dicite, Virgines. Sed unum est
 Quod nunc vos aliud velim rogatas,

Id mî dicite puriter roganti:
 Hæc inter quid agunt mei ambo ocelli,
 Margarita rosâ prior recenti,
 Et formâ Pelage haud minùs venustâ;
 Quas nos plus oculis amamus ipsis,
 De nobis meritas bene, atque amantes.
 Ecquæ illis aliæ venustiores
 In vestra choreæ vacant corona?
 Ut ô, ut mihi nunc videntur ambæ,
 Post cœli dominam, Dei parentem,
 Prælucere; aliasque præterire
 Subsultim celeris duces choreæ!
 En blando ut pede, blanduloque motu,
 Casto ut corpore, castulisque ocellis,
 Hæc ut purpureo rubens in ostro,
 Illa ut candidulo albicans ligustro,
 Lætæ virgineis utræque palmis!
 Salvete ô simul ætheris puellæ
 Omnes aureolæ, integellæ & omnes.
 Nos interdum opibus juvate vestris,
 Qui mortalibus ignibus calemus;
 Vestræ nos facis ustulate flammâ.

HYMNUS XXXIV.

DE DIVIS COELITIBUS.

A Deste mecum virgines, & integri
 Pueri & puellæ, & omnis ætas, maximè
 Casti, & pudicæ conjuges adhuc viris
 Junctæ, aut solutæ vinculis jugalibus.
 Neque non vocamus, quos juventæ nequiter
 Piget peractæ, admissa pœnitentiâ
 Ex corde, ab imo diluentes pectore.

30 Adeste: mecum laudibus sustollite,
 Quos præterivimus, beatos ætheris
 Sublimioris, generis omnis, incolas. 10
 Non unus omnes prosequi ego versu queam:
 Favete linguis: saltem eos silentio
 35 Taciti simul veneremur innumerabiles.
 Miremur omnium perennes laureas,
 Claros triumphos, inclytasque glorias; 15
 Eos & omnes advocemus sedulò,
 Nobis ut alto opem ferant ab æthere
 40 Periculis in omnibus; neque nos sinant,
 Quoad valebunt, cedere obrutos malis.
 Non quòd suapte vi, suâ aut potentiâ 20
 Queant juvare hominem, & opem impartirier:
 Divi neque bona, neque ulla dant cuiquam mala.
 45 Est unus omnium bonorum publicus
 Disseminator, ille cœli præpotens
 Regnator, orbis conditor, hominum sator; 25
 Cui omnia famulantur, omnia subjacent
 Obnoxia: unus omnibus ubique imperat;
 50 Unusque, quos vult, eligit, quos ope juvet,
 Nullius ipse externæ opis porrò indigus.
 Quos verò habet neglectui, in præceps finit 30
 Ruere misellos, ac malis prorsum omnibus
 Circumvenit, dans cuique pro merito, ut lubet,
 Ultor severus criminum, mortalibus
 Perterrefaciens conscia intus pectora,
 Cœlum trifulcis cùm coruscat ignibus, 35
 Tonitruque templa concutit cœlestia.
 Nobiscum enim persæpe agatur sæviter,
 Nobis nisi ejus præstò ubique Filius
 55 Adestet advocatus, & se opponeret
 Caro Parenti, is dum parat nos funditus 40
 Tertere, malisque, quæ meremur, perdere;

Cui detegit, quæ passus est olim volens
 Vulnera, peremptus pro salute publica.
 Hunc supplices homines in omnibus adeunt
 Discriminibus, & advocatum unum admovent. 47
 Verùm, quia plerumque suppudet reos.
 Adire rectà regium Natum unicum;
 Hunc deprecatorem ut sibi illico parent;
 Neve alloquantur eum sine internuncio,
 Priùs adhibent de civium numero aliquos, 50
 Et, advocatum qui precentur, advocant,
 Seu sint adhuc nos inter hìc superstites,
 Sive in supernam jam advolârint curiam.
 Est tutius verò advocare quos scias
 Intra receptos jam ætheris domicilia. 51
 Neque est verendum, ne advocati exaudiant,
 Quòd oppidò remoti ab iis habitent plagis,
 Humusque ab astris absiet quamplurimùm.
 Vident piorum animæ, ac volucres spiritus
 Semper beati humana facta, & audiunt; 60
 Sed non suapte acie, suove lumine:
 His omnia repræsentat ante oculos sua.
 In luce Soboles cuncta cernentis Dei,
 Rerum fideles suggerens imagines:
 Hunc intuentes intuentur omnia, 63
 Quæcunque opus, vel quæ haud Pater eis abnuit.
 Itidem audiunt omnia vocati coelites;
 Et obsecrati pro obsecrantibus obsecrant:
 Est ille speculum, est unus idem Echo omnibus.
 Ob id tamen mortalium ipsi mentibus 70
 Haud inferuntur: solus illapsu Deus.
 Adest, & animis influit præsentia;
 Solusque propitio fovet nos numine.
 Nulli creato est numen, aut divinitas:
 Vult ipse post se nos tamen venerarier. 75

Honore proximo Quirites ætheris,
 Et supplicabundos sepulcra visere,
 Et quicquid eorum adhuc apud nos reliquum est;
 Nec thura eis negare, nec crocum, aut rosam.
 Quare agite, mecum adeste, cuncti, & ætheris 80
 Onerate votis universam curiam;
 Nobis benevolum ut advocatum sedulo
 Reddant, suaque coelites nos evehant,
 Qua plurimâ pollent apud eum, gratiâ.
 Is dehinc Parentem propitium nobis dabit, 85
 A quo, perenni ut fonte, cuncta fluunt bona.

H Y M N U S XXXV.

DIVIS COELITIBUS.

Adeste, sancti coelites,
 Cives supernæ curiæ:
 Vestrâ levantes nos ope
 Deo propinquos jungite.
 Tu, Diva virgo, virginum
 Princeps, Dei puerpera,
 Regina coeli, da tuum
 Adeste nobis Filium.
 Vos dehinc beati præpetes,
 Dei fideles nuncii,
 Simul creati cum nova
 Nascentis orbis machina;
 Quos contumax contra Deum
 Non extulit superbia;
 Sed perstitistis in fide,
 Ulti rebelles prælio.

178 M. HIERON. VIDAÆ

Tum vos caduci corporis,
Ceu nos, onusti pondere
Quondam, mares, aut virgines,
Nunc dii beati cœlites;

Quos vestra virtus ætheris
Evexit ad fastigium :
Floretis illic maxima
Jam consecuti præmia.

Vos invocamus supplices:
Nobis famem defendite;
Sint bella longè, sit lues ;
Sit nostra cœlo arrecta mens.


Ut mox levati vinculis,
Gravique mole corporis,
Migremus ad vos illico,
Vestros adoptati in choros.

Possimus hæc ut assequi,
Vobis rogandus maximus.
Ter unus ille, qui bona
Potens opum dat omnia.

F I N I S.

OMnes rogatos VIDA vult quàm maximè,
 Qui legerint versus suos, si offenderint
 Quidpiam, quod alienum à sacris mysteriis
 Videatur, ante ne improbent, quàm intelligant.
 Nam recta sentit cum optimis, & asserit
 Quæ firma patrum comprobat consensio ;
 Omniaque, quæ scripsit, bonâ scripsit fide.
 Nec factiosum ferre genus hominum potest,
 Qui, ut esse videantur aliquid, vetera elevant ;
 Novasque semper efferunt ineptias,
 De industria rectâ deerrantes viâ.
 Si quid per imprudentiam dixit tamen,
 Quod parte ab ulla claudicare censeant,
 Vult esse non dictum, abolitumque funditus ;
 Et ipse jam nunc abrogat dicto fidem.





of
I
A
stu
Amo
fel
Ange
Ann
Apo
run
Aqui
tia
na
tio
sti
Augu
35
Avis
Beato
60
Carolu
Christ
tia
v. 1
hum
pura
Christe
J



I N D E X.

DESCRIPTIONES.

A.

A Eris mira. i. 258.
 Ætheris mira. 279.
 Amicitia inter Christum & Joannem. xiv. 65.
 Amoris mutui inter homines felicitas. 169.
 Angelorum chorus. i. 303.
 Anni quatuor tempora. 683.
 Apostolorum Spiritu S. afflato-
 rum fortitudo. iii. 346.
 Aquinatis ex hominum frequen-
 tia recessus. xxix. 5.
 — perfecta eruditio & doctri-
 na. 28.
 — Deum consulentis prostra-
 tio, ante simulacrum Chri-
 sti in cruce pendentis. 88.
 Augustini divina scripta. xxvii.
 35.
 — honores inter Cœlites. 101.
 Avis in auras subvolans. xiv. 1.

B.

Beatorum in cœlis felicitas. i.
 604. xv. 32.

C.

Carolus V. Imperator. vi. 1.
 Christi in Eucharistia præsen-
 tia non animo concipienda.
 v. 154.
 — Divina natura ab omni
 humanæ labe vel infirmitate
 pura atque integra. ii. 344.
 Christo nascente omnium in cœ-

lis terrisque lætitia. 118.
 Christophorus. xxv. 1.
 Christus Dei filius. ii. 1.
 — Deo Patri cœvus. 69.
 95.
 — cœquus. ii. 77. iii.
 40.
 — omniseiens. ii. 66.
 — Verbum. ii. 1.
 — sol orbem illustrans. 41.
 — factus homo. 27. 109.
 — in Ægyptum fugiens. viii.
 172.
 — inter magistros. 146.
 — sub imagine agni. 272.
 — cautis. 309.
 — feri. 156.
 — juvenis pulcherrimi.
 194.
 — lapidis. 299.
 — leonis. 285.
 — pastoris. 177.
 — pelicani. 270.
 — thesauri. 338.
 — vitis. 334.
 — ornamentis spoliatus &
 deformatus. 206.
 — peccati expers, nostra pec-
 cata tollens. 251.
 — patiens & moriens defle-
 tur. iv. 1.
 — in panem eucharisticum
 descendens. v. 63.
 — totus in toto pane, & in
 qualibet panis parte. 184.

Creatio mundi. i. 535.

D.

Dalmatii miracula. xxiii. 60.

— per aerem fuga. 78.

— martyrium. 95.

Deus. f. 60.

— Tri-unus. 321.

Dei æternitas. 85.

— immutabilitas. 149.

— omnipræsentia. 122.

— omnipotentia. 77. 658.

v. 123.

— omniscientia. i. 110.

— lux admiranda. 364.

— Filium mittentis amor
& misericordia. 579.

E.

Eucharistiæ prima institutio.

v. 26.

— processio solennis. 17.

H.

Homoboni miracula. xxviii. 33.

I.

Innocentiæ felicitas. iii. 303.

Joannes Baptista degens vitam
in eremo. xii. 70.— Christum baptizans.
80.

Judicium universale. ii. 390.

L.

Laurentii martyrium. xx. 219.

M.

Margaritæ honores inter Cæli-
tes. xxx. 32.Maria B. Virgo Spiritûs S. af-
flatu facta gravida. iii. 311.— omnibus spectabilis & a-
mabilis reddita. 320.— filium recens natum in-
tuens. viii. 86.— in cruce pendentem aspi-
ciens. 200.

— in cælum assumpta. 280.

Maris mirabilia. i. 241.

P.

Papa bonus. xiii. 80.

Pauli conversio. xvi. 47.

— labores & ærumnæ. 175.

— miracula. 309. 379.

— martyrium. 280.

Peccatoris obstinati miseria. iii.
218.

Pœnitentiæ felicitas. iii. 290.

S.

Spiritus Sanctus. iii. 53.

— à Patre, Filioque proce-
dens. 78.— præfens cùm mundus cre-
aretur. 104.

— sustentans omnia. 84.

— futura prædicens. 119.

— in Apostolos descendens.
337.— vocans, prosequens, &
trahens peccatores. 264.— auxilium iis ferens, con-
tra Diaboli tentationes. 200.— omne bonum in eis ope-
rans. 187.— eorum mentes ad cælum
tollens. 136.— animos inter se concili-
ans, abstergens, rigans, et
hilarans. 373.— invocatur, ut adfit popu-
lis, præcipuè Germanis. 426.— Concilio Tridentino
437.

Stephani martyrium. xix. 53.

— honores inter Cælites. 31.

Syrinx, sive organum pneumo-
ticum. xxii. 10.

T.

Terræ mirabilia. i. 214.

V.

Virginum cœlitum voluptates
xxxiii. 1.

C O M P A R A T I O N E S.

A

ANDREAS, martyrii coronam ardentem cupiens, comparatur naufrago avi-
dè siccum arripienti. xv. 137.
— olori morienti. 145.
— serpenti ponenti exuvias inter robora. 157.
— nimis à Spiritu S. destitutus, pulcherrimi juvenis cadaveri in prælio occisi. iii. 241.
— Lucifero de cælis dejecto, & in tenebricosas inferorum plagas detruso. iii. 253.
— quinas, ab humo sublatus, & in aere libratus, avi pisces in summo flumine captanti. xxix. 108.
— aquilæ, oculos suos solis radiis exploranti. 110.
— victor, Deum suspirans, cervo aspiranti ad aquæ rivos. i. 459.

C.

Christi divina natura, humanæ sordibus intacta, comparatur solis radiis, qui nunquam terrenis sordibus inquinantur. ii. 366.
— dolor, in nostra præcordia transfusus, medicamenti nutrici datis, & per ejus lac in infirmos pueros transfusus. vii. 115.
— Christus, æquævus Patri, splendori ab igne accenso orienti. ii. 72.
— à Patre generatus, arcano verbo, quod primùm concipitur, deinde in vocem formatur. iii. 45.
— conceptus & nascens, solis radiis per vitrum permeantibus. ii. 143.

— vatum oracula evolvens, avi supervolitantem nidum, & pullos ad volandum invitanti. 59.
— in cruce moriens phœnici. vii. 29.
— pelicano. 34.
— resuscitatus, phœnici. ii. 294.
— præsens in S. Eucharistia, homini leonis exuvias induto. v. 93.
— in qualibet panis aut vini parte, imagini lunæ in lacu resplendenti. 192.
— speculo in multas partes fracto. 196.
— à communicantibus acceptus, auro gemmæque corpori medentibus. 265.
— orbem judicans, pastori oves ab hædis sejungenti. ii. 416.

D.

Deum contemplanus comparatur homini, solis aut lunæ labores in speculo vel in undis contemplanti. i. 397.
— æternas causas in seriem æternam connectens, homini flores varios in ferta contextenti. 175.
— Filium gignens in secula, soli in exhaustum lumen perpetuò emittenti. 644.
— concipiens, homini verbum in pectore concipienti, antequam in auras edatur. 327.
— operibus suis gaudens, patri ex multa piaque prole lætitiâ percipienti, ac gestienti. 560.
— ignotus, & caligine invo-

lutus, soli nebulis obducto,
verumtamen tralucendi. 45.

— fine principio, vel fine,
anno se circumvolventi, &
per sua vestigia decurrenti. 90.

H.

Humana vis, fine divino auxi-
lio deficiens, comparatur ter-
ræ non sufficienti pabula her-
barum arborumque radicibus.
iii. 195.

J.

Joannis amor, Christo etiam
abscedente, flagrans, compa-
ratur fornacis flammæ, ipsâ
materie subductâ, supernè
tamen luxurianti. xiv. 164.

L.

Laurentius, igne tostus, com-
paratur rubenti malo, ab
arbore ad terram intem-
pestivè delapso, solisque ra-
diis excocto. xx. 260.

— phœnici; & auro
flammis perpurcato. 284.

M.

Maria B. Virgo, comparatur
virgæ in campis primum or-
tæ, deinde in regum hor-
tos traductæ. viii. 29.

— Gedeonis velleri. 55.

— portæ clausæ. 57.

— rubo ardenti. 59.

— rosæ rubenti. 77.

— quærens filium ad sup-
plicium ductum, avi viden-
ti fœtus implumes à pasto-
re ablatos. 206.

— in cœlum enans, Au-
roræ ab eois undis sese at-

tollenti. 292.

— lunæ novæ. 293.

— hominibus auxilium fo-
rens, stellæ nautas servanti.
365.

P.

Paulus, seu potius Saulus, mi-
nas cædemque spirans, com-
paratur lupo, noctu circum
caulas erranti. xvi. 58.

— jam conversus, lupo mi-
tescenti, & inter oves ip-
noxio erranti. 140.

— contra amicorum hortu-
tum Hierosolymam tendens,
tineæ circum lucernæ flam-
mam pertinaciter volitanti.
250.

— omnes obsequio sibi concii-
lians, aucupi fictâ voce volu-
cres circumvenienti. 325.

— venatori complures
apros retibus implicanti. 327.

— lupo, mane oves di-
lanianti, vespere prædam
dividenti. 331.

Pelagia, è superioris vitæ som-
no excitata, naufrago sopito,
fluctibus in siccam acta, &
jam experrecto. xxxii. 31.

— à Diabolo tentata, turri
vetusto saxo fundatæ. 98.

S.

Spiritus S. peccatorem revo-
cans, prosequens, ac retra-
hens, comparatur matri fi-
lium, ob malefacta fugien-
tem, seque in sylvis occu-
tantem, prosequenti, ac re-
vocanti. iii. 268.

O R A T I O N E S.

ANDREÆ ad crucem.
xv. 147.

Angelorum ad Deum. i. 321.

Auctoris ad Deum. Pag. i.

— ad J. Christum. v. 245.

— ad B. Virginem. viii. 369.

Decii ad Laurentium. xx. 89.

Laurentii ad Xystum. 32.

— ad Decium. 96.

— ad populum. 189.

MARCI HIERONYMI

V I D Æ

C R E M O N E N S I S

A L B Æ E P I S C O P I

D I A L O G I

D E

R E I - P U B L I C Æ

D I G N I T A T E.

P A R S I V.



L O N D I N I :

A N N O M D C C X X X I I .

MARCI HIERONYMI

V. I. D. E.

CREMONENSIS

ABBE EPISCOPUS

DIALOGI

RE-PUBLICA

DIGNITATE

PARS IV.



LONDINI:

ANNO MDCXXXII.



M. HIERONYMI
VIDÆ

DE DIGNITATE REI-PUBLICÆ,

SEU

CIVILIS SOCIETATIS,

AD

REGINALDUM POLUM CARDINALEM,

LIBER PRIMUS.

QUI istinc veniunt, REGINALDE POLE, non
tam tui familiares, quàm cæteri homines,
hac iter facientes, omnes fere me adeunt,
quem tui amantissimum, cupidissimum-
que nôrunt; ut me doceant de statu tuo, deque tuis
simplicissimis, & florentissimis rebus: quæ quamvis
omnium prædicatione, literisque publicis, & moni-
mentis consignatæ sint, ac consecratæ decretis, pub-
licâ auctoritate ubique locorum in Italia multorum
hominum supplicationibus; est mihi tamen perquam
gratum, eadem audire ab illis, qui interfuere, &

2 M. H. VIDÆ DE DIGNITATE

præsentes viderunt, ut eos de singulis, quæ magis scire aveo, minutatim, gradatimque percuncter; à quibus omnibus ea intelligo, quæ maximè de tua divina virtute expetebam. Britanniam, ad quam sanandam, expiandamque summâ auctoritate legatus fueras, optimâ quidem PHILIPPI regis, & MARIE reginæ præstantissimæ, ac sanctissimæ fœminæ, voluntate, atque virtute, sed tuâ maximè conciliatione, ac diligentia, rediisse in gratiam cum religione; & omnem illam nationem, quæ, malorum geniorum instinctu, atque afflatu, ab antiqua sanctorum Patrum institutione fœdè desciverat, sanitati redditam, ad sanctioris rei-publicæ, Romanique Pontificis auctoritatem revertisse, ac dicto planè nunc esse audientem. Quo nihil salutaris à Deo immortalis nobis concedi poterat, iis præsertim temporibus, propter illorum factionem, qui, novarum rerum cupidi, in summaque opinionum perversitate, ac pravitate versati, novâ inductâ disciplinâ, rerum omnium & officiorum perturbatrice, nobiscum de tota fere religionis ratione dissentiant; damnatisque Patrum sententiis, jam vetustate robustis, ac præjudicatis, à nobis defecerunt: ex qua nefaria secessione secuta est maxima perturbatio, morumque, & totius ferè civilis vitæ everasio. Nunc tandem, re-publicâ à te tam præclare gestâ, lux quædam oblata est omnium animis, quâ sibi quisque videtur, res posse sperare meliores; & tantorum malorum jam prope adesse finem: quibus rebus necesse sit, te omnium sæculorum præconio usquequaque clarum fore, ac semper laudibus florentem; nullamque posteritatem ullo unquam tempore tui immortalis beneficii, ac singularis facti immemorem, aut ingratam futuram: quamvis tu, animi quadam incredibili magnitudine Diis propior, quàm hominibus, par-

semper duxeris mortalem hujus gloriæ splendorem, semperque volueris in vita honoribus non tam uti, quàm dignus, non dico, videri, sed esse; ipsaque virtute verâ ac solidâ, nullis spectatoribus, sed Deo tantum & teste, & judice, tecum frui; licet gloria ipsa, vel non expetita, tamquam umbra virtutem per se quoque sequi soleat, consentiente diu bonorum laude.

Referunt præterea iidem illi, in tuis summis atque incredibilibus tantarum rerum occupationibus, te haud unquam doctrinæ studia intermittere; adduntque unum, quod mihi visum est quasi incredibile, cupere te admodum scire, pro tuo in literas singulari studio, quid ego agam iis perturbatis temporibus, tam acerbo & pernicioso ardente in Subalpinis bello: ecquid adhuc mihi commercii cum Musis; quid cudam, quid moliar. Quo præsertim in statu sit opus, illud à me jampridem susceptum de optima rei-publicæ ratione, deque optimo civitatis statu: de quo memini me multa tecum egisse Magutiani, pridie illius diei, quo primum in Britanniam iter facere cœpisti; cum te omnino videre voluissèm, antequam ab Italia solveres; ut, quando à nobis tam repentino discessu auferebaris, paulisper saltem aspectus tui, atque præsentiae mihi optatissimæ, incredibili suavitate animum pascere, atque si fieri posset, usurâ unius diei exatiarem. Ne igitur omnino ignores quidquam eorum, quæ ad me, & rationes meas attinent, in medio incendio, & in ipsius belli quodammodo ore ac faucibus, flagrante Albâ, Cremonam me tandem conjeci in veterem patriam; ut hic cum amicis & propinquis, hanc totam tempestatem tutò, si possem, declinarem, & omnem hujus, temporis turbulentissimi molestiam minùs molestè

devorarem. In quo abs te, viro gravissimo ac sapientissimo, spero probatum iri meum consilium, cum dioecesim reliquerim, non tam capiti meo, aut metuens, quàm consulens, & cavens publicæ dignitati, atque honestati; ne vilissimo cuique lixæ, aut turpissimo mancipio, pontificia persona esset ludibrio atque irrisui, propter militum insolentiam; qui, solutâ ubique vitio temporum disciplinâ, nusquam temperant ab injuria & maleficio, atque etiam incives, & socios, pacatosque omnes hostiliter agunt, ipsos præsertim sacerdotes studio quodam improbissimo ludificantes, ac despiciatui habentes. Quod fit, ut omnis illa observantia, honorque, & cultus, quibus populi suos antistites dignari solent, relanguescant, fœdoque exemplo paulatim evanescant.

Quid tu autem hîc in tanto otio aliud me agere putas, ab omni sacrorum curatione, pontificiæque provinciæ administratione liberum, nisi in optimarum rerum studia perpetuâ vitæ meæ consuetudine incumbere; nostrisque hominibus bonarum artium vias literarum monimentis tradere; si quo modo ego quoque possim prodesse communi mortalium vitæ? Nihil namque iis temporibus, quibus adeò mores depravati intabuerunt, aut potius corruerunt, judicavi me aliud quidquam, quod magis conducere, quodve magis me dignum foret, efficere posse, quàm operi illi jam inchoato die noctuque incubare; & obsoleta, prolapsaque majorum instituta in omni vitæ genere, ad rerum publicarum nostri temporis, præsentisque religionis tractationem pertinentia, in pristinum splendorem vindicare: quem locum in philosophia apud Græcos, scis esse, quo non alius latior. Πολιτικὸν illi, nos verò civilem vocamus; à PLATONE non semel pertractatum, à XENOPHONTE, ARISTOTELE,

THEOPHRASTO, totaque Peripateticorum familia uberimè repetitum. Abest vero planè à literis Latinis, parum nostra ætate illustratus, sublati atque deperditis Barbarorum injuriâ sex illis libris, quibus M. TULLIUS CICERO se ipse testatur explicâsse hanc philosophiæ partem, quotquot ipse scripsit præstantissimis.

Verùm in iis studiis vix credas, quàm mihi ipsi displiceam, quòd non omni curâ ac studio providerim, ne tantæ cogitationis susceptio, nisi perfectâ re, emanaret. Equidem non possum ferre quorundam hominum nimis festinantium importunam expectationem, qui à me id munus exactum, tamquam creditam à se pecuniam, pensumque debitum, nimis opere exigunt, atque efflagitant; meque, qui nunquam nisi volens, ac meâ sponte currere soleo, volare cogunt, sarcinâ iniquissimi oneris vehementer pressum, atque impeditum. Porro ignorant, quantæ sit lucubrationis, rem tantam, tamque involutam explicare, & quodammodo consequi, aut expugnare; in tantaque rerum silva, tamque multiplici, ea, quæ tantopere dispersa, atque prope infinita videntur, ratione quadam circumscriptè, distributeque colligere, & sub unum quasi aspectum subjicere: ut interdum fateri cogar, plus me huc animi, quàm judicii attulisse; plus voluntatis, quàm facultatis; magis studio, quàm ingenio suffultum; sentioque ipse mecum sapius, quàm non sit mearum virium. Siquidem non unam civitatem, ut antiqui legum-latores, sed universos populos, ac nationes, Christi legibus obtemperantes, atque in posterum obtemperaturas, instituiamus; beneque, & beatè vivendi vias disserendo aperimus; ac præcepta damus tam iis, qui imperant, quàm qui parent; & omnes ad omne officii genus

6 M. H. VIDÆ DE DIGNITATE

instituiamus, universasque rerum-publicarum rectiones, genera, status, mutationes, mores, leges, & instituta explicanda suscepimus. Neque equidem existimo, ullam aliam rem esse in vita hominum, quæ plura doctrinæ præsidia, & adminicula desideret; non tam propter obscuritatem, quàm ob rei quandam incredibilem magnitudinem, & quasi infinitatem.

In illis tamen rerum-publicarum formis, quas Græci maximè probant; unius imperio, optimatumque, & populari gubernatione, multa haurire possum ex ipsorum Græcorum rivis, quæ mihi sint adjumento. Verùm, quoniam post illorum ætatem introducta sunt valde diversa vivendi forma, aliaque planè nunc est res-publica, alia civitatis institutio, alia rector, atque tunc erat, propter religionis, quæ totam ferè rem-publicam continet, valde mutatæ diversam rationem; parum admodum illorum scripta mihi opitulari possunt. Omnis enim fere nostra disputatio, tamquam hominis Christiani, & ejusdem sacerdotis, ad augmentioris istius rei-publicæ formam referatur oportet, quam Christus ipse, quem Deus Pater ante initium sæculorum constituit hæredem universorum, divino ac sempiterno nutu moderatur in cœlo rex & Dominus, in terris verò à sacerdotibus, vicariâ potestate uno inter cæteros gubernatore summè eminente, administratur. Hanc philosophi illi veteres, de quibus modò dictum fuit, penitus ignorârunt, neque omnino nôsse poterant; cùm sit aliquot annos orta, ex quo illi esse desierunt, non hominum ingeniis adinventata, sed divinitus quodammodo conflata; cujus auctorem dicere possumus ipsum universæ naturæ regem & effectorem, rerumque omnium molitorem Deum. Nempe quæ à philosophis de re-publica scripta sunt, ita variè, ita controversè, & dissentaneè

tractantur, ut non modò illi inter se, sed etiam à se ipsis interdum diffideant, secumque iidem pugnent, quodque aliquis in uno affirmat, in alio sæpe libro planè neget, atque refellat, parum sibi constans, siueque prorsus immemor. Atque hìc equidem, haud de infimis ac minutulis, quos sophistas vocant, sed de cordatioribus, & sapientioribus loquor, quos omnis ætas illa admirata est principes, & quasi philosophorum reges sese omnis doctrinæ magistros profiteri, instructisque in media Græcia disciplinarum officinis, virtutes, & sapientias ebullire. Neque enim illa hominum congregatio res-publica verè dici potest, ubi Christus, qui est ipsa iustitia, non dominetur. Quì enim, rogo, sine cœlesti lumine veritatem illi intueri, atque agnoscere poterant? Erratum est itaque diu in tenebris, donec de cœlo, tamquam divina lux rebus affulgens, ipse unigena Dei Filius admirabili fatu, inexplicabilem in modum humanam naturam indutus, ad nos delapsus est; ut esset nobis rerum cœlestium interpret, atque internuntius, ipsique summo parenti Deo, & hominibus veluti quoddam interjectum medium, extrema colligans, divina humanis conjungeret, & quasi unum admirandâ continuatione efficeret.

Cùm is igitur in terris adhuc inter homines verteretur, ommissis, præteritisque omnium rerum-publicarum formulis, quas philosophi, & legum-latores antenus tradidissent, divinâ sapientiâ præditus, immo anima ipse totus sapientia, ad rationem cœlestis imperii, divinæque illius immensæ civitatis, quæ omni morbo ac senio caret, unde profectus erat, hanc modammodo semicœlestem, quasque divinam instituit; miscendoque divina humanis, augustissimam fecit, ad omnem excellentiam; optimisque legibus,

non minùs religioſe, quàm civiliter temperavit; non
 unis mœnibus ſeptam, ſed toto terrarum orbe di-
 fuſam, firmiterque in cordibus hominum fundatam.
 Atque ita rerum cœleſtium ordinem, & divinam in-
 ſtitutionem è cœlo devocavit, & ad uſum popula-
 rem tranſtulit, atque civilem; ut homines, in terra
 adhuc poſiti, prope cœleſtem vitam agerent, ſibi-
 que viam munirent, quâ quaſi compendiariâ aſcenſum in
 cœlum molirentur. Quoniam verò, deinde progred-
 ientibus ætatibus, à tam præclara inſtitutione mori-
 bus & vitâ deſciverunt homines, relanguentibus ſtu-
 diis, ſatietate quadam ac ſaſtidio affecti; deflexitque
 valde de ſpatio, curriculoque majorum, conſuetudo;
 mihi elaborandum eſt, ut veræ doctrinæ præceptis,
 quam nemo queat refellere, res tantopere collapſa,
 obviam eundo, medendoque hominum cupiditatibus,
 in priſtinum reſtituatur; utque purgata religio, quaſi-
 que ſufficientis quibuſdam luſtrata, denuo ad priſ-
 corum laudem ſplendescere incipiat. Quæ quidem,
 quanti ſit laboris, quantarum vigiliarum, tute ipſe,
 qui harum rerum es peritiſſimus, optimè omnium
 judicare potes.

Ingredior enim ſcribere Latinè, ſi potero, de re
 minùs literis Latinis illuſtrata, eorum, inquam, moni-
 mentis, qui bene Latinè ſcribunt. Neque etiam hîc
 quidquam veteres philoſophi, ſeu Græci, ſeu Latini,
 juvare poſſunt meam induſtriam. Mihi potiùs a-
 deundum eſt theologorum noſtrorum, ſanctiſſimorum
 hominum, abditos atque reconditos fontes, non tam
 amœnos, quàm ſalubres, magis ſinceros & puros,
 quàm nitidos aut illuſtres; cùm ea res-publica florere
 cœperit tunc, cum literæ loqui Latinè planè deſiſſent,
 mutatâ in Latio, totaque Italia, propter Barbarorum
 commercium, ſermonis ratione; ut qui ſcripſerunt

de iis rebus, non tam verbis quàm sententiis sint insignes, non tam linguâ quàm corde, ut ita dicam, conferti; sicut Barbarorum quædam pergrandes statutz, quæ quidem totæ sunt aureæ; & ex auro purissimo conflatz, sed ad speciem inconditæ admodum, nullâ elegantîâ aut concinnitate, turgidæ, & undique redundantes.

Quid autem, inquiet fortè quispiam, ista cum theologis; cùm potius ad mores pertineant, quæ est pars philosophiæ, magis à philosophis, quàm à theologis pertractanda? Hujus autem rei facilis defensio, cum mihi res sit tecum, id est, cum viro harum rerum scientissimo, atque doctissimo. Mihi profectò ea scribenti idem usu venit, quod philosophis illis veteribus, qui præcepta vivendi in civili communione tradiderunt. Nam cùm vellent instituere eam civitatem, quæ omnes numeros impleret, nullaque talis se animis eorum offerret ex cunctis, quæ ab aliis, seu Græcis, seu Barbaris, jam positæ essent atque institutz, unde possent exemplum petere, & similitudines ducere; omissis relictisque omnibus, quæ sub aspectum cadere poterant, aliam rem-publicam longè præstantiorem, omnibus detractis vitiis, omni laude cumulata, per se ipsi animo cogitabant, mentisque complexu, & intelligentiâ comprehensam habebant; cujus speciem intuentes, ad ejus similitudinem omnem suam institutionem dirigerent, omniaque redigerent ad eam, tamquam ad sui generis speciem, & formam, quas ideas vocant, easque æternas esse volunt: fingebantque jdeo interdum illas civitates, quæ nusquam essent, neque unquam fuissent, neque ullo tempore futuræ forent; commenti etiam nescio quas fortunatorum populorum, insulas, ac civitates, meras hercle nugas, vanaque rerum simulacra, quorum usus esset nullus.

10 M. H. VIDÆ DE DIGNITATE

Itidem nobis faciendum est, ut non tantum de ea re-publica, ob quam tota nostra disputatio suscepta fuit, quæramus, ac differamus; verum etiam, & in primis, de illa perfectissima cœlesti, & divina, ad cuius rationem ista informata fuit. In quo quidem certior, & firmior est nostra ratio: quod nos, non, ut illi, vanum, vagumque, & inconstans simulacrum, quod sequamur, propositum animo habemus; sed omnino verum, stabile, atque exploratum exemplum, summam illam civitatem, summè ex omni parte, in omni genere perfectam, omnibus numeris expletam, cumulatam, absolutam, ut nihil inde absit, nihil planè redundet; omnibus bonis nullo malorum interventu confertissimam, in qua nihil desideratur; sed virgula divinâ piorum conciliis suppeditantur omnia, quæ vitam beatam efficere, & conservare possunt; ubi summâ imperandi sapientiâ præditus, nutu, ac potestate dominatur rex ille ter optimus, terque maximus, in cuius femore divino oraculo proditum fuit, inscripta esse literis aureis quatuor illa summæ maiestatis verba, **REX REGUM DOMINUS DOMINANTIUM**; à cuius eximie civitatis cœlesti exemplari primigeno ac summo, in hanc inferiorem omnis pietas, omnis sanctitas, omnis virtus, cunctaque rectè vivendi ratio inundavit, ac nihil boni in ulla mortalium civitate, aut re-publica esse potest, quod non ab illa una cœlesti defluerit, cum sit instar omnium, unde aliarum quasi ductæ imagines exprimuntur. Quod quidem videntur aliqui philosophi innuere, memorantes, hunc aspectabilem & lucentem mundum esse alterius æterni simulacrum. Illustrius propheta rem aperto vaticinio declaravit, cum præ gaudio quasi exiliens exclamaret, se vidisse civitatem novam, sanctamque, & admirandæ pulchritudinis descendere de cœlo, adeo

ultam, atque ornatam, sicut sponsam comptam, viro suo, secutâ etiam voce præpotentis, ac summi illius moderatoris, de solio suo attestantis, circumscriptionis omnium legum-latorum institutis, omissisque omnibus veteribus rebus-publicis, constitutione istius recentis se nova facere omnia: ad quarum rerum explicationem mihi pleraque sæpius exploranda sunt, in rei-publicæ, quam in manibus habeo, institutione, cum amplissimæ illius ecclestis civitatis ratione, ac formula congruant. Quod quàm facilè fieri possit, sine theologorum præfidiis, aut adminiculis, tu optimè omnium nôsti. De quibus cunctis, tibi nihil exigenti rationem reddere volui, pluribus fortasse, quàm oportuerat; ut unâ eademque operâ responsum esset tot meis flagitatoribus. Interim tamen, ne quis fortè suspicetur, me penitus cessare, & in otio languescere, rei magnitudine ac difficultate deterritum, statui ad te mittere illam unius diei disputationem, quæ superioribus annis Tridenti, te quoque præsentem, privatim habita fuit à me, & M. ANTONIO FLAMINIO, de rei-publicæ seu civilis societatis utilitate, & dignitate; quum illo omnem civilem conciliationem impugnante, & quasi accusante, reque in controversiam & contentionem vocatâ, quomine vel sic ad loquendum de rei-publicæ ratione eliceretis, coactus fui eam defendere, ac, quoad ingenium suppetiit, dilaudare. Illius igitur accusationem, meamque defensionem, laudationemque, & totius illius diei disceptationem in utramque partem, quæ omnia, sicuti res acta est, literis diligenter mandavi, accipies, tamquam aliquod huiusmodi rerum à me susceptarum specimen, ex quo de cæteris iudicium facere queas. Hic tamen liber erit seorsum ab aliis, sejunctusque, & omnino extra ordinem eorum, in

quibus agitur, non tam de rei-publicæ & civilis societatis laudibus, quàm de universâ civitatis instituendæ ratione, totaque rei-publicæ materia explicatur: hæcque quasi orationes duas inter se collatis argumentationibus controversas leges, si quod interdum vacuum tempus datur à tuis maximis rebus, & præclarissimis actionibus, quibus rem-publicam tam præclare geris. Utinam verò, sicut religioni in Britannia tuâ operâ atque consilio tam egregiè consultum fuit, ita, te quoque eodem pacificatore, concordîâ inter reges nostros conciliatâ, otium, & quies ubique rebus reddatur. Quod unum adhuc summâ omnium opinione, ac spe de te uno, deque tua singulari virtute expectatur.

COACTO igitur Tridenti multorum antistitum concilio, nondum tamen quidquam cœptum erat agitari in curia publico consilio de iis, quæ pertinent ad rem-publicam, cujus rei gratiâ conveneramus eò accersiti; sed adhuc suspensâ tenebantur omnia, propter illorum cunctationem, qui ex Germanis tam fedè ab ecclesia, vel veriùs à se ipsis desciverant, subterfugientes publicum patrum congressum, neque in certamen & arenam ullo pacto prolici poterant: sicut etiam nunc semper prolatando rem trahunt, morasque omnes tergiversando interponunt; dum tantus conventus, longâ expectatione defatigatus, dilabentibus quotidie iis, & illis, dissolvatur; haud adèò stolidi, ut planè ignorent, longè aliâ ratione sibi agendum fore cum doctis, & cordatis viris, atque cum imperita multitudine, cui facile fuit, quicquid ipsis collibuit, persuadere, indoctorumque, & agrestium animis caliginem, & quasi noctem quandam offundere. Quæ improborum hominum mora nullam potest ha-

bere excufationem; cū eorum incolumitati fatis cautum videri queat, etiam CÆSARIS nutu, atque auctoritate, fide publicā luculentiffimo diplomate interpositā.

In tam diuturna ceflatione, cū omnes planè diffluemus otio, diem ex die ducentes, venerunt ad me ALOISIUS PRIULLUS, & M. ANT. FLAMINIUS, in hortos suburbanos ad crucem auream, ubi, tamquam in gratiffimo diverforio, mihi per æftatem domicilium collocaveram, concessu, ampliffimi inter Cardinales patres viri, CHRISTOPHORI MADRUCHI, epifcopi, & principis Tridentini, longè majoribus imperiis, infufisque digniffimi. Quos ego ubi in topiario opaciffimo antemeridianis horis adhuc deambulans excepiſſem, invicemque amiciffimè nos noſtro more conſalutaviſſemus, erant enim mihi ambo longā conſuetudine conjunctiffimi; Quid vos tandem huc, inquam, hac horā? quid POLUS noſter iis caloribus? nullius equidem diei hoc anno memini majores.

Eandem, inquiunt ambo, incudem tundit in ſtudiis ſuis ſe oblectans. Adjecit inſuper PRIULLUS: Nullā vi cœli, neque æſtivilis menſibus, neque ſummā hieme adduci poteſt, ut illā ſuā inexhauſtā legendi cupiditate, inſatiabilique voluptate quadam cognofcendi, quidquam à ſtatis horis detrahat, aut remittat; cū ſit tamen tenui valetudine, neque admodum firmā naturā: dixit autem hodie expectare, dum ſe remittat calor, quo in hoſce hortos tuos perpaulum relaxandi animi gratiā divertatur. Nos verò uti ancuſſores prævenimus, cū ut totius hujus diei calores tuo ſermone recreati temperemus, tum ut veſtri amborum colloquii auditores ſimus. Nam dixit, ſe habere quæpiam, quæ tecum commentetur de rei-publicæ conſormandæ ratione, quæ aut ipſe, aut tu,

14. M. H. VIDÆ DE DIGNITATE

aut certè utrique (nompe à neutro nostrum liquidò satis perceptum fuit) in manibus habetis, propter eos, qui hac tempestate in eam fraudem rei-publicæ delapsi sunt, ut conentur non modò omnem ecclesiæ splendorem contagione disciplinæ pestilentis obscurare, verum etiam ipsam ecclesiam funditus convelere, atque in sempiternum delere; sublata penitus, quantum in ipsis fuit, religione, everfisq; moribus; sine quibus duabus rebus nulla existere potest res publica.

Gratias equidem, inquam, habeo iis hortulis, quorum beneficio mihi datur interdum tam divini, singularisque viri frui suavitate; cujus contubernio, perpetuoque convictu ambos vos esse fortunatos semper existimavi: simulque familiaribus imperavi, in porticu sellas, & pulvinos pararent, in tanti viri expectatione.

Ad illos verò interim, Quid musæ vestræ, inquam? PRIULLUS, Mæx, inquit, frigent: nescio quid tuæ, FLAMINI. Immo, inquit ille, silent mæx. Permirum, inquam, utrumque, ac planè incredibile, tuas nunc, PRIULLE, algere, cum Tridenti non caleant modò, sed ignescant omnia; tuas verò, FLAMINI, conticescere, cum cicadæ ipsæ numquam audiantur, nisi maximis caloribus, quo uno anni tempore etiam de multa nocte canunt. Risum est hîc suavissimè inter nos aliquantum.

Tum ecce REGINALDUM POLUM video, positis relictisque ante fores fascibus, quasi è domesticis unum familiarissimè ingredientem; cui illico assurgentes, quasque venerabundi occurrimus. Visus sum equidem repentè quasi quoddam rarum sanctitatis exemplum, priscæque religionis imaginem, intueri: eum autem sub porticum deduximus. Verum vix assederamus, cum nuntiatur à familiaribus, adesse quoque

amplissimos viros JO. MARIUM MONTIUM, & MARCELLUM CERVINUM, ambos POLI ipsius collegas, qui, auctoritate Pontificis maximi, ex amplissimo Cardinalium patrum collegio legati fuerant, ut conjunctâ potestate, judices, ac disceptatores præessent communi Christianorum concilio. Fortuitum, an consulto, compositum, re cum POLO ante communicatâ, concinnataque, nondum planè exploratum habeo.

Cùm tres illi igitur summates nostri confedissent, suo quisque loco, certoque ordine; ego quoque verecundè secundùm illos: coegerunt etiam PRIULLUM, & FLAMINIUM, juxtâ assidere humanissimi, summisque honoribus semper modestissimè utentes; cæteris exclusis eorum sectatoribus, stipatoribusque, & per hortos interim deambulantibus.

Tum subridens hilarem in modum MONTIUS, qui ejus legationis principem locum obtinebat, nullo verborum, aut sermonis apparatu, ingenuè quidem, & liberaliter, ut est natura apertissima, neque ex illorum numero, qui dignitatem in superbiam vertunt, Nequaquam, inquit, sic vobis abierit, qui, nobis non vocaris, planeque præteritis, clam inter vos rerum illustrium instituitis disputationes: & nos quoque, si fortè vos præterit, habemus nostros codicillos domi, quibus legendis aliquando operam dedimus, nonnihilque olei insumpsimus. Pergite dum: non erimus regno indecores; neque auditores tales habebitis, quorum vos aliquando suppœniteat.

Sub ea addidit CERVINUS, qui novit interdum suæ gravitati comitatem, facilitatemque inspergere, & se amicis jucundissimum præstare: Vereor, inquit, ne vobis molesti intervenerimus. Sed quæso vos, ordine, quo occeperatis, rem prosequimini interruptam nostro interventu, sermonemque redintegrate. Ne-

16 M.H. VIDÆ DE DIGNITATE

que enim disputationem istam, jam à vobis ut arbitror inchoatam, interverti volumus. Ipsi verò non excipite, perinde ac solet sodalium discumbentium coetus, si quis fortè serus, nec satis tempore, coepta jam coenâ, accesserit. Etenim cum illico accumbere cogunt, nullo alio epularum apparatu, atque ipsi coenabant, adhibito, præter unam sellam, quâ illum medium accipiunt; neque denuo ipsi ab ovo coenatu repetunt, sed in eodem, quo erant, epularum statu, prosequuntur. Neque vos oppidò de epulis oportet esse sollicitos: habebitis hospites fortasse integrâ fame edaces, non tamen admodum delicatos, fastidientese; sed, sicut philosophos decet, minimè graves, faciles potius, tenui disculo, mensaque parabili contentos; quamvis non ignorem, POLUM nostrum, numquam imparatum, semper solitum apparatus, & nitidè ad se divertentes tractare, neminemque pati à se dimittere non benè, lauteque acceptum.

Egone, comiter, ut solet, inquit POLUS, qui huc precariò coenaturus accessi? Si vos tam re, quam verbo, philosophi haberi vultis, qui ex natura vivere possunt; nos cunctos magnificentissimè accepturus est VIDA, qui, ut desint cætera, posset multos dies suorum hortorum olusculis pascere Epicureorum greges.

Statim ego subridens, Si, inquam, non invitati mecum coenaturi acceditis, vereor ne culpæ vestrae sit subitò comes futura poenitentia: ad hospitem certè rerum omnium imparatissimum venistis, qui hodie nihil imperavi domi, quòd foras ad amicum promississem. Sed quid ego imperarem, ut vos primates viros, tantosque heroas, convivas exciperem, cui tota domus, quantulacunque, ut ille inquit, est inaniis refertissima? Si me audietis, atque si ex dignitate vo-

stra vultis cœnare, nobis omnibus hinc remigrandum erit, & ad cujuslibet vestrũ trium triclinia, delicatè magnificeque strata, commeandum; ubi lautissimis lancibus, confertissimisque canistris, res geri solet. Hæc verò mea oluscula relinquemus Epicureis, quorum consuetudinem, ut morbum, & pestem, semper fugi. Aut certè, si fortè in hisce omnino hortulis cœnare statuitis, non multum adèò ab ædibus vestris disjungimur: poterit huc percommodè transferri vestri cujusquam bona, & magna cœna. Non soleo ego vos principes viros faciliè ad me invitare omnium rerum inopiã locupletissimus. In æquales tamen meos, qui, inquam, sunt inferioris ordinis, meique subsellii, non sum planè illiberalis, aut præter modum rei meæ tenax.

Tum MONTIUS, Remotis, inquit, istis sermonum integumentis, atque involucris, venimus huc ego, & hic meus collega, ut audiremus te cum POLO colloquentem reconditiora, ac selectiora quædam de re-publica; de qua, te modò inchoasse sermonem cum his, FLAMINIO, & PRIULLO, perlatum fuit. Quod libenter, percupideque fecimus, cùm nulla alia magis possit hujus temporis esse commentatio, quo à nobis quærenda sunt remedia, quæ tot morbis, languentis, & affectæ rei-publicæ, adhibeantur.

His dictis, cùm ipse, cæterique omnes, qui aderant, in me unum oculos conjecti intendissent, tum demum sensi, mihi collocatas fuisse insidias, in quas imprudens me indueram.

Rem, inquam, magnam, gravem, plurimique otii, & commentationis, à me haud sanè pererudito homine poscitis, lautum Hercules negotium, neque mediocris ingenii, neque artis non exquisitæ; quod nisi præparato otio institui possit, neque exiguo tempore

absolvi; magis philosophorum ambulacris, hoc est docto viro, & parato, conveniens, non in curatione rerum divinarum occupato homini: majoris ingenii indiget, hominemque deposcit omnium doctrinarum studiosum. Quidquid verò id sit, & quantumcunque optimè omnium POLUS nobis exactum dabit. Hic enim omne studium suum, in doctrina, & sapientia collocavit; jam diuque securus animi in portu philosophiæ conquiescit. Et id quidem opportunè accidit: nam ipse per hos, PRIULLUM, & FLAMINIUM modò mihi denuntiavit, se habere quæpiam, quæ tecum de re-publicâ conferat. Id ego sum interpretatus, dictum fuisse de ejus studiis, & lucubrationibus, in quas die, noctuque incumbit, sæculum nostrum literarum monumentis illustraturus.

Mene, inquit POLUS, habere quædam, quæ tecum colloquar de re-publicâ? Si rectè hi percepere, qui tibi nuntiârunt, dixi esse nonnulla, quæ de te audire vellem de re-publicâ: etenim est fama constans, & percelebris, te magna quædam moliri, de rei-publicæ omnis generis administrandæ ratione, ad hæc tempora valde accommodata: quæ res usque ad hanc ætatem lumine literarum Latinarum semper caruisset post vastatam à Barbaris Italiam; qui non minùs optimis libris, & ingenii monumentis bellum intuleret, quàm fortunis Italorum; non contenti hanc splendidam orbis partem cunctis opibus evertissent, nisi etiam optimas artes, & disciplinas, inde sustulissent, delevissetque, quoad in ipsis fuit, in sempiternum. Tu unus ea commodè exequi potes: nemp cum sis de iis scripturus, credo equidem te jam habere percursum animo, quidquid in hac materia tibi erit pluribus, & illustribus rebus explicandum. Siquidem rerum eximiarum disputationes oportet

longè ante, quàm scribantur, paratas esse: neque id
 planè fieri posse reor sine multa rerum omnium pub-
 licarum pertractatione; tantamque rem judico dici
 oportere scienter, peritè, atque ornatè. Sed de te
 hæc, & similia, non dicam majora, expectare debe-
 mus; neque enim video quem alium isto majorem in
 philosophia locum, amplioremve, dicere possim. Nam
 præterquam, quòd non imparatum offendimus, ita
 in omni dictione exercitatus, ut tibi deesse non
 possit oratio; præsertim cùm de philosophiæ parte
 nobili differendum sit; in cujus sinu à teneris edu-
 catus fuisti; omissisque studiis earum rerum, quæ res
 vulgo in summis habentur, esse apud te multos
 annos pergis; præcipuè cum sis inter hos verba fac-
 turus, qui cuncti inter bonas artes adoleverunt, nõ-
 untque, quantis difficultatibus ea res obstructa sit,
 & involuta, suæque ideo quisque facultatis memores,
 in aliena industria judicanda æquiores se æstimatores
 præstabunt.

Nescio, inquam, unde istæc fama ortum habuerit.
 Tantùm memini inter loquendum cum amico & se-
 riore, & gravi, ac, si quid ad rem spectat, Romano
 homine, mihi nescio quomodo excidisse, cupere me
 videre literis Latinis totam philosophiam, quæ ad
 mores attinet, explicatam: cui rei tantùm deest ea
 pars, quæ est de civitatum, & rerum-publicarum
 institutione, ac temperatione; deperditis sex aureis illis
 libris, quos M. TULLIUS CICERO, omnis eloquentiæ
 parens, se scripsisse testatur in aliis libris: dixique, si
 inquam ab hac celebritate, iisque subselliis abductus,
 in otium, & solitudinem me restituerem, fortasse
 periclitaturum, quousque in hoc tam splendido nego-
 cio progredi possem. Etenim rem tantam sciebam
 non suscipi posse occupatâ operâ, animoque impe-

dito: sed expectabam, si umquam, hoc peracto con-
 ventu, in Sambaſſianum meum ab arbitris remotum
 me recepiffem, ad amœniſſimas Serii ſaluberrimi am-
 nis ripas, avita prædiola præterfluentis; quibus ni-
 æſtivis menſibus opacius, nihil alſius inveniri poteſt.
 Putabam equidem, id homini fido & frugi à me tu-
 tō creditum: ſed plenus rimarum paſſus eſt à ſe tan-
 citō effluere; ſtatimque, quod multâ religione celatū
 debuerat, palam fecit, & ubique deprædicavit.

Quin age, inquit CERVINUS, tantis viris, tanto tibi
 amore, VIDA, conjunctis, te dede; & tandem deſiſſe
 delicias facere, ita te invitè nobis obſequi oſtendiſ-
 agis proſectō nobiſcum verecundiùs, quàm te deſectō
 nobis negas, quod cuique, vel ignoto homini, non
 rogatus fortasſe concederes: jam eliciuiſſemus lapſi-
 dem ad loquendum. Ordire tandem, jam inclinante
 in poſtmeridianum tempus die.

Subjiciens quoque MONTIUS, Per nobis per, inquam
 gratum feceris, ſi, omiſſis tot tergiverſationibus
 exorſus fueris explicare, quid de re-publicâ ſentias.
 Noli theſauris, qui ſunt penes te, tibi uni incubare
 verùm cum amicis partem aliquam communica. Me-
 mineris, in oraculis veræ ſapientiæ, accuſari eos inerti-
 tiæ atque ignaviæ, qui talenta, nescio quæ, in terra
 defodiunt; quæ obruta, neque ipſis, neque aliis, uſui
 umquam ſint futura.

Hic denique conſpicatus, mihi omnem incidi de-
 liberationem, abſciſſâ penitus fugæ ſpe, nolui ulte-
 riùs videri moroſus: & ad eos converſus, Vincam,
 inquam, animum meum, optimi viri: hanc fabulam
 tranſigam, quando tantopere iſtatis, omnibus adhi-
 bitis machinis. VARRONIS theſauros, quos fortasſe
 MONTI, putas apud me occultari, affluenter profun-
 dam. Quod hætenus negârim, voluiſſem, vos in

am partem, in quam æquum erat accipere, mihi magis rem deesse, quàm voluntatem; præsertim cùm præsentia vestra ac dignitatis lux, & splendor mihi oculos perfringeret, ne vobis tacentibus ego, neque doctus, neque aptus ad dicendum, sed vix literis communibus tinctus, de amplissimis rebus auderem loqui. Id fuit causæ, cur hætenus vobiscum repugnantèr admodum egerim: dicam tandem magis coactus, quàm paratus; hac tamen conditione, ut, si oneri succumbere videbor, unus vestrùm, qui sibi paratior videbitur, mihi opitulaturus succedat. Instat enim mihi iter subitum, & oppidò longum. Universam verò ipse rem duntaxat aperiam summatim, & per capita, ut vos eliciam singulos ad dicendum de singulis partibus distributè, & articulatim; extundamque ea, atque dolabo, quæ vos deinde perpoliatis, atque inchoata perficiatis, & quæ ego prætervolavero, vos instantes dilatetis.

CHRYSIPPUS, Stoicæ familiæ princeps, dicebat, cætera animantia propter homines esse nata; homines verò ad congregationem, & ad societatem humani generis, suæque ipsorum conjunctionis causâ procreatos, affirmabat. Talem profectò societatem non possumus non suspicari aliquid permagnum & præclarum existere, si ejus causâ nati, & in lucem editi fuimus, ab eaque vitam omnem humanam, & naturam contineri est necesse. Multas autem communitates, & consociationes esse constat, quarum diversi sunt fines: inter eas tamen omnes, tam naturales, quàm illas, quæ sunt artis, summam, & perfectissimam existere civitatis communionem, perspicuum omnibus esse reor; adinventam, seu potius cum hominibus natam, non tantùm propter commoditates vitæ, sed maximè, & apprimè propter vitam ipsam,

quæ sine societate, & conjunctione esse non possit.

Ad hanc unam necesse est referri omnes alias communitates, tamquam ad principem, & ad illam, quæ ad ultimum & perfectissimum bonum in rebus humanis intendit. Cæteræ diriguntur quæque, ad bonum quidem, non extremum tamen, neque perfectum, aut summum. Quidquid enim agunt homines, ad id agendum boni alicujus, sive veri, sive probabilis, causâ moventur. Earum vero rerum bonorum varia quidem existunt, pro cujusque sensu, atque libidine. Sed civilis societas, sicut est suprema, & omnes alias communionem completitur, ita supremum, & ultimum bonum, tamquam finem propositum habet, quod petat: atque illud omnes philosophi communi verbo felicitatem vocant; eamque concludunt esse finem omnium finem, quod cuncta referuntur, & cujus causâ facienda sunt omnia. Id est enim scilicet illud excellens, optimum, ultimum, & summum bonum, quod omnes homines summè appetunt.

Propterea arbitrator, ARISTOTELEM, in eo libro, quem *Ethica* inscribit, in hunc sensum dixisse ad politiam perfici omnem philosophiam, quæ præsertim versatur circa res humanas. Politiam autem esse conciliationem naturalem, ratione adducor ut credam: quoniam partes, ex quibus constituitur, naturales esse liquet. Etenim civitatem nemo non novit nihil aliud esse, quàm hominum congregationem: quibus hominibus naturâ insitum est, cùm, quemadmodum diximus, ad id procreati sint, ut in juris communiōne vivere expetant; quos ideo civiles animantes non absurdè quis appellârit.

Ob id, ex sapientioribus aliqui scriptum reliquerunt.

civitatem prius extitisse, quàm essent cives, ut rei-publicæ ortum ab ipsa natura repeterent. Neque minus res ordine naturæ perfectio se habere queat: quoniam, quod totum est, id prius, quàm singulas partes, extare necesse sit. Porro civitatem, & civilem communitatem, ad quam naturali quodam desiderio feruntur homines, prius genus humanum, hoc est, singulos homines expetisse intelligimus; deinde humanâ industriâ conditas urbes, & institutas esse civitates. Quod etiam in moribus fieri contingit; siquidem prius virtutes quodam animi motu appetimus, quas deinde labore nostro, studio, atque exercitatione, adipiscimur.

Neque tamen hujusce convictus appetitio est in hominibus tantum, verum etiam eam in plerisque aliis animantibus inesse animadvertimus: quandoquidem nonnulla sunt, quæ non modò societate gaudent, verum etiam omnino defugiunt, oderuntque solitudinem. Quod apprimè in apibus, & formicis, minutulis animalibus, intuemur; quæ utræque civitatis cæterum quodammodo imitantur, & utræque pariter rei-publicæ instar habent.

Id tamen longiùs præstare convenit, atque emineret, in eo animali, quod providum, sagax, acutum, memor, plenumque rationis, & consilii vocamus hominem. Longè enim plura homines inter se communicare possunt, pluribusque modis sese mutuo servare, quàm quodque aliud animal, cum ob rationis proprium usum, quæ etiam cœlestibus humana ingenia conjungit, pariaque propemodum facit, tum propter sermonem, humani animi interpretem. Propterea dicere solitum SOCRATEM accepimus, homines quidem à cæteris animantibus viribus vinci: nos autem ea vincere ratione, & sermone.

Proinde, ut rationem omittam, adeò præstantem singularem, atque incredibilem ingenii motum, quo uno divino munere non solum belluis præstantur sed etiam nobis cum Deo ipso nonnulla est similitudo, atque cognatio; nam, secundum eam, natura nihil homini sermone præstabilius est elargita. Cæteris quidem animantibus vocem dedit, qua dumtaxat significare possunt, si quid jucundi, molestive sentiunt: homini verò, præter vocem, & sonum, nam meri, & concentus, ac modus dantur; vocemque ipsam variis articulis, atque intervallis, miraque varietate distinguere potest: unde sermo, & oratio constituitur simulacrum mentis, atque animi; quod nulli viventium attribuitur, præterquam illi; quod humana societatis per se vinculum satis validum esse potest.

Hoc uno munere homines inter se loquentes, non modò illa, quæ sibi jucunda, aut molesta sunt, mutuo communicare possunt; verum etiam omnia animi cogitata significantius, explicatiusque, colloquendo aperire, & abdita sensa animi penitus, tum alter alteri invicem, tum in circulis, & in frequenti coronationibus, disputationibus, congressibus, atque in concionibus audientium, ut velint, animos tractare, & permovere interdumque quibusdam quasi facibus ita inflammare, ut quocunque collibuit impellant. Sic semper, qui sunt prudentiores in medium consulunt, ea quæ sunt utilia, aut inutilia, justa, vel injusta, sequenda, vel fugienda, indicant; suadentque, aut dissuadent, quæ volunt, seu verius imperant, ac veritant, certi juris, quod omnibus sit æquum, omnibusquetribuendum, rectâ constitutione; sine qua nulla esse, aut diu consistere queat civilis conjunctio ex qua constat omnis, de qua quærimus, res-publica

cujus nominis vim universam qui explicare velit, cunctum fundamentum in juris ipsius æquabilitate jaciatur est necesse, siue res ab uno gubernatore, siue à paucis, siue ab universo populo administratur.

Primum quidem, ut ne cui noceatur, deinde, ut communi utilitati seruiatur, cum omnis hujusmodi societas constituatur ad bene, beateque vitam degendam; idque nullo modo fieri possit, nisi justitiæ, ex qua jus oritur, præsidii: quo bono nullum neque præstabilius, neque optabilius datum est, neque dabitur umquam hominum generi, Dei optimi munere, atque concessu; si modò tempus ullum fuit umquam, quo hominum societas, existentibus hominibus, non fuisse intelligi possit: quam ideo nonnulli putant coortam esse cum hominum genere, ejusque animam esse dixit vir sapientissimus PLATO; cujus quoque ortum à natura repetunt, sine qua etiam ipsa natura existere nequeat. Quod tantum bonum si alicujus mortalis prudentiâ in genus humanum introductum fuisset; nonne ille divinus, Laconum more, habendus foret, qui, inquam, civitatem prior excogitasset, dissipatosque homines in societatem vitæ, & juris communionem convocasset? Ille profectò, urbibus constitutis, & fidem colere, & justitiam retinere docuit; persuasitque, ut homines consuecissent suâ voluntate aliis parere, vellentque, communis commodi causâ, non modò labores excipere, sed etiam, si opus sit, vitam amittendam existimarent, & rem-publicam omnibus necessitudinibus ante haberent: quam SOCRATES, apud eundem PLATONEM, patriæ nomine appellans, deam facit supra mortales omnes colendam. Hac enim magistrâ, ex agresti, immanique vita, homines ad humanitatem exculti fuerunt, & mitigati,

26 M. H. VIDÆ DE DIGNITATE

primùm domiciliis, deinde literarum, & linguæ, jurisque communione juncti.

Ille ille profectò inventor legum, magister morum, officii, & bene vivendi disciplinæ indagator fuit; omnium sanè bonorum, quibus vita humana fruitur, repletor, ipsiusque vitæ planè dator: cui nescio an genus humanum minùs, atque naturæ ipsi, debere fatendum sit; si modò quisquam talis inter mortales fuisse umquam arbitrandus est, nec potius acceptum Deo præpotenti, aut saltem ipsi naturæ, tantum boni sit referendum. Deus certè, deus ille fuit, amplissimè viri, qui hominum genus à se conditum, tot simul bonis, ostensâ civili communitate & consociatione, cumulatè collocupletavit, auxit, & quasi recreavit; neque omnino humani ingenii, neque consilii inventum esse, nobis planè est confitendum. Hæc si vobis probantur, quæ sunt quasi stirps, & fundamentum nostræ quæstionis, & quæ aliquando dilatabuntur à nobis, si usus fuerit; progrediar ad ea, quæ restant, sunt enim non parum multa.

Tum MONTIUS, Quia video, inquit, hîc cunctos tacere, & quodam modo assentiri iis, quæ à te dictæ sunt, par erat, me quoque acquiescere, & perpetuum cursum orationis tuæ, tam longè repetitæ, non interrumpere. Dicam tamen, quid me moveat, nec omnino filere queo. Ut cætera tibi, VIDÆ, assentiar, nescio an probare possim ordinem differendi, quem modò exorsus fuisti. Nam antequam nos docueris, quid sit id, de quo quærimus, in ejus laudes præcepti repentè prorupisti. Explicanda priùs tibi erat fortasse universa vis rei-publicæ, civilisque conjunctionis natura, quam adeò cumulatè, fatis tamen interpestivè meo judicio, dilaudâsti. Atque admodum vereor, ut hic FLAMINIUS tibi concedere possit, hanc

civilem hominum confociationem, ex qua oritur res-
publica, tot, atque adeò omnium bonorum causam
extitisse: cùm sæpe legerit apud spectatissimos poetas,
quorum lectione, quàm quisquam nostrum, ut ego
arbitror, est recentior, in illa prisca fortunata anti-
quitate, & quasi in primo animantium ortu, quanta
huerit vitæ illius simplicis jucunditas, atque felicitas,
cùm nondum institutæ civitates, nondum ullæ positæ
essent urbes; sed homines solivagi, nullius societatis
vinculis conjuncti, sed planè liberi, in agris vitam
agerent, procul à legum & poenarum metu; cùm,
inquam, ut ait nobilis poeta, tellus ipsa per se

Omnia liberiùs nullo poscente ferebat,

Et dura quercus sudabant roscida mella.

Cùm hæc ille dixisset, omnes, FLAMINIUM intuentes,
expectabant summis studiis, quid ille adversus to-
tam rei-publicæ rationem, contraque ipsam civilem
confociationem, si non veris, saltem probabilibus, ra-
tionibus moliretur.

Nollem, inquit FLAMINIUS, mihi imponi perso-
nam, à qua mihi planè animus abhorret. Memini,
Romæ cùm essem, à summis viris vehementer lau-
dari adolescentem quendam, in quo forma erat, &
species perquam liberalis, quòd nullis neque amico-
rum precibus, neque potentiorum virorum horta-
tionibus, aut pollicitationibus, induci poterat, ut in
scena scortum, illiberalemve personam agere vellet.
Porro, quæ hæctenus VIDA prosecutus fuit, tametsi
vix tantam rerum silvam ingressus videri possit, me
magno quidem opere delectant; eumque omnibus
studiis, incredibili cum animi voluptate, audiebam.
Nollem equidem, eum ab illo cursu revocari, quem
secundissimo vento in altum properans tenebat. Mihi
profectò sum visus audire ea, quæ à quoquam alio hunc

in modum tractari numquam vidi, & eum potius audiendum censeo.

Quæ cum dixisset, & illum nihilominus urgerent omnes: Morem equidem, inquit, geram, quando alieno potius me stomacho, atque iudicio, loqui vultis, quam meo; & quod me angit magis, nullo dato ad commentandum spatio. Sed amabo, mi VIDÆ, haud æquum est, te molestè ferre, si, dum scenæ inservio, tibi incommodem; atque ita tecum agam, ut videar animo præsentē, meoque ingenio, ac sensu loqui. Memineris verò moris, & consuetudinis veteris Academiæ, in qua erat summa licentia, atque libertas. Sic enim in omni quæstione, sententiarum inter se contrariarum concursu, rationumque contentione, veritas excuditur.

Per me, inquam, in quolibet formas te vertas licet. Sume quoscunque velis vultus. Nequaquam verendum est, tibi ne maledicam, si mihi contraxeris; neve te asperius appellem, à te etiam inclementer laceffit. Age verò dum: vel in aquam dilabaris novus Proteus: conabor te equidem tenere pro viribus, quocunque eluctatus evaseris. Præfari tamen libet, nihil esse adeò incredibile, quod non oratione probabile fiat, ARCESILÆ, aut CARNEADIS more; præsertim, cum mihi futura sit res cum tali artifice, qui non tantum in rhetorum scholis diu versatus, sed etiam poetarum, qui nōrunt omnia confingere, consuetudine, usque ad id ætatis delectatus sit, poeta ipse quoque neque malus, neque de populo. Quomodounque te gesseris, sive egeris ex animo, sive simulate, feram omnino moderatè, atque æquissimo animo. Volo equidem te liberatum hac curâ. Atqui vides quomodo postea te ex hac explices turba.

Novi optimi viri hujus consuetudinem, & sen-

sum teneo (MONTIUM simul intuebar) qui suoapte ingenio, incredibili cum animi voluptate, disceptationes, & pugnas doctorum virorum spectare solet. Atque eum magnopere delectat philosophos inter se digladiantes audire; & si quando controversiarum materia per se satis ampla minùs suppetitat, quiescens ipse, seque oblectans in otio, & animo obsequens suo, suberrimè sufficit; quæstionesque difficillimas persæpe in medium proponit, quasi quædam belli semina jaciens: atque etiam, ut alios ad dimicandum proliciat, primus ipse in campum interdum descendit, tantisperque in acie, & ferro versatur, dum conspiciatus fuerit, hinc, & inde omnibus commotis cornibus, calefactisque utrinque animis, commissum, acensumque in medio campi certamen; tum subitò eum cernas, se sensim, & cautè prælio subducere, proculque à periculo sedere spectatorem, quasque totius contentionis disceptatorem, & arbitrum honorarium; more providi ducis, qui, ubi alios instruxit, ipse sibi cavet loco. Quod tibi prædictum volo, ne fortè, cum, vi & impressione turbatis ordinibus, loco dejiceris, expectes, tibiut succenturiatus fiet. Frustra porrò expectabis ab eo suppetias, copiasque auxiliares: tota belli moles tibi uni, FLAMINI, erit sustinenda. Si tibi videris per te tanto oneri sufficere posse, date in certamen, & manum consere.

His à me dictis, omnibus in FLAMINIUM intentis, sic exorsus est ille. Quoniam res, quæ nunc in quæstionem venit, videtur iis, qui sunt doctissimi, non perdifficilis, neque multæ commentationis, sed quasi in vulgari prudentiâ posita, ideo eos mihi partes tibi contradicendi, VIDA, facilè detulisse intelligo, reservantes se ad majora. Neque hercle possum credere, te esse planè in ea sententia, atque omnino esse tui ju-

30 M. H. VIDÆ DE DIGNITATE

dicii ea, quæ protulisti : sed à te perinde dicta arbitror, ut aliorum sententiam pertentares, atque eliceres.

Quis enim tam cœcus, & tam sensûs communis expers, non videat innumera, ac pæne infinita mala cum nascentibus civitatibus in genus humanum iruisse; cumque ista tua, quam usquaque in cœlum effers, communitate, hominumque conciliatione, ingentem rerum perturbationem fuisse secutam; & illud, qui primus in silvis, & montibus dispersos homines in cœtus congregavit, multorum, & magnorum malorum causam extitisse? Mihi certè nunquam ex animo exuri poterit, cum plus mali, quàm commodi, humano generi attulisse, quicumque ille fuerit, sive SATURNUS, sive MERCURIUS, sive ORPHEUS, AMPHIONVE, aut quivis alius eorum, quos ipsi fingitis. Medius fidius multa perniciosâ, multa pestifera, in mundum invexit, omniaque utilitatis specie conturbavit; quæ profectò perspicua sunt, sensuque percipiuntur, & quodam modo tangi possunt. Ea qui non videt, nihil videt.

Viderunt hercle Athenienses, homines peracuti, simul atque ea civitas initio constituta fuit; in ipsique urbis nascentis incunabulis, frustra eos pigitum est erroris. Quod vel unum argumentum te, VIDÆ, movere debuerat, & ab ista tam inutili rerum-publicarum tractatione devocare; cùm omnis antiquitatis haudquaque ignarus habearis, tantâ evolutione librorum, tantâ scriptorum lectione. Olim enim Atticæ regionis incolæ vicatim dejecti, dissipatique habitabant, nullis septi mœnibus, civilisque convictus penitus expertes. THESEUS, ÆGEI filius, vir fortissimus, urbe ædificatâ, eos omnes in unum conventum coegit; atque ex agresti, & pastorali, ad ci-

vilem vitam formavit: ut non multò pòst in amplif-
simæ civitatis formam, & speciem evaderet. Nec
solum eam munitionibus firmavit, validamque fecit,
verùm etiam, ut sibi videbatur, multis exornavit &
legibus, & institutis; ut in ipso ortu cuilibet amplif-
simæ Græcarum urbium comparari posset; fuitque
fere vir ille Athenis, quod principi orbis terrarum
urbi ROMULUS. Eo autem adhuc vivo, populus A-
theniensis animadvertit, perspexitque melior pars, in
quod se coniecissent malum, à quanta vitæ tran-
quillitate, atque securitate, in quantam perturbatio-
nem, ac confusionem, præcipitari essent; statimque
civitatis obsaturati, quam ille eis obtruserat, ipsum
ejus auctorem, tot malorum conciliatorem, in exilium
perpetuum ejecerunt.

Et id quidem hoc quoque argumento confirmari
potest, quòd, in paulò magis frequentibus civitatibus,
piura, & longè majora scelera, etiam pro rata inco-
larum portione, & ad frequentiæ rationem, commit-
tuntur, quàm in pagis, & vicis, aut infrequentioribus
oppidulis, rurive, ubi est nulla, aut certè longè mi-
nor celebritas. Nemo non fatebitur, minùs callidos,
& malitiosos homines vivere, quàm in urbibus: qui,
si eis necessitatem victûs, atque egestatem adimas,
æquitatem sanè colant, justitiæque omnes prorsus nu-
meros sinceritate vitæ impleant, nullo artificio simu-
lationis instructi, simplices, innocentes, fideles, aperti,
veri, atque, ut uno verbo complectar omnia, anti-
qui. Id unde quæso te? nisi quòd quò major ex-
sit hominum concursus, atque conventus, eò ibi
plus loci sit corruptelæ, & contagioni? quod vulgus
quoque videtur non ignorare ex jam contrito pro-
verbio, quod dicitur de omni hominum cœtu, *Ubi
paucitas, ibi beatitas.* Quod non inconcinne sonat

in sermone, cujus est nunc in Italia usus vulgaris. Sed vulgus omittamus, in quo objicere potes, non existere consilium, non rationem, neque discrimen. Vetus est sapientium sententia, philosophiam, quam vos dicitis omnium bonarum artium reginam, paucis contentam iudicibus, multitudinem consulto fugere.

Verum, quid longius aucupor argumenta? Id tibi sanè expressius, illustriusque probari potest. Nempe, cum aliquempiam pleniore ore laudare volumus, dicere solemus, eo nihil non modò sanctius, sed neque etiam antiquius; & antiquâ hominem virtute, ac fide. Antiquitus autem civitates, aut istiusmodi conventicula non fuisse ulla, tutemet ipse fateris. Idcirco, nequeo equidem æquo animo ferre abs te, ab aliisque compluribus contendì, inventam fuisse istiusmodi hominum consociationem, ad vitam non modò bene, sed etiam beatè degendam: quam videmus potius fuisse corruptelarum omnis generis disciplinam, ad exaturandas hominum cupiditates, vitiaque introducenda excogitatam; si quis rectè perpendere velit præsentem humani generis statum, atque conferre hujus temporis vivendi morem, in quo tot, & tanta scelera in Deum, hominesque, committuntur, cum priscorum hominum vita, qui à primo totius animalis generis ortu, Arcadum, & Cycloperum ritu, liberi, ac soluti, vitam degebant in montibus, & silvis, in sua quisque familia, & domo, nulli communitati obnoxii; cum jus, & bonum, non legibus, sed naturâ, colerent sancti, atque innocentes; cum, inquam, secundum naturam viventes, nullis indigerent, neque LYCURGI, neque SOLONIS legibus, neque Romanorum XII tabulis, aut ullius populi institutis, plebiscitisve.

Non enim patiar, si quis me ad fabulas revocet, fuisse, inquiens, tempus aliquando, cum homines, se-

arum more, humanis carnibus mutud vescerentur; cum neque jus, neque pietatem noscerent. Sunt ista sanè commentitia, digna anicularum lucubratione, ab antiquissimis Græcorum siquidem conficta, ut philosophiam in cœlum aliquopere extollerent; cuius beneficio humanum genus mitigatum fuisse, & excultum ad humanitatem cogere volunt.

Ejusdem generis illud quoque existit, quod poetæ fingunt. Fuisse olim, cum aliis imperarent non sapientiores, neque ditiores, sed illi, qui tum viribus, tum, ut apud Æthiopes, corporis proceritate, & pulchritudine cæteris præstarent; &, ut quidam eorum ait,

Facies multum valuit, viresque vigeant:

antè, quàm aurum inventum esset:

Quod facile & validis, & pulchris dempsit honorem:

Droitioris enim sectam plerumque sequuntur

Quamlibet & fortes, & pulchro corpore creti.

Sunt istæ profectò non tam vera, quàm dictu speciosa, atque propter poetæ illius elegantiam, & festivitatem, lectu jucunda.

Ne mihi, quæso, quisquam, neque in illa rudī antiquitate, hominum genus ita immansuetum, ita agreste, & ferum, adeoque horridis, atque immanibus sensibus describat, ut nihil planè distet à feris: ne homines, tamquam pecora ventri tantum obedientia, constituat, sine legibus, sine moribus, omnis prorsus disciplinæ expertes. Proinde neque eos audio, qui tempus quoddam fuisse existimant, cum homines, bestiarum more, in agris vagarentur, sibi victu ferino vitam propagantes; cum neque ignis usum haberent, neque quidquam providerent animi motu, sed omnia corporis viribus administrarent: nullas tunc extitisse nuptias, certosve liberos; nullam religionis divinæ, nullam humani officii rationem ha-

beri coeptam; nullum jus, nullam æquitatem valuisse; nullam homines fidem coluisse, nullam tenuisse justitiam; sed omnia ab omnibus tunc fieri solita, prout libido, vis, & impetus quemque rapiebat:

Is planè error ab HOMERO, poetarum parente, initium sumpsit; qui, more suo per fabulas, antiquitatem hominum ad silvestrem vivendi modum reduxit: quem secutus fuit PLATO, tam cordatus philosophus, qui etiam materiam quandam comminiscitur extitisse ferendi humani generis, quod sparsum in terris, satum, atque profeminatum fuisse memorat. Ille idem tamen, secum ipse pugnans, sibi que impacatus, planè ambigit, an semper fuerit hominum genus; & cum de temporum antiquitate loquitur, numquam ait immenso, aut infinito tempore, sed inæstimabili potius semper usurpat: constatque, illa tot annorum millia, quæ ex Ægyptiorum monumentis refert in Critia, esse planè fabulosa. Is profectò, si sacras potius Hebræorum literas, quàm fabulas Ægyptiorum evolvisset, nequaquam ea protulisset, quæ in Protagora de humani generis, aliorumque animantium satum, atque ortu, scripta reliquit; deque PROMETHEO, quem de cœlo furatum fuisse ignem, & sapientiam, commentus fuit: quæ omnia sanè cum sint falsa, & ab hominibus per otium excogitata, necesse est, cætera quoque, quæ idem philosophus prosequitur inde manantia, veritate carere, & planè corrumpere, de feritate, inquam, atque immanitate humani generis.

Tantum autem abest, ut umquam carnibus humanis ingluviem explerint, seseque invicem homines devoraverint, ut ORPHEUS, antiquissimus theologorum (ne iis fabulis divinam Hebræorum historiam immisceam) canat, fuisse illud tempus, cum neque

vilæ, neque ullæ aliæ carnes sacrificarentur, sed tantum liba, & fructus arborum melle respersi: carnibus verò insuper omnis generis animantium homines, Pythagoreorum quasi ritu, omnino abstinerent, sed inanimis planè escis vescerentur: quod etiam PLATO idem refert in eo libro, quem de legibus scribit.

Hinc quoque jacent causæ illæ, quas ariolantur compulisse agrestes illos homines sine legibus, sine imperio, sese oppidis & mœnibus sepsisse, propter, inquam, validiorum injurias avertendas. Quæ enim, ante convictum, & civilem consociationem, injuriæ metui, atque expectari quibant, ab hominibus illis innocentibus; quorum simplicitatem, integritatemque, nulla tunc commercia immutasse poterant, nullusque contagioni, aut corruptelæ locus fuerat? tanta enim est vis naturæ, ut nemo, nisi per varias corruptelas, à se ipso discedat. Omnis namque res diligit mirum in modum se, & statum suum, nec facile à se ipsa discedit; sed summopere retinere tenet, occulto quodam nixu, quidquid habet à natura transitum, illudque tenacissimè conservat, nec ab eo sua sponte deflectere patitur. Itaque, per quas corruptelas, primi illi homines simplices, integri, & innocentes, ab humanitate deflectere poterant; quæ homini usque adeò tenaciter inhæret, ut nullâ vi, nullâ ratione ab eo detrahi queat? nam perinde esset, ac si ipse à se ipso dejungeretur.

Contrà verò, si qui nunc videntur ab humanitate discedere perdit, atque omnibus flagitiis inquinatus; id proculdubio evenit ob malas artes, quibus in commerciis imbuti sunt, dum in ista vestra societate civili, malorum omnium & vitiorum segete, vivitur. Quidquid enim in uno quoque est vitii, ab eo in alios, atque alios, perpetuâ contagione profectum,

propagatumque facillè dimanat, latiusque serpit, atque diffunditur; donec tota civitas contaminata infectur, & omnibus flagitiis contabescat magis, magisque usquequaque decolor, ac deformis: atque ita devotum est paulatim ad id morum, in eam rerum convulsionem, vitæque humanæ deformitatem præcipitati sumus, ut ipsam naturam humani generis suæ poenitere putem. In vita verò illa priscorum mortalium libera, ac solitaria, quis non sentiat, minime locum fuisse ulli contagioni, cum separatim, ac dispersè omnes, alius seorsum ab alio divisi in familiis viverent? Concluditur igitur, vestram istam communis, ac consociationem omnia conturbantem commodorum specie injectâ; eamque inventam fuisse ad explendas cupiditates; ut omnium libidinum, animi, & corporis, illecebris refecirentur urbes, conventicula omnia, hominumque animi, luxuriâ, atque lasciviâ, diffunderent.

Haud potes ire incipias, VIDA, neque tu, neque quidquid est ubique philosophorum, qui istam hominum conciliationem tantopere defenditis, quò magis genus humanum distat ab illa quantumvis rudi simplicitate, cum nondum oppida, aut urbes ædificatae coeptæ essent ullæ, eò deterius, atque deformius semper evasisse; donec in hanc temporum noctem præcipiti casu corruit, in quibus mores sunt in extremum lapsi, & omnia ceciderunt. Justitiæ cæterarumque virtutum solum nomen remansit, de quo philosophi ipsi inter se in angulis garriant.

Cæterum, ut desint cætera, nemo certè umquam refellere possit librum illum de hominum interitum DICÆARCHI, inter antiquos Peripatericos nobilissimum & magnæ auctoritatis philosophi, quem suâ ætate adhuc extantem CICERO legisse videtur. Refert enim

lum philosophum, collectis omnibus undique cau-
 sis, quæ persæpe afferunt gentibus interitum, ut
 inundationis, pestilentia, vastitatis, ruinæ, terræ-motûs;
 et etiam non prætereant quarundam regionum po-
 pulos à belluarum repentina multitudine consumptos
 fuisse; demum concludere, ait, *Plures homines homi-
 num impetu, vi, aut fraude, atque insidiis, deletos
 fuisse, quàm omnibus simul aliis interitûs causis; nul-
 lamque esse tam detestabilem pestem, quæ non homini
 ab homine nascatur.*

Vos tamen usquequaque in cælum tollitis convic-
 tum, & societatem hominum; cœtusque, civitates, &
 res-publicas adinventas fuisse contenditis, ut homines
 bene, & beatè viverent. Quod perinde est, ac si ho-
 minibus persuadere niteremini, vitam beatam, & feli-
 citatem quærendam esse à trucibus, atque immanibus
 bellis feris, quæ infestissimæ existunt hominum generi.
 Libri quidem, & philosophi auctoritatem verbis for-
 tasse elevare poteris, atque refellere: numquam tamen
 eam ipsam, qua nihil verius, nihil evidentius, evitare
 possit; est enim adeò manifesta, ut oculis videri,
 & communibus sensibus percipi queat.

Ante verò conditas urbes, una tantum omnium ci-
 vitas universus hic mundus habebatur; unus cuncto-
 rum rector, & gubernator; qui etiam extiterat eorun-
 dem conditor, molitor, & effector Deus. Ejus no-
 men, suadente ipsâ naturâ, tacitaque ratione cole-
 bant, & verebantur; eique suapte sponte subicieban-
 tur: ac quotquot erant domus, aut familiæ, tot erant
 res-publicæ. Senior imperabat junioribus: parebant
 uxores maritis, parentibus liberi, minores majori-
 bus natu; quorum voluntatem pro lege sanctam ha-
 bebant, & domi eis numquam deerat, unde discerent.
 Non erant tot artes, tot vitæ humanæ, ut vos vo-

38 M. H. VIDÆ DE DIGNITATE

catis, commoditates, ad luxuriam excogitatæ; tot gulæ irritamenta, tot munditiæ, & voluptatum illecebræ, quibus animi hominum remollescunt, atque effœmiantur. Non obsonabant, non potabant, non olebant unguenta, & istius-modi delicias. Satis illis erat, ad imbres; ventosque, & ad cæteras cœli injurias vitandas, quovis operimento tegi, seu in scenæ morem frondibus coacervatis, seu cavernis, quæ sibi quisque nullo negotio parabat.

At nunc magnificas villas pavimentis marmoreis, laqueata tecta, auro, argentoque, & ebore fulgentia, tantopere, tantisque sumptibus fabricamur. Tabulas, signa, toreumata, aurum ingens, plenumque artis argentum, opera Corinthia, gemmas diversi generis, vestes egregias coloribus repetitis bis tinctas, torques, equos, mancipia, lectos, mensasque, conquistissimis epulis tantâ molitione extructas, nobis comparamus, mundi, elegantes, nitidi, optimis coquis, & pistoribus utentes, piscatu, aucupio, iisque omnibus exquisitis, ut nec libidini, nec sumptibus modus sit ullus.

Quod quidem magis ferendum esset, si res æquali ratione se haberent, essentque mortales non tam disparis conditionis. Aliis quidem divitiæ, pecuniæque superant, quas profundant, quasque omnibus modis trahant, vexent summâ libidine, nonnumquam in extruendo mari, & montibus æquandis: aliis res familiaris ad necessaria deest. Ii abundant auro, atque argento, quod compressum habent: illi ære alieno pressi laborant, diuturnoque scœnore trucidati cum fame litigant.

Cæterum, quia tunc nulla erant regna, nulla imperia, nulla dominatio, nullus magistratus, nullum publicum consilium, ideo neque esse poterat tanta, tamque profunda imperandi cupiditas, atque libido, qua

neque divini, neque humani quidquam juris servatur. Euripidis inde versus ille toties à multis usurpatus:

Si violandum est jus, regnandi causâ

Violandum est: in ceteris justitiam colas.

Inde maxima fenestra patefacta est ad omnia vitia; inde fere omnes malæ artes in genus humanum invasere. Idcirco populi, regibus, aut gubernatoribus subiecti, in omni rei-publicæ genere, eos sibi plusquam hostes cavent, timentes eorum crudelitatem, avaritiam, libidinem, superbiam, eorum voraginem quantalibet jacturâ suâ, aut patientiâ explere nequeunt: ut verissimè Actius, vetustissimus poeta apud Latinos, dixerit,

Multos iniquos, atque infideles regno, paucos bonos esse.

Apud simplices homines illos, ante istas res-publicas, nulli, fateor, triumphi, nulla trophæa, nullæ laureæ, nulla vehicula triumphalia nota erant, nulla militaris gloria: nulla erat scientia belli, neque terrestris, neque maritimi. Atqui neque seditioes erant ullæ, neque bellorum, vel externorum, vel civilium, calamitates, ac ruinæ sentiebantur ullæ; quorum semen numquam deerit, dum istæ erunt hominum consociationes & civium cœtus: neque item profectò tot militum injuriis, & crudelitatibus, humanum genus erat obnoxium; à quibus etiam focii, & pacati non multò minus, quàm hostilia, sæpius patiuntur. Nulla de causa contra jus gentium rapiunt, diripiunt, spoliant, conviciis onerant, verberant, vulnerant, mactant, consumprant. Aio, nullum genus sceleris, libidinis, avaritiæ, crudelitatis superesse, quo milites hujus temporis fere omnes turpem in modum non sint contaminati, conspurcatique; ipsis ducibus, tribunis, & præfectis, omnium vitiorum exempla præbentibus,

dum militiam sectantur potius ad quæstum, & nundinationem, quàm ad gloriam laudemque adipiscendam, civibus juxta, atque hostibus infesti, paulo minusque ab injuria, & maleficio temperantes, ut parum militia distet à latrocinio: ut hac ætate verius dici possit, homines ferino more carnibus humanis vesci, quàm in illa ultima antiquitate, quam tanta immanitatis infimulatis.

Leges scriptas, aut ære incisas non habebant primi illi homines, neque jura, neque judicia, sicut neque literas, neque disciplinas: sed suapte naturâ justiores erant, fortiores, & modestiores, consuetudinem, & morem domûs quisque suæ sequentes. Atque, ut prius à natura didicerant sensuum ministerio appetere corpori salutaria, contrariaque aspernari: ita à parentibus, rationis, quæ data est omnibus, adminiculo, atque præsidio, assuefacti erant, & Deum rerum omnium auctorem, quasque parentem hujus universitatis vereri; & naturali quadam prudentiâ intelligente se ad justitiam esse natos, cavere, ne alienâ jacturâ coluocupletarentur, neu quid commodi sibi quærerent alterius incommodo. Atque ita fidem colere assuefacti, suâ sponte probi erant, justi, & innocentes, ut ille quidem mortalium status à poetis primum, mox etiam à philosophis, aureus appellatus fuerit; denique promiscuè omnes ætatem illam, auream plane nominarent, nescientes quo alio nomine verius, significantiusve exprimere possent, laudibusque cumulatiùs tempora felicissima exornarent.

Fingunt item poetarum vetustissimi, rem veram more suo integumentis adumbrantes, justitiam ipsam, tamquam deam, & humanâ specie præditam, coelo delatam in terram cum hominibus versatam olim fuisse. Mox positis urbibus, per humana com

mercia vitiis pullulantibus, magisque ac magis indies semper ingruentibus, atque increbescentibus flagitiis, ac sceleribus infensam, è terra in coelum, unde profecta fuerat, remigrâsse; donec paulatim ætas usquequaque deterior, ex aurea primò quidem argentea, mox ænea, ferrea denique facta, in hanc temporum colluvionem, & fecem prolapsa est. Id scilicet utilitatis attulit generi humano ista vestra civilis societas: id commodi, id beatitatis leges illæ, à sapientissimis adinventæ, pepererunt. Quod unum argumentum per se satis esse possit ad cogendum, nihil umquam perniciosius, nihil exitiosius in genus humanum excogitari potuisse. Quid enim, rogo, in rebus humanis boni, ac beati existere queat, amissâ iustitiâ; ex qua una virtute viri boni nominamur, & sine qua nihil potest esse laudabile? est namque in illa virtute splendor maximus, ut EURIPIDES poeticè dixerit, *Neque Luciferum, neque Hesperum eâ esse lucidiorem.*

Age verò, videamus, non dico, quam utilitatem attulerint istæ vestræ leges, sed quàm perniciofa, ac pestifera fuerit earum inventio, rogatio, latio, ac promulgatio. Primùm dico, hominum genus liberum nasci, & omnium humanarum legum vinculis solutum; hominique insitum esse, atque innatum amorem libertatis, quæ si tollatur, omnis vitæ jucunditas tollitur. Ideo tantopere libertatem acuere humana pectora videmus, ut eam homines, qui sint alicui rei, non nisi cum vita amittere velint; neque quisquam tam sordidâ, & infimâ conditione vitæ reperitur, qui non velit, si possit, esse liber: atque ut liberi homines, jurisve sui, servi sponte suâ fiant, non cadit in hominis cogitationem; nostræque mentes id penitus persequuntur, atque averfantur. Etenim, sicut nullum

42 M. H. VIDÆ DE DIGNITATE

animal potest non appetere id, quod accommodatum esse naturæ videtur: ita necesse est oderit quoque id quod est contrarium. Servitutem itaque sapientes morte pejus esse semper arbitrati fuerunt. Sapientes verò illi vestri, qui homines per familias dispersos, atque disjunctos, in cœtus, & civitates conciliant, sub legis superbissima vincula conjicientes, nihil porro aliud egerunt, nisi nobis sempiternam servitutem adjunxerunt.

Hoc est igitur illud tantum, tamque admirabile atque divinum bonum, quo genus hominum auxerunt, ac locupletârunt: quandoquidem qui legibus est obnoxius, ea obeat necesse est, quæ leges jubent. Quidquidve magistratus edixerint, in quorum potestate sunt leges; quæ, ut videmus, nihil planè profunt, nisi illis, qui eis præficiuntur. Quippe sic leges magistratibus, ita magistratus populo præstant: qui quàm æquos, & abstinentes se præstent hac tempestate, in tua conscientia positum esse volo. Quotus, obsecro, quisque est, qui magistratum, à se tantopere quæsitum, non loco prædæ accipit? æquum magistratum, inquit ille, adhuc reperire non potui.

Quid, quæso, contra naturam magis existere arbitrandum, quàm non suo sensu, atque arbitratu vivere, præcipuè homini ingenuè educato, cui cordi est libertas; sed jussu alterius, atque imperio cogi semper, & se ad aliorum nutum fingere, atque componere, nihilque nisi præfinitò facere, quod alteri collibitum fuerit? Quod quidem XENOPHON intuebatur, cum diceret, nullum aliud animal minùs induci posse suis pastoribus obedire, quàm hominem rectoribus, & quorum est in potestate; neque ullum pecus consurgere tam immaniter adversùs custodem suum, atque hominem contra regem, & dominum: semper enim

obnuitur, semper eluctatur, seque ab ejus imperio tendit eximere. Barbarorum ingeniorum, quibus dominorum imperia semper pro legibus fuerunt, est, velle vivere in servitute, cum numquam, ceu abjectissima mancipia, libertatis dulcedinem experti fuerint. Ideoque accepimus, apud Persas, eodem auctore XENOPHONTE, etiam patris imperium in filios tyrannicum fuisse, quod parentes liberis asperè, superbeque imperarent.

Cæterum experimur quotidie legibus istis vestris homines non tam fieri meliores, quam callidiores; tradunt enim nobis non tam justitiæ, quam litigandi vias: inde emanavit vetustate contritum proverbium, *Jus summum, summam esse malitiam*. Neque à legibus æquitas, fides, justitia, cæteræque virtutes, sed ab ipsa natura profisciscuntur: ac potius eas nobis innatas esse, atque innatas sentimus, & earum vim exercitatione, & consuetudine perfici. Jus enim justum, & honestum, quemadmodum omnes quoque virtutes, sunt sponte suâ, & per se expetenda, ne sint coacta, & quodammodo violenta.

Nonne etiam qui has congregationes probant, memorent, res-publicas ipsas tunc meliores fuisse, cum in civitatibus nondum tot leges, aliæ, atque aliæ coærcervatæ essent? Majores nempe nostros paucis legibus omnia bene gubernâsse literis traditur: cui rei argumento esse possit, quod plerumque validiores eas leges cernimus, quæ ex moribus, quam quæ ex scriptis habentur. Discebant olim pueri Romæ, ut carmen necessarium, xii illas tabulas, quibus solis, nullâ aliâ lege latâ, jus summâ æquitate apud eum populum diu retentum fuisse tradunt; neque latæ postea leges magnopere erant necessariae.

Quod quidem facîle perspicere potest, quisquis con-

ferre voluerit statum nascentis Romanæ rei-publicæ, cum forma illius temporis, quando ad summas opes perventum fuit; cùm Romani coacti fuerunt licentiam vitiorum, tot legum inculcatarum multitudine, cohibere. Adolescente enim re-publica, prisci illi patres more potiùs se tenebant, quàm scriptione; neque tot opinionibus opprimebantur. Quid opus erat per Deum, tot minaces leges, tamquam vindices, ne dicam carnifices, mortalium cervicebus imponere, quæ eos mulctarent morte, vinculis, verberibus, exilio, ignominia, cùm per se quisque sua sponte boni existere possent? Ut porro omittam, quòd multa sæpe perniciofa seiscuntur in populis: quod hinc præclare perspici potest, cùm quotidie permultæ rogatæ leges, aut per se antiquentur, aut eadem potestate abrogentur.

Quid, quæso, opus fuit consultorum libros implere usque ad nauseam tot ineptiis, de jure parietum, & stillicidiorum, de domûs, aut fundi servitutibus? an partus ancillæ sit in fructu habendus? quibus verbis herciscere oporteat? an foenum sit aliud, quàm herba sicca? de aquarum præterea ductibus, & cloacis, deque istiusmodi stipulationum, & judiciorum formulis quamplurimis conficere libellos, & bibliothecas implere? Gentes ego equidem esse adhuc alicubi aliquas arbitror integras, atque incorruptas, quæ leges scriptas non habent; duce tamen naturâ, & ejus instinctu, atque industriâ, obeunt ea, quæ lege fanciuntur.

Cæterùm dictum modo fuit, nos natos esse ad justitiam. Idcirco non arbitror quemquam ambigere, jus naturaliter datum esse omnibus (cavilletur, nugaturve CARNEADES, more suo, quantum velit) quod non opinione, sed naturâ ipsâ, quæ perpetua est, &

sempiterna, constitutum fuit; ab eaque, ut modò diximus, proficiscuntur æquitas, fides, justitia, cæteraque virtutes, non à legibus scriptis.

Oportet igitur, hominem in cavendo, responsitando, ac judicando, consulere mentem suam, qua nobis Deus nihil dedit præcellentius. In ea reperiet legem nobiscum natam, præscriptionemque naturæ, cordibus, atque animis nostris infixam; qua duce nihil umquam errare poterit, modò velit, modoque adversus sensuum libidines, fortiter, ac strenuè obluëtetur.

Ac ut planius quid hacce de re sentiam, atque intelligam, vobis expromam, ego certè SOCRATEM in hoc sapientissimum semper probavi, quòd se, non unis septum mœnibus alicujus loci popularem, sed totius mundi, tamquam unius oppidi, civem profiteretur. Ejus exemplo talem itidem me semper habui, huncque hætenus agnovi, semperque agnoscam, ac palam profitebor, dum vita suppetet: neque istæ leges vestræ, aut plebiscita, neque magistratus ulli, ab injuriosa, facinorosaque vita me deterrent, non poena, non metus supplicii; sed turpitudine ipsa, judicisque illius, qui universam hanc civitatem nutu temperat, majestas.

Hic namque rex regum omnium præpotens, universorum dominus, & moderator, non modò coelestia, sed etiam hæc infera procurat, incredibili imperandi, prohibendique sapientiâ; videtque, quid quisque, non modò agat, sed etiam secum cogitet, qualis item quisque sit, quid in alios machinetur, quid in se ipse admittat, qua intus sit mente, qua pietate religionem colat; nullumque relinquit vacuum, aut remunerationi, aut animadversioni, locum, piorumque, & impiorum rationem habet, omnia recto

judicio, & numine incredibilem in modum administrat; neque incassum denique, qui vim patiuntur ejus judicium implorant. Possunt quidem mortales poenam legum effugere, ipsasque leges eludere, aut perrumpere; verum mentis divinæ animadversionem atque vindictam, non ita.

At vero viri probi, unâ sese lege naturæ tenentes, etiam si omnes homines, Deumque ipsum celare possent, nihil tamen turpiter, nihil avarè, nihil injustè faciendum putarent; sed unius virtutis, aut recte causâ, mentem, manusque abstinendas censeant. Hanc potentissimam legem nemo est qui ignoret; nemo, inquam, est tam rudis, tam incultus, & agrestibus moribus asper, quem justum, rectumque, quod est ipsum pulchrum, & honestum, non moveat.

Malè medius fidius generi humano consultum foret, si homines nihil rectè agerent, nisi ut legibus popularibus, & civilibus, poenæ metu, parerent. Ut enim nihil aliud obftet, censesne omnia in hac rerum infinitate præscribi potuisse, quæ jus ipsum naturæ, hoc est, illa divina, ac summa lex, quæ latissime patet, complectitur, taciteque se mentibus nostris insinuat, & potenter imperat? Athenis, ut aiunt, nulla lex lata erat contra patricidas; nemo tamen erat in ea civitate, qui parentem occidere non existimaret, scelus esse inter atrociora flagitia nullis victimis expiabile. Quid ita, nisi quia natura id tacite hominum mentibus impresserat?

Hinc etiam illud, quod memoriæ proditum est; cum, recente adhuc urbe, SEXTUS TARQUINIUS LUCRELIÆ, TRICIPITINI filiæ, stuprum per vim intulit, nondum Romæ legem latam fuisse ullam de stupris, exilio tamen mulctatus fuit adulter ipse; regnoque pater, cum tota stirpe TARQUINIORUM, in perpetuum

jectus; quod injuriâ factum videri poterat. Nullis enim tunc legibus tenebatur, nisi tanto flagitio obstaret æterna ratio, id est, summa illa ipsa lex, ad rectè faciendum facilè impellens, avocansque à delicto, protecta à natura, quæ non tunc primùm esse cœpit, cum fuit scripta, sed semper fuit cum mente divina, æreor enim dicere, orta, aut nata.

Cæterùm, quæso te, VIDA, quam rem-publicam inter omnes rectè umquam constitutam arbitraris? Quippe innumeras philosophi, de istis communitatibus scribentes, nominârunt, ut Cretensem, Carthagenensem, Laconicam, Atticam, Persarum, Ægyptiorum, Ephesiorum, Milesiorum, Ionum, Heracleotarum, Thessalorum, Romanorum: addo ego, quam nunc etiam florentissimam intuemur, Venetorum, Italix ornamentum, & totius Christiani imperii, ac hominis propugnaculum.

Multi præterea doctissimorum hominum monumentis traduntur, qui aut res-publicas à se constitutas, legibus, atque institutis firmatas, optimeque dilectas temperaverunt; aut procul à civitatum gubernaculis, in otio, semoti à turba atque subselliis, de optima civitatis ratione scripserunt. Quorum ut aliquos promiscuè, ut prior quisque mihi occurreret, nominem, ante PLATONEM, & ARISTOTELEM, fuerunt PHIDON CORINTHIUS, HYPPODAMUS, LYCURGUS, MINOS, DRACO, SOLON cum EPIMENIDE Cretensi adjutore, ZALEUCUS, CHARONDAS, ONOMACRITUS, THALES, DIOCTES, PHILOLAUS, ANDRODOMUS, SESOSTRIUS Rhægius, THELECHEUS, & qui de optimo civitatis statu scripsit, HYPPODAMAS Milesius, EURIPHONTIS filius. Nullam ex tanto rerum-publicarum numero formam, qui deinde alius post alium scripserunt, omnino approbârunt; nullam immunem, quam, inquam, non

carpserint, ac notârint, reliquerunt; & tamquam igneam, interdum etiam perniciosam, non rejecerint usque adeò, ut PLATO affirmarit, suâ ætate civitates omnes, atque res-publicas, improbè ubique terrarum gubernari.

Multi ideo & sunt, & fuerunt, qui, hanc communionem, convictumque non ferentes, sese à publicis negotiis, à multitudineque in otium, & solitudinem contulerunt. Neque admodum miror, repetitos etiam fuisse nonnullos, qui judicati sunt universum genus humanum odisse, quòd à cœtu, & conjunctione hominum, atque omnibus commerciis omni studio avocârunt, nihil cum populo contrahentes, multitudinemque in vita semper defugerent, ut CONON, IPHICRATES quidam, TIMOTHEUS, GABRIAS TIMON, compluresque alii à scriptoribus celebrantur. Haud illi hercle, sicut vulgus autumat, homines odierant; sed communitates istas, & concilia, aut res-publicas, minùs probabant: quorum unus TIMON, cum cæteros omnes cives Athenis odio persequi videretur omnium defugiens consuetudinem, unum ALCIBIADEM studiosè observabat, amplexabatur, exosculabatur, atque adeò diligebat, ut cum eo esse semper cuperet. Rogatus aliquando, quid illum unum tantum facili admitteret in suam consuetudinem, usque adeò alios omnes aversatus, & quasi perhorrescens, respondisse fertur, Non ab re id à se fieri, quòd unus ille civis ruinæ causâ futurus esset rei-publicæ Atheniensis, atque interitus.

Hos ego quidem credo fuisse potiùs homines graves, ac severos, qui, cum neque principum, neque populi, mores ferre possent, vixerunt in agrestibus tantùm re suâ delectati. SOCRATIS vero ipsius, aut verius PLATONIS, rem-publicam, tantopere elucubra-

am, elaboratamque, ARISTOTELES, vir acutissimi ingenii, exquisitique iudicii, omni paginâ acriter insectatur, carpit, conscindit, irridet, explodit, atque exiliat. Neque admodum parcat illis tribus, quas præ omnibus laudare videtur, Lacedæmonienti, Cretensi, Carthaginiensi. Ab Atheniensi profectò in exilium reiectus fuit ARISTIDES, nullâ noxiâ, aut crimine, sed hoc tantum nomine, quòd præ cæteris unus justus esset. Siqua verò celebrata fuit à scriptoribus in beatorum insulis sapientium civitas, quos curâ omni liberis perhibent nullum vitæ necessarium cultum, aut opus aratum requirere, sed cogitando, lectitando, discendoque, in naturæ tantum vestigatione occupatos esse; illam profectò docti homines otio abundantes magis fingunt, quàm nòrint; describuntque illas res publicas, quæ esse non possunt, ut pictores tragelaphos, centauros, & chimæras.

Sed quæ per Deum civitas potest rectè gubernari? quæ res-publica sapienter ad justitiam temperari? Num PLATO ipse, tam solers rerum-publicarum machinator, & architectus, in libro, qui Epinomis inscribitur, luculenter probet, omnia humana, tamquam in Euripo, sursum, deorsum usquequaque jacere, nihilque in terris firmum, aut stabile permanere. Quod apertius apud Hebræos Solomon, vir sapientissimus, dixit; id verò ille scire poterat longâ periclitatione edoctus: permultos enim jam tunc annos, regno affecidatam, Judæorumque, præfuerat. Pater quoque, rex simul & propheta, idem aliquot annos antè in laudibus divinis, & canticis obnuntiârat, incassum eos laborare, qui instituunt, institutamque conservare nituntur civitatem, nisi eam, universæ civitatis, id est, cœli, & terræ, præpotens effector, moderatorque, temperaverit, custodierit, conservaverit.

Quod quidem nemo negaverit, qui, ex annalibus civitatum, & multorum seculorum historiis, antiquitatis indagator, nôrit rerum-publicarum varias inclinationes, & momenta temporum, & quàm crebri fuerint statûs conversiones, mutationesque, quàm per levi momento fortunæ civium voluntates pendere, & ad tenuem quemque auræ flatum inclinentur. Quæ heri, & nudiùs tertius firma erant, fixa, atque stabilis, hodie nutant, labant, atque vacillant, repentinâ voluntatum inclinatione. Nempe res est ista, quæ maximè nititur populi arbitrio, atque nutu, teneturque vulgi studio, ac favore, quo nihil mobilius nihil incertius.

Hinc illæ in sacrum montem plebis secessiones, hinc tribunitiæ potestatis procellæ, immodicque magistratûs impotentes impressiones, atque ruinæ. Per sæpe populi favor aliquem in altum repentinè ita extulit, ita evectum honoribus amplificavit, ut totius civitatis in eo niteretur salus, ad ejûsque arbitrium summa rerum, & consiliorum omnium referretur, magnaue non tantùm in ejus sententia, sed in nutu quoque ipso sederet auctoritas: evestigio verò eundem ejusdem populi repentinè reflante aurâ, à rei-publicæ gubernaculis, clavoque imperii dejectum, & à civitate exterminatum, penitus rescissis actis, perpetuo exulâsse legimus. Dies me deficiat, si omnes enumerare velim, tam nostræ civitatis, quàm Græcorum, exterarumque nationum principes viros, rerum, cum domi, tum militiæ gestarum, gloriâ præclaros, quos fortuna iis exemplis iudificata fuit: ut in nostra re-publica, CAMILLOS, SCIPIONES, HALAS, FABIOS, MARIOS, POMPEIOS, CICERONES; in exteris ALEXANDER, RISTIPPUM, MILTIADEN, THEMISTOCLEM, LYCURGUM, SOLONEM, PHOTIONEM, DEMETRIUM PHALAREUM, addo iis POENUM ANNIBALEM.

REI-PUBLICÆ LIB. I.

MI

Quid memorem seditiones, factiones, & improborum civium occultas conspirationes, conjurationesque, quibus tam magistratum, quàm reliquorum, animi non possunt quiescere, & securi esse in civitate? Quis, rogo, fluctuantis sæpe maris motibus, fluctumque agitationibus; tot, inquam, æstibus, & euriis legem præscribat? Quis monstri tam varii, inconstantis, secum pugnantis, sibique impacati, feritatem, insaniamque, ad certæ rationis, & ordinis normam dirigat? Hanc mobilitatem, inconstantiamque nonnulli philosophi animadvertentes affirmârunt, ad cuiusque rei mutationem, ipsas quoque civitates labefactari; negatque planè PLATO, mutari posse multas leges in ulla re-publica, sine ipsius rei-publicæ mutatione.

Id utcunque sit; videmus certè leges multas, quæ initio providentissimè latæ putabantur, aut à rege, aut ab optimatibus, necnon iussâ, & vetita populo-rum, vel paulatim antiquari, vel aliis rogatis legibus abrogari, atque refigi; principesque ipsos publici consilii, modò hunc, modò illum, quasunque volunt leges sciscere: quæ cùm sint variæ, & ad tempus, aliquorum favore, scriptæ, tollanturque persæpe omnes, ac deleantur, senatûs ipsius uno versiculo; quam esse posse in illa civitate juris temperationem credam, in qua quidquid rei-publicæ principes, sive rex, tyrannusve, aut satrapes, optimates, & potentes, seu populi commune consilium creverint, justum, injustumve, cuncti cives adulantes, supparasitantesque imperantium libidini, defendere coguntur, & tamquam legem habere, eique, si pœnam effugere velint, parere?

LYCURGI leges à Lacedæmoniis, ut sanctissimæ, initio acceptæ fuerunt, magno totius populi assensu.

52 M.H. VIDÆ DE DIGNITATE

Paulò pòst verò ipse earundem legum lator ab eodem populo, ob id ipsum, quòd eas tulisset, lapidibus petitus, privatusque oculo, multisque oneratus contumeliis, atque injuriis, in exilium projectus fuit. Se verissimè item DRACO leges scripsit, quibus tamquam justitiæ consentaneis multos annos paruerunt Athenienses. Deinde eas fere omnes SOLON, adjutor EPIMENIDE Cretensi, voluntate publici consilii sustulit. Verùm SOLONI ipsi quoque eadem gratiæ ferre ab Atheniensibus, quæ LYCURGO à Spartanis, habitæ fuerunt, atque relatæ.

At verò, ut ad propiora veniamus; Romanorum res-publica semper habita fuit rectissimè, ac sapientissimè instituta, quòd illi nostri legum conscriptores non modò multa de SOLONIS legibus in XII tabulas suas transtulerunt, verùm etiam omnes alias, tam Græciæ, quàm totius Asiæ, res-publicas, earumque temperationes scrutati fuisse creduntur: nihilominus qui Romanæ civitatis annales evolverint, nòsse poterunt, quàm instabilis, nutans, atque incertus, semper fuerit ejus rei-publicæ status, quanta varietas, quanta inconstantia. Nullum fretum mediis fidius tot motus habet, tot, tantasque, & tam varias fluctuum agitationes. Quot, quæso, sanctiones, quot plebiscita (de gravissimis loquor, non tantùm de Cassianis, Nævianisque, aut Livianis) sæpius senatus unâ rogatione sustulit? Et nos trademus leges civitatibus, quæ nobis vivis antiquentur, abrogentur, deleantur? & nos scilicet de optimo civitatis statu libros scriptitabimus? & nos, si Diis placet, delectationis, & otii consumendi gratiâ, in hortulis coacti, tamquam aliquam scholam explicantes, differemus de rerum-publicarum administratione? Cur non potius, philosopharum more, qui quotidie, credo, negotii inopiam

inter se disputant, quæramus de individuis, atque intermundiis, quæ neque sunt, neque esse possunt ulla?

Expecto quid nobis promas de iustitia, sine qua philosophi clamant, omnia regna, omnes civitates, conventus, & conciliabula mera esse latrocinia. Censine in ulla congregatione, sive magna, sive quamlibet parva, communi utilitate servatâ, tribui posse cuique pro cuiusque dignitate? Existimasne, ullam rem-publicam usque eò rectè administrari, ut nulli noceatur, publicæ verò utilitati serviatur; quæ est veri juris, germanæque iustitiæ forma constans, & solida ratio? Quotus quisque est in civitate, qui, si possit, non ad se rapiat aliorum commoda, aut alterius spoliis detractis, suas copias, & facultates non augeat? Credo tibi notos esse versus antiquissimos qui vulgò incerto auctore circumferuntur, attamen mihi LUCILII salem redolere videntur, neque alioqui sunt sine nitore, aut palæstra.

*Nec verò manè ad noctem festo, atque professo,
Totus item pariterque die populusque, patresque
Factare indu foro se omnes, decedere nusquam;
Uni se, atque eidem studio se dedere, & arti;
Verba dare, ut cautè possint pugnare, dolosè
Blandiri, certare, bonum simulare virum se,
Insidias facere, ut si hostes sint omnibus omnes.*

His præclarè studiis intelligi potest, quæ sit civitatis, quam tantopere laudant, consuetudo, quæ civium vita, eorumque adversus alios cives studia, quæ charitas, quantum alter alteri invicem sit præsidio, quantum in commune consulere quisque cogitet. Hancine vitam? hoscine mores? Philosophi tamen illi, præsertim qui leges civitatibus præscripserunt, clamant, testantur, obtestanturque, & meritò quidem,

aliquid alteri detrahere, & hominem hominis incommodo suum commodum procurare, non esse minùs contra naturam, quàm mortem, quàm egestatem, & dolorem, cæteraque mala, quæ possunt nobis, aut in corpore nostro, aut in rebus externis, accidere. Quin etiam eodem flagitio teneri arbitrantur, quod alienum animo concupiverit; jubentque nos non tantum manus habere innoxias, sed etiam mentem ipsam.

Quot, rogo, inveniuntur in civitate, qui hunc tam laudabilem animi motum, tam rectam mentis affectionem habere se sentiant? loquor de iis, qui totum sunt in civitate, seseque cupidè ad rei-publicæ procurationem inferunt, atque inculcant, ac præter modum expetunt imperia, & magistratus tam anxie ambiunt,

Nam alioqui in tanta hominum copia, ac multitudine, credo hercle uspiam reperiri nonnullos probos viros, qui, convenienter naturæ viventes, nòrunt se ad honestatem natos, & quod honestum est, aut solum, aut certè summum bonum, in hac mortali vita ducunt, illudque maximè expetunt, & sequuntur, atque à recto, nullâ neque utilitatis specie, neque commodi alicujus, aut voluptatis gratiâ, divelli possent. Ii profectò imperia non modò non cupiunt, sed etiam interdum ultro oblata, si non planè rite, & ex ordine factum sit, non accipienda ducunt; & cum alteri demandari ea vident, nihil planè moveantur, semper secum iidem.

Tales ego equidem aliquos novi, bonos sanè viros, antiquâ virtute, & fide justos, sapientes, fortes, & moderatos, qui nemini noceant, prosint quibus possint, & omnibus mortalibus consultum velint. Verùm ii, licèt in conventu hominum corpore ver-

ari videantur, ut eorum existimationi, & rationi
vitæ susceptæ convenit, attamen semper sese à turba
subtrahentes, nihil cum populo contrahunt, sibique,
& secum ipsi vivunt, in multitudine, ac frequentia
solitarii.

Quotus verò, inquam, quisque est ex illis, qui viâ
vulgari magistratus tantopere expetunt, & ad rerum-
publicarum gubernacula, vulgi favore, aut principum
libidine, sedent, qui in rebus gerendis, in admini-
strandaque civitate, sua commoda omittens, omnia
ad aliorum utilitatem, & fructum communem re-
ferat? quod illi quidem omnino faciendum est, qui
rectè, & ad præscriptum philosophiæ, rem-publicam
capessere velit. Cedo mihi, rogo, istum justum, istum
ARISTIDEM.

Si quempiam huc statueris ex illis, in quibus ali-
qua virtutis indoles exterius inesse videtur, qui sit,
inquam, hominum opinione talis, nihil agis. Osten-
dis potiùs, te nescire, id nomen, ea res quàm mul-
tis officiis, & laudibus contineatur. Quisquis est
ille, quem tu affers, ita tectus, atque occultus, ut
vulgò justus existimetur, si tamen intra se multas
habes, & conscientiæ vulnera patitur, hoc pacto, meâ
quidem sententiâ, nemo callidus, aut cautus non
ultus erit. Quare numquam mihi ex animo evelli
poterit id, quam fuisse communem antiquorum opi-
nionem ferunt, nullam rem-publicam regi posse sine
summa injuria.

Cæterùm aliarum civitatum institutiones minùs
rectas, moreisque absurdos, tibi remitto. Revoco te
denovo ad eam rem-publicam, quæ deprædicatur ju-
stitiæ implèsse omnes numeros. Arbitror, te scire,
quàm exiguis initiis, quàm tenui fortunâ, urbs Roma
tum orta sit, tum adoleverit; illa convenarum, &

fugitivorum, pastorumque collectio. Ad quantas deinde inde opes fuerit progressa, ut univèrsum orbem victoriis, & triumphis usquequaque peragraverit, gentes & nationes omnes suæ ditionis fecerit, ut sibi terræ ac maria ubique parerent omnia. Scire de te velim, an ea suum cuique genti, & nationi jus tribuerit, an potiùs ad se aliarum civitatum, & populorum commoda transfulerit; an omnia omnium non modo concupiverit, sed etiam detraxerit, arripuerit, absorpsit. Hæc tamen est illa res-publica, tam rectè tam præclarè constituta, quam omnibus aliis quodcumque quot usquam sunt, fueruntve, aut umquam futura sunt, longè anteferendam censent, & CICERO, vel cum philosophatur, & fere omnes alii, etiam externi scriptores.

Et audent auribus meis toties inculcare, fruendæ justitiæ causâ constitutos fuisse olim reges homines bene moratos, cum multitudo initio premeretur a tyrannis illis, qui majores opes habebant, confugeretque ad unum aliquem fortem, & virtute præstantem, qui esset senatûs columen, & præsidium populi, tenuioresque injuriâ prohiberet, æquitate constituendâ, summosque cum infimis pari jure retineret?

An id ex sententia processerit, suo maximo malo periclitati fuerunt Hebræi, qui, olim in libertate positi, cum sacerdotis SAMUELIS, hominis innocentissimi, magis consilio, & religione, quàm imperio regerentur, petierunt regem sibi constitui à Deo; qui, tum genti illi præ cæteris nationibus favens, sæpius occurtebat huic, & illi in precibus, & votis, seseque quoddammodo familiarem, facilemque præstabat: quorum postulationi annuendum statuens, antequam eis regem constitueret, regni condiciones, & leges gravissimas per eundem sacerdotem, imprudentibus describi man-

vit; ut à tam pravo, stultoque consilio ignaros dederet: quas qui in Hebræorum ipsorum literis legerit, animadverteritque quàm citò regis hujusmodi saturati fuerint, mirum, nisi malit vivere in solitudine, rerum suarum procuracione delectatus, quàm tali, tamque iniquo, & acerbo jugo subjicere.

Quis enim regum, aut principum cupiditatibus obviam ibit, præsertim cùm omnis licentia ad unum pervenerit? Quis ejus coercebit luxuriam, franget libidines, omni interdum intemperantiâ effusas? Quis existet, ut non sacra, profana, divina, atque humana, ad suum convertat usum?

Nòrunt ipsi, qui præsidet, quàm sit difficile moribus in potestate temperare. Quid est sanè aliud regem esse, quàm omnia, quæ quis velit, impunè facere; atque ut ipsi collibitum fuerit, cuncta miscere, cuncta audere, atque moliri? homines, inquam, honestâ conditione natos non tantùm freno, sed etiam iugo, aut clitellis impositis premere? Cùm nullis ipsi reges legibus astricti, vitæ, ac necis in cunctos habeant potestatem; cùm, blanditiis præsentium voluptatum allekti, cupiant, appetantque omnium omnia,opes, hæreditates, lautissima patrimonia, signa, tabulas, vestes egregias, vasa pretiosa, fundos, domos, villas, equos, elegantiora mancipia, liberos, uxores, & quodcunque velint, ad exaturandas suas effrenatas, indomitasque cupiditates; sibi que subjectos non cives, sed famulos miseros, in turpissimam servitutem adducant; cùm nihil sit nefas, nec in facinore, nec in libidine; omniaque, quæ in mentem, aut in libidinem incidunt, sibi licere velint: quòd nemo eorum cupiditati obistere valeat, sed omnes mussantes, neque mutire ausi, vitæ & tergo metuere coguntur; cùm animadvertant quotidie, hos, & illos, qui regiae

licentiæ reclamare, atque resistere adorti fuerint
damnis, & ignominiiis, atque interdum morte mu-
ctari.

Quæso vos, atque obtestor, amplissimi viri, unde
tot, & tanta onera, quæ publicè imponuntur mortali-
bus? unde tot tributa, tot munia, tot pensitationes,
tot sumptus, & labores, nisi ab istis congregationibus?
Siquidem qui in civitatibus dominantur, ut
aliquâ justitiæ, & honestatis specie, furta sua, & rap-
inas prætexerent, avaritiæ afflatu, atque instinctu
excogitata fuere, extra publica civium munera, vir-
tim obeunda in civitatibus, & provinciis, vestigal-
fructibus, & mercibus imponenda, tributa, portoria
que circumvectionum, decumæ, & centesimæ, onera
præterea innumera extraordinaria, ἐπιπρόσθετα, ostien-
teria, columnaria, tignaria, perticaria, quorum nomina
quotidie nova adinveniuntur: quæ cum explere ne-
queant regum istorum, principumque, & magistratu-
tuum libidinem, atque aviditatem, pro expeditis vecti-
galibus, & portoriis, plerumque habentur ipsorum
civium bona, quæ inopiam ærarii sæpissime sup-
pleant.

Imperantur itaque populis, & civitatibus pecunia
milites, operæque, frumenta, & quæcunque ad be-
lum tuendum usui sunt rei-publicæ. Hinc tot ubique
vagantur publicani, redemptores, pigneratores, manci-
pes, quæstores, scripturæ magistri, lictoresque, &
qui ea acerbissimè exigunt, decumatores, satellites, ap-
paritores, accensi, sectores, quadruplatores, divisores,
delatores, veriùs autem carnifices, gladiatores, lanista-
ficarii, & id genus pestes; quorum omnium injuriis
cives miserè oppressi, coguntur sæpissimè iniquissimè
foenore versuram facere, tandemque bonis suis de-
dere, ac fame enecti extrema pati. Itaque c

itates, provinciæ, & regna in perpetuum evertun-
tur.

Suscipiunt namque per sæpe reges temere bella in-
iusta, minimeque necessaria, aut avaritiæ, & augendi
regni cupiditate inflammati; aut si Diis placet, animi
contaxat causâ, ad voluptatē, & libidinem, tam-
quam aliquam venationem, & ludum: nec animad-
vertunt ante susceptas expeditiones, bellum esse ærarii
estem, atque hirudinem, & undique continenter in-
exercitus alendos imminere infinitos sumptus, im-
manesque jacturas populis suæ ditioni subiectis sub-
tendas: quo fit, ut quidquid ipsi reges delirant, ut
est in vulgato versu, miseri cives, & populi inson-
tes, torqueantur, ac poenas alienæ dementiæ depen-
dant.

Non hîc atrociora eorum scelera persequor. De-
scereret enim me tempus, neque id est hujus otii,
tunc neque ad inexpertos loquar. Haud omittam
tamen unum, quod etiam per ludum, & jocum,
tamquam nugentur, patrare audent: usque eò ad ni-
hil pudoris est deventum, ut regum barbarorum jussu
ad inanem aurium voluptatem, & oblectationem,
queri ingenui luce palam, sine dissimulatione, om-
nibus inspectantibus, execentur; quo ita vocem li-
quidiorem, acutioremque, & magis canoram conser-
vent: tam, inquam, tenui, levique de causâ. In
quo quanta injuria fiat naturæ, non moribus solum,
nemo est qui non videat. Tantum verò deformi-
tatis, sceleris, & flagitii, priusquam essent constitutæ
civitates, & reges imperarent, si auditum fuit um-
quam, aut ullis literis lectum, totum me, VIDA, ad te
traducas licebit: neque erit, quòd de hac controversia
verbum ultra addam.

Si id nunc agerem, totos ut tyrannos penitus pa-

refacere vellem; possem cogere, atque pervincere, ab ista vestra confociatione, malorum omnium sentinâ, genus humanum planè depravatum, deformatumque fuisse; dum qui regant, nihil pensi habent, nihil non ad suam libidinem referunt.

Si verò non rex dominatur, sed res-publica à pluribus uno administratur, sive sint illi pauci, qui plurimum in civitate possunt, sive res sit penes universum populum; magistratus, & qui præsunt, neglectâ communi utilitate, privatis rationibus, & commodis suis quisque, student; atque in compilanda republica consentientes, amicorum avaritiæ, cupiditatibusque invicem inserviunt, & mutuas operas tradunt, & quæ populi sunt communia, domum suam quisque avertunt. Mandantur ideo magistratus sine recti, pravique discrimine, ad gratiam, & libidinem. Atque ita, indignis ad publicæ rei administrationem vocatis, jacent publica ubique jura; silent judicia; justitiæque de foro sublata penitus obmurmur; & ipsi judices, qui tam de publicis, quàm de privatis controversiis constituunt, propalam venalia habent omnia, justitiam, fidem, jusjurandum, religionem, seseque cuique emere volenti proscribunt. Hæ sunt illæ amplæ, atque præclaræ causæ, quæ homines ad rei-publicæ capeffendæ gubernacula, ad imperiumque, cujus natura hominis est per se facis avida, invitant; non hercle, quemadmodum ipsi præ se ferunt, quò aliis prosint.

Hac imperandi cupidine inflammati quoque philosophi, ut inquam ipsi cæteros juvent, haud manifestò quidem, neque usitatis artibus, & viâ vulgatâ, sed occultè, dissimulanter, & per cuniculos, sibi viam ad regnum munientes, tantopere laudant istam confociationem, & hominum convictum; librosque

cumulatè alios, atque alios de rerum-publicarum tem-
peratione scriptitant. Verùm tamen non evaluerunt
istud ita cautè, ita callidè, tamque tectâ molitione
architectari, quin tandem erumpentes, cupiditatem
suam, & quid affectarent, aliquando prodiderint.
Non erubuerunt boni viri profligato pudore palam
prædicare, beatas fore res-publicas & civitates omnes,
si aut philosophi regnarent, (vide hominum impu-
dentiam) aut certè reges philosopharentur. Difficile
est namque ita tegere, ac celare, quod cupidè ex-
petas, ut id interdum deprensus non appareat.
Hinc illa omnis pendet cantilena : hinc illa eloquens
philosophia nugatur in circulis. Atque adeò præceptum
in eam sententiam delapsus est, princeps ille semper
habitus philosophorum, SOCRATES, ut non contentus
hac vulgari, atque usitatâ civium communitate, cen-
suerit, omnia omnium inter cives oportere esse com-
munia ; ut neque ab ea communione eximeret uxores
ipsas, & liberos, quos omnino voluit esse promiscuos,
ac communes. In eandem quoque sententiam ivit
manibus ac pedibus ejus auditor PLATO, eamque
perpetuis literarum monumentis (nugentur qui velint)
mandavit.

Si qui verò philosophorum affectui olim fuere id,
ad quod consequendum omnes machinas intende-
rant ; si, inquam, ad civitatis gubernationem um-
quam pervenere ; tum crudelissimè imperârunt, tum
suas res-publicas in perpetuum everterunt. Nullus
illis fuit, neque avaritiæ, neque libidinis, neque alia-
rum cupiditatum modus. Non hîc porro suppetit
tempus, ut eos omnes recenscam, quos vobis omni-
bus eruditissimis probè notos esse reor, ex Græco-
rum historiis : ut ARISTONEM philosophum, qui
Athenis rem-publicam multos annos superbissimè

gravi jugo oppressam tenuit; denique eam præclarissimam totius Græciæ civitatem maluit ab exercitu Romanorum, duce SYLLA, capi, diripi, atque incendi, quàm ipse tempori cedens se regno abdicare; ut item PERIANDRUM, unum ex septem, qui Corinthi regnavit, cunctosque barbaros tyrannos immanitate, & foedè factis superavit.

Qui verò regnum non potuerunt assequi, ut opes, potentiamque, & omnia præter unam sapientiam callidâ ostentatione aspernari videantur, atque infra se posita contemnere; se avertunt à publico, & à turba avocant, solique cognitioni, verique investigationi vacant, neque rem-publicam capeffunt, nisi coacti. Quod ille idem SOCRATES obstinatissimè servavit, qui ab aliis improbè, atque injuriosè regi maluit, quàm ipse civitatem cum aliis temperando regni socios habere: unde nimirum in maximas calamitates incidit.

PLATO verò, qui se à publicis negotiis, SOCRATIS exemplo, abduxerat, professus in sola veri perspicientia, solertiaque versari, invitatus tamen olim à DIONYSIO tyranno, in Siciliam perrexit. In spem enim venerat, regnum illud nutu suo ac ductu administratum iri. Verùm à tyranno, qui ostentationis causâ, ut fit, doctos homines apud se esse affectabat, indignum in modum ludibrio habitus fuit, ac ridiculo; sicut complures alii philosophi, qui in ejusdem tyranni aula multa cum indignitate versabantur, denique regnandi spe dejectus ab insula clam aufugit.

Sed credamus illis, sitque nobis persuasum, eos haudquaquam simulatè, atque insidiosè agere, & omni prorsus vacare imperandi cupiditate. Aliâ autem aggrediamur viâ, & agamus ratione, quæ

mihi nunc primùm ex modò dictis exoritur. Homines igitur isti quantumvis sapientes ad rem-publicam non accedunt, nisi coacti, ut illis faciendum censet PLATO: cur non ultro, quæso, & lubentibus animis, si res est humano generi tam utilis, & necessaria, tamque per se decora, & honesta ista hominum conjunctio, ac conspiratio? Cur item populis jura, & leges describunt, à quibus se subtrahant? Quid aliis persuadere nituntur amplectendum, quod ipsi tamquam scopulum fugiunt? quæso quis eos ferat tam varios, tam inconstantes, secumque tam inconsultè pugnantes?

Quid? nonne PLATO quoque ipse, de legibus scribens, multa prædicat de felicitate priscae illius ætatis rudis, & incultæ, cùm nullæ essent leges, nullæ civitates, necdum esset auditum rei-publicæ nomen? atque utinam numquam fuisset. Non profectò ad id morum devenit foret. Non invalisset tam profunda, insatiabilisque regnandi cupiditas in animos principum: inter quos aliquando aliquis inventus memoratur, cujus libidini universus orbis terrarum regnandus nimis exiguus, atque angustus videretur; pluresque mundos, ad ANAXIMANDRI philosophi opinionem, suæ ditioni subjiciendos, triumphandosque vestigaret. Non tam præcipites, tam prorupè, & præter modum, etiam ipsi philosophi raperentur ad civitatum gubernacula, dominandi libidine; quæ homines ad omne facinus suscipiendum impellit; cujus causâ tot bella, tot certamina existunt inter mortales. Non opus esset tot ducibus, tot imperatoribus, tot bellatoribus. Non tot exercitus quotidie occisione occiderentur.

Hinc profectò XERXES, cæterique complures Barbarorum tyranni, omnia omnium appetentes, tot

armatorum classibus maria constrârunt, tot copiis equestrium, pedestriumque, Helleispondo juncto, Atho perfosso, ingentes tractus terrarum compleverunt; multaque conati fuere, quæ sunt supra hominum vires. Hinc Romanus, imperium orbis affectans, tot cladibus ultro, citroque illatis, & acceptis, tantum humani sanguinis hostium, civiumque effudit. Hinc contrâ Carthago, peræquè æmula Romani imperii, non antè conquievit, quàm victa, excisaque, & solo penitus ab hoste victore complanata, esse desiit.

Hinc denique, quod sine magnâ animi permutatione, maximaque lacrymarum vi fari nequeo, nunc immanissimus Turcarum tyrannus, omnium regnorum appetens, tot millibus Barbarorum, tot nubibus cohortium, quas quotidie in arma cogit, imminet Christianorum rebus; cui nomini vehementer est perpetuò infestus, regum, & principum nostrorum invitatus discordiis immortalibus, & exitiosis contentionibus. Qui reges, cùm potius deberent, si quid eis pensi esset, communi periculo obviam ire, conjunctis viribus, communicisque consiliis cum iis, qui rectis sensibus eunt, eosque potius in hoc æmulari; de potentatu jam diu certantes incredibili dissipatione, atque effusione pecuniæ, jugum sempiternæ servitutis, in nostris, totiusque rei-publicæ cervicibus, collocare pergunt; atque tam se, quàm alios perditum eunt, & in apertam perniciem adducunt, tam manifesto errore ducti, neque enim scelere crediderim. Utinam verò ipsi soli, penes quos culpa residet, pertinciæ suæ pœnas daturi essent; neque publicâ ruinâ involverent secum omnes populos Christi legibus subiectos; neque religionis tam certæ, tam augustæ famam restringere, neque totius Christiani nominis

gloriam, & ipsum inclytum nomen oblivione sempiternâ, ac nocte obscurare, penitusque delere pergerent.

Quis ista intuens, ac cogitans, audeat DICÆARCHI sententiæ, de qua modò, refragari? aut quis ejus potius librum de interitu hominum planè aureum ultro non fateatur? Hanc felicitatem, hos beatæ vitæ fructus attulit ista vestra hominum conciliatio. Et dicere audent, res-publicas, civitatesque esse constitutâs, ut sua cuique tenerentur? & adhuc quisquam mihi justitiam nominet, aut beatæ vitæ mentionem facere pergat?

O igitur iterum, atque iterum beata illa sæcula, cum istarum rerum-publicarum nomen adhuc erat penitus inauditum, ignoratumque, fons fraudum, maleficiorum, & scelerum omnium! O ter & quater fortunatam illam, exoptandamque ætatem, quam heroicam meritò appellare possumus! cum jus, & fas ubique mortalium potentissima essent; cum mortales, inquam, suâ sponte, nullis legibus scriptis, aut plebiscitis, boni essent; legem optimam, & constantissimam secum semper gestantes: quibus, ut exposui, innatum, insitum, naturaque præscriptum erat, ut Deum quidem primùm colerent, deinde parentes, & propinquos; talesque essent erga cæteros homines, quales alios adversus se existere vellent; & quod ipsi respuebant, fugiebantque, in alios neque molirentur, neque cuipiam cuperent. Erant sanè omnes, quales haberi volebant; viamque illam instinctu naturæ norant, quam esse compendiarium ad virtutem SOCRATES dicere solebat. Nihil erat illis fictum, nihil simulatum: nihil à quoquam non ex animi sententia dicebatur; nihil agebatur non bonâ fide. Aberant doli, aberant fraudes. Erant omnes malarum

artium insolentes. Ignota erat omnibus imperii dominandique cupiditas. Non irruerat in hominum animos avaritia, non ambitio, non gloriæ, supra bonum, & æquum, appetitio. Non publicæ rei ex pilatio nominabatur, neque peculatus, neque luxuria pauca minimaque exigente naturâ. Illis videbatur mollis, & ferenda paupertas. Omnibus erat cibum condimentum, lautumque obsonium, fames; potus sitis; contentis tenuissimo victu, nullo apparatu, contentissimis escis, & potionibus. Satis erat omnibus vita modica, & aperta naturæ ipsius desideria explere. Atque etiam sicut victus erat tenuis, ac facilis; ita vestitu utebantur parabili, ad frigoris, aut ad æstus molestiam, seu textili, seu nexili. Didicerant assuetudine hiemem, & æstatem juxta pati; inopiam, & laborem pariter tolerare. Non erat tot odiis, simultatibusque conferta vita; non circumstrepabant tot arma. Non tot duella audiebantur, non tot hominum strages, non tot urbium direptiones deplabantur. Nullæ tendebantur insidiæ. Erant pacati omnes, suo quisque contenti; nulli neque libidini, neque delicto obnoxii, fidem sanctissimè colebant, rectè, frugaliter, & abstinenter vitam degentes.

O qui me, sublatum è turba, & ista confusione vitæ, plenæ insidiarum & metûs, ex omnique scelerum colluvione conflata, protinus restituat ad beatam illam solitudinem, felicemque sejunctionem, qua unusquisque apud se rerum omnium securus procul à terroribus vivebat? O qui me tandem abducat à tumultu, procellisque, ac tempestate, vagæ, semper fluctuantis, conflictantisque multitudinis; quam tot odia, discordiæ, dissensiones, despicationes, simultates, æmulationes, inimiciæ, bellaque civilia perpetuò exercent; vestigioque sistat, in illa placata, tran-

quillaque vita, in quam nihil, aut certè parum, possit fortuna? quæ vita quondam justitiam cum cæteris virtutibus è cœlo in sui contemplationem attraxerat.

Regnabat tunc simplex, nudaque, & aperta veritas. Omnia, inquam, erant sincera, omnia propalam patentia. Lucebant ubique per se æquitas, justitia, virtus, pietas, sanctitas, religio: suâ re quisque beatus vivebat. Si quid autem expetebatur in vita, quærebatur duntaxat ad usus necessarios, non ad perfruendas voluptates. Inde aberant multitudinis invidia, odium, obrectatio. Nulli quenquam potentiorum irridebant adulescentes. Nulli erant largitores, nulli maledici, nulli factiosi. Omnia evertit ista hominum conciliatio, civitas, aut res-publica. Infima summis paria fecit, turbavit, miscuit; in hominum animis veræ virtutis nervos incidit; mentes humanas omnibus vitiis, tamquam venenis delibutas, imbuunt, tot inductis artibus, magis amœnis, quàm necessariis.

Te appello, summe Sol, qui opera omnium, qui terram incolunt, cernis, omnia collustras, ac tuâ luce complexus, temporum dux, & moderator. Quæso te, vidistine umquam inter hominum adinventum hoc uno indignius, vitæque humanæ perniciosius, ex quo universum hunc mundum cursu perpetuo ambire cœpisti?

Diluvio ex illo tot inductæ fuere inexpiabiles religiones, tot superstitionibus referti sunt mortalium animi, tot vanis ritibus, & ceremoniis assuefacti; erratumque est plurima sæcula in tenebris: antequam vera religio, hoc est, ipsa lux, ope divinâ, non hominum adinventionem, mundo illucesceret. Ex illo, inquam, desierunt homines è virtute agere imbuti ma-

lis artibus, quas prisca illi rudes ne suspicari quidem poterant. Subierunt inde tot illecebræ voluptatum, tot magnifici apparatus, vitæque civilis supervacane cultus, ac munditiæ, ad delicias introductæ, potius inutiles, quàm necessariæ. Ex illo rogo, vel potius ex illa fornace, cupiditatum incendiis humanum genus inflammatum fuit.

Inde mortalium animis irrepsit ambitio infinita profundaue pecuniæ, divitiarum, potentia, honorum appetitio. Inde, inde, virtutes fere omnes interiere in quarum locum succedere vitia contraria: pro labore, desidia; pro æquitate, abstinentiaque, & continentia, improbitas, licentia, luxuria; pro pudore, & verecundia, audacia, atque temeritas; pro liberalitate & beneficentia, tum avaritia, tum largitio; ut ne libidini, nec sumptibus modus sit ullus. Inde dolus, furta, fraudes, invidia. Inde helluatio, lustra, gæcæ popinæ, cæteræque gulæ labes. Inde permultorum mortalium neces, vexatio, direptioque sociorum. Inde regum, vel potius tyrannorum, crudelitas; magistratuum, iudicumque intoleranda dominatio: opificum quoque vulgus, sellularii, & qui in sordidis artibus versantur, quotidiano quæstu viventes, quique in agris manuum labore inopiam tolerant, improbi evadere; ac nihil, his præsertim temporibus, proficiunt, nisi mentiantur. Nihil illis veri; nihil usquam in terris sancti, nihil sinceri relictum: nullus apud quemquam coelestium metus. Nullum jusjurandum sanctum: nulla religio integra. Pietas, probitasve aut fides per se parum tuta est. Nemo testimoniorum religionem, & fidem colit. Animi hominum, propter malas disciplinas, libidine cæci, luxu, lascivia, atque desidiâ corrupti, intabuere.

Omnibus fere divitiæ, voluptatesque bono sunt, ho-

estoque potiores. Usque adeò duobus maximè diversis, atque contrariis vitiis, hominum genus fœdum modum laborat, avaritiâ, atque luxuriâ: dum veni, atque libidini sumptus quærunt; pecuniaque sola est in pretio, non tantum opum, & potentiæ, sed etiam multarum, & magnarum effectrix voluptatum. Hinc sicæ, & gladii: hinc venena: hinc furta, pecuniarum, expilationes, direptiones civium, & sociorum, atque innumera præterea flagitia; ut homines nihil humani habere videantur, præter hominis figuram, & oris speciem. Nego ullum genus sceleris, libidinis, avaritiæ excogitari posse, quo id temporis civitates non laborent. Nihil est jam, non dico, pudori, probitati, virtuti, rectis studiis, aut bonis artibus; sed neque libertati, & saluti, loci.

Nugantur quidem philosophi in hortulis, & umbraculis suis, inter se summâ contentione digladiantes, de justitia, fortitudine, honestate, dignitate, moderatione, continentia, liberalitate; deque magnitudine animi, cæterisque virtutibus; deque officio, in quo colendo, sitam consistere aiunt vitæ honestatem omnem, in negligendo autem, turpitudinem: speciosa profectò dictu, quæ habent visum insignem, atque illustrem, sed re aut usu nihil prorsus adjuvant, nihil obfirmant, quo meliores simus. Ista verò magis naturam depravare experimento didicimus; dum virtutibus contraria simul vitia docent, quæ hominum animi, contagione corporum depressi, faciliùs comprehendunt, alieni appetentes, sui profusi. Inde, inde medius fidiùs irruerunt in genus humanum illa capitalia quoque flagitia, & scelera; ausique sunt homines depositum abjurare, leges evertere, patriam hostibus prodere, parentes violare, fana depopulari, conscribere mortuorum testamenta, adolescentes

circumscribere; & ut, denique finiam, quidquid umquam scelerum in genus humanum invasit, ex illuno, eodemque pullulavit seminario.

Conclusâ hac igitur rebus tam necessariis ratione nisi conspectum vestrum augustissimum vererer, nisi præterea metuerem, ne quis extrâ crimineretur, ne violare jus majestatis, atque imperii, unum adderem quod fortasse auditu paulum, à communi hominum sensu, atque intelligentia disjunctum videretur. Verum inter bonos & fortes agendum ingenuè. Quamvis enim carnificinam prius subeam, quam non promam apertè, & liberè quæ sentio. Enuntiabo voce summâ, quoad vires valebunt, audacter, nullius planè in hac re fraudis conscius; neque verum in tam optata occasione (fremant licet omnes) occultabo. Igitur insanum, ut ait ille, magnum molienti negotium, vehementer cuperem, hanc vocem, tamquam ex altissima specula, unde esset latissimus in omnes partes circumspectus, emissam, à cunctis gentibus, & nationibus, in cunctis orbis universi regionibus, undique audiri, atque intelligi. Audiat natura, atque humanitas. Audiant, quæ olim solebant in terris cum hominibus versari, justitia, & fides, cum splendido cæterarum virtutum comitatu. Audite, viri præstantissimi, sententiam meam.

Cùm compertum sit, ex constitutis urbibus maxima plurima hominibus congruissè; cunctaque fere vitia invasissè in genus humanum, atque inde fontem apertum maleficiorum omnium erupissè; & mores indies magis ac magis lapsos, propter hominum inter se commercia, mutuamque consuetudinem, atque convictum, fieri deteriores, plus, plusque quotidie animos depravari, multoque magis in posterum depravatam iri, prospiciam; periculumque imminere hu-

mano generi, ne ultione divinâ correptum penitus
corruat, quod ulterius homines neque vitia sua, ne-
que eorum remedia pati possunt; censeo, relictis ci-
uitatibus, coetibus, & conventiculis omnibus, ubi im-
proborum licentiâ corrupta, scadataque sunt omnia, ad
eros, & ad solitudinem universè cunctis mortalibus
cedendum esse: dimittendamque, ac fugiendam
vitam hanc, atque immanem belluam, quam rei-pub-
licæ nomine, secutus veterem errorem philosopho-
rum, VIDA ingressus est tot laudibus inauspicatò ob-
scure; triplex, inquam, tot capitum, totiesque tripar-
tito tergeminum monstrum, tot involucris, & inte-
rumentis involutum portentum, toties multiplex,
tot flexionibus, tot caudarum voluminibus, & spiris
contortuplicatum, hoc est, ipsam germanam rem-
publicam; qua conciliatrice, & quasi lenâ, animum
ambros, deliciis, otio, languore, desidiâ, labefactavi-
mus: remigrandumque ab ea vita, in qua est nobis
longè plus malì, quàm commodi, ad priscam vitæ
privatæ, ac solitariae tranquillitatem, ac securitatem;
in qua, propulso legum, & poenarum, censoriarumque
rotationum metu, non anxii usquequaque futuri si-
mus, sed cum gravitate, & animi constantia, nobis,
& apud nos simus victuri: relinquendaque à nobis
regna, imperia, honores, nobilitates, majestates, do-
minatus, divitias, opes, inanes glorias, illis, qui ea
tantopere appetunt.

Agite, viri fortissimi, à tempestate porrò omnium
perturbationum undis excitata, in portum tutissimum
nos conjiciamus; vindicemusque à turpissima, scdis-
simaque, si viri esse volumus, servitute, in pristinam
priscorum mortalium libertatem. Eximamus nos
ab iniquissimo primatum, magistratuum, & judicum,
quibus desitum est quidquam iniquum videri, domi-

natu. Evadamus tandem à populi invidia, tamquam ab ergastulo, & ab aliquo pistrino, & ad majorum nostrorum felicissimum priscæ illius antiquitatis statum revertamur; ubi principum & populi mores non sint nobis tantâ nausæ ferendi, tot ineptiæ, tot stultitiæ devorandæ. Vitemus conventus, & congregationes, tot insidiis, fraudibus, & fallaciis refertas. Meminerimus aureæ illius sententiæ prudentissimi philosophi, nullam tam detestabilem pestem existere, quæ homini ab homine non confletur. Revocemus ad hanc ætatem, tam deformem, tam squalidam, & obsoletam, heroica illa, & beata tempora, & aureum sæculum repræsentemus. Reducamus in terram justitiam postliminio redeuntem, pulchritudinemque, & splendorem virtutis, jam olim à mortalibus repudiatum, atque rejectum. Sevocemus nos à tot, tantisque molestiis offensionum, & repulsarum, procul ab instabilis vulgi judicio, procul ab ambitione, & honorum contentione.

Quid, obsecro, dulcius, quid jucundius, quàm vivere ex natura? quam si sequamur ducem, atque magistrum, numquam à recto aberrabimus, Deo unipræpotenti obtemperantes, totius hujus amplissimæ civitatis; mundi, inquam, & universæ naturæ, molitori, atque moderatori; suam quisque familiam regentes; facultatum se quisque suarum finibus continentes, parvoque contenti, magis rebus necessariis, & salubribus studentes. Quam quietem, vitæque securitatem, & cunctarum perturbationum sedationem, ego medius fidius omnibus imperiis, omnibus omnium triumphis, magnificentis, splendoribus, apparatibusque, cum elegantia, & copia, cunctisque opibus, atque divitiis, si quid mei judicii est, antepondam duco.

Dixi sententiam rogatus, præstantissimi viri, non modò me, sed viro quovis gravi, & abstimente, quem voluptatum illecebræ à veris & optimis consiliis dimovere non possint, dignissimam. Ne quis tamen autumet, me genus humanum omnino distrahere ad disperditionem, dissipare, atque divellere velle : omnes ipse potius gentes, omnes nationes, omnes populos, cunctosque mortales, ex oppidis, & municipiis, atque quibusvis conciliabulis, ad ampliorem societatem, quæ lege naturæ latissimè patet hominum inter omnes, amplè, atque magnificè deduco.

Hæc habui fere in hanc sententiam quæ dicerem, quoquo modo potui, ad hanc dictionem subitam, & improvisam, adde quoque, mihi parum gratam, adversus ingenium meum detrusus, imparatus, atque inexercitatus. Scio equidem, mihi opus fuisse longiori apparatione, cùm maximè laborandum esset in odioso causæ genere. Sed enim quid facerem? Mos gerendus fuit MONTIO : qui totam hanc turbam concivit volens, cùm peccata, tranquillaque essent omnia; quòd præviderat, hac disputatione sibi, suisque collegis, ni id faceret, protinus negotium exhibitum iri. Æquum enim esse, atque è dignitate videbatur, eos, hujus nostri conventûs, & societatis principes, principe loco sententiam dicere, & excipere primos ictus in arenam descendentes. Itaque is, ut se ex hac turba evolveret, à seque, & suis confessionibus omnem hanc molestiam amoveret, quidquid planè laboris, discriminis, & certaminis imminebat, in nos ambos, VIDA, si nescis, minùs sibi conjunctos, & longo intervallo ad se pertinentes, ordinis inferioris homines, derivavit.

His, ille, dictis, oculorum quadam hilaritate liberali modestè nobis arrisit : evestigioque exiit om-

nem illam, quam in dicendo modò præ se ferebat, acerbitem, & austeritatem, quò orationis vehementiam ardore oculorum, vultuque planè non suo, imitaretur; totius ut oris mutatâ specie confestim sit factus planè alius, ostenderetque omnino se alienæ personæ actorem fuisse, neque suoapte sensu ea pronuntiâsse, præsentemque quodammodo tunc absentem fuisse.

Cùm omnes verò docti homines, atque parati, non satis admirari possent eloquentiam; MONTIUS confpicatus, rem ex sententia procedere, jactamque esse aleam, ut omnino respondendi cum contentione necessitas mihi imposita esset, Haftenus equidem, inquit, FLAMINIUM semper ratus sum poetam duntaxat dulcem, atque compositum, talemque, cui nostrâ ætate pauci pares essent. Lego enim etiam interdum poetas, cùm mihi à publicis muneribus otium quidpiam datur; neque à recentioribus, & ab eis qui hodie vivunt, tempero. Existimavi sanè semper poetas, atque oratores, facultate inter se plurimum esse disjunctos: paucique ideo haftenus inventi sunt, inter omnium ætatum alicujus nominis poetas, qui non dico, optimè orarent, sed solutam orationem non omnino contemnendam conficerent. Difficile est enim, pluribus distentum studiis, non modò in omnibus, sed etiam in uno, & altero excellere. Una profectò quæque ars totum hominem occupat; neque eundem faciliè patitur in diversa distrahi, curamque & cogitationem huc illuc dividere. Quod sanè nôsse possumus in duobus linguæ Latinæ luminibus, M. TULLIO CICERONE, & P. VIRGILIO MARONE: quorum alter, exceptis versibus, ne literam quidem scriptam reliquit; alter verò per otium interdum poeticam adortus fuit. Sed quàm bellè ei successerit, præ illis studiis, quæ illi erant propria, nemo nostrum non no-

vit. Proinde inter nos quoque, qui huc convenimus, quendam esse scio (simulque POLUM innuebat) qui in omni scriptionis genere plurimum valet; eum tamen nullum umquam versum fecisse audio. At FLAMINIUS noster quàm magnificè, quàm copiosè, atque compositè videtur tibi, VIDA, etiam oratoris munere perfunctum fuisse?

Mihine, inquam? quem nihil tale expectantem, accuratâ illâ dicendi copiâ, atque ubertate, tantoque verborum cursu, quasi torrente, pæne perterritus, ac stupefecit; & nisi tam manifestò essent falsa, quæ dixit, eò me redegisset loci, ut planè nescirem, quò me verterem. Si ille in solitudine, quam tantopere præ se fert expetere, eductus fuisset, non in ea urbis luce inter doctissimos, optimis instructus artibus, atque virtutibus, numquam ita obturbâisset; neque hercle hic mihi conflatus esset labor, cum ad ea, quibus non modò asperè, sed etiam atrociter, ac præfractè est infectatus rem publicam, mihi respondendi onus impositum sit.

Verùm tamen nobis, quibus FLAMINII oratio visâ est docti hominis, copiosi, atque parati, non adeò mirum esse debet. Habet enim ille non multò minus ab oratoribus, quàm à poetis. Quamvis etiam intueor poetas plerumque in suis poematis virtutes oratorias persequi, & proximam esse cum oratoribus poetarum cognationem, (de illis loquor, quibus summam copiam, & dicendi facultatem est elargita natura) poetamque oratori in multis ornandi generibus animadverti esse locium, & pæne parem. Atque ideo visum est multis, PLATONIS scriptionem, tametsi absit à versu, magis poema habendum, quàm Comicorum poetarum locutionem; quòd paulò magis incitatus feratur, & crebris verborum luminibus, tamquam

stellis quibusdam, semper grandis orationem illustret. Quo in genere DEMOCRITUM quoque habitum fuisse audio. Quandoquidem quamvis istæ duæ facultates longè sint inter se disjunctæ, multa tamen existunt utrique communia, taliaque, quæ non parum inter se mutuò adjutant. Quod quidem experior in me ipse: nam non defuerant, qui me quoque in aliquem poetarum numerum venisse crederent.

Quasi verò, inquit PRIULLUS, nunc primùm nominamus nos inter nos. Ut contemptim de te ipse? perinde poetam dissimulas, ac si numquam poeticam attigeris, qui libros non parum multos versibus referlisti. Atque de ea ipsa arte poema edidisti sanè bene longulum, in quo præcepta tradis ejus quidquid est artificii; conatus adolescentulum, à Grammaticorum sinu susceptum, talem instruere, ut evaderet poeta omni laude cumulatus: audioque, eum librum legi à multis, & in academiis ab adolescentibus memoriæ mandari. Idcirco jamdudum mecum mirabar, quòd omissis, vel intermissis pristinis tuis studiis, omnia alia ageres; atque ego quidem de hac re, quod vehementer optabam, numquam te hæcenus appellare ausus fui.

Ego inquam, PRIULLE, negare non possum, posuisse multum temporis, & quasi ætatem trivisse in illis studiis, quibus à puero me totum dedidissem; non tam ut animo meo indulgerem, quod faciunt multi, quòdve in illa facultate aliquid posse mihi persuaderem, mihi que placerem, quàm ut aliorum voluntati morem gererem. Cùm enim jam adolevissem, relictis studiis illarum artium, quas qui tenent, eruditi vocantur, me totum philosophis, tum theologis, tradideram erudiendum; gravissimisque illis studiis Romam adductus operam strenuè navabam.

Nescio quomodo à LEONE X. tunc Pont. Max. interpellatus fui, ut relictâ, rejectâque omni aliâ curâ, ac studio, periclitarer, quid efficere, quantumve progredi valerem, in exprimendis & versu explicandis rebus divinis, quæ pertinent ad CHRISTI instituta; totamque tam augustæ religionis, ac sanctitatis rationem, optimorum poetarum figuris, atque virtutibus, Latinè, quoad possem, ornarem.

Autumo, quia fortasse legisset quosdam meæ adolescentiæ lusus; versus, inquam, illos, quos olim adolescens de re ludicra, sed non parum difficili, atque involuta, (Scacchia vulgo vocant) conscripseram; nec non duos quoque libros de Bombyce. Erat enim Pontifex ille ex clarissima, atque honestissima, ut neminem vestrum præterit, MEDYCEORUM Hetruscorum familia, omnium virtutum auctore; qui ad beneficentiam, ad decus, & amplitudinem nati, pliusquam homines, diisque simillimi, dum artes, exercitationesque virtutum, in Italia ubique propagare, ac promovere studerent, nihil prius habuerunt, quàm honestis præmiis optima ingenia elicere; atque vel remotissimum quemque, & nihil ad se pertinentem, in quo esset ingenii, & virtutis indoles, liberalitate suâ excitando, in omni studiorum genere ad summam perfectionem, ad excellentiamque perducere; digni certè immortalitate viri.

Non potui fanè tanti Pontificis, tamque de communi hominum societate bene meriti, piæ voluntati non obtemperare; scripsique, poetarum more, de ipsius CHRISTI rebus, & institutis libros VI. qui fortasse in aliquorum vestrum manus venerunt. Conatus fui in illis, id, quod apprimè LEO expetebat, verbis Latinis explicare quædam sensa recondita, expressu difficilia, Hebræorum linguæ propria, & à sermonis,

tum Romani, tum Græci, majestate admodum aliena gravissimas, inquam, sententias, parum verbis adhuc ornatas, quæ videbantur nullâ umquam sermonis Latini luce posse fatis splendescere: ut, si quis forte post me eadem præclariùs illustrare cuperet, aliqua saltem à me impressa vestigia inveniret, in quibus insistere possit, & sua ibidem altiùs imprimere.

Sed cùm divina illa de CHRISTI rebus à IV. Viris conscripta historia, non mihi omnem omnino occasionem sumministrâsse visa esset, opportunè, & loco suo, atque ordine, extra omnem nimis industriæ suspicionem, ornandi ea, quæ sunt ejus religionis propria, poetis nostris adhuc, si non planè intacta, saltem inexpugnata; ea ipsa de causâ Hymnida conscripsi, laudum, inquam, divinarum librum. Quibus, ut potui, pro imbecillitate humana, profecutus sum Deum quidem priùs præpotentem, trinis Personis unum, optimum, maximum; deinde etiam minores cœlites, tamquam ejus cives, & administratos; imitatus in hoc scribendi genere, diversâ tamen religionis ratione, antiquissimos theologos ORPHEUM, LINUM, MERCURIUM. Vides igitur, PRIULLE, me non ab re istæc studia dissimulâsse. Negavi, me esse poetam, quòd poetæ, quæ canunt, scribuntve, ea suapte sponte, atque animi liberâ quadam oblectatione, faciunt: ego verò ista, qualiacunque, jussus, ne dicam, coactus, scripsi; rectiusque fere LEONIS X. poemata, quàm mea dici possunt.

Tandem restincto in me calore illo, sine quo negabat DEMOCRITUS quemquam poetam magnum esse posse, seriùs quàm voluissem ad me ipsum redii: meque retuli ad pristina studia, quæ licèt temporari serviens intermisisssem, attamen ea semper animo retinueram. FLAMINIUS noster, extra hanc necessi-

tatem positus, semper fuit suus; scripsitque, quæcunque ei collibuisse, nullius obnoxius imperio, verè poetæ nomine dignus. Idcirco animadvertere potuistis in illa tam longa, multumque litigiosa rei-publicæ accusatione, quàm incitatus ferretur, quàm grandis, valensque assurgeret; quàm creber luminibus quibusdam ornaret orationem; ut ambigas, oratorumne rectius, an poetam dicas. Ego verò eum utracunque velis manu æquè aptum, potentemque, ac paratum, etiam plusquam vellem, experior.

Non ignorat VIDA, inquit FLAMINIUS, nihil hìc planè fuisse iis opus, quæ nunc, perlevi arreptâ occasione, extra causam memorat. Verùm ea verborum tenuis duntaxat, nihil ex animi sententia, intimo sensu loquitur. Interim nimirum comperendinando se colligit, & quantulumcunque potest spatii, ad cogitandum, commentandumque sumit. Quod equidem haud molestè fero, ut eum postea cum majore rei-publicæ, de qua quærimus, provenitu, audiamus.

Tum POLUS, qui itidem quoque tacitus animadverterat, cùm sit mitissimi sensûs, animique lenissimi, & omnibus mortalibus consultum esse cupiat, incredibili benevolentia charitate humano generi devinctus, sui usquequaque memor, sui semper persimilis, ut ipse quoque ampliaret, Numquam possem satis, inquit, laudare beneficentissimi Pontificis illius tam sapiens consilium, in istiusmodi re providenda, Christianis hominibus non modò decora, sed etiam salutari. Vix exprimere valeam, quanto stomacho audire aut legere soleo, Christiani hominis poemata, in quibus ubique JOVES, VENERES, SATURNOS, CAS-TORES, POLLUCES, & id genus nugas, auribus meis

inculcant, præter fabellas, & molliculas, plenæque libidinum, & titillationum omnis generis, narrationes.

Tu quoque, VIDA, visus es mihi aliquamdiu viâ communi ingredi, cum adhuc adolescens illos ipsos tuos lusus juveniles, quos modò aiebas, amicis legendos dares; insuper & Bucolica, multaue alia carmina ad mores pertinentia, dulcia quidem, & illâ, quam tantopere vos poetæ affectatis, suavitate, quadam, inquam, ut ita nominem, stili lætitiâ, diffluentia. Quàm metui, ne ingenium tuum in illiusmodi ludicris exercitationibus consenesceret! in illis tamen, quod minus è religione videatur, nihil umquam offendi; nihil planè, quod non sit SOCRATIS auribus, aut sanctitate dignum.

Postea verò quàm incidi in ea, quæ è CHRISTI disciplina scripsisti, intellexi, quò deinde ad hæc seria, te homine Christiano, præsertim sacerdote, digna, explicanda, exercitior accederes, atque limatior, priùs in illis jocularibus te aliquamdiu exercuisse, tamquam in sumpta thesi: imitatum novos, rudesque medicos, aut tonsores, qui, antequam frequentioribus municipiis medicinam, aut tonstrinam faciant, ruri, aut in desertissimis oppidulis, arti suæ se quisque assuefaciunt; & quid valeant, priùs in corporibus rusticorum hominum, quorum non tanta est jactura, periclitantur, discantes eorum periculo.

Ad hæc CERVINUS, Eodem consilio, inquit, olim doctissimi sanctissimique viri, BASILIUS, & GREGORIUS Nazianzenus, itidem factitârunt apud Græcos, quod tu, VIDA, apud Latinos. Ut enim avocarent adolescentes, & otiosos homines ab HOMERO, cæterorumque Græcorum fabulis, & commentis, conferunt ipsi poemata, ad CHRISTI disciplinam, quorum lectione se quisque oblectare posset. Alterius ego

adhuc extantia nonnulla legi, quæ haud ita probantur ut vellem, ab iis, qui Græcè luculenter sciunt, cum auctor cæteroqui doctus esset.

Vix ille loquendi finem fecerat, cum MONTIUS me intuens, Ad rem tandem, inquit, VIDA. Mittamus, si placet, de nihilo natam historiam, atque ad institutam disputationem redeamus.



M.

M. HIERONYMI
VIDÆ

DE DIGNITATE REI-PUBLICÆ,

SEU

CIVILIS SOCIETATIS,

LIBER SECUNDUS.

TUNC ego tacitus, intuens FLAMINIUM, & caput leviter quatiens, quasque abnutans, non tristis planè tamen, sed propior hilari, ac subridenti, Itane, FLAMINI, inquam? Ain' verò feriò? Quid tu hominis es? Siccine eloquentiâ, & literis abuteris? Dii vestram fidem! Itan' prorsus oblitus es tui, ut ad istam vitam nos invites, aut potiùs obtrudas? Si ista ex animo loqueris, equidem cupio tibi à Diis immortalibus mentem meliorem dari, qui accusatoriè inter nos agens, rem-publicam, & hominum conjunctionem, ex qua una re coelestium quasi vitam adepti sumus, indignis acceptam modis, adèd exornatam, atque depexam dedisti; civilemque communitatem, qua nihil magis opportunum, magisque ex usu, aut potiùs necessarium, datum est humano generi, naturæ ipsius munere, adèd oratione vexasti adèd raptasti, atque coram tam gravibus viris, in

tam augusto coetu, ea ausus fuisti enuntiare, quæ non à philosopho confutanda essent, sed potius à censore religionum reprimenda. Tun' audes istum in modum vitæ parentem incescere, sibilisque conscindere, eamque pro ridiculo, ac delectamento putare, & te tam nefario parricidio conscelerare, tam impiè ingratus? Quid porro boni tu habes, quod non habeas ab ea, adversus quam tam atrociter fulminas? Id sanè est hominis in literis intemperantis, nimium confidentis sibi, & abutentis ingenio ad ostentationem. Totâ planè aberras viâ, totus in physicis alienus.

Non tu te, inquam, cohibes? non tu te respicis? Nonne sentiebas, cum ea diceres, alioqui doctus homo, contra sensus, & perspicuitatem, contraque omnium gentium consensum disputare? Miror, pudorem tuum, quo te semper probavi, passum fuisse te tam diu in ea calumnia versari; neque erubuisse te, auditâ quasi voce naturæ; quæ tibi, me tacente, contradicebat, cum eas tragœdias declamares, tonans, ac fulgens contra depravatos hominum mores, in quo tua diu frustra se jactavit oratio. Quasi verò nos corruptelas defendamus; quas quid attinet toties inculcare?

Næ tunc magnificè putabas rem geri, & ex sententia, cum Solem ipsum omnia videntem, omnia colustrantem, interpellabas, contestabarisque. Miror, quòd iridem non cætera cœli sidera, tam quæ fixa sunt, quàm ea, quæ errare videntur, testatus fueris; neque imploraveris omnes Deos, tam superos, quàm inferos, tam maximos, quàm infimos, & medioximos, illum præsertim, *qui templa cœli summa sonitu concutit*: neque advocâris cives, & populares omnes, advenas, & peregrinos; neque item clamaveris, *O cælum!*

O terra ! O maria Neptuni ! & Orcum ipsum, ac Plutonem non appellaveris. Quæ per deum immunitas illa verborum ? quæ atrocitas ? vel cùm laudares discriptionem, dispersionemque humani generis, cùm mortales, in montibus, & silvis, nullis moribus viverent ; vitamque illam, non modò rudem, agrestem, atque horridam, verùm etiam oscitantem, languentem, & dormitantem, tantâ verborum effusione in cœlum tolleres. In qua re visus es mihi plus æquò tibi indulgere, identidem quædam dulcia dictu inculcans, quæ sunt ambrosia, & nectar poetarum, magis poetam, quàm philosophum, aut oratorem decentia.

Expectabam ideo, ut nobilissimi poetæ versus quodque de vita rustica, tamquam testes tuæ sententiæ, & suffragatores citares :

*Rura mihi, & rigui placeant in vallibus amnes
Flumina amem, silvasque inglorius. O, ubi campi,
Sperchiusque, & virginibus bacchata Lacenis
Taygeta ! O, qui me gelidis in vallibus Hami
Sistat, & ingenti ramorum protegat umbrâ !*

Quædam scilicet fessi animi, & otium summè expectantis, à publicis negotiis, atque laboribus laxamentum magis dictu, aut lectu jucunda, quàm quæ sint ex aliquo usu. Cujusmodi quoque illa cantio apud FLACCUM ;

*Beatus ille, qui procul negotiis,
Ut prisca gens mortalium,
Paterna rura bobus exercet suis :*

& quæ sequuntur ; plurimaque aliorum alia. Talia cùm diceres, nos, qui te audiebamus, animadvertebamus, nihil tibi planè deesse, præterquam causam. Canes tu potius istæc feris & belluis, non hominum generi, cui naturâ comparatum est societate delectari, & in communione vivere.

Non ignoro equidem, Socraticam esse consuetudinem, contra alterius quamcunque vis opinionem differendi; GORGIAMQUE sophistam locos communes invenisse, quibus possint facile omnia vel laudari, vel vituperari. Parciùs tamen, ac restrictiùs agere poteras, eaque tibi erant tangenda duntaxat ad dialecticorum consuetudinem, qui veri, & falsi dijudicandi scientiam habent; cùm præsertim coram doctis iudicibus tecum tibi esset res. Verùm, quæ prætervolare poteras, subtili & compendiosâ disputatione maluisti dilatare, fuso latiùs ad rhetorum disciplinam sermone; &, ubi tibi videbaris posse oratione volitare, velis remisque non pepercisti, ut mihi per oppressi-
onem causam eriperes.

Quid si ego quoque adversùs te clamem, omniumque mortalium, popularium, & peregrinorum postularem, orem, obsecrem, plorem, atque implorem fidem? Verùm agam tecum simpliciùs, cùm non desit mihi copia rationum, quibus te cogere queam. Vix dicere possem, quàm nunc memet mei poeniteat, qui eò redactus sum, ut mihi opus sit argumentis probare solem lucere, calere ignem, nivem esse albam, & id genus alia, quæ sunt per se perspicua, quæve sensu nemo non percipit; atque necesse sit respondere contortis quibusdam rationibus tuis, & fallacibus argumentis, quæ, sophistarum more, tamquam hamos quosdam, aut laqueos, in tota oratione insidias collocans, innexuisti.

Metuo namque, ne rem minimè dubiam, argumentando dubiam faciam, atque incertam; cùm sæpe audierim, sicut fidem, perspicuitatem quoque argumentatione elevari. Si ego nunc tecum, verba ad compendium conferens, more dialecticorum, agere velim, à quibus oratio breviter ratione con-

86 M. H. VIDÆ DE DIGNITATE

cluditur, perfacilis, perque expedita defensio foret, essetque confectum statim negotium. Est enim eorum ars contracta, atque astricta quasi eloquentia. Si te cœpero interrogare de iis, quæ tantopere, tantaque molitione pronuntiasti, in singulis insistens, ut de ipso te intelligam, quid abnuas, quid concedas; potero facilè ex te, ut ille ait, verum exculpere, ut remet ipse statim mihi vinctum dedas: quod equidem adducor, ut faciam, ut ad ea, quæ mihi dicenda sunt, de tota rei-publicæ ratione, actutum accedere liceat.

Tunc MONTIUS, qui, nobis laborantibus, quamdiu poterat ipse quiescere, & animo suo morem gerere, cogitabat, Nisi aliter, inquit, collegis meis, & huic PRIULLO videtur, mihi certè dialecticorum mos differendi minùs probatur: quorum est subtile quidem, sed exile, & spinosum dicendi genus, ut vix intelligantur, quæ ab eis squalidiùs dicuntur. Usque adeò concisæ sunt argumentorum contortione, ita compressa, & involuta, ut videor mihi, cùm eos audio, aut lego, per scrupulosas cotes navigare. Nimirum sæpe injiciunt laqueos, ut captionibus irretiant ingenia adolescentium: & persæpe veniendum est ad forites, brevibus & acutulis quibusdam conclusionibus; lubricum, & periculosum sanè differendi genus, quod nullam audienti, aut legenti, affert delectationem; & sæpe falsis assentiri cogimur. Latior mihi, lucidiorque semper placuit argumentandi ratio, quam rhetores sequuntur. Qui, sicut minùs acutè, ita minùs absconditè loquentes, quodammodo dilatant, atque res fusè, & copiosè explicant; & omnia, quibusdam quasi luminibus, sententiis, & verbis illustrent. Æquum est præterea, te, VIDA, eorum armorum genere, quibus te FLAMINIUS appetiit, cum

repellere, atque si vales, conficere; ut sit par pugna, æquaque colluctatio: neque verendum est, ne hora nos interpellat, cùm adhuc multum spatii ad vesperum superfit, etiam nunc scandente sole: totaque dies sit nostra, quam huic disputationi omnem dicavimus.

Censeo itidem, assentiente etiam POLO, CERVINUS inquit. Dices nihilo secius inter respondendum, interque refellendum, ea, quæ tibi jamdudum dicenda erant, ni FLAMINII interventu, intercursumque, impeditus fuisses; sublatâ interdum verborum contentione, docentis magis similis, quàm repugnantis: neque hanc prorsus orationem tibi contra eum suscipiendam arbitror.

Tunc ego: Sustinebo igitur duas personas, qui vix unam ferre valeo, quando ita vultis; minuatque, quantum potero, contentionem. Persequar, inquam, ea, quæ erant propria hujus disputationis, & quod modò exorsus fui prætexam, & totam rem explicabo; atque interdum occurram FLAMINII fallaciis, quoties mihi se offeret occasio, imitatus impigrum gladiatorem in arena pignantem, qui adversus infimicum usquequaque dextrovorsâ icit manu. Si tamen sibi ex usu fore conspiciatus sit, eadem manu sinistrorsum flexâ ictum retorquet, atque aut ferit, aut cavet, & imminentem sibi plagam rejicit, atque refutat. Agam itaque tecum, FLAMINI, potius, ut volunt nostri heroes, fusâ & fluente oratione, quàm illâ contortâ, acri, atque vibrante, magis tamen orator ex Academiæ spatiis, quàm ex rhetorum officinis; neque tam tecum pugnabo, quàm aperiam quid sentiam de tota re, quæ est in manibus. Porro tuæ argumentationes me leviter tangunt, qui vis rem ad glandes, ad casas, aut potius ad cavernas, ferarum

lustra, & volutabra redire. Namque tuam omnem disputationem, tamque longam orationem, paucis conficere valerem, prosternere, atque obterere; & tota causa dici posset, ac perorari duobus, aut tribus verbis: quandoquidem, quæ ego pono, atque ea quæ tu impugnas, non eadem sunt omnino, sed longè inter se abjuncta, atque diversa, & prorsus alia.

Ego rem-publicam civitatemque defendo. Contrà tu foedissimam tyrannidem, & improborum dominatum, probris insectaris, res oppidò, à sese mutuo distantes, & dispartitas. Igitur mihi nulla tecum est controversia, nulla certatio. Quod tu oratione plenâ stomachi detestaris, neque mihi illud perplacet. Vide quantum à scopo aberrâris. Laudo ego veræ & solidæ rei-publicæ divinitatem, & perfectionem. Tu contrà, in civitatis corruptæ, debilitatæ, decurtatæ, affectæ, afflictæ, morientis, planeque jam mortuæ, simulacrum, & umbram inanem, inveheris. De homine vivo, atque vigente, & omni genere laudis præcellente, à me quæritur. Tu affers projectum, & planè mortuum corpus, rancidumque cadaver, de quo mihi contradicas. An tibi videntur concinere res-publica atque tyrannis?

Vide, quàm nimis multa profuderis nulla de causa; quàm frustra tantopere laboraveris. Si ego vellem, totius hujus, quæ mihi tecum est, controversiæ, hic terminus adesset; causaque dictâ, me, salvâ existimatione, ex hac turba nullo negotio expedire possem. Nihil planè adversus rem-publicam, nihil contra civitatem perorâsti. Sed contra confusionem quandam, contra sceleratorum hominum factionem, & conspiracyonem, contra scelera, & latrocinia cujusdam conflatæ, coeuntisque multitudinis, contra omnino aliud, atque ego proposueram, declamâsti; &

saeculum nostrum, hominum vitiis & flagitiis commemoratis, nobilitasti. Nihil hercle prorsus dixisti. Ego regem justum, ac bene moratum posco. Tu in medium affers teterrimum tyrannum, ad quem pertinet illa sententia, *Si violandum est jus*, & quod sequitur, ab EURIPIDE, ETEOCLI sceleratissimo, ut personæ serviret, attributa. Talis namque rex, datam sibi, ad salutem, & ad conservationem civium, potestatem, ad bonorum pestem, perniciemque convertit.

Porro, quid attinet toties depravatos esse mores inculcare? Si prius inter nos convenisset, quid sit res publica, tua neutiquam adeò vagata esset, neque tam latè hac illac fluctuasset, oratio. Ecquem tam amentem existere arbitraris, qui approbet vitiosas res publicas, aut veriùs tyrannidas, de qua re urges identidem, & mordicus pugnas?

Ut igitur, quæ ambo dicimus, conciniant, constetque inter nos quid sit res, de qua loquimur, neve confusè agamus; quæso te, bonâ veniâ liceat mihi te saltem de hoc percunctari. Quæ res huic voci subiecta sit. Prius, id nomen quam vim habeat, tibi est aperiendum, brevi quâdam & circumscriptâ explanatione, id quod positum in PHÆDRO à PLATONE probat vehementer EPICURUS, affirmatque in omni disputatione fieri oportere. Sic enim quod involutum esse videtur, evolvitur, atque dilucidè explicatur.

Ad ea FLAMINIUS: Quando me, inquit, rogas, scio variè à philosophis rem-publicam definiri. PLATO siquidem dixit esse vitam civitatis. Eam ARISTOTELES apertiùs explicat, inquiens, esse eorum, qui vivunt in civitate rectam quandam institutionem. Alibi autem latiùs, ac luculentius declaravit, esse institutionem civitatis, circa magistratus omnes in ea ordinandos; præsertim circa primum, ad quem spectat

omnes alios summâ auctoritate, & potestate instituere. Alii verò aliis verbis idem fere innuunt, dicentes, rem-publicam esse rem populi. Cùm rem dicunt, summam ego intelligo, ut rei universa vis, & genere, & proprietate quadam, enucleatè declaretur: neque puto hìc quidquam eorum, quæ ponenda erant, deesse, neque quidquam superfluere, aut redundare.

Bene habet, inquam: nunc video tandem incipis te dare in viam, qua ad id, quò volumus, pervenitur. Ita enim spero constare posse id, quod venit in disceptationem. Hanc verò brevem, & circumscriptam explicationem video convenire omnibus rei-publicæ formis, sive ab uno rege, sive à principibus civitatis, sive ab universo populo gerantur. Neque enim rectiones hujusmodi inter se genere, sed formâ tantùm, & specie differre, dignoscuntur.

Hoc jacto disputationis nostræ fundamento, inchoata adhuc tantùm est rei-publicæ species, existitque in animis nostris adumbrata ejus cognitio; nondum absoluta, atque perfecta. Nam utracunque harum definitionum, quas ultimo loco dixisti, tibi probetur, ejus partes adhuc tamen restant explicandæ. Convenit sanè, rem-publicam esse rem civitatis, aut populi. Nam primam fuisse, ut tu quoque memorasti, ab ARISTOTELE introductam, novi; alterius autem auctorem extitisse accepi P. SCIPIONEM Africanum apud CICERONEM in libris, quos reliquissè scriptos de hac ipsa re ipse testatur: nihil planè inter se differre, sed unam eandemque omnino esse intelligo. Oportet tamen à nobis lucidè, ac perspicuè declarari, quid sit populus, quidve civitas, ex qua populus omnis: secus adhuc versaremur in tenebris, atque hallucinari possemus. Porro ego colligo, ex verbis ARISTOTELIS, civitatem non esse omnem

hominum coeuntium multitudinem, sed eam duntaxat, quæ congregata est ad bene, beateque degendam vitam: ut etiam AFRICANUM populum definisse audio, non omnem coetum, sed illum tantum, qui juris consensu, & utilitatis communione, est sociatus. Vides igitur, ex civitatis, aut populi, idem enim sunt, brevi descriptione, in re-publica existere quandam utilitatum communicationem inter eos, qui conjuncti, congregatique vivunt.

Neque tamen propter omnem utilitatem fit hujusmodi conciliatio, neque solum vitæ ipsius causâ, ut scilicet homines hac conjunctione vitam degere possint: parum enim in hoc à cæteris animantibus, quæ societate gaudent, differret hominum genus. Nam & illa quoque inter se multa communicant eorum, quæ attinent ad vitam producendam, atque tuendam. Nempe nullum animal præter hominem est felicitatis capax: quem finem, & extremum esse civilis societatis omnes cordati philosophi ponunt; quod est non tantum vivere, sed etiam bene vivere; ad quod communicatio vitæ, & publicè, & privatim, plurimum confert. Communicamus enim inter nos actiones, quæ proficiuntur ab honestate, id est, à perfecta virtute, quæ circa usum, & exercitationem versatur, quam prudentiam appellamus, locatam in delectu bonorum, & malorum, semper cum justitia conjuncta, sine qua nulla esse potest communis utilitas; quod quidem existit illud optimum bonum, quod rem-publicam gerentibus proponitur, tamquam extremum, & summum. Ut enim gubernator propositum habet finem, ad quem tendit, cursum secundum, medicus salutem, imperator victoriam; ita moderatori rei-publicæ beata civium vita proponi debet, ut opibus, copiisque, & gloriâ ampla sit, atque virtute honesta.

Porro civitatis naturam ARISTOTELES conclusè, & enucleatè expressit, finem ejusmodi congregationis, civilisque societatis includendo, ut scilicet cives bene, beateque vivant; in quo quidem inest vis, atque sententia justî, ac juris colendi; sine quo nulla humana societas queat existere diuturna; cujus rei gratiâ dicit omnem eam institutionem pertinere ad magistratus ordinandos, quorum operâ jus in civitate retinetur. Omnis namque res-publica instituitur, civitatis ordinandæ causâ; ex quo ordine omnis provenit civium quies, pax, & tranquillitas. Sine civium enim concordia, ex qua fit quies, & pax in civitate, numquam bene, & beatè vivi potest; qui, ut diximus, est civilis consociationis finis.

Concordia profectò nulla erit umquam in ea congregatione, in qua jus & æquitas non colantur: eaque civitas nullo loco est habenda, neque rectè eo nomine vocari potest, in qua illa virtus non regnet, quæ constat ex hominibus tuendis, id est, ex societate generis humani conservanda; quam quidem justitiâ vocamus, ad quam nati sumus, & ex qua una virtute viri boni nominamur; cum sit fundamentum totius boni, pulchri, atque decori, sed etiam sine ea nulla humana societas existere valeat. Sunt namque ea duo inter se usque adeò conjuncta, ac conjugata, ut naturâ reciprocentur, & alterum sine altero esse nequeat. Sicut enim, nisi sit justitia, non potest consistere humana societas; ita justitia non possit esse in terris, sine hominum societate: siquidem homines alius alio participando, communicandoque inter omnes, justî naturâ fiunt; ut postea latius dicetur.

Hinc HERODOTUS, prudens rerum scriptor, ait, fruentæ justitiæ causâ olim reges constitutos, id est, res-publicas adinventas fuisse: quarum gubernationem

initio omnium penes reges fuisse, & ipse, & alii
luculentissimi scriptores literis prodiderunt; ut apud
Medos, Persas, Ægyptios, Mycenæos, Argivos, Bac-
trianos, Armenios.

Nimirum ejus virtutis tanta vis est, ut etiam qui
maleficio vivunt, haud consistere possint sine aliqua
justitiæ particula. Omnis namque eorum coitio dissol-
vatur, nisi in dispertienda præda, æqualitas fervetur,
& cuique tribuatur pro dignitate. Usque adeò in
omni congregatione requiritur justitia, quæ esse non
potest, nisi inter eos, qui congregati sunt, æquo jure
vivatur. Quod ex PLATONIS re-publica planè intelli-
gere possumus. Ambigere enim videtur ipse phi-
losophus; aut qui de ejus scriptis judicant, utrum
nomen, ac titulus ei libro potiùs congruat, de re-
publicane, an de justo; atque ideo, ne erratum esset,
utrumque inscriptum fuit. Igitur in definienda ci-
vitate, nisi vis justî jurisque exprimatur, non in-
cluditur civilis societatis finis, quæ est communis uti-
litas, quod per se est optimum bonum.

Planius, explicatiusque egit AFRICANUS in populo
describendo, advertens non esse omnem cœtum mul-
titudinis, sed tantum eum, qui est juris consensu, &
utilitatum communione sociatus. Sanè complexus
est, & finem civilis conjunctionis, & id, cujus ope, at-
que præfidiis pervenitur ad finem. Hinc colligimus,
esse tunc rem populi, cum bene, justeque geritur,
sive ab uno, sive à paucis, sive ab universo populo.
Itaque res-publica, sive sit institutio civitatis, sive res
populi, ut AFRICANO placuit, nisi justè gubernetur, non
habenda est, neque res-publica, neque civitas, neque
populus.

Quod etiam dictum volo de quamlibet amplissima
provincia, aut regno, quod constet ex pluribus ci-

vitatibus: est nempe eadem ratio. Ut enim colligitur, civitatem esse communicationem quandam utilitatum inter cives, ut rectè inter eos vivatur, & cum virtute, ex qua fit felicitas, quæ est opus animi ab ipsa virtute proficiscens: ita quoque regnum multarum urbium intelligi potest; nihilque discriminis existere inter civitatem, & gentem, vel, ut nunc loquuntur, regnum, nisi quòd in gente, aut regno, est major multitudo nobilium, & clarissimorum virorum, conviventium rectè, & honestè, & ad virtutem. Est namque civitas pars gentis, aut regni. Quippe prius domus fit ex pluribus hominibus; ex pluribus domibus seu familiis fit vicus; ex multis vicis conflatur civitas; denique gens seu regnum constituitur ex multis civitatibus, legum communione utentibus.

Idem sanè finis, qui est propositus civitati, debet esse etiam toti genti; nec tantum uni provinciae, sed universo hominum generi, si in unam civitatem, aut provinciam possint convenire omnes homines, & utilitates civilis conjunctionis inter se communicare. Etenim, & quilibet civis, & civitas, & gens omnis, omnia referre debent ad virtutem, & ex ea agere: rei-publicæque moderatorem eniti par est, atque animum intendere, ut tam singuli cives, quàm tota civitas, aut gens universa, in laude vivant, atque virtute, cujus bono omnes in tranquillitate positi sint felices. Felicitatem verò consequi non valet, qui non omnia è virtute agit: ex qua oritur honestum illud, ad quod, tamquam ad signum, omnis rerum-publicarum rectio, sicut cæteræ quoque actiones, maximè verò hæc, est dirigenda. Nihil autem honestum esse potest, nisi septum sit, ac stipatum omnium præclarissimarum virtutum coronâ, in qua oportet eminere, atque, ut inquit PLATO,

præfulgere ipsam justitiam; propter quam humana societas, res-publica, & civitas, omnesque communitates inductæ fuerunt. In illis verò hominum cœtibus, in quibus, ea quæ dixi, non inveniuntur, nulla existere potest res-publica; neque illæ civitates sunt habendæ.

Potes denique, FLAMINI, intelligere ex his, quæ hæc-tenus à me dicta sunt, in vectusne fueris in rem-publicam, an in quampiam aliam hominum consociationem, coitionemve, ab hac, de qua quærimus, longè sejunctam: in quo quidem errore tua diutius versata est, atque vagata oratio, & pro re-publica, longis spatiis insecutus fuisti ejus umbram quandam, & vanam effigiem, cum qua dimicares. Ut apud HOMERUM, DIOMEDES, ratus sibi esse certamen cum ÆNEA, eumque se persequi, atque urgere, tandem resipiscens sensit, sibi rem esse cum inani imagine. Poteras tute quidem agnoscere, an ea congregatio, de qua loquebaris, nomen rei-publicæ meretur, ex fine ipso, qui proponitur; quove omnium rerum, quæ ab arte, & ab hominum industria proficiuntur, natura, & vis apprimè cognoscitur. Poteras, inquam, ex AFRICANI sententia liquidius inspicere, an illa, quam memorabas, esset res populi, & an ille populus.

Hic PRIULLUS: Nollem, inquit, VIDA, interrompere continentem orationem tuam. Verum tamen hic, si liceret, te libenter interpellarem, ne quis in animo meo scrupus resideat.

Licet, inquam, veteris Academiæ lege. Quid est eorum, quæ hæc-tenus à me dicta sunt, quod te animi torquet?

At ille, Memorasti tu quidem, inquit, initio homines in montibus, & silvis palantes, ac dissipatos

se oppidis, mœnibusque sepiſſe, coeuntes, ut eâ ſocietate conjuncti, ac conciliati, virtutis amore inducti, vitam beatam agerent; quem finem humanæ conſociationis exiſtere plurimis verbis diſputâſti. Omitto, à noſtris, qui Chriſti ſequuntur inſtituta, iſtis omnino repugnari. Nam video, hanc à te diſputationem inſtitutam, magis ad placita antiquorum philoſophorum, & ſententias reſpiciendo, quàm ad Chriſtianæ veritatis rationem. PLATO ipſe, quem philoſophorum quendam veluti deum vos philoſophi ſuſpicitis, ac colitis, fatetur, nullos, pauciſſimis exceptis, beatos exiſtere, ne dicam, eſſe poſſe, dum corpori, tamquam ſaxo oſtreæ, alligati tenentur. Quæ igitur beatitudo, aut felicitas ſperari poteſt ab illis, qui tot numero in communione vivunt? Conſeſne, ædificandas tantâ molitione, tantorumque operum impenſis, ampliſſimas urbes, ut in eis, ex tot millibus civium, communi jure ſociatorum, unus fortaiſſe aliquando, aut plurimùm duo, felicitatem, quæ eſt rerum humanarum finis, conſequantur?

Præterea, quis credat, rudes illos primos homines, ex ultima antiquitate, ignavos, deditos ventri, ac ſomno, indoctos, incultos, literarum, & bonarum artium inſolentes, quorum vitam, mortemque juxta exiſtimandam duco, ex agreſti illa, immanique conſuetudine, virtutis ſpeciem, & pulchritudinem cognitam habuiſſe; eamque tanti feciſſe, ut in hanc communionem vitæ, honeſti cauſâ, concordēs convenerint; ſeſeque legum vinculis colligandos, conſtringendosque ſuâ ſponte tradiderint, atque alienæ ſe effecerint poteſtatis? Videtur potiùs, eos neceſſitate aliquâ adactos fuiſſe, & aliis planè cauſis impulſos, magis ad corporis, vitæque præſentis commoditates, quas adamabant, pertinentibus, quàm ad animi bona,

quorum penes eos nulla electio esse poterat, cùm talia, nondum existente philosophiâ, penitus ignorarent.

Postremò civitatem definis, perinde ac si quidpiam sit artificiosum. Atqui semper equidem audiui, & apud principes philosophos legi, hujusmodi hominum conciliationem, naturâ ipsâ suadente, atque occultâ, & tacitâ quadam vi perpetuâ, & æternâ, cogente, existere.

Tunc ego, Ad hoc ultimum, inquam, quæ fuit tui scrupuli tertia quæstio, ut præposterè respondeam, est expedita, facilisque responsio; quandoquidem quæcunque ex arte, & hominum cura, atque industria efficiuntur, cognoscuntur planè ex fine, & bono, ad quod constituta sunt. Licet vero nati simus ad societatem, ad quam naturali quodam animi impulsu vehementi, & affectione rapimur, tamen cùm civitas ipsa non instituitur, aut perficitur, absque hominum opera, atque industria, ab arte quodam modo proficisci videtur. Ideo ex fine, & bono, quod est ipsum justum, & ab ARISTOTELE, & ab AFRICANO, definita fuerunt & civitas, & populus.

Causam verò constituendæ civitatis, quæ fuit altera dubitatio, fuisse hominibus, ut bene, beateque, id est, honestè, & cum virtute viverent, nemo, qui rectis utitur sensibus, ibit inficias. Id omnes planè cordati philosophi fatentur. Non negârim, alias quoque causas permultas ad hos cœtus, & societates conciliandas confluisse; quod & ARISTOTELES, & alii philosophi quoque concedunt: siquidem communio loci unâ viventibus maximam affert delectationem. Homo enim hominem naturâ diligit, ac gaudet jucundissimâ vitæ societate; neque ullius rei potest cuiquam esse diu jucunda possessio, sine socio, cujus fide,

officio, ac diligentia, juvari queat. Ipsum vero simul vivere, per se multarum commoditatum causa existit; cum sibi mutuò cives deservire, prodesse, & subvenire valeant, tutiusque ideo vivant. Atque ita, propter officiorum communionem, homines multitudine congregati commodius vivunt; multoque melius tueri se valent, contra validiorum vim, ferarumque incurfus, quam dispersi. Nam, communi malo salutem quærentes, sua consilia in medium conferunt, periculisque communibus, communicatis opibus, obviam eunt.

Proinde causam quoque civili consociationi attulisse potuit, cum sanguinis communicatio per mutua connubia, tum rerum permutandarum, & quavis aliâ ratione contrahendarum, commoditas.

Bona quidem hæc omnia existunt, & perquam opipidò usui sunt hominum generi, quæ ex civili conjunctione proveniunt; & ad ea illi fortasse respexere, qui primi hanc societatem inierunt, non tamen ut ad extremum, & ultimum bonum: quod quidem quid aliud esse potuit, quam ut bene, & beatè viveretur, id est, ipsa beatitas; quæ esse non potest, nisi in vita honestissima, atque electissima? Constat autem ex eis actionibus, quæ sunt virtuti, ex qua id, quod dicimus honestum, oritur, consensu.

Potissimum igitur, propter vitæ honestatem, quæ est ipsa virtus, aut quidquid virtute geritur, tamquam propter eam rem, in qua re completur illud extremum, atque excellens, perfectum, & absolutum bonum, constituta fuit primùm civitas; ut, inquam, homines agerent vitam consentientem, respondentemque virtutibus, honestam, constantem, & naturæ congruentem: ut utilitas secuta sit civilem societatem, non societas utilitatem.

Inter autem omnes virtutes diximus nullam esse illustriorem, nec quæ latius diffundatur, ipsâ justitiâ; quæ est aliarum domina, & regina, constatque ex hominibus tuendis, id est, ex societate generis humani, dum communi utilitate conservatâ, suum cuique tribuit pro dignitate. Quod haud facillè fieri potest, nisi in congregatione, & cœtu civili, ubi culpæ poena, atque animadversio, quæ est animi medicina, certa constituitur. In quacunque civitate hæc virtus omnia moderatur, eam beatam putant.

Raros autem esse beatos, ut obiter ad tertiam quæstionem, quæ tuo ordine erat prima, respondeam: erant enim duo illa conjuncta, quæ dubitabas, alterumque pendebat ab altero; quodd post pollutum, corruptumque humani generis semen; ob principis hominis, omnium hominum parentis, insignem adversus Deum fraudem, atque perfidiam, rari justitiæ omnes numeros impleant, paucissimique inveniantur, quibus nihil desit eorum, quæ ad moralem, ut ita dicam, felicitatem perficiendam, requiruntur. Nam de ea felicitate, more philosophorum, loquor, quæ in hac mortali vita haberi potest.

De alterius verò vitæ, immortalis, perpetuæ, ac sempiternæ absolutissima felicitate, de qua differunt theologi, alio loco à nobis agendum erit luculentius, verborum manibus, & nudo ob operimento capite, illustratisque animi sensibus. Licet igitur in communiōe viventes non omnes felices, aut beati planè existant, spe tamen felicitatis, ac beatitudinis consequendæ (de probis, & honestis civibus loquor) in laude vivunt, & virtute; paucioraque illis desunt, quàm improbis, & flagitiosis.

Satis autem feliciter, pingui Minervâ agens, ego illos in re-publica vivere statuo, qui, omnibus de-

tractis vitiis, cumulati omni laude, neque alios afficiunt injuriâ, neque ab aliis læduntur : quorum alterum quidem homini frugi non omnino difficile ; alterum verò est difficillimum, nisi sint omnes boni, possintque æquo jure vivere in ea civitate, in qua jus, lex, & fas sunt potentissima. Nec verò dubitandum est, quin illi primi homines, quantumvis rudes atque agrestes, virtutis vim præsenferint, aliquamve prænotationem habuerint, licèt subobscuram, & adumbratam. Honestum enim, & decorum, etiam puerorum animos naturâ & specie commovet, quòd per se sit pulchrum, & laudabile, licèt illis nondum nobilitatum, aut illustratum, à nulloque laudatum, ipsum suâ luce, & splendore præfulgens.

His, PRIULLE, tibi à me satis responsum esse arbitror ad ea, quæ rogâsti. Nisi quid vis ad hæc, ad FLAMINIUM revertar, ut ejus oppugnationi resistere pergam. Per me, ut libet, inquit, ego sanè nihil ampliùs moror.

Vides igitur, FLAMINI, nullam mihi tecum esse controversiam. Ego profectò loquor de matrona stolata, atque honesta : tu contrà, de scorto, & turpissima lupa, verba facis. Ego posco hominem : tu affers umbram. Nempe cùm de re publica quæsitum esset apud nos, tu quandam picturam rei-publicæ squalidam, collapsam, coloribusque evanescentem, quam illuderes, in scenam induxisti. Quærebam ego formam rei-publicæ integræ, ac florentis : tu mihi attulisti inane simulacrum civitatis, vitio temporum lapsæ, corruptæ, vetustæ, annis ac pannis obsitæ, & obsoletæ, neglectæ, ægræ, elatæ, ac comploratae.

Censese, rogo, rem-publicam illam, quam accusatione acerrimâ proscidisti, convenire cum forma illa, quam tradiderunt tot illustribus literis sapientis-

fimi Græcorum? Cur non potius civitatem heroi-
corum temporum, de qua differeres, tibi proposuisti?
Ad fecem, atque illuviem, ad labem, & lutum hujus
temporis, te demisisti; atque in omnium sordium sen-
tina planè demersisti: quo tempore, non modò ex pul-
cherrima facta est deterrima, sed potius omnem rem-
publicam amisimus, prolapsaque sunt omnia; usque
adeò, ut homines quasi videantur conversi in belluas,
retentâ tantùm oris, & humani corporis figurâ. Tute
ipse judicare potes, in tanta verborum profluentia
nihil abs te dictum, quod tangeret sententiam meam;
frustra te omnem laborem profudisse.

Verumtamen videbimus, quales tuæ fuerint ra-
tiones, quàm fragiles, quàm lubricæ, & inconstan-
tes. Dirimere conaris, ac demoliri civilem homi-
num in terris omnibus societatem, quæ vitam om-
nem continet; ut homines, everfis, relictisque ubique
urbibus, diffociati, palantesque in montibus, & silvis,
rursus vitam solitariam degant. Id profectò opti-
mis rationibus probare possum, ac cogere, esse ad-
versus naturam ipsam bellum gerere, atque pug-
nare.

Conniteris nimirum obstare, ne ignis, fumus,
& odor, atque id genus levissima corpora, vi suâ,
innataque proprietate, fursum versùs ferantur; neve
rursus lapides, terra, aqua, & quæ gravia sunt na-
turâ, suoapte pondere directo deorsum rapiantur.
Adoreris item fluminum & aquarum decursus coer-
cere, ne per declivia labendo tandem mare influant.
Istuc profectò est gigantum nixu in cœlum iter af-
fectare, atque moliri. Acta agis. Facilius hercle
igni vim, & naturam eripies, ne admota calefaciat,
aut soli luminum cœlestium maximo, ne luceat,
quàm homini ad societatem nato, ne sit hominum

appetens, neve cum eis libenter copuletur, vel ob eam causam tantum, quod sit homo, quod, inquam, sit ei à natura insitum.

Quod licet sit commune etiam aliquibus animalibus præter hominem, ut facile unumquodque cum illis, quæ sunt sui generis, congregentur, aliud quidem alio magis, neque eodem planè modo; attamen in hominibus longè alia ratio. Nempe non solum natura homines aptos fecit ad societatem hominum, sed etiam ita comparatum est vitæ, naturæque nostræ, ut ne quidem soli esse diu, aut vivere valeamus. Quod profectò negare non potes, nisi totam physiologiam evertere velis. Ego vero efficiam solidis rationibus, ut ne salvâ existimatione negare possis.

Principio arbitror, inter omnes philosophos convenire, naturam, tam providum solertemque artificem, consilii, & rationis minimè esse expertem: nihilque ideo eam temere, fortuitò, ac sine causa facere; sed omnia consideratè, constanterque, & ex iudicio moliri. Hoc posito fundamento, res per se ipsa manifesta erit. Exploratum est etiam physicà ratione, omni rei, quæ est secundum naturam, oportere etiam ea naturalia adesse, sine quibus existere, & conservari non possit. Parum utiliter namque, incassumque laboraret natura, si ea, quæ facit, nullo modo tueri statum suum valerent; sed simul atque orta essent, interirent, atque esse desinerent. Quare, cum homini naturale sit vivere, naturalia itidem illi ea esse oportet, quæ sunt ei ad vivendum necessaria. Inter alia autem, quæ maximè homini requiruntur ad vitam degendam, constat in primis esse hominum societatem; ad quam nati sumus, & sine qua vivere nequimus. Sequitur igitur, hominem naturâ esse sociale animal.

Quòd verò humana societas sit hominum vitæ necessaria, per se liquet; & experimento quotidie docemur, ex iis, quæ ab ea multifariam vitæ ipsi sup-
 peditantur. Porro non prætereundum est, in ipso
 cujusque ortu, quàm diversa sit hominum, & cæ-
 terorum animantium conditio. Nam muta quidem
 pleraque, simul atque materno utero edita sunt in
 lucem, erigunt se protinus, ita ferente naturâ, & pe-
 dibus suis nituntur. Incedunt item, & variis discursibus,
 huc atque illuc, jam tum gestiunt. Homo
 verò invalidus, imbecillusque nascens, solo projectus
 multos menses jacet, neque movere se loco, neque
 per se stare valet, diutiusque alienis opibus, subsidiis-
 que, & adminiculis sustentatur. Quatuor enim rebus
 longè secus, quàm cætera animantia, homo indiget,
 ad vitam tuendam, victu, vestitu, periculi propul-
 satione, & disciplinâ.

Quippe natura cunctis animantibus, præterquam
 homini, facilem, expeditumque se alendi modum,
 facultatem, facilitatemque elargitur, funditque ex sese
 illis nihil laborantibus pastus varios, varietque abun-
 dantes; terrâ herbas, & fructus, nullâ eorum curâ
 atque industriâ, ad cibum subministrante, flumina,
 & fontes ad potum. At lupis, leonibus, ac tigribus,
 cunctisque illis feris, quæ raptu & sanguine se pa-
 scunt, alias pecudes invalidiores eadem parens, atque
 alatrix sufficit, quarum carnibus alantur. Humanæ
 autem vitæ sustentandæ haud planè satis esse possent
 per se herbæ, aut fructus, pecudumve, aut ferarum
 carnes, nisi multâ arte, multoque opere, atque ne-
 gotio, istiusmodi cibaria mollita essent, subacta, atque
 confecta. Nempe humani corporis longè mollior,
 infirmior, atque imbecillior est natura, quàm cæte-
 rorum.

Idem contingit in vestitu, quod erat secundum. Quandoquidem natura ipsa bestiarum corpora propriis indumentis textit, ac sepimentis; ut absque ulla alterius ope per se satis cœli vim, atque injurias, perferre valeant. Alias quidem coriis, pellibusque durissimis munivit; & lanæ velleribus, ac pilorum densitate vestivit: aliis plumas dedit, quibus tegantur. Ast hominem nudum, inopem, inertem, alienas opes expectantem abjecit.

Ad propulsandum quoque periculum, quod à me tertio loco positum fuit, mutis animantibus eadem communis omnium mater, & magistra, largior atque benignior fuisse videri potest, longeque eis consultius providisse. Etenim illis cavit, ut suis viribus, suoque Marte, adversus injurias tueri sese valerent: alia itaque dentibus, alia cornibus, alia unguibus armavit. Aliquibus item pedum pernecitatem, & agilitatem corporis dedit, qua se quirent ab injecto periculo liberare, & validiorum vim eludere, atque evadere. Hominem verò harum rerum inopem, inertem, atque indefensum reliquit, nihilque ei tantopere prospexit.

Quarta quoque ratio à me proposita fuit ob disciplinam, qua sine intuemur hominem minimè implere posse vitæ munia. Animantia enim ratione carentia omnia per se agunt, quæ ad vitæ, naturæque conservationem pertinent, absque docentis ministerio, nulla disciplinâ, nullâ doctrinâ instructa, sed solâ quadam magnâ hercle & incredibili, naturæ vi, atque instinctu. Siquidem animadvertimus, aves sub partu tempore semper construere nidos, eosque quàm molissimè possunt, substernere; licet nullas alias umquam sui generis aves viderint nidificantes. Canes præterea, cum pariunt, per se nōrunt, quomodo se i

partu ipso, in foetuque educando gerere debeant; tametsi, quod exploratum habemus, nullam umquam aliam canem parientem aspexerint. Quis etiam docuit araneas telam suam quamque, tam molli, tam egregio, tam admirabili opere, contexere?

De Bombyce, tam exigua animante, nemo hercle ambigere possit, quin solo naturæ instinctu, & lumine, nullâ alicujus disciplinâ instructa, opus suum tam admirandum expleat. Quam videmus, ubi tempus lanificii ingruit, fila delicatè nere, eademque certâ ratione agglomerare, ut materiam textrinae sufficiat; cum numquam, jam non dico, viderit, sed neque vidisse potuerit, quam aliam in hujusmodi opere imitaretur: quia ei animanti vita est trimestris tantum, totumque genus à stirpe, singulis annis statò tempore, simul funditus interit; relictis ex se duntaxat ovīs quibusdam tenuissimis pro semine, quæ supremæ vitæ tempore pariunt, in reparandi generis certissimam spem. Quod nos olim in eo ipso poemate de hujusmodi animante expressimus, iis planè verbis:

————— *Brevis omnibus atas:*

Vix ulli luna completur tertius orbis;

Et nunquam ex sese prolem videre creatam.

Intereunt omnes; pecus occidit omne quotannis;

Et cunctam evertunt fera fata ab origine gentem.

Immortale tamen restat genus his, neque mortis

Est penitus locus; aeternum sed semina durant.

Ferae insuper naturali quadam industriâ norunt herbas quasdam, vim medicamenti habentes, quibus, nullo accersito medico, morbo laborantes sibi ipsæ adhibent remedia: quorum quidquam homo per se ne suspicari quidem potest, nihilque planè omnium distinctè, discreteque novit; sed vix rationis lumine res communiter, involutè, universè, promiscueque

cognitas habet. Ei enim ad humanas actiones, vitamque bene degendam, opus est diuturnâ, multipliceque disciplinâ, accedente ad naturam ratione, conformationeque doctrinæ: quam consequi nequit, nisi ab aliis, quibuscum versatur, hauriat.

Neque verò ego tamen idcirco umquam crediderim, naturam ipsam adversus belluas adeò liberaliter egisse, & se eis tamquam benignam, indulgentemque parentem exhibuisse, quod aliqui immeritò queruntur; ut hominem tam nobile animal, quem intuemur tamquam regem cæteris dominari, penitus neglectui habuerit; eique malignè subveniens nudo, inopique, & alienis opibus obnoxio, se novercam professæ fuerit. Nimirum, si vitæ præsidia, quæ nobis per manuum ministerium disciplina suppeditat, cum omnibus naturalibus instrumentis, quibus, ut memoravimus, mutâ animantia per se sunt prædita, conferam, hoc uno ea omnia, quæ nobis natura negavit, compensare possumus; longeque præclariùs nobiscum actum fuit, atque cum illis. Verumtamen nulla primùm disciplina ab homine haberi potest, nisi ab aliis accipiat, erudiaturque ab illis, quibuscum versatur; quod longè præclariùs ei contingit, quàm cæteris animalibus.

Cùm igitur, ut hanc rationem denique concludam, homo, cui per se naturæ instrumenta desunt, neque disciplinam, neque cætera vitæ subsidia, atque auxilia necessaria, quæ modò memorata fuerunt, aliunde expectare possit, quàm ab humana societate, quæ vitam omnem continet; sequitur, hominem naturali motu appetere hominum conjunctionem, atque consuetudinem: &, ut postea cogam, necesse est etiam confiteri, civilem consociationem naturæ esse consentaneam.

Præterea nullum animal ab alio perfectè erudiri potest, nisi sit rationis, & sermonis particeps; quibus duobus præclaris, ac divinis donis, solum hominem natura locupletavit; atque inde est omnis disciplina. Neque enim ab illa tantopere extrà, quàm intus armati fuimus, non tam corporis viribus, quàm animi divinâ quadam vi, & facultate; in qua se nobis eò se liberaliorem præbuit, quò parcius, & jejunior fuit, in corporis præfidiis elargiendis. His duobus enim naturæ adminiculis, longè præclariùs, ac magnificentius nobis supplere, & repræsentare possumus omnia vitæ necessaria subsidia. Ex sermone namque omnis, de qua modo egimus, fit disciplina, orta quidem primùm, atque à ratione profecta. Dedit itaque homini natura orationem, per quam oritur disciplina, sine qua hominum genus diu stare non possit.

Quare si à natura homini est datus sermo, quod est firmissimum humanæ societatis vinculum, necessariò est etiam ipsa hominum conciliatio, communitas, atque societas, ab eadem natura attributâ; quæ, ut modò conclusum fuit, nihil sine causâ agit, in quave nulla apparet temeritas. Non enim homini dedit loquendi vim, & facultatem, ut secum ipse loquatur, sed ut cum aliis sermonem conferat: si quidem oratio docendo, discendo, communicando, disceptando, consolando, consulendo, objurgando, arguendo, hortando, judicando, colloquendo, incredibiler conciliat inter se homines, & naturali quodam nexu conjungit. Neque hercle ego cùm loquor, meus sermo, atque oratio, ad me ipsum dirigitur, sed ad alios potius, quibuscum loquor.

Sequitur igitur, humanam societatem naturâ constare: estque per se consectarium, si homini na-

turalis est sermo, naturale est etiam ei vivere in societate, & in communione; ut natura nihil temere, frustra, & inconsultè faciat. Cujus enim causâ hominem loquentem fabricata esset, nisi ut is aptus foret ad cœtus, ad consilia, & civitates? Hinc etiam ARISTOTELES arguit, hominem ad societatem, & congregationem, aptum esse magis, quàm apes, quàm cætera quæque animantia congregabilia, quòd nullum aliud animal sit particeps, composque sermonis, & orationis; qua inter se homines explicare queunt, quid utile, quidve inutile, quid justum, quidve injustum; non tantum, ut diximus, sicut belluæ, jucundi, & molesti sensum judicare.

Proinde, quia naturâ omne animal diligit semetipsum, non potest omnis homo sibi non charus esse, & statum suum curare: atque ideo nequit non appetere ea, quæ ad vitam tuendam faciunt, se ut conservet; priusque à semetipso abjungi, atque discedere poterit, quàm amittere appetitum earum rerum, quæ sibi conducant. Cum itaque convictus humani societas, non tantum vitæ hominum sit utilis, sed etiam necessaria, sine qua nulla vita hominis esse possit; perspicuum est, hominem hominum esse appetentem, talemque appetitionem ei à natura esse insitam, atque ingeneratam, quia se diligit ipse, ut probatum fuit; atque ita est affectus, ut se conservet, ac tueatur, ut etiam, sicut in pueris animadvertimus, nondum se agnoscat, neque intelligat, quam ob causam id appetat; nisi quòd naturalis quidam in nobis insitus, atque innatus appetitus existit earum rerum, quæ res sunt aptæ, atque opportunæ naturæ, odium verò earum, quæ sunt contrariæ. Quia non tantum hominis, sed cæterorum quoque animantium, & etiam, ut quidam volunt, stirpium, natura est sui

ipsius conservatrix; idque habet apprimè propositum, se ut egregiè in sui generis statu custodiat. Sicut enim intuemur animantia sese moventia, sensuum distributione, & quadam compactione membrorum, in vita custodiri; sic etiam ea, quæ terra gignit, corticibus, atque radicibus conservari. Hac denique ratione nulla potest arctiùs concludi, suisque cujusque sensibus comprehenditur, ut ne quidem audiat, si quis contra velit dicere. Quis enim intelligi potest, aut cogitari, esse aliquod animal, quod seipsum odit, sibi que consultò obstat, & inimicum existat? nisi velimus, res inter se contrarias convenire, atque concurrere; ut idem animal se diligat, simulque se odit, quod fieri nullo modo potest.

Ne quis verò huc objiciat eos, qui sibi ultro mortem consciscunt, laqueosque, & alia exitiorum genera sibi ipsi parant. Nequaquam sanè illi id agunt, quòd secum exerçant inimicitias, verùm potiùs errore ducti, propter nimiam, vel doloris vehementis, vel cupiditatis, vim. Iracundià quoque ita aliqui efferuntur, ut ea, quæ mala existunt, bona autument; mala contrà, quæ bona; fugiantque, quæ appetenda; quæ fugienda, appetant. Et si quando perturbatione rationis, atque ordinis, in mala scientes ruunt, sic tamen sibi usum esse putant, optimeque ita sibi se consulere arbitrantur: eos namque à recta ratione vitiosa natura detorsit. Cui sententiæ quidem satis argumenti esse possit, quòd, appropinquante morte, unusque vel sic affectus exalbescat metu, dissolutionemque naturæ tantopere perhorrescat; cum neque feræ, pecudesve istius timoris sint expertes, ipsæque, etiam injecto mortis terrore, horrescant, atque refugiant.

Alià mihi demum firmâ, atque constanti ratione vincendus es, quam numquam solvere valeas. Ni-

110 M. H. VIDÆ DE DIGNITATE

mirum, qui convictum humanum, hominumque societatem evertere molitur, ille etiam simul justitiam ab hominibus tollere nititur, excellentissimam unam virtutem, omnium aliarum, ut dixi, dominam, & reginam, de cujus præcellentia non est quòd hic multa inculcem. Sed revoco te ad ea, quæ modò plurima in ejus commendationem ipse congestisti, cujus splendorem Hespero, atque Lucifero, ex EURIPIDIS versu, parem facis; totamque orationem tuam in te revolvò.

Constat enim ex hominibus tuendis, id est, ex hominum societate. Neque esse ulla in terris justitia potest, nisi sit humani convictus societas; quæ si nulla esset, neque justitiæ omnino ullus esset locus. Quod quidem perspicuum est ex ejus virtutis definitione, cujus vim, atque naturam nemo integrè satis explicare possit, nisi humani convictus mentionem incluserit. Est enim, ut definiunt sapientissimi viri, affectus animi suum cuique tribuens, & societatem conjunctionis humanæ æquabiliter tuens, pro cuiusque dignitate. Sublatâ itaque hominum conjunctione, quid opus est, in justitiæ brevi explicatione, illis particulis, suum, inquam, cuique pro dignitate tribuere, & societatem conjunctionis humanæ tueri? Eâ enim re, cujus causâ aliquid existit, sublatâ, simul tollitur etiam illud. Quippe justitia existit, ut homines in communione viventes tueatur, quasi quædam civilis descriptio, qua continetur multitudinis consensio, quæ pax esse dicitur. Quippe eâ unâ virtute concordēs tenentur civitates; civesque, quod ad publica attinet, idem volunt omnes: quæ concordia atque consensio est, quasi quædam civilis amicitia. Idcirco eam virtutem ARISTOTELES interdum nominat popularem, cujus virtutis fruendæ causâ, ex Hæ-

PRODOTI sententia, idem philosophus dixit, reges olim fuisse constitutos, id est, res-publicas, quas memoravimus initio à regibus administratas fuisse.

Usque adeò humanum genus conjunctum, ac conjugatum est cum justitia, tantaque nobis est ejus cognatio, ut (mitto quòd sine ea homines existere nequeant) cum ea in lucem editi, ad eamque nati simus. Neque enim à nobis addisci potest; sed quædam ejus semina cooriuntur in animis nostris, tametsi nulla ejus significatio eluceat. Sicut in terra abdita latent quædam herbarum semina, quæ calore, & humore, adhibitâ quoque aliquâ interdum culturâ, in auras eliciuntur: ita illæ quædam quasi scintillæ, exercitatione, & consuetudine, ut inquit PLATO, acquiruntur, legibus videlicet, institutione, & doctrinâ; siquidem natura hominem inchoavit, doctrina deinde perficit, & absolvit.

Atqui inquiet fortè quis, nemo inficias eat, hominem societatem appetere, ut cætera quoque animantia. Desinat enim illico esse humanum genus, in sempiternum funditus eversum, nisi sit maris & fœminæ conjunctio, liberorumque & procreatio, & educatio: neque verò in controversiam vocari, an conducat suam quemque familiam regere, & cum suis in eadem domo conjunctè vivere, Cyclopum, aut Arcadum more; sed omnem disputationem esse adversus civitatem, & civilem conjunctionem, tantorum malorum conciliatricem, sicut FLAMINIUS, magis in hac causa contentionis, quàm veritatis, cupidus, conatus fuit probare. Eandem equidem rationem dico esse, quod ad hoc attinet, & familiæ, & civitatis; atque ad utramque natum esse humanum genus constare. Porro si mihi das, hominem naturâ esse aptum ad aliquam societatem, ut solidis argumentis pervi-

cimus; fateare etiam necesse erit, eundem aptum esse naturaliter ad civilem consociationem: quæ communitas non modò continet & complectitur omnes alias communitates, sed etiam fit ex illis, ut dictum fuit. Semper enim ab uno incipit multitudo. Neque intelligi potest, ut cujus omnes partes sint naturales, totum, & universum illud non sit itidem.

Quin etiam civilem conjunctionem esse maxime naturalem fateri cogimur, si ad finem, & extremum respiciamus, ad quod aliæ communitates referuntur. Nam quidquid est finis aliquorum naturalium, constat id quoque esse naturale; est enim forma, & ipsa eorum natura, quorum est finis. Convenit autem inter nos, communitates domûs & vici homini existere naturales, non tantum, ut modò diximus, quòd inde in diem ei suppeditari possunt aliqua necessaria; sed etiam quoniam communitates illæ, quæ perficiunt domum, viri inquam & uxoris, domini & servi, patris & filii, existunt secundum naturam.

Idem de vico dicimus. Fit enim ex filiorum, consobrinorum, sobrinorumve, & vernarum, atque nepotum, in una, eademque domo sobolescentium, propagatione; quæ quidem principium, & quasi seminarium, civitatis existit.

Eos namque cum una domus capere nequit ob nimium incrementum, fabricant sibi alias, atque alias domos propinquas, atque contiguas, in quas exeant, tamquam in colonias; quarum multiplicatio affert rebus-publicis originem. Quippe, sicut ex multis familiis fit vicus, ita ex pluribus vicis evadit tandem civitas, quam faciunt propinquitates, conjugia, & sacra, mutuxque consuetudines; ad quam, tamquam ad finem, referuntur, & propter quam existunt, & domûs, & vici communitates. Quamobrem dixit

ARISTOTELES, hominem esse civile animal, civitatemque vehementi animi impulsione, atque libidine summo opere appetere.

Civilis enim societas est perfectio, extremumque omnium aliarum societatum, ducta à prima communitate naturæ, ascendensque multis gradibus, & ad summum perveniens, maximeque idcirco expendenda. Siquidem domûs ipsius communitas subministrare quædam potest duntaxat in diem ad necessitatem vitæ, quibus singulis diebus nobis est opus. Prima hæc hominum societas familia dicitur: quos, quoniam ex una, atque eadem penu vivunt, CHARONDAS ὁμοσιπρόους, EPIMENIDES verò ὁμονόπρους vocabat, quod eodem lare, & tabernâ contantur. Plurcula deinde vitæ præsidia, & paulò magis abundantius ex vici, seu pagi, quàm ex domûs communitate, sufficiuntur. At verò omnium rerum, quarum vita humana indiget, expletionem civitas affatim suppeditat; ut ibi homines non tantum vivere, sed etiam bene, & beatè vivere possint, in omnium rerum abundantia, & copia, quæ non modò pertinent ad victum, sed etiam ad splendorem, & cultum. Omnia namque hominum victui necessaria nequaquam in uno vico reperiri possunt, quæ habentur in multis. Sua enim quæque ars in singulis vicis exercetur, in alio textrina, in alio fabrilis, cæteræque in aliis, atque aliis, in suo quæque instituuntur.

Cæterum benè, & beatè vivere rectè dicitur congruenter naturæ, secundum quam non est vivere in solitudine. Nam eos, qui parent rationi in expendendis, fugiendisque rebus, convenienter naturæ vivere dicimus: & id hercle fieri longè melius, atque commodius potest, ubi, præter victui necessaria, haberi possunt virtutum exempla, propter facta, &

consulta fortium, & sapientium virorum, ubive legum imminent imperia, quibus diversâ ratione homines informari possunt ad virtutem: ut humana vita sit omni bonorum genere cumulâtè expleta, atque ab ipsis naturæ initiis profecta, deinde sensim progressâ, non solum corporis, sed etiam animi bonis perfruatur, quorum expletionem nulla alia communitas suppeditare valet.

Constat siquidem homo ex animo, & corpore, tamquam suis partibus; neque minùs animi bonis, quàm corporis, ad summam felicitatem indiget. Cùm igitur omnis homo naturâ se ipse diligat, necesse est diligat quoque omnes sui partes; consecrarique naturali libidine, atque appetitu in ea feratur, ex quibus possint necessaria præsidia utrisque suis partibus assatim subministrari, quò se integrè conservare, ac tueri possit. Cùm verò id ex nulla alia communitate, præterquam civili, consequi valeat; liquidò apparet, hominem naturalem libidinem ad civilem societatem habere, civitatemque ideo denique naturalem communitatem existere.

Hinc ARISTOTELES dixit, civitatem quidem principio constitutam fuisse ad vitam degendam, deinde ad bene degendam processisse. Quod ita intelligo. Initio quidem homines, auditâ, non oratoris cuiuspiam luculenti, ut aiunt, sed naturæ ipsius, voce, in cœtum, & concilium, ex vicis, & pagis, in unum convenisse; eademque naturâ duce, ac persuastrice, ut communitatem jam inchoatam perficerent, eique fastigium imponerent, civitatem primùm instituisse, quò ex ea communione uberius, commodiusque vitæ præsidia habere possent. Deinde verò, jam constitutâ civitate, moenibusque circumseptâ, eadem naturâ impellente, semperque paulò magis se mentî-

bus humanis ratione explicante, cives quoque animum adjecisse ad virtutes; quæ mentes nostras mirandum in modum suapte specie, & pulchritudine commovent, quarum semina dixi esse in nobis, atque in animis nostris cooriri.

Quandoquidem in omnium rerum principiis, suo more natura se occultat, atque retrudit; neque tunc primum subito finit se facile perspicui, aut cognosci: atque idcirco quæ facit, haud statim perficit; sed progredientibus ætatibus, quæ inchoaverat, paulatim, tardeque absolvit. Quod quidem in omnium animantium ortu intueri possumus, hominis præsertim, qui recens ortus, uti exanimis, jacet, neque ex eo loco, in quo est natus, se commovet: deinde, accedente in dies paulatim firmitudine, & animo, & sensibus utitur; connititurque, ut se erigat; & etiam manibus adjuvatur, antequam nôrit, quem ad usum sibi datæ sint manus. Incipit etiam commentari, & aliquid discere, primum quidem ea, quæ ad corporis tutelam, conservationemque pertinent. Nihil enim tunc altiùs cogitat, sed tantum proxima illis, quæ videt, & sentit, & duntaxat corporis bona cognoscit. Vim verò animi, infirmâ, imbecillaque adhuc mente, obscurè, quasque per nebulam, & caliginem percipit. Quò autem plus ætate progreditur, eò magis naturam suam, & quasi se ipsum agnoscit. Dispicit, & sentit quid sit, quantumque à cæteris animantibus, ratione non utentibus, differat. Incipitque non tantum de corporis commodis cogitare, ut in prima commendatione naturæ, cum inquam primum nos nobismet ipsis concredidit, ut saluum, & integrum se quisque conservet, qui primus in nobis est appetitus; sed etiam de animi bonis, ad quæ nati sumus, aliquid suspicatur. Jamque elec-

tione, rejectioneque utens, studet honori, dignitati, atque existimationi. Demum id appetit, quod bona animi affatim expleat: quæ est naturæ ipsius summa perfectio, atque absolutio; ad quam omnia, quæcunque ipsa agit, referuntur, quod est rerum omnium expetendarum extremum, summum, atque ultimum.

Id ipsum procreationi civitatis contigit, quoniam nihil umquam simul inventum, & perfectum extitit. Nam primo humani generis ortu, rudis illa, & insciens multitudo, congregata in cœtum convenit; tum per se occultâ quadam vi impellente naturâ, tum præsidia quisque urbium quærens, spe custodiæ, & conservationis sui, ac rerum suarum, quam in mutuo singuli auxilio locabant: quæ quidem nihil, aut certè parum, ad animi bona attinent. Mox verò eadem congregatio, sese paulatim aperiente naturâ, disjectaque eâ, quam diximus, animorum caligine, divino atque mirabili rationis utentes dono, abstraxerunt cogitationes suas à rebus humilibus, in quas se abjecerant, mentemque ab oculorum consuetudine avocârunt; sentientes, se natos ad majora, longèque magnificentiora, nec tantùm ad corporis quisque sui conservationem, & tutelam, verùm etiam, & in primis quidem, ad animi cultum, & ornatum; atque edocti fuere, multò inferiora esse corporis, quàm animi, bona, ut in quibus sint maxima momenta non tantùm ad bene, id est commodè, sed etiam ad beatè vivendum. Id autem cumulatur ex corporis incomlimitate, & mentis ratione perfecta: continet enim vitam omnem.

Neque id ulla civitas consequi potest, nisi plurimis virtutum fulta adminiculis: ad quas virtutes homines sic naturâ aptos animos habent, ut non modò ad eas percipiendas, exercendasque procreati videan-

tur, verum etiam, ut à contrariis sint alieni. Itaque quoniam eâ societate conjuncti essent, considerantes, sentientesque, sanctam esse istiusmodi communitatis conjunctionem, Deo interposito & teste, & iudice, pulchrumque & decorum esse vivere in cœtu æquo jure cum multis, scireque in civitate & imperare, & suâ voluntate parere, atque uti illis, quibuscum congregantur, moderatè, ac scienter, & in pulcherrimis muneribus rei-publicæ cum dignitate versari, vitamque decorè, & splendidè agere; cogitantes item, non tantum se sibi esse natos, sed & patriæ, & suis; & esse pulchrum, ac summâ laude dignum, multos juvare, & humanæ societati servire, civium, inquam, salutem consulere, quod est plurimis prodesse, nemini nocere, & communem utilitatem suis commodis antepondere; ac non modò labores adeundos, communis commodi causâ, verum etiam, si opus sit, vitæ non parcendum; id propter coercere cupiditates oportere, quæ in nido animi delitescunt, domitasque habere libidines, sua tuendo, ab alienis mentem, oculosque, & manus abstinendo: jamque altiora, & quædam supra se sapientes, Deo tribuere honorem, rerum omnium effectori, & cum justitia religionem tolerare, assuefacti fuerunt.

Hinc conditæ leges, hinc magistratus, & judicia constituta, unde orta est res-publica, ut sua quisque retinere posset, præscriptâ quadam rectè honesteque vivendi formâ. Hinc haberi cœpta fuit ratio æquitatis, fidei, dignitatis, justitiæ, atque officii, id est, cunctarum virtutum; & quam natura inchoaverat, ratio, quæ est lex divina & humana, civitatem absolvit, ut in ea non tantum bene, sed etiam beatè vivi posset, & ipsam felicitatem assequerentur homines, quoniam est opus animi secundum virtutem. Ex

convictu enim bonorum, ut dixit THEOGNIDES, fit exercitatio virtutum. Communitas nempe civilis, non præfens tantum commodum, sicut cæteræ societates, respicit, sed in longitudinem consulit, & in omnem vitam, quam tam animi, quam corporis omnibus bonis, atque virtutibus expletam, ac munitam esse convenit; ut inde haberi queat illud excellens bonum, quod rerum omnium expetendarum extremum esse diximus, omnium bonorum expletionem cumulat. Quod est congruenter naturæ vivere, quæ in suo quodque genere perfectioni intendere voluit, & quod inchoavit, adumbravitque, ab infimis per media gradiens, semperque ad summum tendens, perficit; & ad ultimam sui generis formam, speciemque, perducit, expolitque, & adornat; ut aptum sit undique, & absolutum, expletumque omnibus numeris, & partibus, ut nihil addi possit, nihil, quod redundet, demi; semperque ad perfectionem respicit.

Vides jam arbitror, non tantum primas communitates humanæ vitæ esse à natura, sed etiam, & illustrius quidem, & maximè, civilem societatem: quod firmissimis rationibus, quas nemo refellere, aut diluere valeat, confecimus, ac coegimus.

Jamne sentis, FLAMINI, quantum facinus facere adortus fueris, qui civilem hominum convictum, quoad in te fuit, dirimendo, justitiam quoque, tam egregiam virtutem, quam hominum societas procreavit, è terris stirpitus sustulisti, cum ea quoque pariter necesse sit splendidus honestissimarum virtutum chorus, quæ cum ipsa justitia conjugatæ sunt, evertatur? Proinde nullus erit posthac, te causam tam injustam obtinente, beneficio locus; nulla inter mortales promerendæ gratiæ dabitur occasio: atque, ut video, humanum genus omnibus planè vir-

utibus spoliare niteris. Incassum laboras: contra naturam ipsam pugnas. Priùs concidat omne cœlum, omnis natura esse desinat, quàm non existant hominum cœtus, concilia, & civitates; quæ plurimùm sunt non modò naturæ consentaneæ, sed penitus hærent in ipsa infixæ.

Omitto nunc, propter necessitatem vitæ, cui à civili societate, ac conjunctione, plurima sunt parata præsidia atque auxilia, commoditates & opportunitates, quibus sine nulla foret vita. Nihil namque essent homines sine hominum præfidiis, & adjuventis, ut luculenter demonstravimus; essetque vitam è vita tollere, propter multiplicem usum, ac fructum generis humani, quem ex ipsa civili communitate percipit.

Id profectò est æternâ quadam vi, & lege sancitam, ut homo hominum sit appetens; audeoque affirmare, etiam si homines mutuo auxilio, atque opulatione non indigerent, adhuc tamen appeterent vitæ societatem. Proinde æternâ lege natura præscripsit, ut homo homini, quicumque sit, consultum velit, vel hac tantùm causâ, quòd sit homo; ab eaque impellimur, ut invicem docendo, consulendo, admonendo, prodesse velimus, & id quidem ex affectione, quam mutuam inter nos habemus. Hic est ille animi impetus, & vehemens quidam amor, quem ARISTOTELES, solertissimus naturæ speculator, dixit innatum esse omnibus hominibus ad communitatem, civilemque conjunctionem, quæ est communis hominum inter homines, qui convenienter naturæ vivere volunt, commendatio. Jucundissimum est adeò per se homini hominem juvare: ex quo efficitur, ut ille, qui sit naturæ obediens, non possit homini nocere, cùm se ad homines tuendos con-

servandosque nōrit esse natum, idque existere naturæ consentaneum.

Quid porro in vita jucundius, magisque expetendum, quàm amoris, benevolentiaque remuneratione, studiorum, atque officiorum vicissitudo? Est enim cujusque natura sui similium vehementer appetens, rapitque ad se sui generis omnia: quod quidem perspicuum esse potest ex benevolentia, & affectione, quam non modò ad præsentes, sed etiam ad posteros habemus, quibus tantâ charitate prospicimus, aliis aliis, ut aiunt, tedas tradentes. Hinc testamenta, & ultimæ morientium voluntates, legitimæque commendationes tantâ diligentia relictæ. Illorum verò sceleratam vocem omnes odio, atque omnibus probis insectantur, qui nihil suâ interesse dicunt, si ipsis mortuis statim universi orbis consequatur deflagratio. Quod vulgato, & pervagato Græco quodam versu eleganter exprimitur.

Causa autem tantæ charitatis non aliunde porro, quàm ab ipsa natura proficiscitur, occultâ quadam vi ad id nos impellente. Nemo enim velit vivere in solitudine, etiam omnibus bonis affluens, & in infinita rerum copia positus, sibi negatâ aspiciendæ hominis potestate. Quæ, obsecro, tam suavis voluptas, qui rerum optimarum adeò jucundus fructus esse posset, quem non ei omnem insuavem, injucundumque efficeret solitudo; cùm, inquirunt, non haberet, quicum partiri, atque communicare tot sua posset bona? Natura enim, quæ semper fugit malum, nihil amat solitarium, ut diximus; simile suum quærit tamquam adminiculum, cui innitatur: quod per se satis esse posset argumentum ad conficiendum, homines ad civilem societatem esse natos.

Atqui fortè etiam hîc occurris, repertos esse ali-

quos, qui viverent in agris, & in solitudine; congressusque hominum, & societatem defugerent: ea verò, quæ nobis naturâ insunt, convenire inesse semper, & in omnibus.

Omnes sanè homines aptos ad civilem societatem naturam procreâsse dicimus, hujusceque communitatis appetitionem cunctis eandem ingenerâsse; ut liquidò jam apparet: potest tamen quis aliquâ fortunâ, vique, aut casu impediri, ne in civitate vivat. Egestate enim aliqui adeò laborant, ut eis opus sit perpetuò in agris manuum mercede inopiam tolerare.

Nonnulli etiam reperti sunt, qui, quoniam jus æquum cum multis vivendo pati nequirent, fugerint, non modò civitatis communionem, sed etiam congressus hominum, & societatem summè oderint; quasque adversus naturam obluctantes, omnibus legum, atque officiorum vinculis exoluti, vitam inæqualem, & confragosam, procul à magistratibus, atque judiciis, in solitudine duxerint. Tales profectò neque pudet quidquam, neque metuunt quemquam, neque legem se putant tenere ullam; existimati similes volucrum illarum, quæ libero cœlo volantes sanguine se pascunt. Quod quidem evenit perturbatione rationis, & ordinis, & quia porrò sint à sanitate alieni. Hos tu verò homines ducas? Ego sanè eos feras etiam asperitate anteire statuo. Nulla enim tam aspera, tam trux, & immanis est bellua, quam feritate, homo, exlex, & à recto remotus, non vincat; quòd præ cæteris animalibus sensu, & intelligentiâ præditus sit, quibus in contrarias partes, ut libet, uti possit. Iis si rectè utitur, nihil eo melius queat cogitari; si perversè, nihil immanius: quod dici solet de justitia, quam munitam stipatamque ar-

mis esse convenit, si illa arma, abjectâ ratione, ad injuriam & vim converterit.

Proinde sunt etiam, qui se ipsi plurimum confidunt, quique usque adeo muniti sunt virtute, & sapientiâ, ut nullius ope, nullius subsidii, nullisque adminiculis, egeant; & se ideo à cœtu, atque hominum convictu avocant, totosque se dedunt cognitioni, universæ naturæ, rerumque admirabilium, contemplatores. Hos sanè existimant plusquam homines existere, & quosdam quasi mortales deos habendos. Propterea de iis, & illis considerantes philosophi, eos dicunt nullam esse civitatis partem; sed aut deos, aut bestias existere.

Cæterum, finem illorum, qui in societate civili vivunt, oportet esse aliquem, ad quem omnis vita uniuscujusque, & actio ordinatur; cum homo agat per intelligentiam, cujus opus semper finem respicit. At verò diversa est hominum vita, variæque existunt actiones, & studia: neque ab omnibus in multitudine proceditur eodem modo ad propositum finem. Opus est itaque ei multitudini aliquo tamquam rectore, & duce, à quo cuncti eodem dirigentur, ut societas conservetur. Neque enim navis, quam in medio mari in diversa ferunt venti, ad optatum portum umquam perveniret, nisi gubernatoris operâ, atque industriâ accedente. Dilabatur namque diffuataque populus, nisi adsit rector, & quasi gubernator, qui eum contineat. Quippe cum suæ quisque rei seorsum, sejuncteque studet, in diversa distrahantur omnes; nemine existente, qui bonum commune curet, tueaturque, & in medium consulat. Publici nempe cura civitatem conjungit, atque connectit; privati verò studium, & amor disjungit, ac dissipat: ut fit etiam in corpore cujusvis animalis, quod

planè difflueret, dissolvereturque, nisi princeps aliqua vis regens, atque gubernans præesset, quæ omnium aliorum membrorum salutis, atque incolumitati prospiceret. Hanc autem rectionem esse à natura, nemo ambigat, qui aliquid sentit, aut intelligit.

Sic eadem ratione Deus præpotens, non tantum generi humano, sed etiam cunctis cœlestibus animis imperat. Sic etiam cum homo, ut diximus, constet ex animo, & corpore, animus præcipit, præscribitque corpori, tamquam dominus imperans obedienti. Rursus in animo ipso ratio, quæ est princeps pars, vitiosis partibus præest, iramque, & libidinem temperans refrenat, atque utramque sub signa vocat, & totius animi motus regit. In corpore quoque inter membra unum membrum obtinet principatum, quem alii cordi, alii cerebro attribuunt, cunctaque movet, ac regit.

Denique eadem similitudinis ratio existit, in omni communitate: in qua necesse est semper unum excellere, qui director rerum prudens, vel perpetuò, vel ad tempus quoddam certum ac præstitutum, invicem alios gubernet. Hunc penes, ut cæteri omnes sint in officio, oportet sit omnis imperandi, præcipiendique potestas: ejusque officium est, ut, sicut cives sua quisque curant commoda, ita ipse rei communi prospiciat, suæ utilitatis pæne oblitus; pacemque, & concordiam inter omnes in civitate conciliet, atque conservet; quod minus commodè fieri possit, nisi penes unum sit principatus, ut præscribere valeat, dirigere, ordinare, jubere, atque imperare.

Idcirco conclusum est, initio vocatâ in concilium rudi illâ, & agresti multitudine, ad prudentiorem aliquem, qui esset omnium præsidium, & columen, delatum ultro fuisse principatum, solâ naturâ impel-

lente; secus eos non potuisse umquam in populi unius corpus coalescere. Quandoquidem naturâ comparatum est in hominum genere, ut quod est potentius, imperet imbecillo: ita foeminis præsumunt mares. Quod perspicuè videmus, in primis communitatibus, quas à natura introductas, & esse naturales mihi concedis. Vir enim uxori imperat, dominus ei, qui est naturâ servus, pater liberis, majores natu minoribus præscribunt. Cum potentiam dico, & imbecillitatem, non tam corporis, & membrorum vires, quàm animi, & ingenii vim, & facultatem intelligo. Nempe, ut memoravimus, homo licet à quibusdam silvestribus animalibus corporis viribus antecellatur; tamen omnibus ille dominatur, quòd ratione, consilio, industriâ, atque solertiâ omnia alia animantia ante eat.

Neque id tantum in hominum genere animadvertimus, sed etiam in cæteris animantibus. Quâ ratione PINDARUS suis Thebanis probat, principatum esse à natura, justumque ideo regnum: quòd scilicet etiam in animalibus, ratione non utentibus, perspicua imperii signa dignoscantur; cum semper ea, quæ sunt validiora, tenuioribus, magisque imbecillis imperent, idque innatum est omni planè animantium generi. Quod si FLAMINIUS apud se existens cogitasset, non hercle tam acerbè omne imperii, atque rectionis genus, probris omnibus, & contumeliis confidisset; neque rem-publicam omnem à finibus naturæ exterminasset; quoniam nullo pacto potest ullum animal non appetere id, quod videtur accommodatum esse naturæ: vidissetque, quàm multa sequerentur incommoda, & absurda, nisi naturâ suadente aliqui parerent inter homines, aliqui imperarent.

Quod ni sit, ausim iterum, atque iterum dicere, atque adeò liberâ voce affirmare, necesse sit omne cœlum, mundusque ipse, & cuncta natura intreat; cùm videamus universa ita divinâ providentiâ ordinata, atque directâ fuisse, ut inferiora superioribus, cunctaque uni ipsi Deo, ut diximus, obediant: nisi id quoque negare velis, Deoque, rerum omnium molitori, imperium in homines, cœlitesque ipsos in perpetuum abrogare adoriaris; ne fortè cogaris fateri, hominem addictum esse servituti, cùm Deo, divinæque legi, nascatur obnoxius. Vide verò istuc ne sit, Titanum more, contra Deum, naturamque, bellum gerere.

Verùm tandem videamus, quænam sit ista servitus, quam usque eò detestaris, ut omnem civilem societatem, universumque hominum genus dirimere, discerpere, ac dissipare, tam impotenter molitus fueris. Primùm equidem fateor tecum, servitutem potestimum esse malorum omnium, etiam bello, & morte repellendum; omnesque homines meritò libertati studere, & jugum acerbissimum servitutis, ut morbum, ut pestem, ac famem, odisse. Aio verò, non omnem, quam tu vocas servitutem, esse contra naturam; quod neque PLATO, neque ARISTOTELES, tam præstantes philosophi, inficias eant: negoque, omnes, qui alicui parent, rectè servos dici.

Nempe aliqui nascuntur tuo modo servi, quibus & utilis, & justa est illa servitus. Hi quidem corporum viribus, atque muneribus opportuni existunt; mentis verò ratione, atque consilio non ita: qui ideo sibi ipsi ad vitam tuendam haud satis esse possent, sine alterius opibus, atque præfidiis. Natura itaque eorum corpora fecit firma, atque robusta ad labores, & ad usus vitæ necessarios; ut in graviorum operum

functionibus durare, & adversus onera resistere valerent.

Dominis verò, quibus isti hujusmodi servitutem serviunt, data sunt corpora, ut elegantiora, ita plerumque graciliora, invalidioraque, ad istiusmodi munera, & opportunitates, minùs utilia. Verùm, quod eis corporis virium natura detraxit, mentis, animique solertioris compensatione mitigavit. Existunt enim ad civilia munera, ad pacis, bellicque opportunitates, ad rerumque indagandarum cognitionem, aptiores. Utrisque igitur utraque utilis est conditio, ut alter imperet, alter pareat: neque est illa servitus, quam ut mortem detestatur natura, cùm sit justa, atque admodum hominum generi necessaria.

Ea verò omnia, quibus cuncti insectantur, detestanturque servitutem, in illam servitutem dicuntur, quæ haud naturâ, sed hominum opinione inducta fuit; gentium, inquam, conventis, & communi consensione; ut victi, captique in bello, victoris fierent potestatis, eique servitutem servirent, si ab eo in vita servati essent: unde ab antiquis servos dictos esse volunt, nec tantùm in victoris essent potestate, sed etiam illorum, quibus eos ipse addixisset, & jure nexi, atque mancipii, per æs, & libram obligasset. Istuc servitutis genus odit meritò, atque avertitur natura; in eamque gentium legem philosophi invehuntur, ut iniquam suavoris iniqui rogarionem, quoniam persæpe evenit, fortunæ in rebus humanis ludentis arbitrio, ut viri nobiles, & sapientes, serviant ignobili, atque insipienti. Hoc itaque capite nonnullis visum est jus naturale à jure gentium ita disjunctum existere, ut invicem contraria esse, ac disparata, suo loquendi more, dixerint; quoniam hoc modo parere, & imperare, non conducit utrique.

Nam qui paret, haudquaquam id suâ sponte facit ; sed vi, atque iniquâ coactus conditione.

Ex iis quæ dicta sunt jam intelligere potes, alios aliis parere non solum non esse contra naturam, sed etiam naturæ esse valde consentaneum : quod ni ita sit, multa absurda incurrat hominum genus est necesse. Neque idcirco libertas est aded omnibus chara, quod cuique liceat facere quidquid velit ; neque aded abhorret natura, quod quisque transformet se in mores alienos, dum tamen ille, in cujus mores quis se velit induere, sapientiâ, & virtute præstet, sitque talis, à quo, erudiri, & juvari queat : quod expedire, & utile esse intueri possumus, etiam in iis rebus, quas terra gignit solo affixas. Amputatis enim, atque recisis naturalibus, sylvestrium, steriliūque arborum ramis, inseruntur generosi, selectique generis surculi ; & planta, quæ erat planè sterilis, in frugiferæ, ac felicitis naturam, & consuetudinem coalescit. Multa quoque, quæ in uno bona sunt naturâ, alterius virtute, atque industriâ persæpe fiunt meliora.

Hanc ob rem mortales illi prisci parere regibus ceperunt : quod imperii genus initio delatum fuit ad unum justum simul, & sapientem habitum ; ut ille præesset cæteris, existeretque unus in civitate, justus, & æqui custos, ac vindex, quæ sunt firmissima vincula civitatum ; gereretque unus civitatis personam, & communi utilitati serviens, cives sibi subiectos, æquitate, & fide defenderet, essetque cæteris virtutis specimen. Tali viro, sponte suâ, ac voluntate, parent ; boni præsertim, & innocentes ; quod id sibi salutare esse intelligunt, cum animi mortalium sere omnium nimîa libertate insolescant, cunctique planè licentiâ deteriores fiant. At verò, si quis exi-

stat, qui neque vereatur quemquam, neque lege se teneri ullâ arbitretur, sine freno, sine modo, belli cupidus, pacis & quietis inimicus, hunc omnes defugiunt, averſantur, atque devitant: cujus quidem ſi cuncti homines exiſterent ſimiles, humanum genus PLATONIS ſententiâ parum abeſſet à feris. Quanto melius cum illis agitur, qui, cum multis æquo jure in civitate viventes, ſe, ſuaque omnia prudentiorum conſilio, ac fidei committunt; juriſque & legibus, hoc eſt, rationi, ſuâ voluntate, libentibuſque animis parent: cùm inde nihil non æquum, aut juſtum, expectare, aut metuere queant?

Equidem haud uſquam quemquam eſſe duco ita ab humanitate remotum, qui, ſi ſuo arbitratu, atque, ut cuperet, actiones ſuas dirigere valeat, & penitus conſequi, quæ vellet, nolit magis vivere ſecundum virtutem, quàm à recto alienus. Principes enimvero, & qui aliis præſunt, tales eſſe oportet, ut cogitent, civium ſe potiùs patrociniũ ſuſcepiffe, quàm imperium, aut dominationem: talesque rectores PLATO idem non dominos, ſed rei-publicæ ſervatores, vocat; in quorum tutela tutò, ac liberè vivitur, nulluſque rei illis cura major incubat, quàm civium libertatis: quæ ab æquitate proficiſcitur, cujus nihil eſt majus proprium, quàm pari jure vivere in multitudine.

Nonne, quemadmodum apud XENOPHONTEM pater CYRUM admonet, qui ægrotant advocant medicum, cujus ſe committant voluntati, præſcriptoque pareant, ut ejus præceptis ſanitatẽ recuperent? Tranſituri quoque mare ſcientiſſimo gubernatori ſe totos tradunt, qui non ignarus locorum, ac regionum, exploratam habeat anni rationem, & temporum, cœlique naturam, ac fiderum, ventorum, &

omnium, quæ pertinent ad artem nauticam, calleat; neque umquam ab ejus præstituto discedunt.

Verùm hæc planè sunt humana, & humi jacentia: nunc à terra nos abstrahentes paulo altiùs evehamus rationes. CHRISTUS, cujus natura non tantùm erat hominis, sed seorsum quoque divina, ac cœlestis, ascensum in cœlum ad patrem moliens, SIMONIS PETRI custodiæ, curæ, ac diligentia concredidit manum illam, ac multitudinem, tam quæ promissâ suâ, auctoritatem, & fidem secuta fuerat, quàm quæ in posterum erat secutura; ecclesiamque, id est, bonorum selectam congregationem nominavit, eique voluit unum semper caput præesse vicariâ potestate, ad quod cætera illius corporis membra respicerent.

Videmus quoque in sacrarum literarum monumentis, seu potiùs oraculis, persæpe cœlitum consilium, cœlestem civitatem, vocari: ad cujus rationem, nisi me impedisses isto tam importuno interkursu, humanam & terrestrem rem-publicam temperandam esse eram disputaturus. Quod HOMERUS ipse etiam videtur non omnino ignorâsse, ubi ait, quod sit in hominibus, esse Dei speciem, & imaginem. Ipse item Deus, & homo CHRISTUS, in veræ sapientiæ effatis, toties regnum cœlorum nominans, innuit, in cœlo quoque existere imperium, & regendi vim, ac potestatem. Insuper & ipse heros noster PETRUS, cujus vicariæ fidei concreditam memoravimus Christianam rem-publicam, nominat regale sacerdotium.

Mitto eundem HOMERUM, excellentem naturæ pictorem, non solum Jovem sapiens deorum omnium, atque hominum regem, sed etiam in omni quasi pagina AGAMEMNONEM vocare ποιμένα λαῶν, totius, inquam, Græciæ exercitûs pastorem, atque rectorem;

ad cujus nutum, atque arbitrium cæterorum ducunt consilia respicerent. Quod quidem necesse est in omni fere belli expeditione, tam terrestri, quàm maritima, in omnique congregatione; in qua nisi emineat aliqua potestas, quæ aliis præsit, ac præscribat recta, & cum ratione præcipiens, statim dilabatur, dissolvaturque manus illa, ac multitudo. Nemo tamen idcirco, neque Græcorum, neque quorumque aliorum, milites, ducesve alios in exercitu summo imperatori subiectos, rectè appellârit servos, quòd pareant duci illi, ad quem totius imperiû summa spectat.

Opus est igitur in omni confociatione rectoribus, & gubernatoribus, sine quorum prudentia, diligentia, æquitate, ac fide, nulla communitas stare queat; illisque præsertim recta jubentibus parere omnes oportet. Quod qui non faciunt, sed principibus, ac magistratibus, quorum descriptione omnis rei-publicæ moderatio continetur, adversantur, eos PLATO è Titanum genere existere arbitratur.

Quando autem pauci adeò inveniuntur, qui virtute excellant, non multi admodum idonei existunt, qui rem-publicam capeffant, ejusque præclaris muneribus præfint. Ne tamen hîc, FLAMINI, erres, & tragedias usquequaque decantes, in tyrannicas rectiones sine causa invectus, hanc omnem obedientiam, voluntariam esse oportere dicimus: atque ita tua omnis oratio extra septa, & cancellos vagatur; frustra que laboras, & inanem umbram persequeris.

Dividit nempe PLATO omnem rectionem in violentam, & voluntariam. Violentam vocat tyrannidem, & factionem: voluntariam verò, regiam, ac civilem nominat. Differtque rex à tyranno: quòd hic volentibus; ille invitis, ac coactis imperat. Hinc est,

quòd, libertatis tempore, semper potentiora sunt, ac validiora legum imperia. Parent autem volentes populi, tunc cum imperium est magis gratiâ sub-jectorum, quàm imperantium. Secus enim illi, qui principibus, ac magistratibus obediunt, servi essent.

Bene ideo se habere civitatem, recteque admini-strari dicimus, cum non minùs eorum, qui subiecti sunt, quàm eorum, qui præsunt, utilitas quæritur; immo maximè, & in primis populi commoda atten-denda sunt. Inde nihilominus sequitur etiam privata regentium utilitas, quæ semper conjuncta esse debet cum publica, nec sine ea salvis rebus existere potest. Sic navarchus, maximè nautarum, & eorum, qui sunt in navi, incolumitati studet: ex qua diligentia nihilo secius suæ quoque saluti consulit; nam ipse etiam evadit incolumis, & portum cum vectoribus tenet.

Ac in hoc sanè agnoscimus, pastores distare à civi-tatum rectoribus, quòd pastores in primis utilitatem suam, non ovium, sibi propositam habent. At gu-bernatores rei-publicæ præcipuè commodorum ci-vium rationem ducunt; sive unus, sive pauci, sive multi principatum tenent. Neque enim ulla rectio-nis forma res-publica rectè dici potest, nisi in qua illi, qui præsunt, publicæ utilitati, communibusque civium commodis in primis student, volentibusque ideo imperant.

Cum verò qui regunt, imperium ad suam, suo-rumque domesticorum, ac propinquorum, amico-rumve tantum utilitatem dirigunt, ea rectionis for-ma multum abest ab optima gubernandi ratione; eamque veriùs tyrannidem, aut factionem, aut popu-larem licentiam, nominamus.

Oportet autem maximè à justo imperio omnem

vim abesse, dominandique libidinem, cunctamque suspicionem avaritiæ; quâ nulla pestis magis est contraria imperio, ac majestati. Sed qui imperat fit nullius rei egens, aut cupiens: sed, inquam, planè existat se ipso contentus, & ex se totus pendeat.

Hic verò FLAMINIUS aridens, Exspecto, inquit, quorsum tandem hæc tendat oratio. Nam, ut video, causam meam agis, teque ipse induis in id ipsum, quod maxime effugere niteris; & dum te expedire tendis ex laqueis meâ oratione tibi injectis, arctius te semper involutum constringis, teque ipse configis tuamet confossione jugulatum. Servitutem ego tibi objeci, pervicique, nos manere in civitatis communione non posse, nisi projectâ, amissaque prorsus libertate, nisque fecerimus nosmet-ipsos potestatis alienæ, & alteri servitutem serviamus. Id ipsum idem tu apertè, palamque confiteris, dum reges, gubernatores, imperatores, rectores, & magistratus, tamquam dominos, in cervicibus nostris collocas: qui quò plures extiterint, eò magis nos in servitutem redigis, graviorique dominatu premis; & quot rectores das, totidem nobis imponis tyrannos; & quò minimè vis eò revolveris. Ad ingenium redi, excute hinc tandem intelligentiam tuam; & complicatam animi tui sententiam evolve; teque, si potes, explica.

Explicabo medius fidius, inquam; teque, & omnes, qui in civitatibus æquo jure cum multis vivunt, in libertatem, cui tu adedè metuis, vindicabo: atque quacunque oratio mea pertransierit, perque volaverit, omnibus solvam compedes, atque ergastula, libertatis ubique seminator; ut ne minimum quidem uspiam relinquatur servitutis indicium.

Erras non parum sæpe, FLAMINI, in hac autem re

maximè, qui non vis intelligere, quantum sit discriminis inter eos, qui suâ sponte, & voluntate parent; & illos, sicut distinguendum esse diximus, qui id inviti faciunt: cùm proprium sit libertatis munus, ut per eam quis agat quidquid velit; liberque planè existat, quisquis nihil facit, aut dicit invitus. Quî enim servi illi haberi debent, qui, suorum commodorum gratiâ, obtemperant magistratibus, rectâ ratione in jubendo, & vetando utentibus? Tibi res plena periculi videtur esse, quòd nos ipsos subijcimus arbitrio alieno, alterique ita addicimur, ut in nos ille interdum vitæ, ac necis videatur habere potestatem. Falleris hîc sanè maximè: nempe, cùm sub jus, judiciumque venimus, addicimus nos, nostraque, non alicui homini, sed legibus, aut à rege justo, aut à civitate non oppressâ tyrannide, latis; quia magistratus, gubernatores, regesque, obediunt quoque ipsi legibus, id est, rectæ rationi, nihilque ab illis est agendum, quod non dici possit rectè, & ex ordine factum, & summâ ratione obvallatum.

Porro regem ipsum non subijci legibus, sceleratam vocem esse clamant, & detestantur omnes. Namque, ut est apud XENOPHONTEM, leges non modò parere docent, sed etiam imperare. Ne igitur magistratus quoque, & qui populos regunt, in jubendis, ac vetandis rebus errarent, neve quidquam agerent ex libidine, conditæ fuerunt mirâ omnium gentium consensione leges, sapientissimorum hominum cogitata, atque inventa, quibus jura, ac judicia describuntur. Unum, idemque nempe propositum legum, & magistratuum esse debet, eademque voluntas, & ratio. Hinc aliqui magistratum, legemloquentem; legem verò magistratum mutum esse dixerunt: quæ luculenter differit THEOPHRASTUS in

eo libro, in quo de officio legum, & magistratuum copiosè agit.

Legum sanè præscripto qui judicant, quique rempublicam temperant, numquam deflectere possunt à recta ratione : quæ est ipsarum legum non modò conservatrix, & emendatrix, verùm etiam eas generâsse quodam modo videri potest ; & earum est, ut ita dicam, quasi anima, atque medulla. His porrò dominantibus, nullus est gratiæ, aut odio locus. Non hæ moventur irâ, aut cupiditate ullâ, semper eadem, & æquæ omnibus, nemini succensent, nihil cupiunt, nihil dolent, nihil metuunt, aut sperant, numquam lætitiâ efferuntur, numquam stomachantur, neque fastidiunt, neque defessæ oblanguescunt, neque obdormiscunt, sed semper unâ, atque eadem voce cum omnibus loquuntur. Eas itaque in civitate dominari, non magistratus, quos potiùs par est ipsis legibus, & majorum sapientissimorum hominum institutis apprimè obedire, ab illisque ne transversum quidem unguem discedere. Miseram nimirum congregationem illam, ubi leges parum possunt, sed ipsæ potiùs magistratibus serviunt. Felicem contrà illam, ac beatam civitatem, ubi leges ipsæ magistratibus dominantur, & omnia possunt. PLATO inquit, illi rei-publicæ affore multa bona, quæ dii dant civitatibus. Porrò legibus, ac moribus necesse est contineri omnem civitatem ; quorum unum sine altero esse non potest.

Hæc duo nisi essent, homines vi uterentur ad cibum, & ad maris ac foeminæ conjunctionem ; cunctaque ex libidine fierent. Hinc dicimus, conditas fuisse leges ad salutem civium, vitamque omnium quietam, ac beatam, ad compescendamque improborum licentiam, ut oderint injustitiam, justî autem

maturam diligant ; atque ut homines ab injuria inter se attemperent, ut suumque cuique tenere liceat, neve improbi magno cum bonorum periculo, & detrimento nimium possint. Est enim lex eorum, quæ justa sunt, & eorum, quæ injusta, recta distinctio, auferens injuriarum scelerumque licentiam.

Nisi enim natæ fuissent in animis hominum cupiditates, tamquam in humida materia quædam caries, nihil planè opus erat legum scriptarum promulgatione : quæ, sicut supplicio afficiunt improbos, ita bonos defendunt, emendatrices vitiorum, virtutum commendatrices. Nihil hercle namque opus esset legibus, si æqui & boni essemus omnes. Si quidem cupiditates prius fuisse necesse sit, deinde leges adinventas ; quæ illis modum facerent, quæ furari, rapere, latrocinari, fraudare, adulterarique vetarent, juberentque suâ re quemque contentum esse, à vi, aque injuria omnino abstinere, ad rectè facta vocantes, devocantesque à peccato. Nempe lex vinculorum, verberumque, & mortis, minis providet, non tantum, ne quis rem alienam rapiat, sed etiam ne alterius lædat famam ; cui optimè majores nostri in XII tabulis consultum esse volentes, capite sanxerunt, Siquis occentrasset, carmenque edidisset, quod infamiam alicui afferret : ut omnium indemnitati, & securitati, honori, atque existimationi cautum esset ; iisque vinculis improborum, insolentiumque, & petulantium coerceretur licentia. Rectè itaque lex à sapientibus dicitur populi salus, quæ vult pauperes æquè, ac divites, posse in civitate. Minatur enim pœnas, ac multas, quibus saltem improbi ab injuria, & scelere deterreantur.

Hinc Romani imperii illi pleni majestatis fasces, tremendæque secures, lictores, atque apparitores.

Elaborârunt autem summopere, ut poenæ inflictæ vim haberent salutaris cujusdam medicinæ, justæque, ac debitæ essent; neve major poena, quàm culpa, sed noxia mulctæ par existeret. Hinc tot leges, quibus omnes nationes pariter utuntur, quæ scilicet versantur circa illud jus, quod gentium dicitur; cui æquum est acquiescere omnes populos, ac nationes; & sine quo haud commodè genus humanum existere possit. Inde etiam leges scriptæ, quæ dicuntur populares, singulorum, inquam, populorum instituta; quibus, tamquam firmissimis vinculis, continentur singulæ civitates. Quod enim rex sanxerit, senatusve creverit, aut populus jusserit, legem esse convenit. Quod nomen illis scitis maximè congruit, quæ sapientes viri, alicujus populi, aut principum jussu, statuerunt; ut in Græcia, sicut tu modò recensuisti, multi fuere legum-latores.

Nostra tamen civitas obtinuit, ut jus, quo ipsa utebatur, receptum esset à cunctis fere civitatibus; utque civile ubique vocaretur, cum ob ingentis imperii majestatem, tum propter summam diligentiam, conjunctam cum summa prudentia in condendis legibus. Nempe nostros x. viros, qui Romæ conscripsere xii. tabulas, necesse est fuisse homines prudentissimos, quòd tantulis tabellis tanta res-publica diu stetit; neque post multos annos ullæ aliæ adjectæ fuerunt leges, donec improborum hominum audaciâ, atque intemperantiâ, eò pervenit, ut calliditate leges latas evaderent, atque eluderent. Inde referti fuerunt tot formulis juris-consultorum libri, excogitataque ubique tot leges scriptæ, æreve incisæ, tot rogationes, senatûs consulta, prætorum jura, atque edicta, plebiscita, & prudentum responsa: quæ omnia usquequaque FLAMINIUS fastidiens, ac nauscabun-

dus ta
 hacte
 tasse l
 que in
 vellen
 vis, fr
 coerc
 judici
 neque
 bus o
 pletib
 cuper
 quàm
 Ast
 getqu
 quos
 & in
 dem
 cujus
 tum
 ne qu
 vi, un
 Ut hi
 est m
 menti
 possit.
 janoru
 tremâ
 tander
 Quo
 dum,
 ferro,
 ferreâ,
 si long

dus tantopere carpit : cujus acerbitate coactus fui quæ
 hætenus dixi de legum natura latiùs prosequi, quàm for-
 tasse locus poscere videatur. Illa tamen scita fuerunt, at-
 que instituta, ut eis omnino iustitia in animis hominum
 vellent, nollentve, retineretur; ut saltem improborum
 vis, fraudes, ex quibus duobus fontibus oritur injuria,
 coerceretur, ne bonis nocere valerent. Sed juris, &
 iudiciorum æquitate suum quisque tenere posset, &
 neque tenuiores propter imbecillitatem à potentiori-
 bus opprimerentur, circumvenirenturve; neque locu-
 pletibus obstaret invidia, ad sua vel tuenda, vel re-
 cuperanda; utque omnes in civitate, tam tenues,
 quàm locupletes, æquè possent.

Ast FLAMINIUS hic libertatem mordicus tenet, ur-
 getque, & identidem instat, non conducere, nos,
 quos natura liberos creavit, vinculis legum constringi,
 & in servitutem addici; nititurque, & omnem lapi-
 dem movet, non veræ libertatis ergò, sed obumbratæ
 cujusdam specie, ut non tantùm liberum, sed solu-
 tum planè sit, & exlex, ubique humanum genus;
 ne quid à quoquam metu fiat, qui parum abest à
 vi, unde omnis servitus inducitur. Ut hic exultat!
 Ut hic volitat! Ut triumphat! Istæc planè ratio
 est major illa, & validior machina, ultimumque tor-
 menti genus, quod expugnandæ civitati admovere
 possit. Hic est ejus Achilles, quem adversus Tro-
 janorum ingruentium vim, atque impressionem, ex-
 tremâ fortunâ exanimatus opponat: atque hîc hercle
 tandem aliquid dicere videtur.

Quoniam hoc itaque est ulcus, ad quod aperi-
 endum, non acu, aut chirurgi lanceolâ, sed alio sit opus
 ferro, longè validiore, ac robustiore, fude, inquam,
 ferreâ, aut gladiatoris lanceâ; in ejus curatione etiam
 si longiusculus viderer, essem omnino à vobis feren-

dus, quòd hìc tota legum natura evolvenda esset.
 Verùm ex his me expediam, quàm brevissimè po-
 tero; haudquaquam imitatus improbum medicum,
 qui quotidiani lucelli, & sordidissimi quæstus, gratiâ,
 de industria ægrotationes, alendo, comperendinando-
 que curationem quantumlibet producit atque prola-
 tat.

Perge tuo commodo, inquit CERVINUS: liqui-
 dem vacua est penitus ab interventoribus dies; quam
 nescio in quibus aliis colloquiis meliùs ducere posse-
 mus. Delectant mehercle jucundum in modum
 ista, quæ longè secus tractari solita sunt in scholis
 ab illis, qui dicuntur juris-prudentes. Iridem spon-
 dere ausim pro ambobus collegis meis, & pro istis;
 neque enim FLAMINIUM ipsum excipio, licèt tibi ve-
 hementer, & præfractè adversari videatur: quem in-
 tus secum gestientem videre videor, quòd te elicie-
 rit ad hæc tam planè, tamque conclusè differenda.

Tunc ego, Hac veniâ, inquam, à vobis concessâ,
 agam aliquanto liberiùs. Quis enim quæso, dicebat
 FLAMINIUS, non metuat, ac reformidet istas tam
 imperiosas reginas, ac dominas, quæ cives damnis,
 multâ, ignominiâ, exilio, vinculis, verberibus, su-
 premoque interdum supplicio, afficiunt? Quis non
 horrescat superbissimas illas secures vinculaque car-
 nificum, crucem, & arborem infelicem, miserieque
 cruciatûs carmen, & quæ plurima in oratione sua,
 non modò lautè, sed etiam libenter commemorabat?
 Addidit insuper; quod usquequaque inculcabat, leges
 esse hominum adinventas; cùm jus tamen non sit
 hominum opinione, sed naturâ, constitutum.

Jocularia profectò sunt ista, risu potius, quàm
 oratione, ejicienda, quibus tamen ego respondebo;
 non, quod ISÆUM dicere solitum fuisse tradunt, leges

quidem acriter statui, mitius verò, quàm jubent illæ, pœnas sumi oportere. Verùm dico, atque assero, probos viros parere legibus, non vi, aut metu; sed quod jus cogit, eos suâ sponte, & voluntate facessere; legesque ipsas vereri, cùm honesti causâ, tum quia id esse salutare, sibi que maximè conducere, intelligunt. Nihil enim viri boni faciunt umquam, nihil cogitant, nisi volentes, & suapte sponte: neque qui obtemperat legibus, idcirco dici potest alicui potestati addictus, nexuque, aut aliquo jure civili servus, &, ut sunt dominorum mancipia, suo spoliatus esse arbitrio. Quippe eadem ratione omnes, qui honesta sequuntur, quique ex natura vivunt, quia obtemperant legi naturali, servi erunt, naturæ dominatu pressi. Quid aliud est enim legibus parere, quàm philosophiæ præceptis obsequi, & obtemperare? atque, ut natura flagitat, vivere; ac virtutibus omnibus non modò vitam suam ornare, verùm etiam se eis addicere? quod quidem sponte suâ fit, nec quisquam umquam bonus virtutem sequitur coactus, aut invitus.

Itaque, sicut honestum, ita & jus est ultro, & per se expetendum; quod se in omne honesti genus, in omnesque virtutes fundit; legesque ipsæ sunt totius honesti præceptis accommodatæ; jubent enim ea, quæ sunt viri, non solùm justî, verùm etiam fortis, prudentis, temperantisque, & quæ sunt mansueti, & mitis animi: idemque facit in cæteris virtutibus, ac vitiis, hæc jubens, illa prohibens; mensque legislatoris naturam justî, & æqui, semper spectat, eoque quæcunque jubet, aut vetat, dirigit, donec omnia hauriat, quibus justitia absoluta perficitur.

Hanc nos quidem legem nominamus, & à legendo nomen fecimus, quam Græci νόμον dici malue-

runt, quòd per eam unicuique suum tribuatur. Nihil siquidem in legis nomine, æquitatis vim, nos vero delectus naturam attendimus. Ut ut sit id, si rectè perpenditur, nihil planè aliud est, quàm ipsa ratio, humanas actiones ad signum dirigens, omnium domina, atque regina, quam oportet esse in omnium animis, & cum ea nos constat esse natos: unde si rectis sensibus ire volumus, unusquisque potest esse sibi ipse legis-lator, sibi que honesta, & iusta præscribere, prohibereque contraria. Cùm igitur lex sit hominum generi à natura data, nemo, non à mente alienus, eam jure accusare possit, aut insimulare, servituti nos addicere, cùm servitutem ipsa per se natura oderit, semperque libertati studeat.

Legem porrò nobis à natura datam, ita probare solent. Aiunt enim, nobis à natura datam esse rationem; si ratio, etiam rectam rationem. At lex nihil est planè aliud, nisi recta ratio, insita in natura, in jubendo, & vetando, honesta imperans, turpia prohibens: & ubicunque lex ipsa dominatur, omnes sunt in officio, recteque se habent, & ordine administrantur omnia; quoniam nutu rationis res fluunt, ratioque ipsa potius, quàm lex dominari videtur. Quapropter, nisi lex scripta accommodata existat ad naturam, quæcunque ea sit, est magis quidvis aliud, quàm lex, minimeque legis nomen meretur.

Lex enim est recta ratio profecta à natura, ad recta faciendum impellens, & à delicto avocans; quæ non tunc esse cœpit, cùm fuit scripta, sed potius intelligi potest fuisse semper unà cum mente divina, quæ semper extitit, & numquam esse cœpit. Quod præstantissimus theologorum omnium inter nostros innuere videtur, cùm, suam theogoniam ita altè exorsus, ut vix nos humi strati intelligentiâ ca-

pere valeamus, inquit, Ἐν ἀρχῇ ἦν ὁ λόγος, καὶ ὁ λόγος ἦν πρὸς τὸν Θεόν, καὶ Θεὸς ἦν ὁ λόγος. Οὗτος ἦν ἐν ἀρχῇ πρὸς τὸν Θεόν. cū ea enuntiaret de uni-
 gena Dei filio, qui est Patri coæternus, vera ratio,
 vera lex, intimum animi verbum, abstrusaque co-
 gitatio, sententia, voluntas, mens, atque consilium.

Cæterum tamen hic distinguendum, cū de lege loquimur, ne genera confundentes obscuritate involvamus. Sicut enim jus, justumve est, tum naturale, tum civile, quod legitimum vocamus; ita de lege quoque planè dicendum est. Nempe alia est naturalis, alia civilis, aut scripta. Cū legem nomino, de eo imperio intelligo, quo non tantum civitas, sed domus etiam omnis, & familia continetur; sine qua nec gens ulla, nec mundus ipse, nec universa natura stare possit; quæ omnia Deo, rationique obedire est necesse.

Naturalem quidem illam principem, & ultimam legem mentem esse dicunt, omnia, ratione aut cogentis, aut vetantis Dei, ad jubendum, deterrendumque idoneam, non ingeniis hominum excogitatam; neque scitum esse aliquod populorum, sed æternum quoddam, quod universum mundum regit incredibili, imperandi, prohibendique sapientiâ; neque eam opinione hominum constitutam, sed divinitus existentem, diffusamque in omnes; constantem, immutabilem, perpetuam, sempiternam; quæ ad officium tacitè nos, & ad rectum vocat, jubendo, vetando, à fraudeque, & ab injuria deterrendo. Huic legi qui obtemperat, non indiget neque LYCURGI, neque SOLONIS, neque CHARONDÆ legibus. Habet enim in se ipse legem sibi semper præsentem, præscribentemque; quomodo se gerat, primum erga Deum, quem colere in primis cuncti debent; quo

deinceps jure vivat, non modò cum illis, quibus cum societate aliquâ jungitur, sed etiam cum universo hominum genere. Ea profectò docet, nostra lucra alienis incommodis non quærenda; vetatque, ne alteri noceamus, nostri commodi causâ; nostrumque potius feramus incommodum, quàm quidquam de alterius commodis abradamus; detestaturque vehementer omnem detractionem, appetitionemque alieni: quam scientiam, ac notionem, ipsa per se natura in sevit in animis nostris; neque quisquam est omnium, qui non secum tacitus hæc sentiat, ac videat; & huic quidem legi suâ sponte obtemperant cuncti, atque obediunt.

Alterum legum genus in divisione fuit, quæ civiles; atque humanæ dicuntur. Et harum quidem sunt duo rursus genera: unum quidem earum, quæ haud scriptæ extant, sed tacitâ gentium consensione ab omnibus servantur, vocaturque jus gentium; quo jure omnes gentes inter se utuntur, ac vivunt. Neque est ulla fere tam barbara, tamque remota natio, apud quam id non valeat, tam belli, quàm pacis tempore; non adedò multùm distans ab eo, quod dicimus naturale, ut etiam à peritis naturale interdum nominetur; quod qui violârit, scelestus, impiusque ab omnibus ubique judicatur. Hoc secundo jure munitæ, tutæque sunt legationes, foedera stabiliuntur, solidantur pacta; & omnes contractus, tam in emendo, & vendendo, locando, & conducendo, quàm in cæteris contrahendis, transigendisque rebus, firmantur.

Tertium genus est earum legum, quæ scripto habentur, à sapientissimis viris legum-latoribus exco-gitatæ, rogatæ, atque latæ: jussæ, & vetitæ populorum vocant, quibus in singulis civitatibus, totaque

interdu
nis, re
Illa
stit; &
test:
Quipp
que va
tas ge
gentes
ignora
obnox
dam o
nam o
jus u
EMPER
quod
bilem
Gen
tarum
lege
denue
quia
tione
cuncti
citur
ætern
At
sione
bique
viver
pleru
runt,
Apul
statu

interdum provincia, & nonnunquam latissimis regnis, res-publica continetur.

Illa porrò princeps, ac summa lex, æterna existit; & neque tolli ullâ lege aliâ, neque abrogari potest: est enim in natura infixâ atque ingenerata. Quippe quæ naturâ existunt, sunt immutabilia, & ubique valent; ut ignis, sicut apud nos, ita apud cunctas gentes adurit. Est igitur illa diffusâ in omnes gentes, perpetua, constans, sempiterna, quam nemo ignorat; cui tam dii, quàm homines, ut aiunt, sunt obnoxii. Est enim illa, quam PINDARUS in quodam cantu, ubi de HERCULE agit, canit esse reginam omnium mortalium, atque immortalium, quæ jus ubique dicit præpotenti manu. Eam autem EMPEDOCLES, ut refert ARISTOTELES, appellavit æthera, quòd perpetuò diffundat se in omnia, per inexplicabilem claritatem.

Gentium verò conventa, id est, perpetua illa cunctarum nationum consensio, licet nullâ aliâ umquam lege abrogentur, tollanturve, tolli tamen possent, si denuo inter omnes gentes secus conveniret. Quod quia difficillimum factu existeret, summâ enim ratione, quæ est lex divina & humana, in eas leges cunctæ gentes consensere, hoc ideo quoque jus dicitur quodammodo immutabile, perpetuum, atque æternum.

At scita populorum, quod fuit tertium in divisione, quæ, inquam, singuli populi sanxerunt, scribique mandârunt, quo in singulis civitatibus in pace viveretur, aliâ lege, novoque scito tolli possunt; & plerumque tolluntur, si aut non jure rogatæ fuerint, easque usus coarguit, ut Romæ novimus Seias, Apuleias, & Livias, centumque alias; aut si eas aliquis status rei-publicæ inutiles fecit.

Namque earum quædam latæ sunt, perpetuæ utilitatis causâ, in sempiternum tempus valituræ; ut aliquæ cum ipsâ urbe natæ, cunctæque leges XII. tabularum, quarum nullam umquam abrogatam fuisse legimus. Quædam verò earum, quas crevit senatus, populusque jussit, aliquibus temporibus rei-publicæ desideratæ, sunt quodammodo mortales, & pro temporum varietate mutabiles. Nam, sicut in navis gubernandæ ratione, alia in prospera navigatione, alia in adversa tempestate usui sunt: ita in administratione rei-publicæ, belli tempore, leges sciscuntur in populis, quæ post secutam pacem abrogantur, & planè inutiles fiunt. Quod etiam de omni temporum mutatione, inclinationeque intelligo.

Sunt etiam aliquæ, quas in dies ætas retractat, expolitque, & in meliorem rationem mutat. Nam, que humana solertia non omnia, quæ cogitat, illico perfectè videt, ac sentit; verùm in dies hominum ingenia magis, ac magis acuuntur, atque illustrantur, & persæpe quæpiam, quæ animus tuus heri, & nudius tertius ignoravit, hodie scire incipit. Natura enim paulatim nobis sese detegit, atque enudat. Idcirco quotidie, prout tempus desiderare videtur, novæ conduntur leges. Nam quidquid senatus crevit, populusque jussit ad civilem, popularemque usum, lex habetur. Etenim, ut in humanis corporibus pro ratione morborum, nova sunt semper admovenda remedia: ita in administranda re-publica, ad coercendam improborum civium licentiam, leges rogandæ, ac ferendæ sunt, tempori congruentes. CICERONIS ætate, ut ipse refert, nondum decem, & centum anni exierant, ex quo de pecuniis repetundis à L. PISONE lata fuerat lex, nulla antea cum fuisset.

Cæterum leges, quas tu carpis, varias esse coar-
guens, atque invicem sibi contrarias, nullo pacto leges
existere censemus; easque magis populi favore, quam
merito, legum nomen tenere arbitror.

Formulas verò illas, ut ad omnia à te objecta re-
spondeam, tam stipulationum, quam judiciorum, quæ
tenui de causa, nimisque exili, atque abjecta, scriptæ
tibi videntur, ut de stillicidiorum, parietum, & aqua-
rum jure, de cloacis, deque domorum, & prædio-
rum servitutibus, non parum necessarias prisci illi
nostri existimârunt, ad tuendam civium pacem ac
quietem, qui persæpe istis de rebus inter se con-
troversantur & litigant, ad jurgiaque, & ad manus
veniunt.

Multa tamen fatendum pestifera, & perniciofa in-
terdum in populis scita fuisse, vel principum scelere,
vel populorum ipsorum negligentia, aut avaritia;
quæ quodque aliud potius sunt, quam leges: ut, si
non totiùs civitatis, sed principis duntaxat, aut unius
tantum partis civium, gratia, constitutæ fuerunt;
aut si non majori saltem parti, & in summum pro-
sunt, fraudes potius corruptæ, & depravatæ civitatis,
quam leges dicendæ sunt: quandoquidem opor-
tet, leges, & jura consentanea esse naturæ, ac rationi,
quæ omnibus universè est eadem.

Et ut tandem breviter, sicuti res est, eloquar, illa
princeps summa, & ultima lex, à Deo ipso lata, &
in cordibus nostris infixæ, nobiscum nascens, si rectè,
atque perfectè à nobis intelligeretur, vellemusque
congruenter naturæ vivere, nemo nostrum aliâ lege
scriptâ indigeret: essemus enim omnes naturâ justii.
Justis autem legem non constituendam nemo est
qui nesciat; cum sicut dixi, illa sit justii, atque in-
justi distinctio. Continet namque in se, atque com-

plectitur omnes leges, cùm scriptas, si rectè, optimoque jure rogatæ fuerunt; tum eas, quas omnes gentes diuturnâ consensione approbârunt, tam juris publici, quàm privati: ab eademque natæ sunt apud nos, primùm quidem XII. tabularum leges, deinde aliæ permultæ, quibus ais confertos esse consultorum libros. Summa enim illa, tamquam genus universum, se virtute fundit in omnes, fons publici, privatique juris, ad officium, ad rectèque faciendum impellens, & à delicto avocans; cupiditates, quæ nascuntur in animis, tamquam quosdam morbos, coercens, atque refrenans; bene facere jubens, quibus possumus; prohibensque, ne cui noceamus, commodi præsertim nostri causâ; sed quales se gerere erga nos cæteros mortales cupimus, tales nos iridem erga alios omnes esse potenter imperans. Huc porro spectant omnes leges. Id unum incolumem, quietam, beatamque servat, ac tuetur civitatis conjunctionem. Id firmissimum est, non modò rerum-publicarum, sed totius humani generis vinculum.

Quoniam verò ea, quæ sunt à natura, hominum industriâ plerumque meliora fiunt (etenim quæ natura inchoat, hominum sapientia perficit; quæve confusâ, & quasi per caliginem, ac nebulam quandam, nobis ostendit, nos distinguentes illustramus) sapientissimi homines legum-latores, quorum antiquissimi fuerunt in Græcia MINOS, & RHADAMANTHUS, philosophiæ lumine adjuti, juris, ac justî, quod erat planè involutum, naturam, ac vim, mortalibus ostenderunt: & quæ natura fusè, & liberè animis hominum suggerit, illi articulatim, distincteque dividendes in genera, plurimos ab eo fonte rivulos deduxere; legesque, judicia, & jura, enucleatè describere: ut agnationum, gentilitatum, tutelarum, socie-

tatum,
pecuni
orum,
rumqu
privata
suum
profan
servus.

Et q
quos n
ria arc
metus
cam g
eant: (
modo
agendi,
Cùm ig
quoque
eos, qu
honesto
innocen
versio:
bus, qu
madver
parique
parriæ,

Si nu
multis,
omnes
tas enin
homine
cufent
parere.
quæ ali

tatum, fiduciarum, mandati, creditæ, depositæve pecuniæ, usucapionum, alluvionum, servitutum, nexorum, mancipiorum, parietum, luminum, multorumque aliorum; declarantes, quæ publica, quæve privata, quæ testamenta rupta sint, quæve rata, quid suum cujusque, quid alienum, quid sacrum, quid profanum, qui civis, qui peregrinus, qui liber, aut servus.

Et quoniam delictis poenæ constituendæ sunt, ut quos natura, aut ipsa turpitudine, & pudor, ab injuria arcere nequeunt, poena saltem, & suppliciorum metus deterreat, ne magistratus, & qui rem-publicam gerunt, improbis ignoscendo bonos perditum eant: (Quæ enim rogo esset hominum vita? Quomodo res se haberent, si omnibus proposita esset agendi, quidquid collibitum animo esset, impunitas?) Cum igitur delictorum distincta sint genera, diversa quoque legum capita conscribenda erant, propter eos, qui nihil timent, nisi testem, & judicem; neque honesto ipso quidquam moventur, ut boni sint, & innocentes; quod noxiæ par esset poena, atque animadversio: quod probari potest in tribus delicti generibus, quæ cum paria judicentur, unâ eademque animadversione in XII. tabulis antiqui coercenda statuere, parique supplicio eorum reos afficiendos, proditorem patriæ, sacrilegum, & legum everforem.

Si nullum existeret jus scriptum, errari posset in multis, non tam opinionum vanitate, aut quod non omnes jus naturæ per se nullo docente sentiant (æquitas enim per se omnibus elucere potest) quàm quia homines aliqui, inducti specie alicujus commodi, recusent vivere congruenter naturæ, & juri naturali parere. Quoniam item interdum contingit, ut ea quæ aliquando justa sunt, procedentibus ætatibus,

aut aliquo casu mutari possunt, & esse minùs justa, opus fuit lege scriptâ, quæ tum improbos ab injuria deterreret, tum ab errore avocaret ignorantes.

Atqui fortè inquires: Ergo omnia esse justa defendis, quæ posita sunt in populorum institutis, & legibus? Id hercle ego minimè. Interdum enim errant homines, etiam qui habentur sapientiores. Nemo namque præter Deum est verè sapiens, qui neque errare, neque falli potest. Porro leges condere res est ardua, quæ non modò consilio, atque prudentiâ plurimùm indiget, sed etiam, ut sensit PLATO, sine divino favore, atque præsidio, seniorumque consilio, id munus perfectè minimè impleri potest. Idcirco facit SOCRATEM, ante suarum legum promulgationem, cœleste auxilium implorare, & invocare Adrastian; quam dicebant immutabilium legum esse reginam; cujus reginæ nec oculos, nec manus alicui licebat effugere. Hanc vir prudentissimus fingitur sibi assistere voluisse, ne fortè in describendis legibus erraret; quem errorem idem PLATO plurimis verbis vehementer detestatur.

Perraro tamen solerti homini contingit errare, si in ferendis legibus nihil ab illa principe, & summa lege desleat, quam sequi debet, & ad illam Cynosuram cursum tendere: sicut in omnibus etiam rebus industria, & solertia humana, quoad potest, imitatur naturam. Quamobrem civitatum scita, & instituta nihil aliud esse videntur, quàm illius æternæ legis quædam quasi explanatio, atque illustis explicatio, quæ eam omnibus apertam, & dilucidam reddit; in qua dixi fusa consistere omnia jura, & justa, quasi legum occulta quædam semina. Neque absurdum cuiquam videri debet: cùm, in aliis quoque re-

bus p
bras,
tionis
tius v
git, q
tibus
Ver
lerit,
respic
turam
existan
nomin
mens,
honest
lis, qu
dam o
ut rer
vium
terisqu
ut dix
verò o
Nih
optimi
que or
ponun
fortis:
tè legu
poenâ,
neu ar
quæ su
rari, ve
ab om
abesse;
possit

bus permultis, humani ingenii solertia naturæ latebras, & obscuritatem scrutetur, atque adhibito rationis lumine illustret; quando homo homine acutius videt, & unus interdum perspicit, atque intelligit, quæ nemo aliorum omnium ullis umquam ætatibus intelligentiâ consequi potuit.

Verumtamen nisi leges omnes, quas quisque tulerit, ad illam principem referantur, ad illamque respiciant, & illi sint omnino consentaneæ, & ad naturam, quæ nihil nisi justum admittit, accommodatæ existant; nullo pacto leges sunt habendæ, neque hoc nomine dignæ censentur. Igitur omnis legis-latoris mens, & ratio huc dirigenda: cujus officium est de honesto, bonoque, & justo considerare; eaque populis, qui sunt futuri felices, proponere; & legum quasdam quasi formulas, quas illi sciscant, describere: ut rerum-publicarum administratio recta; vitæque civium sit prudens, fortis, temperata, & justa, cæterisque munita, atque adornata virtutibus; in quas, ut diximus, omnis lex naturalis se fundit. Hæc verò omnia complexi uno verbo honesta dicimus.

Nihil porro præclarius, quàm videre civitatem optimis florentem moribus, & institutis, virtutibusque ornatam, quas leges ipsæ singillatim nobis proponunt. Jubet lex naturæ ea, quæ sunt hominis fortis: quod quoniam latè patet, constituunt distinctè legum-latores, jubentque, præstitutâ, ac descriptâ poenâ, ne quis in acie locum deserat, neu fugiat, neu arma abjiciat. Rursus eadem natura jubet ea, quæ sunt temperantis: apertius illi vetant adulterari, vetant quoque convicio quemquam verberare, & ab omni petulantia per singula genera discurrendo abesse; eaque omnia persequuntur, in quibus notari possit intemperantia. Itidem pariter in omnibus

150 M. H. VIDÆ DE DIGNITATE

virtutibus, & vitiis, se gerentes faciunt, & à virtutibus legum suarum semina eliciunt.

Leges verò quæ variæ sunt, inconstantes, invicemque sibi contrariæ, censeo omnino tollendas esse, aut utrasque, aut alterutram; illamque quæ à justo discedit, ac ratione penitus vacat. Nam omnino iniquas à tyrannis civitati impositas, atque iniustas, in quibus non proponitur utilitas, neque commoditas, saltem majoris partis civium, ad ipsorum tyrannorum commodum tantum latas, nullo pacto leges habendas diximus; nullamque omnino rem, aut rationem esse nobis cum tyrannis in hoc tam præclaro negotio pertractando.

Reddidimus etiam causam, cur mutabiles essent aliquæ, quareve, quæ promulgatæ initio mirum in modum placuere omnibus, postea, procedente ætate, antiquentur, abrogenturve, non modò illæ, quæ non sunt perpetuæ, sed ad tempus introductæ, verum etiam in æternum latæ. Quod nulli mirum aded videri debet, qui nôrit, omnia hæc humana, atque infera, perpetuo esse in motu; ut PLATONEM dicere tu quoque ipse adversus te pro mea sententia confessus fuisti; usque aded, ut quidam philosophi ambigant, an eadem hodie sit respublica, aut civitas, quæ heri, & nudius tertius. Sicut etiam de fluminibus, quæ perpetuò fluunt, quæri solet ab iis, qui naturam speculantur; & idem significantius natura exprimit in animis nostris. Siquidem persæpe quod heri mihi consilium mirum in modum placebat, hodie non ita; illudque, aut prorsus abjicio, aut saltem aliquibus, vel additis, vel detractis, excultum perpolio, exornoque, & in melius refero.

DRACO, fateor, apud Athenienses leges scripserat, quas deinde SOLON fere omnes sustulit, quod in illis

mors erat definita pœna, tam iis qui furati essent olera, quàm sacrilegis, & patriæ proditoribus: peccataque omnia perinde, ac si essent paria Stoicorum sententiâ, ultimo supplicio mulctaverat, tam capitalia, quàm illa quæ aspersione aquæ, vel dierum numero, tolli dicuntur. Propterea ferunt, DEMADEM quendam acutè dicere solitum, non atramento, sed sanguine DRACONEM leges suas exarâsse.

Rectè verò excogitatas, scriptasque leges, illi supremæ, id est, menti divinæ, consentaneas, ac naturæ congruentes, nemo umquam verè redarguere possit: liquet namque, eas ad hominum salutem, civiumque & societatum incolumitatem, & ad eorum quietem, tranquillitatem, securitatem, conditas fuisse; ut illi non tantùm commodè, tutoque, sed etiam honestè, ac beatè viverent. Sunt enim ad naturam accommodatæ, eamque adjutant, excolunt, atque adornant.

Neque est, quòd civitatibus propter leges servitutem objicias. Nos legibus libenter, nostraque summâ voluntate, servimus, omnes ut liberi esse possimus; quibus qui parent, rationi obtemperant, quæ est legum ipsarum procreatrix, emendatrix, conservatrix, justa, & injusta dijudicans, injuriæ, & pravitatis vindex. Qui verò eis non obediunt, ad naturam propiùs belluarum, quàm hominum, accedunt. His coercetur improborum licentia. Hæ vocant ad rectè facta. A peccatis avocant. Hæ cavent, ne improbi nimium possint cum bonorum periculo, & detrimento. Hæ volunt, divites, & tenuiores æquè posse in omni cœtu, ac civitate. Harum ope hominum animi nimîâ libertate non insolescunt. His potissimùm homines à pecudibus differunt; neque vi utuntur ad cibum, aut ad libidinem; fraudeque

invicem abstinēt. Hæ supplicio afficiunt improbos; bonos verò defendunt, confirmant, commendant, augent. Quæ ab eis pœnæ constituuntur, infligunturque, sunt quædam quasi salubres animorum morbis adhibitæ medicinæ. His summi, & infimi juxtâ parent. Magistratus quoque eisdem, principes, imperatores, & reges ipsi, obediunt. His sine neque latronum societas diu stare possit. Parva persequor. Legis imperio mediusfidius cœlum ipsum est subiectum, universusque mundus, & omnis natura, obtemperant.

Hæc, viri amplissimi, coactus fui de legum natura altius fortasse, quàm expectabatis, repetere. In qua re non sum judicandus fuisse multus, cùm, etiam si non FLAMINIO respondendum fuisset, haud planè de re-publica differi possit, nisi vis legum prius explicetur; quibus, tamquam firmissimo fundamento, omnis ipsa res-publica nititur, fulcitur, ac continetur; legesque ad omnem civitatem fundandam, temperandam, ac conservandam, non tantùm sint utiles, sed omnino necessariæ; quæ in quocunque hominum cœtu, aut societate parum valent, nulla ibi esse potest res-publica aut civitas. Veteres ideo dixerunt, eas vinculum esse totius dignitatis, quam tenemus in re-publica; easque vocârunt, tum fundamentum libertatis, tum fontem æquitatis: in eisque mentem, & animum, consilium, & sententiam civitatis positam esse; & ut corpora nostra sine mente, atque animo, sic civitatem sine legibus, suis partibus, ceu nervis, & sanguine, ac membris, uti non posse.

Ex his, FLAMINI, quæ à me hætenus dicta fuere, omnes tuæ argumentationes, cunctæque rationes, cuique æquo rerum æstimatori, recteque intelligenti, profligatæ, prostratæque jacere videri possunt, con-

fectumque negotium. Verumtamen conferamus propius, & tua argumenta ad veritatem revocemus; ad singulaque, quæ restant, à te objecta, nonnulla breviter, & conclusè dicamus.

At verò, quoniam tua prope omnis oratio versata est circa deformitatem morum, jactavitque se tota in rebus-publicis & civitatibus ubique terrarum prolapsis, ac depravatis, quæro de te, autumesne tempus umquam fuisse ullum, quo civitates & res-publicæ toto orbe fuerint meliores? Arbitrarisne, rempublicam inter omnes gentes florentem moribus, & institutis, omnibusque virtutibus ornatam, formari posse, atque institui; ut, detractis cunctis vitiis, pulcherrima sit, & impleat omnes numeros, omni laude cumulata? Non potes hercle negare, si quid planè perfectum fuit umquam in rebus humanis, & absolutum, posse quoque etiam nunc existere. Quod etiam visus es fateri, cum diceres, philosophos eas res-publicas descripsisse in fortunatorum insulis, quæ magis fingi possunt, quàm reperiri.

Quæso rursum, Numquid illi philosophi, qui instituunt res-publicas, præcipiant civibus, qui futuri sunt beati, ea quæ effici possint, licèt factu difficilia; an quæ nullo pacto fieri queant? ut si mihi quis Deus summam cœlestium felicitatem spondeat, si viribus corporis annixus Ægæum mare transvolavero; quod quidem irritum foret, vanum, & nugatorium.

Primùm quidem credendum est, sapientissimos viros, tam in Græcia, quàm alibi, quos sua quemque ætas vehementer admirata fuit, ut in quibus existeret summum ingenium, summaque prudentia; non ea præcepta vivendi tradidisse, quæ nullo modo homines obire possent. Nugari enim, & joculari, in re tam seria & gravi, ineptè, atque intempestivè, om-

154 M. H. VIDÆ DE DIGNITATE

nibus visi fuissent: nempe civitates, ac res-publicas eâ absolute, ac perfectione instituerunt, ut facile in eis bene, & beatè vivi posset.

Si igitur tales esse queunt civitates, aut res-publicas, fuisse etiam aliquando, aut nunc esse, aut futuras fore, fatendum est. Fuisse certè non negabit, qui ad civitatis nostræ, populi, inquam, orbis terrarum principis, prima illa tempora felicissima respexerit; cùm res, ut ait ENNIUS,

Moribus antiquis staret Romana, virisque.

Cùm populi summa potestas esset; summa senatûs auctoritas. Quâ re-publicâ nullam umquam neque majorem, neque sanctiorem, neque bonis exemplis magis abundantem fatebitur, qui apud optimos scriptores legerit, quæ vita civium, qui mores fuerint, quibus artibus, & domi, & militiæ, Roma creverit; partumque sit, & auctum imperium; cum domi, bellicque, boni, inquam, mores colerentur, hominesque malarum artium essent planè insolentes; in quorum domibus memoratur nihil splendidum fuisse præter ipsos. Nondum in civitatem avaritia, & luxuria immigraverant. Voluptatibus, & cupiditatibus nullus erat tunc locus, quibus nunc laxatæ sunt habenæ, hominesque fere conversi sunt in belluas. Itaque si aliquando fuerunt aliquæ res-publicæ bene institutæ (nempe qui colligunt annales urbis nostræ, tam Græci, quam Latini, hujusmodi Romanam civitatem fuisse pleno ore contestantur; priscorumque temporum, cùm res essent optimo statu, laudes insatiabiliter deprædicant) posse etiam sperari futuras fore, non negabit.

De injustitia verò, avaritia, ac rapacitate Romanorum, quos tu infimulas omnia omnium regna, atque imperia, vi & armis ad se transtulisse, nihil magno-

pere hîc laborandum esset, cùm luculenter proditum sit memoriæ tot doctissimorum hominum literis, nullam uspiam nationem fuisse justitiæ, æquitatisque servantiorem; ut neque meâ, neque alterius cuiuspiam, indigeat propugnatione. Attamen ego Cremonæ, in honestissima Romanorum ipsorum Colonia, Romanis progenitoribus natus, non possum, pietate salvâ, deesse antiquæ patriæ defensionî, in tam manifesta præsertim calumnia, tamque acerba impugnatione: quod neque cuiquam vestrûm molestum fore duco; cùm nemo sit, de quo aliquopere non benemerita fuerit ea civitas; aliqui etiam in ea rem suam bene gesserint, multoque meliùs fortasse gesturi sint in posterum.

Ac ne cui loco, FLAMINI, videatur à me non responsum tuæ criminationi, dico primùm, falsam esse vulgi veterem opinionem, Nullam rem-publicam posse administrari sine maxima injuria. Quam sententiam audio confutatam fuisse olim, prostratam, ac protritam, pluribus & illustribus literis à P. SCIPIONE, apud M. TULLIUM CICERONEM, contra PHILONEM inductam personam; ut nihil mihi sit opus hac de causa nunc privatim adversus te dimicare, cùm ex iis, quæ hætenus à me fuerunt dicta, possit videri etiam ad hanc rem universè satis responsum fuisse.

Quatenus verò attinet ad populum Romanum, equidem fateor, eam civitatem exiguis profectam initiis, eò opum, ac fortunarum crevisse, ut Roma, Dei optimo, maximo, favente numine, ne dicam antiquorum more, satis volentibus, atque fidentibus, totius orbis terræ imperii sedes fuerit, nullæque humanæ opes armis Romanorum resistere valerent. Neque sanè inficias ierim, Romanos armis universa, & terrâ, & mari, suæ ditionis fecisse. Fuerint primi tantæ ur-

bis conditores, ut libet, pastores, & fugitivi, pejor etiam, & fordior quantumvis illa omnis convenarum manus, dum tamen eorum ducem ac regem, propter præclarè facta, Deum Deo prognatum patre crediderit omnis antiquitas. Defendimus verò, nihil ab eis Romano imperio adjectum, quod non optimo jure, & summâ æquitate, quæsierint.

Principio quidem contempti, spretique à finitimis populis, præ superbia renuentibus cum gente nova sanguinem & genus per nuptias commiscere, additâ etiam, id submissè petentibus, verbis contumacibus atque procacibus contumeliâ, eorum virgines utcunque ad sese illectas sibi copulârunt; ne, sublato foeminæ usu, omnis spes futuræ civitatis funditus interiret, frustra que moliti essent tantæ urbis fundamenta. Quod quidem factum jure naturæ defendere poterant, quæ semper intenta est cujusque generis, per continentem sobolis procreationem, conservationi; communiterque insitum est eadem naturâ omnibus animantibus, ut habeant libidinem procreandi: cum raptas præsertim mulieres in matrimonii legitimam conjugationem duxerint; in societatem, inquam, eas acceperint, non modò civitatis, sed etiam fortunarum omnium, & liberorum ipsorum, quo nulum vinculum arctius esse possit, nulla charitas sanctior.

Quidquid ei urbi, jam opibus validæ, deinde accrevit, Dei evenit ipsius propitii favore, atque propensâ benevolentia, accedente populi ipsius virtute. Nam multi circum populi sese Romanorum virtuti ultro dedidere, ut Collatini, & Campani à Samnitibus oppressi, multique per varias ætates alii.

Plurima præterea, & gessere, & confecere Romani bella, irritatis circumquaque finitimorum animis, ægrè

ferentium, neque patientium tantam molem prope res suas confurgere. Nullum tamen bellum ex tot ab illis umquam susceptum fuit non iustissimis de causis, non summâ æquitate, quæ apud eos optimo jure sanctissimè præscripta erat; bellumque gerebant, ut quieti communi consulerent, ut, inquam, pia, & æterna pax esset, & nihil in posterum haberet insidiarum.

Religiosissimè adèò is populus jura belli servavit, ut nullum justum duellum esse ducerent, nisi quod antè rebus repetitis denuntiatum esset, riteque indicatum; vel nisi pro rebus ablatis, vel de imperio gereretur, contra eos, à quibus ipsi priùs injuriâ fuissent lacerati; vel qui jus, & fidem, foederaque religionum, & Deos ipsos, neglexissent; ne quid tale ipsi postea committerent, cæterique tardiores essent ad injuriam.

In bello quoque movendo sicut summa æquitas, procul ab omni dolo malo, ita etiam summa erat observatio; ut viderentur non hostilem in modum agere, sed patriis legibus, cum hospite, ac peregrino, civilem in modum domesticam rationem contrahere. Ideo qui olim cunctis populis Latinis perduellis erat, ipsis placuit mitigato vocabulo vocari *hostem*, quod nihil differt ab *hospite*. Nempe deos priùs semper testes faciebant tantâ cerimonia ac religione, ut propiùs ad superstitionem videretur. Siquidem cum patre patrato res agebatur, interpositis fecialibus, oratoribus belli & pacis, foederum & induciarum iudicibus, ac disceptatoribus, aut veriùs sacerdotibus, tot verbenis, tot graminis puri, cæterarumque herbarum, velamentis, tam multis ultro citroque repetitis rogationibus, tot legibus solenni ritu recitatis, tot imprecationibus, execrationibusque contra eos, qui fallere mente agitent.

Hinc jus feciale inductum, quod deinde ab omnibus

gentibus receptum fuit, tamquam summâ æquitate præscriptum, sanctissimeque constitutum; quo in hanc usque diem reges, populi, nationesque etiam longinquæ, utuntur. Cum omnibus fœdera religionum, quibus cum hoste devincitur fides, sanctè servabant; usque adeò, ut singuli nefas ducerent cum non legitimo hoste soluti sacramento pugnare: & quod aliquis, temporibus adductus, hostibus spondisset, in eo ipso fidem servandam voluerunt: multique ideo duces hostibus à patre patrato dediti fuere publico consilio, qui privatâ temeritate contra publicas rationes aliquid cum illis pepigissent; nonnulli quoque, cum jurejurando tenerentur, aut ipsi fide pleni, ad crudelissimum hostem, ut promiserant, ultro redierunt, ad certum paratumque supplicium; aut jurati, suâ sponte non redeuntes, à senatu vincti remissi fuere, ne conditiones, pactionesque bellicæ, privato perjurio perturbarentur.

Mandatum quoque literis fuit, sæpius imperatores nostros, proditorum scelere, dolo malo potuisse facile vincere, & conficere maxima bella; verùm abstinuisse: quòd esse viri probi ac fortis ducerent consequi, quod vellent, virtute, consiliisque honestis, non fraude, aut malitiâ; ipsosque proditores, tamquam fœderatis humanæ communes hostes, ad suos in vinculis censuere deducendos.

Innumerabilia hîc mihi memoranda essent, de populi Romani istius generis æquitate, si id in præsentî maximè agerem: quæ omnia omitto, cum ad eos viros loquor, qui multa, & audierunt, & legerunt ipsi, quæ, populus omnium gentium victor, terrâ, marique, facinora præclara fecit. Unum verò satis existat pro omnibus argumentis Romanæ æquitatis probandæ, quod memoriæ proditum fuit, Q. FABII

LABEONIS, arbitri à senatu olim dati Nolanis, & Neapolitanis, de finibus utriusque populi, iudicium, publicâ auctoritate ab omnibus improbatum, repudiatumque; quoniam, licet speciem aliquam publicæ utilitatis præ se ferret, ab honesto tamen, & ab æquitate recedere iudicatum fuit.

Exitus quoque bellorum ipsorum, illis victoribus aut mites erant, aut necessarii. Quandoquidem, ubi de imperio decertabatur, lenius cum victis agebant, modumque servabant in puniendo, memores semper rerum humanarum: atque animadversum est, nulli populo de hostibus mitiores placuisse poenas. Plurimos enim populos armis subactos, atque devictos, constat ab eis in societatem, atque in civitatem etiam, & communionem rerum omnium, susceptos fuisse: ut Tusculanos, Æquos, Volscos, Sabinos, Hernicos, cæterosque non parum multos, tum Latinos, tum Hetruscos, & complures alios.

Nempe alia ratio erat, ubi inter duos populos certabatur, non uter imperaret, sed uter esset. Interdum eos adegit necessitas, ut in victoria suæ mansuetudinis paulum obliviscerentur: sicut olim contra Senones, & Gallos, maximè contra Pœnorum perfidiam, Numantiâ, Carthagineque dirutis, atque deletis, toties ab hoste superbissimo neglectâ fide, violatisque fœderibus, ac deceptis diis.

In cæteris omnibus bellis mitius semper egerunt: ut ejus populi proprium & germanum esse videretur, quod à prudentissimo poeta uno versu elegantissimè conclusum fuit,

— *Regere imperio populos, — — — —*

Parcere subjectis, & debellare superbos.

Proinde socios, fœderatosque, quicumque ultro dediti recepti essent in fidem, contra vim externam piis armis defendebant.

Hinc factum est, ut Romæ videretur ipsius justitiæ, atque æquitatis positum esse domicilium: eo-que confugiebant exteri reges, populi, nationes, & quicunque inter se habebant controversias, ut eas de senatûs sententia finirent: portusque erat & refugium omnibus gentibus Roma; atque illud verè nominari poterat, non tam imperium, quàm totius orbis præsidium: nostrique imperatores in maxima laude ponebant, cum socios, provinciasque, & gentes longinquas, æquitate, & fide defendissent; & quos justo, ac legitimo bello populos ipsi subegissent, eis se plerumque perpetuò patronos, ac defensores præstabant; illudque patrocinium etiam ad posteros, & hæredes interdum manabar.

Nonne T. QUINTIUS, populi Romani imperator, PHILIPPO rege, Macedonibusque devictis, senatûs auctoritate, in Nemeæorum ludorum celebritate, plurimâ frequentiâ, imperato tubâ silentio, totam Græciam, à servitute tyrannorum ereptam, libertate donavit; jussitque Græcas omnes propè civitates vivere suis ipsarum legibus, sub tutela populi Romani; liberisque, & penitus immunes, deducto undique Romano præsidio, reliquit? mirantibus cunctis, & vix credentibus, esse aliquam uspiam terrarum gentem, quæ suâ impensâ, suo labore, atque periculo, bella gereret pro aliorum libertate in regionibus longinquis, valdeque à se, tot terræ, marisque spatiis, disjunctis; curaretque, ac provideret tantâ diligentîâ, ne quod usquam injustum esset imperium, sed ut ubique jus, fas, lex omnia possent. His porro artibus, atque virtutibus effectum est, ut ubique maximæ provinciæ in tutela, atque præsidio populi Romani esse expeterent; atque omnia sua ejus virtuti, fidei, ac felicitati, commendarent; seseque ul-

tro tam miti, iustoque imperio, ac potestati subji-
cerent. Cumque uni civitati suâ voluntate cunctæ
ferè gentes obtemperarent, visi sunt Romani, quod
tu reprehendis, toto orbe terrarum omnia omnium
regna, atque imperia ad se transtulisse.

Præterea urget identidem, ac clamat FLAMINIUS:
in omnibus rebus-publicis, & civilibus congrega-
tionibus, pessimè se habent mores, demersæ sunt le-
ges; & tyrannorum opibus, atque potentiâ treme-
facta libertas jacet; magnaue in omnibus fermè ci-
vitatibus secuta est perturbatio, atque confusio: ea-
que fiunt, ut ab omnibus ferè desitum esse videatur è
virtute agi; utque omnis civilis conjunctio magis
existat hominibus impedimento, quàm ulli usui.
Ista est sanè ratio hominum parum consideratè lo-
quentium, atque ignorantium, quæ fieri solent in
omnibus rebus-publicis inclinationes, mutationes, &
temporum momenta: quæ omnia diligenter colligit
THEOPHRASTUS, & hujus rei præclarè causas red-
dit.

Fatemur quidem, res-publicas, quæ erant olim
pulcherrimæ, nunc turpissimas, atque deterrimas,
principum per ætates negligentiam, aut scelere, factas
esse; & quæ olim in civitatibus gerebantur bene,
rectè, frugaliter, & honestè, nunc malè, pravè, ne-
quiter, turpiter administrari: imperiumque in cunc-
tis ubique civitatibus, omnibusque ferme regnis, ex
justissimo, atque optimo, intolerabile factum esse,
atque in superbiam, meramque dominationem con-
versum, dolemus. Fatebor quoque, ut etiam de no-
stra, qui hîc sumus, sanctiore re-publica loquamur,
quæ quondam non tam imperio, & bellicâ laude,
quàm summæ sanctitatis famâ, quàm miræ pro-
bitatis gloriâ, quàm omnibus egregiis artibus, flo-

ruit, certè eam non habemus omnino qualem ego vellem; sed vix ejus evanescentem umbram, & præclarâ quondam labente disciplinâ, morum, & temporum vitio, ubique debilitatam, dilapsam, delumbatam, & fractam tenemus, remissâ paulatim severitate, effectaque quodam modo patrum virtute.

Verùm nunc primùm mihi aliqua spes oboritur, posse aliquando rem in melius referri, & in pristinam dignitatem, ac splendorem restitui; si umquam ad quemquam vestrùm, qui hìc tres adestis, vel potius ad omnes, ad alium post alium admirabili successione, summa tam augusti imperii, tamque sacrosanctæ auctoritatis summum columen, Dei immortalis res humanas miserantis munere, pervenerit. Quod ut, me adhuc vivo, eveniat, Deum ipsum nuncupatis votis, etiam, atque etiam quæso.

Hæc, & pejora nos quoque haud negamus ipsi, dolemusque, & inani lamentatione cum bonis non parum sæpe comploramus. Non tamen proinde nomen rei-publicæ, aut civitatis cuiquam videri debet ita detestandum, atque tu arguis, neque adeò projiciendum, neque oblivione sempiternâ obruendum.

Nec verò eorum vitiorum, quæ tu innumerabilia ad unum religiosè collegisti, conjunctionem hominum causam fuisse concedimus, ut etiam, si non in cœtum congregati essent, ab eis non fierent pejora atque immaniora.

Quid porrò crudelius, truculentiusve, illâ, agresti, barbarâ, atque incultâ antiquitate, quam tu fabulosam, nullo auctore innixus, autumas, ætatem jam olim fuisse auream, & justitiam in terris tunc versatam inter homines falsò inculcans? Falleris, profectò, & vehementer erras, si tamen ista ex animo

enuntiâsti : neque ætates distinguis, sed confundis tempora ; omnes illas laudes attribuens asperæ illi, rudi, atque immani ætati, cùm genus hominum esset solum planè, aut veriùs dissolutum, sine legibus, sine moribus, sine consilio, antequam civilis conjunctio inter homines esset ulla, quæ dicta fuerunt de felicitate illorum temporum, cùm primùm constitutis civitatibus, positisque urbibus, orta est res-publica. Nam tunc poetæ, quibus vehementer inniteris, justitiam inter homines versatam terras canunt incoluisse : cùm scilicet SATURNUS regnaret, quod apertè memorant ; quem etiam primum congregandorum hominum in cœtus, & conventicula auctorem fuisse tradunt.

Quisquis nostræ huic sententiæ refragatur, legat historicos, qui res Romanas scribunt, POLYBIUM (loquor enim de iis quorum monumenta nunc extant) SALLUSTIUM, & T. LIVIUM. Intelliget, quantis laudibus prosequantur Romanæ rei-publicæ incunabula ; conferentes cum forma rei-publicæ suæ quisque tempestatis prima illa tempora, cùm civitas optimis moribus floureret, cùm potestas omnis, ut dixi, esset in populo, in senatu summa auctoritas, continentissimique essent majores nostri, domi modici, militiæ, & in publicis muneribus amplissimi, qui quanto minus virium atque opum habebant, tanto minus in illis erat avaritiæ.

Quod Romæ contigit, idem fere omnibus civitatibus, & rebus-publicis, evenisse exploratum habemus. Ita enim naturâ humanæ res se habent, ut omnia initio optimè constituta, progredientibus deinde ætatibus, hominum negligentia, animorumque remissione, in pravitatem dilabantur ; paulatimque optimis consuetudinibus de via deflecentibus, dum

suavia quæ sunt, prima mortales habent, neque consulunt in posterum, cuncta fiant deteriora. Videmusque, ut ait VIRGILIUS,

Omnia fatis

In pejus ruere, ac retro sublapsa referri:

præsertim si, ut idem subjicit poeta, humana industria non occurrat, atque adjuvet.

Neque enim vero nos defendimus, res-publicas perennes esse, immutabiles, sempiternas, immortales; neque ignoramus, eas continenter fluere, & labi, ac numquam eodem statu permanere. Sola supera illa immortalis res-publica, cœlestiumque augustissima atque amplissima civitas, ad quam nobis viventibus obstructus est aditus, quæve fugit nostram aciem, & humani oculi obtutum, ut pulcherrima, & ex omni parte omnium bonorum confertissima, ita prorsus est immutabilis, æternis legibus firma, atque robusta; semper eadem, semper sui similis; procul omni morbo, ac senio, neque cariem, neque labem sentit ullam; quâ nihil exactius, nihil perfectius, nihil amplius, cogitari potest.

Inferæ verò planè omnes, quæ nobis sunt aspectabiles, hominum institutis fundatæ, ac constitutæ, non modò obnoxie sunt, ut videmus, mutationi, mobilitati, inconstantia, omnique motui, inclinationi, atque momento subjectæ, verum etiam interdum stirpitus convulsæ, atque eversæ intereunt; sintque illis etiam sua, ut ita ego quoque dicam, fata, lege æternâ naturæ, ut nihil humani sit sempiternum, sed quidquid existere cœpit, aliquando esse desinat, omniaque orta intereant. Quod nemo non videt, qui non sit planè à sanitate alienus: sed præclare cognitum fuit, ex cunctis, tam Græcarum civitatum rebus-publicis, olim florentissimis, quam

ex barbarorum opulentissimis regnis; quæ nihil hîc attinet singula memorare, cùm hanc conditionem neque ipsa Romanorum res, princeps, & caput orbis terræ, evitare valuerit. Quandoquidem, cùm jam nihil mortale ejus armis resistere posset, ipsa magnitudine, vi, ac mole laborans suâ, in se ipsa concidit, & quadam quasi labe corruens defecit.

Neque verò id fatendum est de solis civitatibus, rebusque publicis, verùm de universa hominum inter homines conjunctiōe, deque omni humano genere: quod interdum usque eo insolescit, in eamque morum, ac vitiorum omnium sentinam dilabitur, ut opus sit maximo illi rerum omnium effectori, ac gubernatori, præpotenti manu, maximarum terræ partium, ac denique universi orbis eluvionibus, exustionibusque, mortalium nequitiam ubique coercere, totumque hominum genus, paucissimis exceptis, delere, atque extinguere; æternæ cujusdam, & inexplicabilis justitiæ severitate id exigente, ut nova soboles in mundo renascatur. Atque in oraculis veræ sapientiæ ad æternam vitam editis continetur, ad extremum fore, ut terræ omnes ubique conflagent, totusque ignescat mundus, unoque & eodem occasu, omnia generata, orta, atque concreta, funditus inteant, ut planè terminus, & finis sit naturæ, atque mortalitati.

In principe enim humani generis parente, ipsius fraude, atque perfidiâ, ut memoravimus, depravata fuit hominum natura, caroque humani generis corrupta; cui animus adhærescens, corporis contagione, non parum vitiositatis contraxit: quæ naturæ ita affectæ contagio latiùs, tamquam ex traduce, in cunctum hominum genus universè dimanavit. Et licèt divinæ, atque cœlestis victimæ sanguine admirandum

in modum humani animi penitus expiati, sacraque lavatione lustrati, extra omnem planè culpam positi fuerint, attamen affectio quædam, quasque decoloratio, ejusce infectionis veluti vestigium, in singulis ob corporis societatem remansit. Quippe eò facilè omnis rei natura prolabitur, atque incumbit, quò semel inclinata fuit: ceu si ab arida materia ignem fortè illapsum excutias; in ea tamen labefacta, atque præusta, residet adhuc quodammodo fomes, qui de facili, celerrimeque admotam flammam rapiat, atque comprehendat: sic profectò res se habet in animis nostris. Istiusmodi enim naturæ infectione ad nequitiam promptiores existunt homines; ut nisi domitas cupiditates habuerint, strenueque, & naviter illecebræ resisterint, quæ, vetustate carnis, in nobis, post reditum cum Deo in gratiam, remansit, voluntati nostræ quantumvis liberæ appositâ, luxuriâ, atque lasciviâ diffluent; suisque met ipsorum sordibus inquinati, persæpe non modò freno, & castigatione, sed etiam purgatione, indigeant. Hacce de causâ dixit PLATO, quod tu non tacuisti, omnes res-publicas sui temporis improbas esse, corruptis civitatum moribus, avaritiâ, cæterisque appetitionibus in animis hominum, victâ jacenteque ratione, dominantibus.

Non est hic locus, ut causas persequar, quibus res-publicæ immutentur, & deteriores fiant; qui locus à Græcis copiosè, luculenterque tractatur: & huic disputationi commodius fortassè tempus dabitur, si umquam posthac denuo convenerimus, & de his rebus sermonem institutum prosequemur. Satis nunc sit ostendisse, omnem rem-publicam, ut cæteras quoque res, pulcherrimè institutam, tam eorum qui præsumunt, quàm qui parent, nequitia, fieri posse pessimam, ac flagitiosissimam. Quod cum contingit, non per-

inde statim accusanda est, detestandaque hominum conjunctio, atque consociatio, quòd tantorum malorum causa existat : sed potiùs obviam eundum cunctis opibus ; ut quæ dilapsa sunt, restituantur, & in pristinum splendorem vindicentur : quod SOCRATES, PLATO, XENOCRATES, ARISTOTELES, XENOPHON, THEOPHRASTUS, nonnullique alii fecere, & omnes, qui Politica scripserunt. Neque, ut tu censēs, ab hujusmodi scriptione deterrendi sunt, detrahendique viri docti.

Quid est, obsecro, in rebus humanis tam egregiè, tamque præclarè initio formatum, confectumque, & elaboratum, quod semper splendeat ; neque aliquando vetustate obsolescat, pristinumque nitorem non tandem amittat ? Omnia, mihi crede, assiduo temporis decursu, longoque usu debilitantur, frangunturque ; & deteriora paulatim facta collabuntur in pravitatem ; cunctaque, tam quæ vivunt & sentiunt, quàm vitâ sensuque carentia, vetustate, diuturnitateque extabescunt. Quidni ? agri ipsi fruticantur, plantæque, & vineæ silvescunt. Metalla æruginem contrahunt, ipsaque divorum templa, sanctissimæque delubra senescunt, & corrumpuntur. Haud propterea tamen statim evertenda, sed potiùs fulcienda, sustentandaque sunt hominum curâ, atque industriâ. Tergentur crebrò aquæductus, & rivi, fossæque purgantur. Ferrum à rubigine vindicatur, ac collustratur ; & si opus fuerit, recoquitur, ac denuo conflatur ; ipsaque artium instrumenta persæpe reficiuntur, atque reconcinnantur : quod probè videre potes in calamo, qui nisi retusus crebrò temperetur, acuaturne, scribentis voluntati minùs respondebit. Multa istiusmodi persequi possem, sed genus videtis.

Ubi igitur civitatis mores deformati sunt, respublicaque à magistratibus, aut à principibus, non

rectè administratur, non idcirco probis insectanda est civilis hominum conciliatio, neque illico demigrandum ad solitudinem. Sed censemus potius, enixius occurrendum esse, ac subveniendum moribus in præceps dilabentibus, fulciendamque adminiculis rem inclinatam, funditusque collapsam erigendam denuo, ac restituendam.

Quæ enim per Deum hominum inscitia est, res apprimè utiles, summeque necessarias, continuò damnare, & à se projicere, si fortè interdum casu aliquo, & non sine nostra culpa, eas nobis obesse contingat? Fortè fortunâ quispiam equo illatus, parieti, aut solo caput illiserit, latiusve offenderit: nemo propterea posthac equum ascendet? nemo equo vehetur, sed potius iter pedibus ingreditur? Ferreis item instrumentis, quæ ad vitæ commoditates sunt inventa, ceu cultris, aut securibus, sarculisve, & rastris, non utetur amplius, si quis fortè imprudenter, perperamque aliquo eorum utens, sibi ipse digitum, aut pedem, aliamve corporis partem, vulnerarit? Ne innumera istiusmodi hîc colligam: quid igne hominum vitæ magis necessarium? igni tamen interdum maxima incendia excitantur, quibus totæ civitates, & magnæ terrarum partes ambustæ conflagrârunt. Rursus, sine aquæ usu vita hominum esse nequit; aqua tamen, si quando flumina, aut lacus inundârunt, interdum quoque cladem affert populis latè accolentibus. Sol quoque æstivis mensibus sæpe agros, & fata perurit, atque devastat. Solem ideo, si possumus, cælo deripiemus? nec potius à nobis æquâ estimatione ratio inibitur, quantorum bonorum, ac commoditatum fons ille lucis, suo lumine cuncta illustrans, sit omnibus ubique mortalibus? Idem dicere possem de eloquentia, nobis à natura ad salutem nostram, &

aliorum multorum data: quam Stoici unam de summis virtutibus esse existimabant, cum sit copiosè loquens sapientia; sæpissime tamen eadem, non modò civitatibus, publicisque rationibus, plurima detrimenta invexit, sed etiam ipsis eâ præditis fuit perniciofa. Idem denique de multis rebus, quæ in nobis existunt arguere possumus. Quoniam namque interdum multa videmus, atque audimus, quæ videre, atque audire nollemus; ergo optandum erit nobis privari videndi, audiendique potestate, tam præclaris sensibus, qui sunt nobis à natura attributi, ut essent rerum interpretes, nuncii, & satellites animi, in capite, tamquam in arce, mirificè collocati? Innumerabilia sunt hujusmodi, nec omnia persequor, quæ suapte naturâ, atque per se optima sunt: eis tamen si homines abutantur, pessima fiant, & perniciosissima.

Si igitur diligenter, rectèque perpendimus id, quam rem-publicam vocamus, atque hominum ejusmodi conciliationem jure sociatorum, ab omni culpa natura vacat, & nihil prorsus per se affert mali, modò bene institutæ civitatis leges, mores, & consuetudines servantur; plurimorum potiùs bonorum, & commodorum mortalibus generatrix existit. At verò eadem labefactatâ, ubi in tyrannidem prolapsa est, in multa mala, & detrimenta incurrimus; quæ non essent, si numquam hominum genus in cœtus, & concilia coactum fuisset. Ista ratio est non aliufmodi, atque illa:

Utinam, ne in nemore Pelio securibus

Cæsa cecidisset abiegna ad terram trabes.

Cætera nōstis apud vetustissimum poetam.

Non committam, ut hîc in discrimen vocem, & contentionem, Plus bonine, an mali invexerit homi-

nibus civitatum, & rerum-publicarum constitutio; plurave sint inde secuta adjumenta vitæ, atque præfidia, quàm detrimenta, & incommoda. Possẽm insuper facilè probare, etiam si vitiosa sit res-publica, ac depravata, longè satius adhuc esse ita nos in societate, quàm discerptos, ac palantes in agris vivere solitarios; atque in tyrannide, rectè subductis calculis, esse plus boni, quàm mali.

Sed tu quæ laudanda insunt, silentio obruis: sola vitia insectaris; & acutiùs illa vides, quæ prava sunt, quàm quæ recta. Comparanda tibi erant saltem, quæ luculenter enumerasti iniquissimus rerum æstimator, cum magnitudine utilitatum. Nam incommoda vitæ civilis, si ulla essent, commodorum compensatione lenirentur. Est profectò non ferenda prætermisiss bonis malorum excerptio, ac omisiss virtutibus vitiorum collectio. Isto nempe modo cunctæ prope res incidere possent in aliquam vituperationem. Loquor tamen hìc, quod vos velim in omni oratione meminisse, de re-publica collapsa, ac depravata. Nam ubi de integra, & incorrupta loquemur, nulla istiusmodi ratio ineunda erit. Itaque in civium conjunctione, ac civitate, quantumlibet corrupta, locus adhuc est rationi, qua dicitur, optima de malis.

Verùm objicis DICÆARCHI Peripatetici librum de hominum interitu, nullum vitæ majus periculum imminere homini, quàm ab homine. Quæso te, in agresti illa, atque immani vita, in solitudine, inquam, existimas tuti essent homines ab hominibus, quos nulla lex, nullus poenæ metus à maleficio arcerent? Procul dubio cùm homo hominem conspiciatus esset, prædam se suam nactum duceret: nec solùm feris, quas à corporibus nostris murorum oppositu, & multitudine freti removemus, essemus obnoxii, sed etiam omni homini.

Nec tyranni, quos nobis inculcas, omnia rabidè inexplibili cupiditate appetentes, tantum obesse possent, dum eorum potestati subiecti essemus, quantum prosunt civium inter cives multa adjumenta, atque præsidia. Possunt quidem tyranni aliquamdiu civitatem servitute oppressam tenere. Sed eorum, qui vi subiectos sibi populos coercent, omnium fere denique unus, & par est exitus. Eorum ideo vitia, sicut etiam improborum magistratuum, tolerari possunt, quòd plerumque injusta imperia magis acerbata sunt, quàm diuturna. Tyranni namque, ut quotidie videmus, aut ex insidiis paucorum intereunt; aut tota civitas in libertatem erecta, consentiensque, & conspirans in eos impetum facit; paucique admodum in lecto suo cubiculari confecti morbo moriuntur.

Cum tyrannis item minùs periculose vivi potest, atque cum belluis, quibuscum humano generi nulla planè est societas. Belluas hìc intelligo non tantum ratione, & sermone carentes animantes, quibus expositi essemus, nisi viveremus in societate, oppidis septi, atque obvallati; verum etiam homines agrestes, atque immanes tango, quos nulla humanitas, nulla vitæ cultio mitigasset, parum à feris distantes: quales fuisse tradunt, antequam concilia, coetusque jure sociati essent ulli; cum nullæ latæ essent leges, sed vi agerentur omnia, semperque validioris esset melior, & superior conditio; quando nonvis ad fabulas trahi, cum homines humanis carnibus vesci solitos fuisse memorant, quod tamen & PLATO, & gravissimi philosophi asseverant.

Quin & tyranni ipsi quoque habent leges, licet haud planè æquas, quas sibi proponunt servandas, in sibi subiectos populos, ne soli relinquuntur. Atque

sub illis, tametsi civitates non sint liberæ, vivitur tamen tolerabili ad tempus conditione servitutis, civesque prudenter ferunt illorum potentiam, donec repellendæ servitutis sese tulerit occasio.

Atqui adversus immanitatem illorum hominum, quos nulla disciplina molliverat, nulla proderat imbecilliorum tolerantia, nulla patientia, aut prudentia, ut hæc sententia valeat non ad æquitatem rationis, sed ad id, quod aiunt, Minima malorum eligenda: est namque inculcata omnium auribus ea sententia, de qua suprâ, Homine bono nihil melius, malo autem pejus nihil esse posse.

Cæterum miror te, alioqui doctum hominem: ita rudes illos mortales ultimæ antiquitatis ornas, ut, qui te audierit, non eos homines, sed quosdam quasi deos terrestres, ac mortales fuisse arbitretur, probos, sanctos, integros, simplices, innocentes, abstinentes: & sæcula, quò antiquiora, eò meliora, ac feliciora fuisse contendis. Periculosum hercle argumentationis genus.

Æquum saltem erat, te meminisse, principem hominem, humani totius generis parentem, ita foedè adversus Deum procreatorem suum se gessisse, ut propter ejus noxam, atque fallaciam, non modò in ipsum sceleris auctorem parum obedientem, & noxium, severissimè animadversum fuerit; verum etiam ab ejus liberis, nepotibus, pronepotibusque, & posteris omnibus, perpetuâ serie futuris, ab universoque hominum genere, justa, debitaque, pro tanti delicti gravitate, pœna expetita sit.

Quid? nonne qui primus humano semine, maris & fœminæ commistione, editus fuit in lucem, ob invidiam melioris fortunæ germanum germanus sceleratissimo parricidio interemit; cùm nondum ci-

vitates existerent ullæ, sed una tantum toto orbe terrarum esset familia, & una domus, quatuorque homines eatenus, non plures, procreati essent? ut intelligas minus constare, quod ais à vulgo usurpari, Quod pauciores, eò beatiores: neque rudes illos homines, ante institutas civitates, adeò sanctos, atque innocentes fuisse. Lege librum genealogum apud Hebræos, quorum literis antiquioribus, id est, simplici veritati, nos, qui à Christo illustrati fuimus, maximam fidem habere oportet. Intelliges, in ipso nascentis mundi exordio, humanum recens genus jam tunc pollutum fuisse, hominesque cum suis cupiditatibus natos. Non enim pateris te vocari ad fabulas: ne tibi memorem Cœlum, Æthere, & Die genitum, à filio Saturno, regni cupiditate, exectum fuisse; mox ipsum Saturnum à filio Jove vinctum, paremque injuriam metuentem, profectum esse in exilium, & in Latio diutiùs delituisse. Alia ejusdem generis flagitia, atque portenta tibi remitto; quæ poetæ fabulis, tamquam integumentis maxima mysteria involventes, commenti fuerunt plurima. Nos autem philosophi & sumus, & tecum esse volumus.

Illud unum affirmare possumus, unà cum humano genere, post primi hominis ex argilla ficti noxiam, & fraudationem, ortas fuisse cupiditates omnes, quæ hominum animos huc, & illuc rapiunt, & à recta ratione sæpius devocant, & homines cœcos reddunt, nec suæ quemque dignitatis memores esse sinunt. Plura porrò ab illis peccari necesse sit, qui animi morbis, atque ægritudinibus, nullam medicinam admoveere nōrint; studiis namque, & artibus, quæ traditæ sunt nobis sapientiæ disciplinis, constat nos fieri posse meliores. Eas verò nullas fuisse nemo

neget, cùm adhuc homines disjecti discerptique in agris, & montibus vitam solitariam degerent, cunctique viverent in diem; cùm potiùs nostra consilia sempiternum tempus spectare debeant.

Atqui, inquis, inventi sunt sapientissimi viri, qui cœtus hominum, & concilia, multitudinemque omnino defugerent; & quod intolerabilius videtur, cùm præcepta administrandarum rerum-publicarum tradidissent, ipsasque instituissent res-publicas, & civitates, illustribus ingenii monumentis, se tamen planè ab earum gubernatione avocantes, in otium, & solitudinem contulerunt.

Duplicem te scire arbitror esse vivendi rationem, alteram agendi, alteram cognoscendi. Harum utra fit melior, res est adhuc controversa, & plena dissensionis, aliquando fortasse à nobis, qui hîc sumus, ubi locus erit, judicanda.

Porro, quoniam non omnes apti sunt ingenio ad rerum occultarum, & admirabilium indagacionem; pluresque semper reperti fuerunt in omni ætate, qui faciliùs rem-publicam capeßere possent, & in ejus rectione, ac gubernatione occupari, ponentes curas omnes in ea gerenda, sollicitudinesque, labores, & vigilias, pro adipiscendis honoribus, & imperiis, perferentes; idcirco philosophi illi, quos objicis abstinuisse ab earum rerum-publicarum administratione, quas ipsi instituissent, cùm eis esset admirabilis incredibilisque vis ingenii, scirentque se natos, ut plurimis quam plurimùm prodesse, postquam rectas in communione vivendi vias tradiderunt, quas sui cives faciliè sequi possent, relinquentes ipsi usum aliis, reique administrandæ potestatem, & gloriam, sibi tantùm scientiam retinentes, ut magis in commune prodesse; abduxerunt se penitus ab omni rerum-

publicarum curatione, à vulgique commercio, & ad altiora se retulerunt, cœli, totiusque naturæ contemplatores, perscrutatione rerum, cognitione dignissimarum, delectati, quarum notitiam, atque scientiam multis traderent, quò mortales immortalibus diisque simillimi fieri possent. In quo statu collocati, sicut ultro non requirunt honores, ita neque tamen mandatos labores omnino recusant. Intelligis itaque, præstantissimos viros se à pulcherrimis rei-publicæ muneribus, non quòd eis in societate vivere parum placeret, sed ut civibus suis eo genere vitæ magis consulerent, deque hominum genere præclariùs mereri possent; relinquentes aliis civibus eas artes, ac studia, quorum usus est communis, fructusque omnis in exercitatione, & consuetudine consistit, ipsi, ingenii perspicaciâ & mentis acie delectati, ea indagare maluerunt, ad quæ perspicienda datum est paucis aspirare.

Quærenti ideo olim SOCRATES, ut refert XENOPHON, Quid, cùm tanto studio conaretur alios efficere optimos civitatum gubernatores, ipse tantopere abstineret ab ejusmodi gubernatione, neque umquam rem-publicam capefferet? respondit, Ecquid ipsi videretur magis conducere, si aut unus ipse publicam rem administraret, aut plurimos eandem administrare doceret?

Itaque, quod tu eis vitio vertis, non capeffunt rem-publicam nisi coacti. Quamquam, si rectè cujusmodi sit iste coactus intelligeres, non ita reor umquam excanduissēs. Næ in civitatibus instituendis philosophi ab illis, qui rem-publicam gubernant, omnino remonent ambitionem æquè, atque avaritiam, duas pestes civitati perniciosissimas; summeque improbant, ac notant eos, qui tempore comi-

tiorum ad honores petendos moventur, atque ambiciosius, quàm eorum honos postulat, se inferunt, atque intrudunt ad rei-publicæ gubernacula, circum-euntes vicatim, & in foro omnibus inspectantibus blandius petentes, summeque contendentes, ut ad imperia nominentur, anteferantur, eligantur, indignissimum quemque salutando, prensando, amplexando.

PLATO igitur conspiciatus suis temporibus nimium mores ad ambitionem incubuisse, censuit philosophum, id est, gravissimam personam, in potestatibus, magistratibus, & imperiis adeundis, minùs decere, ad honorum studium cupiditate duci; atque non propensius senatùs, populique suffragiis vocatum, illatumque, & quodam modo arreptum rem-publicam accedere; sed senatui denique parendum, ne non obtemperando majestas imperii ab ipso videatur minui, modò id rogatus faciat, & quodam modo recusans: coactum enim hic intelligit id, quod magistratus & leges jubent. Idcirco idem ipse PLATO ad hoc optimam similitudinem inducit: non secus facere eos, qui in re-publica de muneribus fungendis inter se certant, quàm si duo nautæ contenderent, uter ipsorum potissimum gubernaret.

Nam quæ de philosophorum ambitu plurima cavillatus fuisti, verborum contumeliis eos insectatus; convitia ista quidem sunt, & maledicta, non accusatio. Et in eo ipso, de quo (O Dii immortales!) PLATONEM Philosophorum principem reprendis, homo sanctissimus potiùs summam laudationem mereatur: qui, in Siciliam profectus, magnos labores adiit, cunctaque est conatus, ut tyrannum crudelem, ac tetrum, si posset, molliret, & ad humanitatem revocaret.

Illos verò, quos civitates suas in turpissimam servitutem adduxisse memoras, easque diu oppressas crudeli dominatu tenuisse, defendimus, non tam fuisse philosophos, quàm homines potiùs quosdam fallaces; callidos, inquam, tectos, versutos, & veteratores maximos, qui philosophiæ simulatione, sub sordidoque palliolo, viam sibi ad dominationem præstruxere. Cujusmodi non parum multos quotidie conspiciamus, fictæ atque adumbratæ probitatis speciosâ imagine, splendidis, inquam, verbis, atque illustribus, vitia maxima occultare, similes pomparum ferculis, novasque, & inusitatas sanctimonias, & religiones, usquequaque architectari, ac nihil umquam boni agere sine venditatione, & populo teste, ut iis artibus facilè in re-publica ad honores irrepant. Quos humani generis liberator, dum in humanis ageret, probè noscens, eleganter, aptè, atque rotundè descripsit: nunc extrinsecus ovis, mitissimæ pecudis, pelle tectos, interiùs lupum agere, lupinamque rapacitatem sub lanæ mollissimis velleribus occultare, id est, alia loqui, alia sentire; nunc nobilium virorum sepulcris assimiles memorabat, quæ, cùm extrà magnificis operibus coelata sint, affabreque facta, colostrata, ac splendida transeuntibus videantur, intus tamen cadaveribus conferta, tabo, illuvieque, & odoris intolerabilis foeditate, omnes ab aspectu deterrent. Idcirco tam detestandæ simulationis artifices sæpissime exagitabat, execrabaturque, tamquam illis additus, & semper incumbens, suisque cavendos, & remis ac velis fugiendos, summopere, summaque auctoritate denunciabat; præmonebatque cautè agendum, neque facilè cuique passim habendam fidem. Fraudis, perfidiæ, & insidiarum plena esse omnia; ut ejus etiam testimonio verissima sit illa sententia, nullam

capitaliorem injustitiam, quàm eorum, qui, cùm maximè fallunt, id tamen agunt, ut in eo ipso æqui bonique viri videantur.

Quod verò attinet ad eos, qui omnia communia ita in re-publica esse voluerunt, ut nihil quidquam prorsus cujusquam esset privati, aut separati, ut ne uxores quidem ipsas, neque liberos, à communitate exciperent, summeque beatas res-publicas fore putarunt, si cives in commune etiam videant, audiant, tangant, gustent, latentur, doleant, & spirent, sensusque omnes, & affectiones habeant communes, nihilque separatim agant, aut cogitent : facilia quidem potius dictu, quàm re, aut factu.

Non sum is, qui defendere velim omnes omnium philosophorum opiniones, cunctasque legum-latorum sententias. Erraverunt illi quidem persæpe, haud leviter in multis hallucinati : neque quidquid SOCRATES, aut PLATO, aut ARISTOTELES dixit, oraculum habendum censeo. Secus nihil opus fuisset, CHRISTUM, summum illum legislatorem, quem unum non tantum sequimur, sed etiam piè, sancteque colimus, precamur, ac veneramur, circumscriptis omnibus rerum-publicarum formis, à philosophis usque ad sua tempora adinventis, novam ipsum rem-publicam & civitatem instituere, ad cœlestis civitatis rationem, quatenus humanis divina consentiunt.

Damnat quidem PLATO, & insectatur in libro quarto de legibus venationem aquatiliam : at CHRISTUS planè contrarium sensit. Statuit ille mendicos omnino urbe expellendos, ne tale animal, ut ipse ait, in civitate numeretur : hic vero summâ humanitatis charitate, atque misericordiâ benignè accipientes præcipit. PLATO item lege cavit, ne quis cum serva coeat, nisi id ita occultè faciat, ut resciat ne-

mo: at CHRISTUS testatus fuit, nihil usquam adeò abditum esse, atque abstrusum, ut non aliquando detectum palam fiat. Innumera sunt præterea illius philosophi, & aliorum istiusmodi scita, aut placita, quibus in verissimis divinæ sapientiæ institutis apertè contradicitur. Nempe ea illi dixerunt, aliquâ rationis probabilis specie inducti, quæ postea alii usu, & tractatione edocti, tamquam inutilia, damnârunt.

Porro, nisi tu mihi occurrâsses, largiter disputaturus eram in utramque partem de hac SOCRATIS communitate; quemadmodum etiam de plurimis aliis opinionibus, ad civitatem pertinentibus, facturus eram. Multa enim hanc materiam tractanti intercurrent scitu, atque explicatu digna, quæ vix omitti possunt. Ceu exempli causâ, Conducaturne ab optimo rege rempublicam gubernari; & An satius sit ejusdem administrationem esse penes unum, aut plures. Deinde si penes unum, utrum præstet, eum hæreditario jure, originisque, & generis beneficio, majoribus suis in regno succedere, aut comitiis habitis, initisque suffragiis, judicio, & electione civitatis in demortui regis locum suffici. Rursus si res sit penes plures uno, à paucisne prudentioribus, an ab universo populo melius sit eam administrari. Utrum item sit laudabilius, honorabiliusve in vita, rempublicam capeffere, honoribus, imperiisque adipiscendis clarum, an abditum, & ab oculis semotum, paucisque contentum iudicibus, & spectatoribus, in cognitione rerum, & naturæ contemplatione, versari: tum ex iis ambabus vitis, utrum una sine altera existere possit. Plurimæque aliæ id genus quæstiones; quas fortasse, si umquam otium nacti fuerimus, aliquando suo quamque loco prosequemur: latiore enim speculationem requirunt.

Nihil est præterea, quod magnopere respondere laborem ad ea, quæ memorâsti de illis, qui iudicati fuerunt humani generis inimici, & planè hostes, quodd congressus hominum, & societatem, tamquam morbum, & pestem, defugerent. Hos tu tuo arbitratu tibi affingis, tales fuisse, quodd minùs probarent civitatem, civiumque societatem; ex qua, ut erant viri sapientissimi, non ignorarent omnium malorum fontem exstitisse. De sensu tuo istuc comminisceris, nullâ ratione, aut auctoritate suffultus, contra omnium sententiam. Ego verò cum sapientibus, illos potiùs iudico fuisse eâ asperitate, & immanitate naturæ, feros, atque adeò inhumanos, ut nequirent, se dare in alicujus familiaritatem, neque cum ullo consuetudinem jungere: & id propter videbantur hominum genus odio prosequi, se usquequaque in solitudinem immergentes. Equidem quosdam hujusmodi austeros novi, qui, in frequentissimis civitatibus viventes, atque in collegiis etiam summorum virorum cooptati, neque, quo magis miror, à quodam literarum genere planè abhorrentes, ita tamen angusto animo, eâ ingenii formâ, rudi, inquam, atque impolitâ, usque adeò aridos, atque jejunos, ut neque in collegarum consuetudinem, & familiaritatem, cum quibus necessitas vitæ, & muneris societas eos copulabat, se insinuare possent, aut certè scirent; totius humanitatis expertes, & ad humanam consuetudinem ineptissimi, ut sui ipsorum ignari, inconditi, inconcinni, sine sensu, sine sapore, tardi, elingues, stupidi, ac bardi. Et si quando istiusmodi aliquem necessitas cogit ob publica munera, aut rei suæ causâ, cum aliquibus congregi, videas illum etiam in turba, ac multitudine planè solitarium, defixum, & quasi modò nascentem, semper

hæſitantem, implicitum, impeditum, moroſum, ſuſpicioſum, ſemper aliquid violatum exiſtimantem ab illis, quibuſcum ei eſt res, atque negotium. Illum omnes fugiunt, atque devitant, & ſolum relinquunt, ſibiſmet ipſum inimicum, & cum ſuis ipſius moribus conſiſtantem; neque ulli ſermonis ejus duritiā, & inclementiam ferre queunt. Tales ſunt illi, quos tu ſapientes eſſe exiſtimas, à re-publica, civitateque, & ab hominum conjunctione alieni. Eorum naturam, & conſuetudinem, pluribus, quàm par erat, fortasſe verbis, perſecutus fui. Sed mihi licuiſſe arbitror; propter tam apertam, frigidam, & jejunam calumniam, quam per ſummam injuriam contra rem-publicam adhibuiſti: cujus item modi eſt illud, quod in philoſophos, homines graviffimos, integerrimoſque, quos inſimulas ambitionis, retorſiſti.

Cupere, inquis, eos, dominandi libidine, rem-publicam aut à philoſophis gubernari, aut eos, qui gubernant, philoſophari. Hæc calumnia eſt eorum, qui cuncta, quantumvis benefacta, ac laude digna, in deteriorem partem ſemper detorquent; quique, ut inquit Prophetes maximus, *Quod bonum eſt, malum dicunt; quod item malum, bonum videri volunt*, omnia pervertentes. Næ PLATO, qui illud à diis optaſſe dignoſcitur, ab adminiſtratione rei-publicæ, à turbaque, & à ſubſelliis curiæ, abjunctiſſimus fuit; in otioque, & in literis perpetuò involutus vixit, in ſtudiis cognoſcendi ſemper aliquid occupatus.

At THESEUM Athenienſes, nonnullique alii populi ſuos legum-latores, in exilium projecerunt. Iſtuc equidem non diſſiteor: ſed factum fuiſſe contendo, propter eorum aſperitatem, atque inſaniam, qui potentiores antea fuerant, quive olim ſoluti legum vinculis ſoliti erant in ſumma licentia vivere, ſuamque

voluntatem atque libidinem pro lege habere. Illis enim haud adeò facile erat statim assuefieri humanitati; & grave videbatur æquo jure vivere cum multis, præsentisque voluptates, ac brevem cujusvis objectæ utilitatis speciem, amittere, nihil in posterum longiùs consulentibus. Hanc non aliam ob rem eos statim pœnituit civitatis. Vides igitur id evenire, hominum, non rerum, vitio; civium, inquam, magis inscitiâ, aut malitiâ, quàm civitatis, hoc est, ipsius hominum conjunçãois, naturâ.

Istiusmodi multa temere in populis fiunt, ut civium excellentium ejectio ad quoddam tempus, quem Græci *δοτρακισμῶν* vocant, qui in populari gubernatione introductus fuit; nec mirum, si neque omnium justissimo ARISTIDI pepercerint Athenienses. Tute ipse, ex PLATONIS sententia in libro qui *Epinomis* inscribitur, innuisti, quod ego quoque paulo antè confessus fui: humana esse mutabilia planè omnia; perlevique temporum momento maximas sæpe fieri inclinationes; & usquequaque cuncta sursum, deorsum ferri, turbari, misceri.

Quid mirandum, si civitates quoque in temporum motu, & conversione rerum, aut perturbatione versentur? Quippe natura ipsa cuncta ciens motibus, & mutationibus suis, nihil mortale patitur diu esse idem, atque immutabile, variasque semper conversiones molitur. Quid? nonne, si quis etiam solus vivit, diversos intus motus, & mutationes in animo secum sentit? Agitur enim semper animus motu interiore; præsertim illa pars, quæ sensum, & appetitum habet, hoc est, motus intimos turbulentos, rationique non obtemperantes; ut modò hæc, modò illa, contraria etiam interdum velit, neque sibi constet, & persæpe secum ipse impacatus pugnet.

Hæc unica ratio satis per se esse poterit contra illa omnia, quæ tu de malis memorâsti, quæ fiunt in civitate. Quod quidem solatio esse debet omnibus in ea congregatione consistentibus, ubi depravati, deformatique sunt mores, & omnia in deteriore partem mutata existunt. Hac responsione totus ille liber quantuscunque magni illius Peripaterici de hominum interitu corrui, & profligatus jacet. Hac item eadem refellimus tyrannorum omnium objectam injustitiam, atque crudelitatem: omnia itidem omnium regum, populorum, & gentium bella; quæ etiam interdum non cupiditate, aut libidine, temere, sed pro totius rei-publicæ salute, consultò, necessarioque, suscipiuntur. Tum quoque eadem ratione respondemus, ad civiles dissensiones, civiumque discordias, similtates, odia, inimicitias, seditiones, secessionisque, & civium cupiditates, libidines, magistratuum avaritiam, judicum injustitiam, militum quæstum, & crudelitatem, cæterorumque hominum, tam locupletum, quàm tenuium, improbitatem, furta, rapinas, dolos, fraudes, injurias, cunctaque flagitia, & scelera, quæ tu singula satis studiosè ad unum enumerâsti.

Hanc ob rem quoque PLATO dixit, cunctas sui temporis res-publicas sibi videri improbas, atque intolerabiles, nempe collapsas, & depravatas. ARISTOTELES quoque post illum omnes omnium rerum-publicarum institutiones carpsit, aut veriùs evertit. Hinc item videtur, quò magis hominum genus distat ab illa rudi, ac simplici antiquitate remorum, eò depravatus evasisse. Hinc ACTII versus, *Multos iniquos, atque infideles regno, paucos verò bonos.* Hinc justitiam ipsam terris excessisse dicitur; majoresque nostri visi sunt abstinentius, innocentiusque rem-

publicam gessisse. Hinc denique colligis, vitia omnia ex contagione disseminari, propagari, diffundi, atque increbescere in populis, & frequentibus hominum conventibus; & nisi essent civitates, ac res publicæ, haud tantam putas vitiorum segetem, ac silvam, in hominum genus invasuram fuisse.

Sic enim mordicus pugnas, usquequaque instans, & urgens, identidemque corruptos, & depravatos civitatis mores esse fremis, & tempora ista calamitosa mihi objectas, quibus funditus eversa est reipublicæ gerendæ ratio: atque impressione me pæne cogis descendere, quò minimè volebam, ad eam rationem, ut vitia ætatis, & mala, virtutum, bonorumque compensatione lenienda defendam; & longè plura adjumenta, atque præsidia, subductis rationibus, suppeditata esse humanæ vitæ ex hominum conciliatione, quàm detrimenta; multoque plus boni hominibus inde invectum, quàm mali. Nam si in discrimen, & contentionem veniant utræque mundi ætates, præsens scilicet, in qua lapsorum morum ruinam perpetuâ lamentatione comploramus, atque illa, in qua nulli erant mores, sed homines vi, atque impetu omnia agebant, neque multùm aberant à beluis; nemo erit suæ mentis compos, qui non longè malit his temporibus, quàm illis, se natum fuisse; sit depravata res quantum libet, dilapsa, deformata, delumbata, demersa jaceat.

Centies dicam, nihil in rebus humanis esse ita absolutum, ita sincerum, ut, nullis planè intercurrentibus malis, sit omnino cunctis bonis cumulatam. Nihil tamen obstat, quin res illa dici possit bona, expetenda, atque eligenda. Etenim in hominum convictu quædam adeò præcellentia bona existere intuemur, ut si quæ sunt mala, ex altera parte po-

nantur, ne appareant. Quis, quæso, si fertilissimi campi segetem spicis crebris atque uberibus lætissimam viderit, non laudet agri illius nobilis fertilitatem, tametsi interdum avenam rarò uspiam subortam inspexerit? Neque desinet idcirco mercatura esse quæstuosa, quòd maximis in lucris interdum aliquid damni contrahat.

Sanè est comparatum naturâ cunctis rebus, ut semper ex maxima parte de tota re judicetur; & illi qui rectè loquendi rationem tenent, totam rem nominant ex eo, quod latiùs funditur, & majores partes continet. Ponantur igitur in una libræ lance bona, & commoda, quæ ad nos perveniunt ex hominum jure sociatorum convictu; in altera contrà, mala, & incommoda: procul dubio lanx bonorum terram, & maria deprimet omnia.

Sed numquam efficies, ut ad hanc collationem, concursationemque deveniam. Nolo tantam injuriam facere, Deo quidem primùm, hujus universitatis quasi parenti, cujus providentia civilis vitæ induxit exordium; tum naturæ, cujus instinctu, atque impulsu, cœpti sunt primùm homines congregari. Quis quæso ferat, nisi fortasse ad ostentationem ingenii, conferri hanc magnificentiam tot rerum illustrium, vitæque splendorem, cum squalida illa, agresti, atque immani vita, quæ esse poterat communis cum belluis, semisomni, & plane mortua?

Nollem nimis creber inculcare, nullam esse posse hominis vitam sine hominum adjumentis propter artes victui pernecessarias, nisi unusquisque sibi esse posset HELLÆUS HIPPIAS; ut omittam solitarios nullis humanis præsidiis septos, multis injuriis expositos fore, cavendaque eis plurima, tum ab hominibus, ipsi, tum à bestiis. Porro humana vita multarum

rerum indiget, quæ haberi nequeunt, nisi multorum hominum in communione viventium opes accedant. Quæ per Deum immortalem in vita illa rudi, & agresti, existere poterat valetudinis curatio, cum nulla adhuc adinventæ esset medicina? Quæ navigatio? Quæ mercatura? Quomodo fruges, fructusque colligi, ac conservari poterant, cum nondum ulla inducta esset agri colendi ratio? Nihil inter se homines contraherent, nihil transigerent; nulla esset, quam alter alteri haberet, fides; nulla spes, quam ponerent in mutuis præfidiis, nulla charitas. Hospitalitari quoque locus ubi esse poterat, quæ tantopere à THEOPHRASTO laudatur? Aberat beneficentia, aberat liberalitas, bonitas; maximæque hujusmodi virtutes non agnoscebantur. Nulla erat gratia, officiorumque remuneratio, ac vicissitudo studiorum, quæ sunt vincula concordia. Nondum auditum erat inter mortales dulce nomen amicitia, quæ constat consuetudine mutuâ, morumque, & studiorum similitudine inter homines; quorum conspiratione, atque consensu efficitur, quod innuit PYTHAGORAS, ut è pluribus unum fiat, ex beneficiis ultro, citroque datis, atque acceptis. Nihil profectò suavius conjunctione bonorum. Et homo sine amicis, etiam si omnibus rebus affluat, vitam sibi ingratam putet. Quæ enim quæso illa esset vita? Quàm parum abesset à pecudum natura? Nemo alteri consuleret: indigenti, aut vim patienti nemo opitularetur. Nulla esset liberalis educatio. Abesset sapientia omnis, quæ est in cultu hominis occupata, data ut esset naturæ comes, & adjutrix. Nulla vigerent studia ingenuarum artium, nullæque planè essent artes. Nulla existeret ratio, & institutio vitæ. Nulla rerum neque cœlestium, neque humanarum scientia; neque Sophia Græcum nomen umquam in-

productum fuisset. Carendum nimirum omnino nobis fuerat in sempiternum, ornatrice universæ vitæ, omniumque rectè factorum, atque dictorum parente, philosophiâ. Caruissemus penitus literis, quæ quàm sint hominum vitæ necessariæ, nemo nescit; inventæ, ut subsidio oblivioni esse possent, existerentque cuiusque hominis voluntatis notæ, & scita posteritatis causâ scriberentur. Non aquâ, non igni, non aere, ut aiunt, pluribus locis utimur, quàm literis. Nullus esset ingenio, iudicio, industriæ, virtuti locus.

Cogitate animis vestris duos homines, alterum agrestem, ferum, immanem, inculto, & vasto, ac torrido corpore, hirtio, aspero, & incondito capillo, fluentibus buccis, vultu, ac facie planè rusticâ, atque illiberali, habitu obsoleto, sentum, squalidum, pannis obsitum, neglectum, multaque illuvie, & incuriâ scabrum, atque immundum: quales fuisse necesse est rudes illos ultimæ antiquitatis homines, qui neque jus, neque bonum, atque æquum sciebant; melius, pejùs, prodesset, obeffet, nihil videbant. Contrà verò, animo volutate alterum, cultu digno homine libero, honore, dignitate, gratiâ spectabilem, in omni judicio elegantem; qui vel ipso oris habitu, ac specie præ se ferat omnia signa liberalis animi, facilitatis, mansuetudinis, comitatis; dignus, ut aiunt, cui regina matrimonio ultro copulari velit: quales plerosque nunc habent honestæ civitates. Utrius, quæso, istorum unusquisque vestrûm mallet esse similis?

Necesse erat profectò errare in multis rudem illam antiquitatem. Ad id namque solum, quod aderat, quodque præsens antè oculos habebant, se quisque accommodabant, parum admodum in posterum consulentes. Omnia fortuitu, & ut sensus ferebat,

agebant; nihil consultò, nihil maturè, nihil prudenter. Nondum artes ullæ erant, quæ naturam adjuvarent; quæ sine illis planè iners existeret, atque oriosa, ut quæ semper expectat humanæ industriæ adminicula. Porro sæpius audiui, hominum ingenium esse, sicut ferrum, quod quidem alio ferro, usuque assiduo acuitur: ita consuetudo hominum inter ipsos excitat, acuitque intelligendi prudentiam; alterque alterius cogitata adjuvat colloquendo, conferendo, commentando, disputando; & alii alia usquequaque adinveniunt, semperque aliquid jam olim adinventis additur à posterioribus; si qua fortè ratione vitæ, bene, beateque degendæ, in hac mortalitate, omnium commoditatum, ac bonorum expletione, ac cumulo, addi possit fastigium.

Principio credendum est, ut probavimus, vivendi necessitatem acuisse mortales ad ea studia, quæ corporis, vitæque sustentandæ commoditates pariunt. Intelligimus fanè, ædificatis urbibus genus humanum mansuetudine animorum, ac verecundiâ, paulatim mitigatum fuisse: et homines quidem primum cœpisse contemplari, tum facere, deinde agere; atque ita gradatim optimarum artium vias fuisse traditas. Hinc omnes opificum exercitationes, qui in humili arte versantur, profectæ sunt. Hinc quoque omnis vitæ liberaliter, & ad virtutem degendæ cultio. Hinc denique omnis veri investigandi consideratio, rerumque cognitio per suas cujusque causas.

Nempe naturâ solâ innixi prisca mortales sine artibus vix vitam tuebantur: quam quidem naturam potentiolem arte non diffitemur. Certiorem verò artem existere, nemo est, qui ignoret: cum in planè cognitis, penitusque perspectis, & in unum exitum

spectantibus, ac numquam fallentibus rebus versetur; detque rationes certas, & præcipuè faciendi quod velis, quæ habent ordinem, & in faciendo errare non patientes vias. Primùm igitur inferiores artes cœtui civitatis, hominumque communioni debemus, sine quibus vita esset aut nulla, aut parum abjuncta à cæterorum animantium statu. Etenim uniuscujusque studia in congregatione excitantur, præstantium viro- rum sapientiâ, virtuteque, & excellenter factis, ad amplificationem, perfectionemque rerum humana- rum, & ad eas commoditates augendas, quæ ad vi- tam bene degendam pertinent.

Hinc in primis valetudinis curatio: hinc tot re- rum medicinæ, tot remedia, tot fomenta, totque saluberrimæ potiones. Hinc & navigatio, atque om- nis mercatura; tot rerum, quibus hominum vita in- diget, importatio; totidemque fere, quibus interdum contingit abundare, exportatio. Hinc agricultura, frugum, fructuumque perceptio. Hinc ferri usus ad agros colendos, ad cæteraque vitæ munia pernecessarii. Hinc æris lapidisque cujuslibet generis fodinæ, opi- ficinæque, tot tabernæ, tot rerum apothecæ, tam egregiæ artes, multitudine infinitâ, varietate mira- bili. Quid dicam tot multifariam opifices, tot fa- briles industrias, tot formarum compositiones, com- pactiones, coagmentationes, commissurasque, usque ad eò aptas, & congruentes, omniaque in unaquaque arte ita concinnè, peritè, atque affabrè laborata, ut ubique ars cum natura certare, eamque interdum anteire videatur? Quid, quæso, fabrorum, qui do- mos ædificant, operâ magis in vita necessarium? Eorum nisi esset industria, quomodo habitaremus? Quemadmodum domos, ac cætera ædificia molire- mur? Nobis hercle redeundum esset denuo ad un-

gues, quibus olim sibi quisque domos in terra effodiebant, ut frigorum vim frangerent, calorum sedarent molestiam, imbres, cæterasque cœli tempestates arcerent. Nunc ædificia eleganter, concinneque, ad aptum usum, & condecantiam, architecti, fabrique, tum certâ ratione describunt, tum manu, operaque conficiunt; plenas, inquam, dignitate domos, pro cuiusque facultate, industria, atque fortunis. Quis non magna cum admiratione contempletur pictorum opera, aut eorum, qui signa fabricant? quanta eorum solertia, quanta prudentia? Quis non admiretur artifices eos, qui argentariam faciunt? cœlatores, vascularios, & qui fusoriam exercent; qui textrinam, sutrinam, tonstrinam instituunt? tum fabros diversi generis, tantâ instrumentorum varietate, tam ferrarios, quàm lignarios, tignarios, cæmentarios, zonarios, Phrygiones, figulos? Nolo cum iis pistores, farctores, coquos, dulciarios, piscatores, venatores, aucupes, & quos ille in scena enumerat; ne fortè arripas ad reprehendum, atque in nos id ipsum reflectas, istiusmodi artes ad delicias fuisse excogitatas, luxuriæ planè illecebras, gulæque irritamenta: quibus sine tamen quàm facillè queat vita humana consistere, in animis vestris cogitandum relinquo. Quod ne idem de cæteris artibus mihi respondeas, omiſſis aliis, esset enim opus infinitæ dictionis, una pro omnibus tibi agri colendi industria satis esto. Quæ quàm sit vitæ hominum necessaria, nemo non nôrit. Hanc autem unam ex tot artibus consultò excerpo, quòd vulgo patere, facilisque, & exposita omnibus, vel mediocribus ingeniis, & neque multæ esse intelligentiæ, neque negotii videatur.

Cedo igitur, putasne solitarius homo procul ab hominum convictu, atque conspectu, privato usu,

atque experiētiā pervenisset umquam ad tot rerum notitias, atque intelligentias, quas habere oportet eum, quem agri colendi studium tenet? Ea ars profectò infinitam prope diligentiam, & solertiam requirit: ubi opus est tot, & tam variis arationibus, fossionibus, stercorationibus, sationibus, occationibus, runcationibus, sarritionibus, segetumque purgationibus, antequam frumentum, cæteraque leguminum semina maturescant. Quanta item cura, laborque requiratur in metendis, colligendisque suo tempore spicis, purgandis, condendisque fructibus, nemo eorum, qui interdum rusticati fuerint, ignorat. Quid memorem tot aquarum ductus, amniumque derivationes, pratorum, segetumque irrigationes? Quid dicam de foenifeciis instituendis, pratis item siciliendis, frondibus arborum stringendis, multisque aliis suo quibusque tempore maturandis? Neque enim umquam fere experiēti, navo, ac diligenti agricolæ quies datur. Nunc opus fossas tergere; nunc agrum verpibus sepire; nunc seligere semina; eademque, ne paulatim fructus degenerent, medicare; vomeres, & sarculos acuere; aratra, rutraque, & rastella, ac plostra retractare; furcas, ligones, secures, falces, stimulos, fuscinulas, cæteraque ruris instrumenta, quorum innumerabilis multitudo, recudere.

Sentio, me nimium à littore, & ab instituto itinere abstractum provehi, non tam incredibili studio rerum rusticarum, (quod me semper vehementer sine satietate delectavit) in quo metuo ne vobis nimius videar, quàm quod mihi concedendum duco in iis, quæ ad hanc industriam spectant, paulum insistere, ne in singulis, quibusque artibus commorari cogar.

Quis namque satis explicet, quæ rursus attinent ad vinearum culturam? cui industriæ, ac labori, ut

inquit excellens poeta, nihil umquam *exhausti est satis*, in vitiario ipso prius faciendo, deinde fodiendo, pastinando, repastinando, fermentandoque solo; & uti in vineis novis ponendis, ita etiam veteribus restituendis. Quis credat, eas tot fossionibus repeti, atque iterari? quàm certâ, & exquisitâ sint ratione jugandæ singulæ vites, religanda capita, quæ ordinem conjugatio, quibus opus sit statuminibus, tabulatis, jugis, & pedamentis? Et quoniam vites, suapte naturâ, multâ luxurie circumquaque in immensum serpunt, multiplici, atque erratico lapsu; ne silvescant, & nimium se effundant in omnes partes, experimur, quot, quibusve opus sit castigationibus, putationibus, pampinationibus, ablaqueationibus. Quid tot farmentoribus ut amputationes, ita etiam immisiones, & propagationes?

Quid dicam de arborum cæterarum, tam silvestrium, quàm pomiferarum, positionibus, & earum ordinibus in quicuncem dirigendis; deque earundem non modò consitione, sed etiam insitione, quâ nihil invenit agricola solertius; deque omni circum eas amputandas, purgandas, collucandas, industria? Quàm varia sit ratio, quantaque solertia, & cura in pomariis, hortis, olivetis, castanetis, salictis, ulmariis, arundinetis faciendis, arbustisve cæteris excolendis, ponenda sit? Quanta coeli, siderum, ac temporum sit necessaria observatio, tam in arationibus, & semente facienda, quàm in colligendis fructibus, & materie tempestivè cædenda? Quanta denique industria requiratur in quærendis, pascendis, procurandisque gregibus, atque armentis; in apibus item parandis, tenendis, administrandis; in cæterisque omnibus villaticis pastionibus: ut villa abundet illis rebus, quas dixit CATO, hædo, agno, porco, gallinâ, lacte, caseo, melle? Num-

quam finiam, si voluero vel ipsa rerum capita percurrere in hoc uno duntaxat studio.

Infinitum prorsus esset singulas quasque artes tangere, quas, præstantes, ingenioque excellentes viri, in congregatione viventes, aperuere, novaque indies semper adinvenere; ut unius ipsius civilis communionis ope humanum genus, non solum à glandibus, à casis, seu potius cavernis, recesserit, verum etiam jam magnificè, & splendide, summaque cum dignitate, vitam degere possit.

Non immeritò rerum maximè necessariarum inventores, ut tradunt, ab antiquis relati fuerunt in coelestium numerum; testari volentibus, quantum illis hominum genus se debere profiteretur: ut Libero Patri vini inventori, frugum Cereri, artium Vulcano, medicinæ Æsculapio, aliisque permultis aliarum artium repertoribus. Quos innumerabiles nihil attinet hic recensere, cum jam à nonnullis luculenter scripti sint libri de rerum inventoribus; pluresque PLATO ipse colligit in libris, quos de legibus conscripsit, qui multas res ad victum, vitamque necessarias ostenderunt.

Quid verò vetusta persequar? Nonne paulò antè opinio infederat omnibus, terram duntaxat à Phasi ad columnas Herculis esse habitabilem; planeque Antipodes fabulæ ascribebantur? At nostrâ ætate, mare navigantium solertia usque adeò processit, ut ignotos populos, novasque gentes sub aliis sideribus habitantes, urgentesque adversa nobis vestigia, id est, ipsos Antipodes, novum potius, & quasi alium mundum investigavit, atque invenit: quodque ALEXANDER Macedo, hujusce rei cupientissimus, numquam assequi potuit, Dei optimi maximi providentiâ, CAROLI QUINTI, Romanorum perpetui Imperatoris,

temporibus reservatum fuit. Porro hæc dicta sint de infimis, & minùs liberalibus artibus, & pæne fordidis opificum & tabernariorum opificiis, atque instrumentis, ad corporis tantùm commoditates, ad beneque vivendum pertinentibus, quæ nullæ essent, nisi fuissent civitates.

Age verò, non tantùm bene, sed etiam beatè vivendi artem, divinam sanè, atque incredibilem conferamus, quâ rudis illa ætas omnino caruit; à quave omnium vitiorum, & peccatorum correctionem petimus: ea enim tota est in cultu animi, quâ in primis vir bonus, & fortis efficitur. Siquidem ostendit quid verè bonum, quid malum sit; proprieque & rectè nominari potest, vivendi ars, universæ vitæ ornatrix, benefactorum omnium, recteque dictorum parens; quæ præclare tuetur, quod dedit nobis natura; quod deest largè supplet, & acquirit; ars artium omnium excellentissima, quam hominum conciliatio, communitasque peperit, atque adinvenit. Eamque fatendum est idcirco omnium bonorum, quibus humana vita fit beata, causam fuisse.

A civili igitur conjunctione, quæ est res-publica, per philosophiam didicere homines appetitum meliori parti animi subicere, obedientemque præbere; atque immanes, feroces, indomitosque animos, eorumque turbulentos motus regere; jactationesque incitatas, & impetus inconsideratè elatos, sedare, & sub gyrum rationis revocare: nihil contra jus expetere, fugereque omnino alieni non modò detractionem, verùm etiam appetitionem; & animo stabili, ac firmo justitiam retinere. Eiusdem rei-publicæ beneficio cognovimus, felicitatem, & beatam vitam esse, vivere secundùm virtutem, prudentiam, temperantiam, & ipsam, quæ latius diffunditur, justitiam;

omnesque alias, illustres præfertim, ac principes virtutes; ad quas homines studium adhibere unà habitantes assuefacti sunt, sicut etiam ad eas actiones, quæ sunt virtuti consentaneæ.

Ab eadem tot sunt circumspeditiones, tot diligentia, animadversiones, & virtutum ipsarum exercitationes. Quid aptum sit personis, temporibus, ætatibus, ut in laude vivatur, decorè, & honestè, ad dignitatem, ad amplitudinem, & claritatem. Quæ sit ordo, quid maximè deceat in factis, dictisque, atque consiliis. Qui modus, aut mensura, quæ moderatio omnibus rebus adhibenda, omniaque agenda ad mediocritatem. Servandam in primis illam personam apèrè, decenter, & cum dignitate, quam cuique natura, aut fors imposuit quadam cum excellentia. In omnibus actionibus se graviter, constanter, atque honestè gerere; & nihil agere, nisi summâ ratione; ut nullum sit cuiusque absurdum, nec dictum, nec factum; mirâ universæ vitæ æquabilitate, atque omnium officiorum conformatione: & ita vivere, ne quid omnino in vita ab humanitate discrepet, consensu, & conspiratione omnium virtutum. Ne quis quid secum animo verferet, agatve, quod non sit magni animi, atque excelsi; dum cogitat se ad amplitudinem, & ad magnificentiam natum.

Didicimus indidem fidem servare dictorum, conventorumque, perpetuâ constantiâ; eamque etiam hosti datam quibusvis utilitatibus adducti non fallere, neque spectare fortunam, dum præstetur fides: tum pro virtute ipsa ita nos gerere, ut nullum laborem homini intolerandum existimemus.

Didicimus præterea, quæ cuiusque ætatis degendæ ratio. Quemadmodum item sit vivendum cum parentibus, cum liberis, fratribus, & propinquis; cum

amicis, cum civibus, cum peregrinis, & externis. Quid cuique sit præponendum, posthabendumve. Distinguere negotiorum gerendorum momenta, & officiorum gradus perpendere. Æquum esse, adolescentes vereri majores natu, & semper meminisse verecundiæ; seniores autem nihil non graviter agere, aut dicere, & bonis exemplis semper florere.

Multa præterea à sapientibus viris, qui præceptis salutaribus abundant, quotidie in cœtu civitatis, in circulis, & congressibus, accuratè, copioseque disputantur, gravia, & utilia, & ad beatè vivendum maximè necessaria; omnibusque observanda proponuntur: quibus, tamquam totidem speculis, admoniti, homines virtutis nitorem, divinamque quandam, atque cœlestem præstantiam intuentes, ornant se modestiâ, continentîâ, liberalitate, magnitudine animi, honestate, cunctisque virtutibus, tum naturalibus, tum illis, quas voluntarias vocant; quibus freti assueverunt nihil extimescere, dolorem, laboremque despicere, atque omnes libidines domitas habere voluptatum conciliatrices.

Harum virtutum sufficientis in congregatione lustrati, didicimus humanas res contemnere; antepone-re semper honesta jucundis; & omnia, quæ vulgus admirari solet, infra nos ducere; ac non tam nostris utilitatibus, quàm solâ honestate adducti rectè agere. Omnes fortunæ motus, mutationes rerum, & temporum, magno, erectoque animo parvi pendere; levesque illos, imbecilles, & nihil ad nos pertinentes, ducere. Pecuniam, si habemus, ad liberalitatem conferre; si non habemus, contemnere: divitias, honores, potentiam, opes, formam, valetudinem, vires, & id genus cætera, vulgò vehementer bona credita, non supra modum expetere; eaque pu-

tare haud esse bona, nisi virtus accedat. Ipsum summum, extremum, atque ultimum bonum, quò omnia nostra consilia sunt referenda, non nostris commodis, sed honestate maximè metiri.

Quà unâ virtute adducti audemus aggredi res magnas, & apprimè arduas, laborum, & periculorum plenas, id est, opera erecti animi, prudentiâ consilioque nitentis, rerum humanarum despicientiâ insignes: semper mortem servituti, turpitudinique anteponere: laborare, & pugnare, magis pro multorum salute, quàm pro suis quisque commodis, atque utilitatibus. Edocti namque fuimus à teneris, excellentium virorum doctrinâ, non nobis solis nos natos esse, verùm ortûs nostri partem patriam, partem amicos, & propinquos, omnesque tandem bonos vindicare; & humanum genus hominum causâ natum esse; habendamque rationem cuique haud sui tantùm, sed etiam aliorum, & eorum commodis inserviendum; pulchrumque ideo, ac decorum esse, pro salute communi, proque rei-publicæ, & patriæ incolumitate, caput suum vovere, & interdum suæ ipsius salutis, non tantùm emolumentis, oblivisci; ac solo honoris, & dignitatis splendore duci. Hinc extitere præstantes viri, tam apud nostros, quàm apud exterarum nationes, qui res magnas, ac vehementer arduas, pro patriæ charitate, gesserunt; ut ne vitæ quidem suæ, summo rei-publicæ tempore, pepercerint.

Congregationi præterea, ac civitati debemus jura, leges, & instituta; juris, inquam, civilis scientiam: quod ab hominibus adinventum, semper apud omnes nationes in pretio fuit, ob maximarum utilitatum fructum.

Eidem quoque acceptam referimus religionum constitutionem, dispositionemque caeremoniarum, tot

libamenta sacrificiorum, tot placationes, tot expiationes, & parentandi sanctitates; multarumque præterea rerum scientiam, quæ sunt scitu tum jucunda, tum necessaria; post mortem non interire animas, neque in morte omnia solvi, sed etiam post dissolutionem naturæ, vitæ exactæ rationem haberi; & sicut pro rectè factis præmia debentur, ita pro maleficiis pœnas constitutas esse. In congregatione hæc, multoque plura ad mores pertinentia, edocti fuerunt homines.

Denique admoniti sunt, quod factu est difficillimum, ut se ipse quisque nosceret: cujus præcepti tanta est excellentia, ut antiqui, non cujusquam hominis ingenio, sed Delphici dei oraculo, ascripserint. Quarum notitiarum, prisca illi mortales, palantes, & in montibus dissipati, erant penitus ignari; & usque adeò rudes, ut ne, sicut diximus, verecundiam quidem nōssent, sine qua in vita nihil rectum existere queat. Quæ licèt egregia sint, præclara, atque illustria ad omnem magnificentiam, ea tamen humana sunt, atque ante oculos posita, & in actione consistunt.

Verùm in civili congregatione ulteriùs cogitatione progressi mortales, mentemque à consuetudine oculorum abducentes, notitiam incredibiliter adepti fuere rerum æternarum, quas solâ intelligentiâ percipimus à sensibus abjunctas; easque à natura occultatas, abditas, atque reclusas, acie mentis, ingenique altitudine admirabili, sapientes investigârunt, cunctasque naturæ latebras, omnia abscondita, atque obscura lustrârunt; & ipsam naturam quodam modo vicere, & quasi deprensam, atque contractam tenuere: quod solitarius homo, procul ab hominum conventu, atque aspectu, numquam solo usu, tam brevique experientia, consequi potuisset.

Inter se igitur homines in congregatione consuetudine mutuâ exercitati, proprietatem, & naturam uniuscujusque rei indagare ingressi fuerunt; rerumque initia, & quædam quasi semina, unde quæque existant generata, concreta, atque exorta; quæ cuiusque generis, tam animati, quàm inanimi, muti, aut loquentis, sit origo; quæ vita, quis interitus, quæve ex alio in aliud vicissitudo, ac commutatio; quod est infinitatem rerum, atque naturæ obscuritatem contemplari, unde terra, & quibus librata ponderibus, quibus alveis, aut cavernis maria sustineantur.

Tum cœli spectatores incredibili observatione deprænderunt totius mundi motus varios, ac dissimiles, & item ejusdem conversiones: intuentesque sidera innumerabilia cœlo inhærentia, alia quidem certis infixis sedibus cognoverunt cum cœli ipsius motu congruere; alia, quorum vagi motus, qui rata tamen, & certa mundi spatia definiunt, suos quæque tenere cursus, multum inter se, aut altitudine, aut humilitate distantia; eorumque norunt cursus, progressus, & vias; necnon cuncta cœli momenta numeris investigarunt; mundum in primis ipsum cœlo solivago, atque volubili, & in orbem incitato, unâ, atque eadem conversione circum ipsum se contorqueri, ac verti adversus astrorum cursus. Hinc astrologi cœli ipsius motus, ac siderum cursus speculantes, solis defectiones, & lunæ, fastosque dies, in multos annos prædicunt; & omnes cœli affectiones perspectas habent.

Hinc quoque mathematici, & geometræ omnes, tam qui circa cœli spatia, dimensiones, intervalla, magnitudines, formas, & figuras, quàm qui circa numeros versantur: hinc insatiabilis quædam è cog-

200 M. H. VIDÆ DE DIGNITATE

noscentis rebus cœlestibus voluptas. Hinc magni, & præclari viri, qui, à publicis negotiis avocantes se, totos contemplationi dediderunt, ut in sola veri investigatione versarentur; usque adeò, ut non defuerint aliqui, qui animantium quoque ortus, victus, naturas, ac figuras, stirpiumque ipsarum, & omnium rerum, quas terra gignit, causas, & rationes explicarint.

Nec contenti hujusmodi rerum omnium cognitione, verùm se supra se ingenii præstantiâ altius extollentes, ex pulchritudine mundi, & ordine rerum cœlestium admirabili, senserunt esse præcellentem aliquam, atque æternam naturam, vimque occultam, & potestatem, quæ esset causarum omnium princeps causa; mentem scilicet summam, & sempiternam, solutam, liberamque, & ab omni penitus concretione mortali segregatam, omnia sentientem, omnia tuentem, nutuque regentem, ac permoventem, immotam ipsam, & in se eadem semper permanentem: quam deinde, propter immensam, inexplicabilisque magnitudinis, ac majestatis cognitionem, plenam non modò admirationis, sed etiam horroris, atque formidinis, Deum homines vocitarunt, cujus numini, ac potestati ubique parent universa.

Dies denique me deficiet, si voluero quoque percurrere, quot, quantaque humanæ vitæ civilis conjugationis operâ allata sint adjumenta, ex recta differendi ratione, atque scientia; quantaque per disertos viros ornamenta, rebus, & actionibus nostris importata fuerint. Ea enim per omnes artes manat, ac funditur, quas explicat, atque illustrat; earumque genera tum definit, tum incisè membra- timque dissipat, necesseque sequentia, atque concludit. Vera item, & falsa dijudicat, ne cui falso, aut mentienti, quem *ἡγεμόνων* vocant, assentiamur;

utque norimus foriti, quem quidam acervalem vocant, resistere; neve fallamur umquam falsâ probabilitate: res prius Græcorum literis traditas, mox à nostris auctas atque exornatas.

Hinc ad nos manavit omnis doctrinæ liberalis cognitio, omnis historia, omnis sermo elegans. Hinc ars, quæ tradit elementa loquendi; hinc rhetorica, & dialectica; hinc poetarum, oratorumque, & totius ingenii monumenta: quorum ornamentorum, aut potius decorum, ac luminum, ne auram quidem olfecerat illa rudis antiquitas, planè infans, & elinguis.

Quis non miretur, quàm nunc niteat oratio, puri, dilucidique sermonis ornamentis, optimorumque & gravissimorum verborum flumine; quæ, nullis adhuc existentibus civitatibus, erat rudis, aspera, squalida, atque absurda? quàm varia item disertorum hominum, tum loquentium, tum scribentium copia? quàm propriè, quàm scienter de unaquaque re dicunt? quanta ubertas, quanta facultas, quanta suavitas, quantus lepor, quantus splendor, quanta verborum magnificentia, & gloria? ut grandia ornatè? ut enucleatè humilia? quanta cum diligentia, & animadversione omnia? ut res oratione, ut verba sententiis illustrentur? quàm cuncta apta, quàm conclusa, quàm rotunda, & inter se convenientia: seu contentione sermonis agatur, ut in disceptationibus judiciorum, senatûs, aut curiæ; seu cùm sedati, quietique loquuntur homines, in circulis, congressionibus, & etiam in conviviiis? Quid memorem eloquentium hominum laudationes, consolationes, cohortationes, monita, & consilia, ad reges, ad imperatores, & ad summos viros?

Hinc magni, & clari in rerum-publicarum administratione principes, quorum nobilitata nomina ni-

hil hîc attinet enumerare. Hinc juris consultissimi viri: hinc in bello præstantissimi dūces, atque imperatores. Quis non admiretur, cū in oratoribus, tum in cæteris scriptoribus, quædam quasi verborum, ac sententiarum fulgura; quædam quasi faces, ac fulmina? Quis non ordinem, scientiamque rerum suo loco collocandarum, maxima cum admiratione contempletur? quàm subtili, quàm reconditâ, quàm multiplici ratione tractent omnia, quantaque verborum, & sententiarum varietate? Hinc magni atque præclari, cū apud Græcos, tum apud nostros, viri evasere: quorum fama diffusâ est ubique; tranavit maria, montesque altissimos transcendit; quique universum orbem terrarum implerunt nominis sui gloriâ.

Quæ ars, obsecro, est in vita, aut esse potest, quam hi non magnificè, splendideque tractârint, instituerint, explicuerint, docuerint? Numquam finiam, viri amplissimi, si omnia tangere voluero, quotquot civilis societas humanæ vitæ attulit adjumenta, præsidiaque, & ornamenta. Admoneor enim vela trahere præcipiti jam in occasum sole; profligatâ præsertim, & ad extremum perductâ quæstione. Quid porro, divi immortales, hæc vita desiderat; quo sit beatiôr? Quod non hominum ingenia, ex quo in societate civili vivitur, non investigârint, aperuerint, adinvenierint, ostenderint, patefecerint? ut perillustre sit, civilem hominum communitatem, Dei præpotentis ipsius in humanum genus propenso numine, naturaque suadente, conciliatam fuisse, introductam, aut verius coortam: quo divino, atque incredibili munere, nullum umquam concessum hominibus fuit uberius, majus, aut præstantius, quodve hominum genus magis attingat.

Quid tu per Deum nobis non confers, sancta so-

cietas? Tu nos abduxisti à glandibus, à cavernis, à lustris, à fordibus, & volutabris; ab obscuritate, à tenebris, & à nocte quasi perpetua; in hanc præclaram, & plenam decorum omnium lucem; ad vitam, victumque, non hominibus modò, sed divis etiam ipsis dignum, vocâsti. Tu nos traduxisti à dura, rudi, atque aspera vita, in hunc cultum humanitatis, in hos mores, in hanc pulchritudinem, venustatem, convenientiam rerum, & condecentiam; in hunc splendorem, in hæc dignitatis ornamenta, in tantum concursum honestissimarum artium, ac studiorum; in hunc tantarum virtutum splendidissimarum coetum, ac comitatum; in has tot (dii vestram fidem) opportunitates, habilitatesque, in hunc aspectum, cogitationemque tot, tantarumque rerum illustrium, in hanc publicam magnificentiam, in hoc denique claritatis, veritatisque lumen: quâ vitâ nihil illustrius, nihil splendidius spectari queat. Te remotâ, omnis virtus, omne decus, omnis vera laus erit deferenda; omnis planè hominum actio erit denuo naturæ feritas quædam, atque immanitas. Tu nos plurimis, pulcherrimisque artibus, & virtutibus instructos, atque ornatos, evehis ad honores, ad dignitates, ad triumphos, ad victorias, ad claritatem, ad amplitudinem, ad honestatem, & ad virtutis quandam quasi divinam, & cœlestem præstantiam, atque excellentiam. Tu nos humiles naturâ, atque projectos à terra sublevas, tollisque ad Dei immortalis cognationem, & contubernium, quasque ex hominibus in deos convertis. Tibi accepta habemus, planeque referimus cuncta bene vivendi, recteque agendi, & faciendi consilia. Tibi debent homines humanitatem, doctrinam, religionem, ceremonias, fruges, jura, leges. Quid, obsecro, pulchrius, jucun-

dius, atque optabilius pacatâ, ac liberâ civitate? ut omittam tot amplas provincias, & gentes uno atque eodem jure sociatas, regnaque latissima, ac florentissima; ubi tot, tantasque, & tam egregias res, homines moliuntur, profitentur, agunt. Ubi neque honores magni defunt umquam fortissimis viris, neque viri fortissimi defunt magnis honoribus. Ubi tot exempla, ac documenta illustrium virorum haberi possunt, quos magnitudo animi, virtusque, & gloria rerum gestarum in altum extulit. Ubi versamur inter nos aptè, decorè, commodè; ubi, si ad rationem vivere velimus, nihil omnino nobis desit, ac planè dii simus. Quæ sine te potest esse aliunde tanta jucunditas, tanta suavitas, quanta provenit ex bonorum cum bonis conjunctione, consuetudine, atque commercio, ad participandum alium alio; ex studiorum optimorum denique similitudine? de quibus omnibus tibi ab hominibus immortales agendæ sunt gratiæ. Qui te sustulerit, lumen simul virtutum omnium sustulerit, solemque ipsum quodammodo è mundo detractum extinxerit; omne bonum è vita ablatum, vitamque ipsam funditus everterit; sequeturque necessariò maxima perturbatio, atque optimarum omnium rerum everfio.

Quæ cum tot, tantaque sint, FLAMINI, ut præclare coegimus, atque pervicimus, quæ mihi videntur ita conclusa, ita firma, atque robusta, ut minimè labefactari possint; vides hîc nihil loci fuisse illis maledictis, quibus civilem societatem fixisti ejus immerito, tamquam exitiorum omnium causam, quod omnia laus rei-publicæ antè, quàm tu natus esses, occupârit. Ego igitur, ne tua opipio tot, tantaque bona everterit, tuâ bonâ veniâ, iis præstantissimis viris non abnuentibus, meæ sententiæ approbatoribus, intrepidè cum sapientibus

concludam ; claraque voce apertè, palamque pronuntiabo ; nihil planè in vita melius esse atque optabilius, quàm æquo jure vivere cum multis in civitate, ex qua re humani generis charitas conservatur. Tantum abest, ut me pigeat, quod tu modò nobis vitio vertebas, inter nos commentari, differereve, aut etiam scribere, de rerum-publicarum rectione: quas, utinam nos sæpius recolentes, ut nunc cœpimus, jam collapsas, depravatas, ac deformatas, aliquando possimus erigere, atque corrigere ad antiquorum sanctitatem ; ne hac ætate quidquam heroicis temporibus invideremus, cùm homines in cœtibus, & conciliis è virtute agerent ; cùm pariter, & qui imperabant, & qui parebant, boni essent, & suâ sponte justitiam colerent.

Profectus sum oratione, quàm putâram, longiùs ; non sum tamen secutus copiam, quam poteram : stilum potiùs repressi, & dictioni adhibui modum, cùm à me dici multo plura potuissent. Si vos tamen dicendo detinui plusculum quàm voluissetis, FLAMINII eloquentia fuit in causa. Ita orationis quadam copiâ, & facultate fretus me exercuit, dum è vita vitæ societatem, aut potiùs vitam ipsam tollere nititur ; ut coactus fuerim coram vobis universam rei-publicæ, de qua quæritur, inter nos, capita rerum pervolans, speciem, & quasi formam adumbrare, delineare, & strictim veluti in tabella describere : quam spero vos copiosius dilatabitis, explicabitisque, & quasi inductis coloribus illuminabitis, si quando aliàs, hujusce rei ergò, huc, aut aliò contigerit nos convenire ; quod sæpe contingat faxit Deus.

Cum dicendi finem fecissem, ego quoque, depositâ penitus oris asperitate, quadamque quasi tristitiâ, &

austeritate, quam in contentione, tempori serviens, vultu contraxeram, FLAMINIUM intuens, ei primùm, deinde cæteris liberaliter, comiterque arrisi; ut omnes intelligerent, ambos in disjunctione sententiæ esse inter nos benevolentiam conjunctissimos. Cumque CERVINUS, & POLUS, qui inter se conjunctiores sedebant, nescio quid inter se pressâ voce colloquerentur, de facultate, & dicendi copia, quod planè ego, à dictione admodum fatigatus, liquidò percipere nequivi; surgamus, inquit MONTIUS, & advesperascente jam die in urbem redeunt, VIDAM, qui frequentiam hominum, & civitatis cœtum laudat, in summa solitudine, quam Tridentum adveniens tantopere adamavit, relinquamus. Quibus dictis, optimi viri abiit.

Ego autem, more meo, ne officio deessem, ad portam usque civitatis, ut par erat, sedulò eos comitatus, non ultrà, dimisi: &, ut postea de PRIULLO audivi, qui tres eos rei-publicæ principes cum ipso FLAMINIO insequabatur, in itinere totus eorum sermo fuit de me, & FLAMINIO; dum utriusque in utramque partem contraversam dictionem prope dimicationem conferrent, utrius oratio fuerit ad veritatis speciem propensior.

ERRATA.

P 1. L. 2	Lege se ipsi	122.	21.	—	dirigantur,		
30.	7.	—	usquequaque	126.	13 —	jutta, utilis, atq;	
46.	31.	—	Lucretiæ	128.	25.	—	magis propri-
47.	1.	—	poterat: nullis				um,
74.	16.	—	poetas, cum	154.	5	—	res-publicæ,
78.	34.	—	verò noster,	157.	28.	—	in morem
80.	1.	—	inculcat,	159.	33.	—	& quicumque
	21.	—	antequam in	179.	16.	—	Conducatur,
84.	20.	—	Taygeta! Rur-				ab optima le-
			sus paulo pòst.				ge, an ab
91.	18	—	quam	185.	14.	—	æquo jure
96.	19.	—	mereretur,	187.	29.	—	similis?
108.	13.	—	indicare.	204.	23.	—	s. quaturque



I N D E X.

- A** Busus nullum præbet argumentum contra usum. ii. 168, 169.
- Actius. i. 39. ii. 183.
- Agricultura. ii. 190, 191.
- Alexander Macedo. 193.
- Androdomus. i. 47.
- Animantia, ratione carentia, solo naturæ instinctu, omnia per se agunt. ii. 104.
- Annibal. i. 50.
- Apes solitudinem defugiunt. 23.
- Arborum cultura. ii. 192.
- Arcefilas. i. 28.
- Aristides. i. 49. ii. 182.
- Aristippus. i. 50.
- Aristo. 60.
- Aristoteles. i. 4. ii. 97, 108, 114, 119, 143, 167.
- Platonis rem-publicam explodit. i. 49.
- Aristotelis Ethica. 22.
- Ars una totum hominem occupat. 74.
- Artium origo. ii. 188.
- inventores in deos relati. 193.
- multarum enumeratio. 189, 190.
- Astronomia. ii. 199.
- Athenis nulla lex contra paricidas. i. 46.
- Avium solertia. ii. 104.
- Aurei seculi felicitas. i. 65, 66, 67.
- non ante civilem hominum confociationem. ii. 163.
- B.**
- Basilus ad Christi disciplinam poemata Græcè confecit. i. 80.
- Bombycum solertia. ii. 105.
- C.**
- Camillus. i. 50.
- Canum parientum solertia. ii. 105.
- Carneades. i. 28, 44.
- Carolus, V. Imperator. ii. 193.
- Cervinus [Marcellus] Cardinalis. i. 15, 80. ii. 87.
- Charondas. i. 47. ii. 113.
- Christi & Platonis instituta contraria. ii. 178, 179.
- Christus novam rem-publicam instituit. i. 6. ii. 178.
- Chrysippus, homines societatis causâ procreatos, affirmabat. i. 21.
- Cicero [M. T.] i. 19, 50, 56, 73. ii. 155.
- Ciceronis libri de legibus. i. 5, 19.
- de re-publica. ii. 90.
- Civilis societas. *Vide* societas.
- Civitas est naturalis societas. ii. 114.
- priùs extitit quàm essent cives. i. 23.

— quò major, eò deterior.
i. 31.

Civitatum injuriæ frequentes.
53.

Conon. 48.

Conservatio sui ipsius homini
naturalis. ii. 108.

D.

Demetrius Phalereus. i. 50.

Democritus. 76, 78.

Deus bonis societatis humanum
genus collocupletavit. 26.

— solus leges efficaciter
ferre & administrare potest.
45, 46.

— cunctis cælestibus & ter-
restribus imperat. ii. 123,
125.

Dialectica. 201.

Dialecticorum mos differendi
improbatus. 86.

Dicæarchi liber de interitu ho-
minum. i. 36, 65. ii. 170.

Diocles. i. 47.

Draco. 47.

E.

Empedocles. ii. 143.

Ennius. 154.

Epicurus. 89.

Epimenides Cretensis. i. 47,
52. ii. 113.

Eteocles. 89.

Euripidis dictum. i. 39, 41.
ii. 89.

F.

Fabius. i. 50.

Familia prima hominum soci-
etas. ii. 112, 113.

Flaccus [Q. Horatius]. 84.

Flaminius [M. Ant.] i. 11,
13, 27, 29, 75, 78.

G.

Gabrias. i. 48.

Geometria. ii. 199.

Gorgias sophistes omnia lau-
dare vel vituperare potuit. 85.

Gregorius Nazianzenus ad Chri-
sti disciplinam poemata Græ-
cè confecit. i. 80.

H.

Hala. i. 34.

Herodotus. ii. 92, 111.

Hippias. 185.

Hippodamas Milesius. i. 47.

Hippodamus. 47.

Homerus. i. 34. ii. 95, 129.

Homine nihil melius, nihil
immanius. ii. 121.

Homines prisca sine legibus
vixerunt. i. 40.

— nunquam vixerunt
bestiarum more. 33.

— non sese oppidis sep-
serunt propter validiorum in-
urias avertendas. 35.

— cum posteris com-
parantur. ii. 187, 188.

Homines socialia animalia. ii.
102.

— primum de corporis, post-
ea de animi bonis, cogitant.
ii. 115.

— studiis & artibus meliores
fiunt. 173.

Hominum prisorum felicitas.
i. 37.

— ignorantia & pravi-
tas. ii. 172, 173.

— posterorum luxus & pra-
vitas. i. 38, 68, 69.

Hostis, idem ac hospes. ii. 157.

Humana omnia perpetuo sunt
in motu. ii. 150, 182.

— progredientibus æta-
tibus fiunt deteriora. 163,
164, 165, 167.

I.

Iphicrates. i. 48.

Joannes Evangelista. ii. 140, 141.

Isaï dictum de legibus. ii. 138, 139.

Jus à natura. i. 44.

— gentium. ii. 136.

— civile. 136.

— feciale. 157, 158.

Justitia rei-publicæ fundamentum. i. 24, 25.

— ad rem-publicam necessaria. ii. 92.

— non potest esse sine hominum societate. 110.

Justitiæ definitio. 110.

— semina humanis animis innata. 111.

L.

Labeonis [Q. Fabii] judicium, publicæ utilitatis speciem præ se ferens, à Romanis improbatum. ii. 159.

Leges à legendo. 139.

— Græcè νόμοι dicuntur à νῆμι. 140.

— nisi legi naturali consentaneæ, non sunt leges. 149.

— necessariae ad omnem civitatem continendam. 134, 135.

— æquæ omnibus. 134.

— sæpius abrogatæ. i. 51.

— Lycurgi. 32, 51, 52.

— Draconis. ii. 150, 151.

— Solonis. i. 32, 52.

— XII tabularum. 32, 52. ii. 136, 147.

— discebant pueri Romani. i. 43.

Legibus homines fiunt callidiores. 43.

Legis definitio. ii. 135, 140.

Legum vincula sunt gravia. i. 41, 42.

— scribendarum causæ. ii. 147.

— commoda. 151.

— multarum incommoda. i. 44.

Legum-latores involutam juris naturam mortalibus distinctè ostenderunt. ii. 146.

Leo, X. i. 77, 78.

Lex est naturalis aut civilis. ii. 141.

— naturalis cordibus nostris infixæ. 145.

— est immutabilis. 143.

— civilis est non scripta, aut scripta. 142.

— non scripta, seu jus gentium, est quodammodo immutabilis. 143.

— scripta est mutabilis. 143.

— contra libellos famulos. 135.

Liber est, qui nihil facit aut dicit invitus. ii. 133.

Libertatis amor omnibus innatus. i. 41.

Livius [T.] ii. 163.

Lucilius. i. 53.

Lycurgus. 47, 50.

— à Spartanis lapidibus petitus, privatusque oculo, in exilium projectus. 52.

M.

Madrucius [Christophorus] Cardinalis. i. 13.

Magistratus debent subjici legibus. ii. 133, 134.

Mala ex societate civili exorta. i. 30, 35, 39.

Maria Angliæ regina. i. 2.

Marius. 50.

Mathematica. ii. 199.

Militum injuriæ. i. 39, 40.

Miltiades. 50.

Minos. i. 47. ii. 146.

Montius [Jo. Marius], i. 15, 17, 20, 26, 73, 74. ii. 86.

Mundus novus inventus. ii. 193.

O.

Onomacritus. i. 47.

Orpheus. 34.

P.

Paganorum Deorum nomina in poematis Christianis non usurpanda. i. 79.

Pastores distant à civitatum rectoribus. ii. 131.

Periander. i. 62.

Petri custodiæ Christus ecclesiam concedidit. ii. 129.

Phidon Corinthius. i. 47.

Philippus Hispaniæ rex. i.

Philolaus. 47.

Philosophi ambitiosi. 60, 61.

— non ambitiosi. ii. 176.

— pessimè res-publicas administrarunt. i. 61.

— multi se removerunt à negotiis publicis. 48.

— justas ob causas. ii. 174, 175.

Philosophia à civili conjunctione. 194.

Philosophiæ utilitas. 195, 196, 197.

Phocion. i. 50.

Pindarus probat principatum esse à natura. ii. 124.

— dicit, legem naturæ esse reginam omnium mortalium atque immortalium. 143.

Plato. i. 4, 49, 63. ii. 89, 96, 130, 148, 167, 176.

— affirmat, societatem esse humani generis animam. i. 25.

— omnes civitates & res-publicas improbè gubernari. 48. ii. 166.

— omnia inter cives oportere esse communia. i. 61.

— à Dionysio, tyranno ludibrio habitus. 62.

— ab administratione rei-

publicæ abjunctissimus, in literis ætatem egit. ii. 181.

Platonis scriptio magis poetica, quàm Comitorum locutio. i. 75.

— liber de re-publica. ii. 93.

— Epinomis. 182.

Poetæ pauci solutam orationem bene conficiunt. i. 74.

Poetarum proxima cum oratoribus cognatio. 75.

Poetica. ii. 20.

Polus [Reginaldus] Cardinalis. i. 1, 14, 16, 18, 79.

Polybius. ii. 163.

Pompeius. i. 50.

Privatorum hominum ambitio. 54.

Priullus [Aloisius]. i. 13, 14, 76. ii. 95.

Pythagoras. ii. 186.

Q.

Quæstiones variz de rei-publicæ administratione. ii. 179.

Quintius [T.] Oraciam, à servitute tyrannorum ereptam, libertate donavit. 163.

R.

Ratio & oratio vinculum humanæ societatis. i. 23, 24.

Rectio omnis est violenta, aut voluntaria. ii. 130.

Rector unus in omni belli expeditione necessarius. 130.

Rectores in omni confociatione necessarii. 122, 128, 130.

Reges primi virtutibus illustres. 127.

Regis & tyranni differentia. 130.

Rei-publicæ definitiones. i. 89.

Res-publica nulla rectè constituta. 47.

— talis potest existere. ii. 153, 154.

— rectè administratur, cum

magistratum & populi utilitas æquè quæritur. 131.
 — depravata melior nullâ. 170.
 Res-publicæ omnes instabiles. i. 49, 50. ii. 164.
 — meliores sub paucis legibus. i. 43.
 — omnes injuriosè administrantur. 60.
 — progredientibus ætatibus deteriores. ii. 161.
 Rhadamanthus. 146.
 Rhetorica. 201.
 Romæ regum tempore nulla lex de stupris. i. 46.
 Romana res-publica omnes alias absorpsit. 56.
 Romanæ rei-publicæ laus. ii. 154.
 — summa æquitas & observatio in bello movendo. 157.
 — in devictos hostes clementia. 159.
 S.
 Sabinarum virginum raptus jure naturæ defenditur. ii. 156.
 Sallustius. 163.
 Samuelis propheta. i. 56.
 Sapientes multi hominum consuetudinem defugerunt. i. 48.
 Scipiones. 50.
 Sermo, societatis vinculum, nulli viventium, præterquam homini, attributus. i. 24.
 Sermonis finis. ii. 107.
 Servitus quædam malorum omnium postremum. 125.
 — quam odit meritò & avertitur natura. 126.
 — quædam justa atque necessaria. 125, 126.
 Servus, unde sic dictus. 126.
 Sestostrus Rhæginus. i. 47.
 Societas homini naturalis. ii.

108.
 — ad hominum vitam necessaria. 103, 186.
 — hominibus naturaliter petita. 113, 114, 119.
 — pleraque animalia delectat. i. 23.
 — civilis, communis hominum corruptela. 32.
 — ambitionis, bellorum, actyrannidis causa. 63.
 — laudatur. ii. 203, 204.
 — à Deo originem duxit. 202.
 — summum bonum, five felicitatem, tamquam finem propositum habet. i. 22. ii. 91, 100.
 — omnibus artibus & scientiis originem præbuit. ii. 185, --- 202.
 — omnium consociationum summa & perfectissima. i. 21. ii. 113.
 — paulatim tendit ad perfectionem. 116, 117.
 Socrates apud Platonem patriam facit Deam, supra mortales omnes colendam. i. 25.
 — se totius mundi civem professus est. 45.
 — culpatur. 62.
 — censuit, omnia inter cives oportere esse communia. 61.
 — ante legum promulgationem, cœleste auxilium imploravit. ii. 148.
 Socratis dictum. i. 23.
 — responsum quærenti, quid à civitatis gubernatione abstineret. ii. 175.
 Solomon Isacidarum rex. i. 49.
 Solon. 47, 50, 52.
 Subjicere se alterius imperio est naturæ consentaneum. ii. 127.

T.

- Thales. i. 47.
 Thelecheus. 47.
 Themistocles. 50.
 Theophrastus. 5. ii. 133, 134,
 161, 167, 186.
 Theseus Atticos in unum con-
 ventum coëgit. i. 30.
 — in exilium eiectus. 31.
 — à malis civibus. ii.
 181, 182.
 Timon. i. 48.
 Timotheus. 48.
 Tridentinum concilium. 12.
 Tyrannis melior anarchiâ. ii.
 171, 172.
 Tyrannidis & rectionis civi-
 lis differentia. 130.
 Tyrannorum injuriæ subjectis
 civibus illatæ. i. 57, 58, 59.

V.

Validior tenuioribus naturali-

ter imperat. ii. 124.

- Veteratores, non philosophi,
 qui rei-publicæ administrati-
 onem affectârunt. 177.
 Vicus seu pagus secunda homi-
 num communitas. 112, 113.
 Vida. i. 16, 75. ii. 82, 90.
 Vidæ Bucolica. i. 80.
 — Scacchia. 77.
 — liber de bombyce. 77.
 — Christias. 77.
 — Hymni. 78.
 Virgilius. [P.] i. 74. ii. 84,
 159, 164.
 Vitium cultura. ii. 191.

X.

- Xenocrates. ii. 167.
 Xenophon. i. 4. ii. 128, 133,
 167, 175.
 Xerxes. i. 63.

Z.

Zalcucus. i. 47.

